

გონიერი ჭაიხვილი

**ცხოვრება ვიღის
ურთვეპისშილდ**

რომანი

**ემთხრო -
ბეზი**



**რედაქტორები: ელზუჟა თავბერიძე
თემურ ამყოლაძე**

ქვაბულში შესული მოთხრობები, პირველად რომ იგეგმება წიგნად, გვიხატავს თანამედროვე ადამიანებს, მათ სულიერ და მორალურ თვისებებს. ნაწარმოებთა გვირგვინი ჩვენს გვერდით ცხოვრობენ, იღვწიან, უხარიათ და წუხან, ფიქრობენ მომავალზე...

წიგნში მოთხრობებთან ერთად შესულია რამანი „ცხოვრება ვიღის ურეატიციოდ“, რომელიც ადრე ცალკე წიგნად იყო გამოცემული.

ა ვ ტ ო რ ი ს ა გ ა ნ

მეგობარი მყავდა, ზურციკო, დაადგა ნათელი, დიდებული პროზაიკოსი, ოღონდ არ წერდა. ერთ დღეს ახლობლებთან დარჩენილა ღამის გასათევად. კაი წიგნი გექნებათ, თუ არა, ვერ დავიძინებო, უთხრვია. მასპინძელს ჩემი რომანი გამოუტანია. დაუხედავს ყდაზე ზურციკოს და დაუწყია სიცილი, თქვენ შევიწუხდათ გული, ხი ხი ხი ხი, ამის ავტორი, მეგობარია, ერთად ვმუშაობთ ჟურნალის რედაქციაში, ხი ხი ხი ხი, მე კაი წიგნი ვთხოვეთო.

წაკითხული თუ გაქვსო-უკითხავთ.

წაკითხული არა, ისე ვიციო,
თუ არ წავიკითხავს, საიდანო.

საიდან და, ტიტვიკომ მითხრაო.

ტიტიკოს თუ აქვს წაკითხულიო.

წაკითხული არც იმას აქვს, მაგრამ იცის, რასაც დაწერდა მისი თანაკლასელიო.

ამ ამბავს თვით ზურციკო მომიყვა, შენი წიგნი დავიწუნე და იმ საღამოს ბალზაკით შევიქციე თავიო.

ტრისტანიიც ჩემი მეგობარია, ტიტვიკოს შინაურულად ვეძახით. ჩემთან მეგობრობენ, ბალზაკს, სტენდალს, სერვანტესს და იმათნაირებს კითხულობენ, ამისთვის ხომ არ დავკარგავ მეგობრებს.

სიმაღლელ გიტხრათ, არც მე წამიკითხავს მათი წიგნები, ჯერ არ დაუწერიათ და მიტომ.

წიგნისა და მწერლის აკაკრგიანობის შემფასებელი, ახალი ენერგიის შემძენი და მასწავლებელი, მკითხველია. ოღონდ ჯერ მწერალმა უნდა წააკითხოს მკითხველს თავი, მერე უნდა ზარღოს მკითხველმა მწერალი.

ერთხელ ტიტციკომ მითხრა: მწერალს თუ სათქმელი არაფერი აქვს—გაჩუმდეს, თუ აქვს, ისე თქვას, ნუ იცრუებს. სიმაღლელ, სისადავე და ბუნებრივობა ნაწარმოებისთვის სამი ძირითადი პრინციპია, მწერალმა თვითონ უნდა გამოცადოს, რაც მკითხველში უნდა გამოიწვიოს.

ერთი რამე გამიმხილა კიდევ ტიტციკომ: ნაწარმოებს სამნაირად კითხულობენო, კითხულობენ და არ ესმით, კითხულობენ და ესმით, კითხულობენ და ისიც კი ესმით, რაც არ არის დაწერილიო. მეოთხენაირზე სიტყვა არ დასცდენია, სულ რომ არ კითხულობენ, იმათ რა ემართებათ.

ვერ და მომავალშიც ისე დავწერ, როგორც ტიტციკომ დამარჩია და თუ მკითხველები ჩემს ნაწერებში იმასაც ჩაწვდებიან, რაც არ დამიწერია, ტიტციკოს გაუმარჯოს ღმერთმა.

ამთხრო- ბები



მხატვარი ზურა მგელიაშვილი

ასირე ღუსპირალე

ლევანა ვარ, ცალქალამანიძე, ქვაციხელი კაცი. ჩემს თავზე წისქვილის დოლაბი არ მობრუნებულა, დანარჩენი ყველაფერი. იმდენ უბედურებას ვარ მოსწრებული, ათ კაცს რომ დაუნაწილო, ათივე ცალცალკე დაწყევლის გაჩენის დღეს.

მამაჩემი, ტარასი, პირველ მსოფლიო ომში გაუწვევიათ. ის რომ იქიდან დაბრუნდა, ისე დაბრუნდა თქვენი და ჩემი მტერი. მოგვიანებით ზესტაფონელ კაცს შეხვედრიან, მამაჩემთან ერთად ყოფილა მანჯურიაში. შვილს ველოდიო,—უთქვამს თურმე,—ორი თვის მაინც იქნება ახალაო, ბიჭი თუა, მამაჩემის სახელს დაარქმევდნენ, როგორც დავიბარეო. ეს ამბავი ჩამოუტანია იმ ზესტაფონელს. მეტი არაფერი გაგვიგია მამაჩემის.

ვითომ უმამობა არ მეყოფოდა, თორმეტი წლისას დედაც მომიკვდა. დასაფლავების დღეს მთელი სოფელი მპირდებოდა; უდედმამობას არ გაგრძნობიებთო, აგერ ვართო. ისინი კი იყვნენ „აგერ“, მაგრამ... მას მერე დედ-მამის სულს ვიფიცებ, როცა მინდა ჩემი ნათქვამი დაიჯერონ.

არაფრად ჩავთვალე შიმშილი, სიცივე, გაჭირება, რომ ამოვიჭერი გულში, უნდა ვისწავლოთქვა, ამოვიჭერი. ავად თუ კარგად დავამთავრე სკოლა. ერთი-ორი წელი ვიმუშავე, ფულს ვიშოვი ცოტასთქვა. არ გეტკინოთ არაფერი, რასაც ვშოულობდი, იქვე მენარჯებოდა. ბოლოს გამოცდები ჩავაბარე ფარმაკოლოგიურ ტექნიკუმში. თან ვმუშაობდი, თან ვსწავლობდი, ალბათ ამის ბრალია, სამი წლის მერე ფარმაცევტის მაგიერ ვეტფერშალის დიპლომი რომ მომცეს. უკეთესიც იყო. ფერშლობაც შემეძლო და ფარმაცევტობაც. ჩვენს სოფელს ორივე ჭირდებოდა, მაგრამ ტექნიკუმის დამთავრებისთანავე ჯარში გამიწვიეს.

ის იყო, ჯარისკაცობას ვამთავრებდი, რომ ომი დაიწყო და პირველი დღიდანვე მოწინავეზე მოვხვდი.

ტრაბახი არ მიყვარს, მაგრამ რაც შეგვეძლო ვიბრძოდით. პირველ ხანებში მაგრად მოგვაწვა მტერი. ვტოვებდით საზღვრისპირა ქალაქებს, სოფლებს და მოწესრიგებულად ვიხევდით უკან. სიმართლე გითხრათ, მოწესრიგებული იყო თუ მოუწესრიგებელი ჩვენი უკანდახევა, კი არ ვიცი, ფარმაცევტ კაცს არც მოეთხოვება ამის ცოდნა, მაგრამ უფროსი ოფიცრებისგან გამიგონია, ასე ჰქვიაო. მოუწესრიგებლად რომ დაგვეხია უკან, არ დავმარცხდებოდით?

იმას გიყვებოდით; ერთ-ერთი უკანდახევის დროს დავიღუპე კიდევ, ბრუციანი ტყვია მომხვდა მარჯვენა ქუსლში. ტყვიას თუ არ გიმიზნებენ და ისე გხვდება, ბრუციანი ჰქვია. ჩემთვის რა მნიშვნელობა ჰქონდა, დამიზნებული ტყვია მომხვდებოდა თუ დაუმიზნებელი. მარჯვენა ქუსლში მაინც არ მომხვედროდა. ერთი სიტყვით, დავიჭერი. გავრბოდი მაინც. გაცხელდა დაჭრილი ფეხი, სისხლით გაივსო ჩემმა. შესახვევად ვის ეცალა. სანამ შევეძელი, ვირბინე, მერე თბილ ბურანში შევებურბუსალდი და აღარაფერი მახსოვს...

თვალი რომ გავახილე, საწოლებით სავსე ოთახში ვიწექი. თეთრ ხალათში და ფარფლიან თეთრ ქუდში გამოწყობილი ახალგაზრდა ქალი დაგოვმანობდა საწოლებს შორის. თვალგახელილი რომ დამინახა, ჩემს საწოლთან მოცქრიალდა. რაღაც მკითხა უცხოურად. ვერაფერი გავიგეთქო, ვანიშნე მუნჯურად. ქალიშვილმა ხელი გულზე დაიდო და ხმამაღლა ჩამოკაკლა: კონ-ჩე-ტი-ნო ბო-ნი-ფა-ცი-ნო. ფარმაცევტ კაცს არ გამძნელებია იმის მიხვედრა, რომ გაცნობას მთხოვდა უცხოელი გოგო, თავისი სახელი მითხრა და ჩემსას კითხულობდა. ბიჭად ბიჭი არ მოვეწონებოდი თუ რა. წამოვიწიე და ლევანა მქვია თქვა, ქართულად ვუთხარი. იცინა და იცინა გოგომ. მერე გაიმეორა, ლევანტინო, ლევანტინო. ცალქალამანიძეთქვა, დავუმატე.

ქალი შეეცადა გვარიც გაემეორებია, რომ არაფერი გამოუვიდა, თავი დაანება, ლევანტინო, გაიმეორა და ოთახიდან გავარდა.

ცოტა ხნის მერე ბონიფაციონო ახმავ ოფიცერს შემოუძღვა. უკან ხელშეხვეული კაცი მოესდევდა. ახმავს სკამი დაუდგეს. დაჯდა, საქაღალდე გახსნა და რაღაცა თქვა მკაცრად.

„გეგარიო“, — გადმოზითარგმნა დამტკრეული რუსულით ხელმ-ტკივანმა.

დიდხანს იჯახირა ახმავმა, სანამ ჩემს გეგარს ჩასწერდა.

ანკეტური მონაცემების შევსების შემდეგ მითხრეს, რომ ვარ იტალიელთა სამხედრო ტყვე და თუ რამე სარგებლობას არ მოუტანდი იტალიის არმიას, ყოფა მეტირებოდა.

ვაი, შენს ლევანტინოს, რაღა მეშველებათქვა, ვფიქრობდი ჩემთვის.

ახმავი წამოდგა და საკმაოდ გრძელი წინადადება წყაროსავით ჩამოარაკრაკა იტალიურად.

იტალიური არ ვიცოდი და იმ წყაროს ვერც დავეწაფე.

ხელშეხვეულმა ამიხსნა:—სინიორ კაპიტანს მოცდის დრო არ აქვს და პასუხს ახლავე ელისო.

მთლად დაიბნა თქვენი ლევანტინო, ძლივს მივახვედრე თარჯიმანი, ფარმაცევტი ვარ და ცხოველების ფერშალითქვა.

ახლა ხელმტკივანმა დაიწყო იტალიური.

ახმავი კაპიტანი კმაყოფილი გავიდა.

მეორე დღეს კონჩეტინო ბონიფაციონომ რაღაც მომაზარა. ვერაფერი გავიგე. ბევრი იჭიხვინა, ირბინა, იხტუნაუა, მაგრამ ამაოდ. მერე, გამომყევო, მანიშნა და გამიძღვა. თავლაში შემიყვანა თუ არა, აუღურტულდა თავისებურად, შიგადაშიგ ლევანტინო, იძახდა.

ფერშალ კაცს ამის მიხვედრაც არ გამჭირვებია, რომ თავლაში გამამწესეს, ცხენების მოვლა-პატრონობა და მათ ჯანმრთელობაზე ზრუნვა დამაკისრეს. ეს იყო ალბათ ჩემი ბედისწერა: ტექნიკუმის დამთავრების მერე პირველი სერიოზული პრაქტიკა იტალიელთა ცხენების თავლაში უნდა გამეელო. მომცეს საფერშლო ინსტრუმენტები და ჩამაბარეს ცხენები. ავიღე სუნთქვის მოსასმენი ხელსაწყო, დუღუკს რომ ჰგავს და ჩამოვუარე ცხენებს. სულ მალე დავხელოვნდი ჩემს საქმეში. ერთ დღეს კაპიტანმა გამომიძახა და მიბრძანა:

„ექიმები ვეღარ აუდიან საქმეს და მათ მიეხმარებიო“.

გადმოვინაცვლე ჩემი ინსტრუმენტებით იტალიელთა სავე-
ლე ჰოსპიტალში. ცხოველებზე თუ ხარ დახელოვნებული, ადა-
მიანის მკურნალობაც არ ყოფილა ძნელი. ცოტ-ცოტა იტალი-
ურიც ვისწავლე. დავადებდი იმ აპარატს, დუდუკს რომ ჰგავს
და ასირე ღუსპირალეთქვა, ვეუბნებოდი ავადმყოფ იტალი-
ელებს, ესე იგი: ჩაისუნთქე და ამოისუნთქეთქვა. ეშმაკი ხალხი
კია იტალიელები, ზოგს არაფერიც არ ტკიოდა, ავად ვარო,
იჟინებდნენ. ჰოსპიტალში ყოფნა ერჩივნათ ვირისთავეებს და
მე რაჟა დავაძალებდი, გინდა თუ არა ჯანმრთელი ხართქვა,
პოლიტიკური სიბეცე იქნებოდა ჩემი ძხრიდან.

კონჩეტინოს ყოველდღე ვხვდებოდი. რალაცნაირად მილი-
მოდა ის მამაძაღლი. შენი სუნთქვა არ მომწონსთქვა, ვუთხარი
ერთ საღამოს, როცა მთლად გაუუთამამდი. დაჟამერე ის ის-
ტრუმენტი, დუდუკს რომ ჰგავს და დავადევი გულზე. ასირე
ღუსპირალეთქვა, წავჩურჩულე, გული აღარ ჰქონდა საგულეს
და მიეხვდი, მკურნალობა იყო საჭირო. იმ საღამოს პირველად
ვუმკურნალე სერიოზულად. მას მერე ყოველ საღამოს ვმკურ-
ნალობდი. შედეგით ორივე კმაყოფილი ვიყავით.

ჰოსპიტალი თანდათან გაივსო დაჭრილებით. ბევრისთვის
გახდა საჭირო ლევანტინო. ხან აქედან მესმოდა, ლევანტინო!-
ხან იქიდან. ბონიფაცინოს ხმის გაგონებაზე თავს ვკარგავდი.
ერთ დღეს ჩამეხუტა კონჩეტინო, ხელები მომხვია, „ვოლე ესე-
რე ფოტოგრაფატო“, მითხრა და სურათი გადააღებია ცალ-
ფეხა იტალიელს. მაშინაც არ მომეწონა მისი სუნთქვა, მაგრამ
მკურნალობის დრო არც მე მქონდა და არც კონჩეტინოს, რად-
გან დაჭრილებით სავსე მანქანა მოაყენეს ჰოსპიტალს. ფრონ-
ტის ხაზი ახლოვდებოდა, გადაწყვიტეს ჰოსპიტლის ღრმა
ზურგში გადატანა. საღამოსათვის ყველაფერი მზად იყო.
პირველ მანქანას უნდა გავყოლოდი, მაგრამ საბჭოთა ბომბ-
დამშენი თვითმფრინავების გამოჩენამ თავგზა აურიდა იტალი-
ელებს. ღმერთს შევთხოვე: ჩვენი ყუმბარების მსხვერპლი არ
გავმხდარიყავი და ტყეში ვდურთე თავი. ტყვე ფერშლისთვის
ვიღას ეცალა. კონჩეტინოზე კი დამწყდა გული.

იტალიელებისაგან სამახსოვროდ სუნთქვის მოსასმენი აპარატი, დუდუკს რომ ჰგავს, ის დამრჩა, და ორი სიტყვა, ღუსირე, ასპირალე. ესე იგი, ჩაისუნთქე და ამოისუნთქე.

დავხვდი ჩვენებს თეთრ ხალათში. გამახდევინეს ხალათი და ჩამსვეს ნაუბახტში. გამყიდველი ხარ და პასუხს აგებ ქვეყნისა და ხალხის წინაშეო.

„არ ვარ გამყიდველითქვა“,—ეუფიცე და ვუმტკიცე.

„აბა რა გინდოდა გერმანელებთანო“.

„ჯერ ერთი, გერმანელებთან არ ვყოფილვარ, იტალიელებთან ვიყავი, მერე მეორე, დავიჭერი და გრძნობადაკარგული ამიყვანეს, მესამე, ჰიპოკრატეს ფიცი მქონდა მიღებული და ვერ უღალატეთქვა“.

„შენ თუ კაი კაცი ხარ, ქუსლში რატომ დაიჭერიო“.

„საყოველთაო მიწესრიგებული უკანდახვევისას დავიჭერი-თქვა“.

„მაინცა და მაინც ქუსლშიო?!“—მეკითხება მაიორი, დაკითხვას რომ ხელმძღვანელობდა.

„თავში დაჭრილები ქე დარჩნენ იქთქვა“.

„შენც გერჩია იქ დარჩენილიყავიო“, — კბილებში გამოსცრა მაიორმა და ჩემი გამოკეტვა ბრძანა.

ვაი შენს ლევანტინოს, რაღა მეშველებათქვა, ვფიქრობ. ქუსლში დაჭრას მერჩივნა მთლად მომგლეჯოდა ფეხი, ცალქალამანიძე კი ვარ, გვარსაც გავამართლებდი და თავსაც. ახლა აშკარად ჩანს, უკან გაქცეულს მომარტყეს ტყვია და იმასაც აშკარად მეუბნებიან; ჯობია მომკედარიყავიო. სიკვდილს ყოველთვის მოესწრება კაცი, ჯერ იმას ვეცადოთ, იქნებ რამეში გამოვადგე ქვეყანასთქვა. არა, მოღალატე ხარ და მოგაკერებთ რაც გეკუთენისო.

კაი ხანს ვიყავი გამოკეტილი. მერე, ღროებით, ჰოსპიტალში გადამიყვანეს ფერშლად. ისევ გაჩნდა რაღაცის იმედი. დღესა და ღამეს ვასწორებდი, ძილიც დამავიწყდა.

ამასობაში დამთავრდა ომი. დავბრუნდი ქვაციხეში. სულ მეშინოდა, აგერ ახლა გამინსენებენ ქუსლში დაჭრის ამბავს და აგერ ახლათქვა. სულ არ ჩამომყოლოდა მარჯვენა ფეხი, მერჩივნა...

რომ მეგონა ლევანტინო-მთლად დაავიწყდათ თავის ფეხიან-თავიანადთქვა, მაშინ დამიბარეს ერთ ალაგას, როგორ იყო ქუს-ლში რომ დაიჭერიო, ასე იყო და ასეთქვა, სიცილად არ ეყოთ.

ისევე დამატოვებიეს ცხრა წლის განმავლობაში უპატრონოდ მიტოვებული ეზო-გარემო და გამიშვეს შორეულში. არადა, ვფიქრობდი: შევხვდები ვიღაც ქართველ კონჩენტინოს, დავ-ქორწინდები, ჩავყრი ვენახს, გავმართავ ახალ ოდას, ვიფარ-მაცევეტ-ვიფერშლებ-მეთქი. სად გძინავს თურმე. ვიყვირე: ქვე-ყანა ჩაღით ხომ არაა დახურული, ფეხით ჩავალ იქ და თვი-თონ იმას მოვახსენებ ყველაფერსთქვა. ჯერ, სადაც ჩვენ გიშ-ვებთ, იქით წადი, მერე როგორც გინდაო.

ცხრა წელი გამაჭყუნის შორეულში. ერთი წელი მქონდა დარჩენილი, ქალადი რომ მოვიდა,—თავისუფალი ხარო, გა-მამართლეს და გამომიშვეს აქით. ცხრა წელი ჯარსა და ომს მოვანდომე, ცხრა წელიც იმიტომ მომახდევინეს, ქუსლში რომ დავიჭერი და ქე დავბრუნდი ქვაციხეში, სადაც დავიბადე და გავიზარდე, სრულიად თავისუფალი, რასაც მინდა, იმას გავა-კეთებ.

ფარმაცევეტის სასწორზე ვწონიდი ყველაფერს, სანამ რა-მეს გადავჭრიდი, კიდევ არაფერში შევცდეთქვა.

სახლი დაედგი, მთელი სოფელი მომეხმარა. მაშინაც ობოლ ლევანას მეძახდნენ, როგორც ბავშვობაში. „სადაცაა ბედი შე-ნიო“, ამბობენ და მართალია, შევხვდი ერთ კაი გოგოს. ჩემს ქართველ კონჩენტინოს ბაბილინა ჰქვია.

ხუთ წელიწადში სამი შვილი შეგვემატა. გაივსო სახლი.

ერთ დღეს სიდედრი გავაცილე თავისსახლს. ავტობუსში რომ ჯდებოდა, ხელი დაგვიქნია, ბაბილინას შეახსენა: „დრო-ზე უთხარი ლევანას, არ დაგავიწყდესო“.

გამოებრუნდი უკან და აღარ მოვახსენე ბაბილინა.

„რაც გაქვს სათქმელი, მითხარი ბარემთქვა“.

„რა და, ქალაქში უნდა გადავიდეთ საცხოვრებლად, ჩვენს გარდა ყველამ გამოიხედა თვალშიო“.

შინაარსობლივად შემკული და გაწყობილი რთული წინადა-დება დავადევნე ავტობუსს.

ომი რომ, თავისთავად, ომია, ჩემზე უკეთ იცის ვინმემ? ცხოვრებაც ომი ყოფილა, მაშინ დაურწმუნდი. მშვიდობა თუ გინდა, ცოტა რამე უნდა დათმო კაცმა. ომი მაკლდა მე? მით უმეტეს, სიღედრის გაჩაღებულ ომში (კაი ქალი იყო, ნათელი დაადგა) სიძე რას გახდება.

გაეყიდე ხბოიანი ძროხა, ძროხის გამოსაზამთრებლად დადგმული ჩაღის ზვინები და გაუყუევი ქალაქის გზას. წელან არ გითხარით? „სადაცაა ბედი შენითქვა?!“ ისე მოხდა ახლაც. სულ იაფად, რომ იტყვიან, ჩაღის ფასად ვიყიდე სახლი ქუთაისში. ცოტა ხელის შეელება ჭირდებოდა, ცოტა ის, ცოტა ეს, ცოტა წყალი ჩამოდოდა, ცოტა ის, მარა ჭერი ჰქვიოდა მაინც, რასაკვირველია.

სიღედრს შვილიშვილები მივუგზავნე, ესე იგი, ჩემი შვილები და მასაც გაეყიდიე ძროხა. იმ ფულით ხელი შეევალე სახლს და სახლიც დაემგვანა სახლს.

მაშინ ქალაქში ჩაწერაზე ამხელა ამბავი კი არ იყო. ადვილად ჩამწერეს, მაგრამ სამსახურის შოვნა გამიჭირდა. ვეტექიმი ვის უნდოდა ქალაქში. ფარმაცევტების ადგილებიც დაკავებული აღმოჩნდა. ერთი იმდენი უმუშევარი ფარმაცევტი რიგში იდგა. რიგში ჩასადგომად სად მეცალა, უფრო სწორად, ჩემი საქმე არ იცდიდა. უნდა დამეწყო მუშაობა სადმე, სადაც იქნებოდა.

მივაბიჯებ ქუჩაში, ფიქრებში ვარ გადაჩეხილი, რომ ვილაც მელოტი კაცი ამესვეტა, მომესალმა, თან მიცინის, რახანია არ მინახებხარო. მე ვუთხარი: გაგიმარჯოს, მარა, გეშლები ვინმეში ალბათ-მეთქი. არაო, მითხრა, ლევანა არ ხარ შენო. მე კი ვარ ლევანა, მარა შენ ვინ ხარ-მეთქი. კოლა ვარ, ბიჭო, კონივარიო და მხარი კინალამ მომტეხა, იმისთანა დამკრა ბეჭზე.

მოვედი აზრზე და გადაეხვიეთ ერთმანეთს, აგერ ვცხოვრებ გორაზეო, ვეღარ დავეფრხვენე ხელიდან, ამიყვანა სახლში.

ორი ფრონტავიკი რომ შეხვდება ერთმანეთს, ქე იციო, როგორ წავა საქმე, თან სადღეგრძელოებს ვაკოპიტებდით, თან ვლაპარაკობდით... მშვენიერი სახლ-კარი მოუწყვია კოლიას. ცოლშვილიც კაი ჰყავს. ქეა კუკლასავით.

„პიონერთა სასახლეში ღირექტორის მოადგილე ვარ რაცხა დარგშიო“, — მითხრა.

„კაი თანამდებობა გქონია, შენ მომეხმარები თუ მომეხმარებიტქვა“,

„მე რა შემიძლიაო“, — მოისაწყლა თავი.

„სამსახური მაშოვიე, მეტი არაფერი მინდა შენითქვა“.

სანამ სამ ჭიქას დაღევდა, სულ იძახდა: მე რას გიშოვი, მე რა შემიძლიაო, რაცხა ღირექტორის მოადგილე ვარ იმის დარგშიო. სამი ჭიქის მერე აღარ გაუღვია თავპატიჟი:

„სამსახურს როგორ არ გიშოვი, ამაზე მეტი არ უნდა მივეხმაროთ ერთმანეთსო, ტყუილა ვარ ღირექტორის მოადგილე რაცხა დარგშიო. ახლავე დაკრეკავ ერთ ალაგასო“. თქვა და მეზობელთან გადავიდა ტელეფონით დასარეკად. გახარებული შემობრუნდა, „ვინ მეტყოდა უარსო. ფრონტელი ამხანაგია, ახლა ავიასახელოსნოს უფროსია, პოლკოვნიკი, ის კი არაო, მთავარი ენერგეტიკის ადგილი მაქვს, ელექტროობა თუ ესმის, ხვალვე მომიყვანეო. მე ვუთხარი, მაგ საქმის პროფესორიატქვა“.

რის პროფესორი, დენის რო მეშინია...

„შენ გაჩერდიო, — სიტყვა არ მათქმევინა — ჯერ ის უნდა იცოდე, რას ნიშნავს უფროსი ენერგეტიკი. მარტო კი არ იქნები, ოცზე მეტი ელექტრიკი გეყოლება, რომ დაგირეკავენ, აქ გეჭირდებითო, გაუშვებ ორ კაცს, მერე იქ გეჭირდებითო, კიდევ გაუშვებ ორ კაცს. ელექტრიკოსებმა თვითონ იციან თავის საქმე. გაშობ-გამოშობას რა უნდა. ერთი ტახტი თუ იქნა სადმე, წამოწეკი და დაისვენე. ხელფასი კაი ყოფილა და ყველაფერი“.

სამ ჭიქასე მეტი მეც მქონდა დაღეული და კარგიტქვა, დავეთანხმე.

მეორე დღეს შევედით ავიასახელოსნოს უფროსის მოსაცდელში.

„ვამ კავო“, — შეგვეკითხა ცხვირაპრეხილი კონჩეტინო.

„გენაცვალე, დალოჟიტე კამანდირუ შარაბურუ, ჩტო კოლა კონჩივარი პროსიტ პირიომო“, — უთხრა მდივანს.

„კამანდირ შარაბურა ზანიატ“, — მომღურავით გვესროლა ქალმა.

„ტი ტოლკო სკაჟი: კოლა კოჩივარი, ი სრაზუ ნაილიოტ ვრემია“, — არ მოეშვა კოლა.

მღივანი ქალი ღიმილით შევიდა, ღიმილითვე გამობრუნდა, შებრძანდითო გვითხრა და კარი ღიად დაგვიტოვა. ნახევარი საათი ართმევდა ხელს შარაბურა კოლიას. სალამ-ქალამის მერე, ეს არისო, ჩემზე უთხრა.

„რა წოდება აქვსო“.

კოლამ, ალბათ, არ იცოდა, მე გადმომხედა.

„ეფრეიტორ, ია, მედიცინისკი სლუჟბი“, — მოვახსენე სალდა-თურად.

არ მოეწონა ჩემი პასუხი შარაბურას, რომ გაიგო, ტყვედ ნამყოფი ვიყავი, მთლად გადაიფიქრა ჩემი მიღება.

„რეაბილიტაცია აქვსო“, — კოლამ.

„მაშინ მოიტანოს გამართლების ქაღალდი და შეუდგეს საქმესო“.

გავფრინდი საბუთის ჩამოსატანად ქვაციხეში.

მეორე დღესვე დაწერეს ბრძანება ჩემი დანიშვნის თაობაზე და პირველად დავესწარი საწარმოო თათბირს შარაბურასთან.

„ახალი კაცი კი ხარ, მარა, სულ უნდა იყო მზადო“.

„მზად ვარ“ — თქვა, — ვუთხარი პიონერივით და წავედი ჩემი ადგილსამყოფელისკენ.

ორი ოთახი დამხვდა, ერთი პირადად ჩემთვის, მეორეში, უფრო დიდი რომ იყო, რამდენიმე კაცი შემოსხდომოდა თუნუქადაკრულ მაგიდას, ზოგი ელექტროძრავას უჩხიკინებდა. ზოგი კიდევ რას.

— თქვენი უფროსი ვიქნებითქვა, — ვუთხარი ბიჭებს. ბიჭებს ვამბობ თუ არა, ზოგი ჩემზე უფროსიც იყო.

ისე დამიწყეს თვალღიერება, უცხო ხილს რომ ათვალიერებენ ბაზარში. სიცილის ხასიათზე მოვიდნენ. ვიფიქრე, შარვალი ხომ არ მაქვს ცუდად ჩატნეული წინდებშითქვა, შევამოწმე, ყველაფერი რიგზე რომ აღმომაჩნდა, უფრო ახარხარდნენ. საქმეს მიხედეთქვა, და იმ ოთახში შევედი, მთავარ ენერგეტიკოსს რომ ეკუთვნოდა, ესე იგი, მე.

მაგიდა, სკამი და კარადა დამხედა შიგ, ტახტი არ ჩანდა. დასადგმელი ადგილი საკმარისი იყო. მოუხმე ჩემს ელექტრიკებს და ტახტი უნდა შეეჭედოთ, ფიცრები თუ იშოვება სადმე-თქვა.

„ფიცრები ჩემზე იყოსო“,—ერთმა.

„ლურსმნებს ფედის გამოვართმევო“, — მეორემ.

„ბალიშს მე მოგიტანო“,—მითხრა სერიოზულად ყველაზე ხნიერმა კაცმა.

ალბათ ნამეტანი სერიოზულად რომ მითხრა, ამიტომაც აიტეხეს სიცილი.

მე ვუთხარი: ბალიშს არ დაეძებ, ტახტი იყოს და საკმარისიათქვა.

„სკრომნოსტ უკრაშაეტ ჩელოვეკაო“, — ისევ იმ კაცმა თქვა სერიოზულად:

ამაზეც სიცილით დაიგუდენ ელექტრიკები. იცინაონთქვა,—ვიფიქრე, სიცილს ხომ ვერ დაუშლიდი ხალხს.

მეორე დღეს ხელად გავაკეთეთ ტახტი. წამოვწეკი თუ არა, დარეკა ტელეფონმა: ლევან ტარასინი, ამკრებ-მექანიკურში ელექტრიკი გვჭირდება, ერთიო.

ორი იყოსთქვა, და გავუგზავნე. დავაპირე წამოწოლა და ისევ გასკდა ტელეფონი. ახლა მოსამზადებელ საამქროში უჭირდათ, ორიც იქ გავაგზავნე. ერთ საათში ჩამოვარიგე ჩემი ელექტრიკები. ახლა მაინც დავისვენებთქვა, ვიფიქრე, ტახტთან ახლოს გადავდგი ტელეფონი, რომ იგრიალა რაღაცამ, დაიძრა დედამიწა. ამოდენა ხმა ომში არ გამიგონია. გრიალს ტელეფონის ზარიც მოჰყვა.

„დიდი ავარიია და ახლავე ტრანსფორმატორების უბანთან გაჩნდიო“, — მიბრძანა - შარაბურამ.

„ხალხი დაგზავნილი მყავს, მობრუნდებიან და გამოვუშვებთქვა“.

„ხალხი რას გაიგებს, მსხვილი სპეციალისტი გვჭირდებაო“.

მსხვილი სად გავუჩინოთქვა, ვიფიქრე, მალე მივხედი, მსხვილ სპეციალისტს ჩემი მისამართით რომ ამბობდა უფროსი. ელეთ-მელეთი მომივიდა, რაღას ვიზამდი, ავითრიე ფეხი და მივდივარ მარა, სად, კი არ ვიცი. კოლა კოჩივარის ბრალია-

თქვა, ეფაქრობ ბრაზმორეული. ასე ვიცით გადაბრალება სხვაზე, თუ არა... რას კიდებ ისეთ საქმეს ხელს, რაც არ იცი? რომელიღაც ბრძენს უთქვამს: „რასაც ვერ მიწვდები, ხელს ნუ შეუწევო“, – სწორია, რატომ უნდა დაჯდე ისეთ ალაგას, მალე რომ აგაყენებენ, რა შუაშია აქ კოლა.

„დიდი ტრანსფორმატორი დიწვა და გვიშველე რამეო“, – შემომეხვივნენ ხელმძღვანელები, შარაბურაც ისე მიყურებდა, მსხვილ, დაბნეულ სპეციალისტს, ვითომ სასწაულმოქმედი ვიყავი, ფარშევანგის ფრთას გადავუსობდი დამწვარ-ლაბუგულ ტრანსფორმატორს და გავაცოცხლებდი.

„ვნახოთ, რა მდგომარეობა გვაქვს ადგილზე-თქვა“, – გავაღებინე რკინის კარი, კაცის თავის ქალა და ელვა რომ ეხატა, იმდენად დაბნეული ვიყავი, შევავიჯე რკინის ბადეებით გადატინბრულ დერეფანში. მივდივარ მბოლავი ტრანსფორმატორისკენ, თან ხალხის ზმა მესმის: რა გაბედული კაცია, სხვები სანამ რეზინის ჩექმებს არ ჩაიცვამდნენ, ვერ შედიოდნენ შიგ, ეს, ნალიანი ბატინკებით, ნაპერწკლებს ყრის და მაინც მიდისო, იცის და რომ იცის, მიტომაც არ აქვს არაფრის შიშიო.

მათი სიტყვების შინაარსი რომ დავიდა ჩემამდე, დამასხა ოფლმა, ვიფიქრე, ჩემივე ფეხით შევსულვარ სიკვდილშითქვა. უკან მოვიხედე, უამრავი გაკვირვებული თვალი მომჩერებია. გამობრუნება შემრცხვა, ისევ წინისკენ მიბიძგა რაღაცამ, მერე შორიახლო გავჩერდი, ბევრი ეუჭვრიტინე ტრანსფორმატორს. იმას კი არ ვფიქრობდი, ტრანსფორმატორს რა ეშველებათქვა, ჩემი თავი მადარდებდა, მე რა მეშველებათქვა. მაინც კოლა მომეჩვენა დამნაშავედ და ქე შეუუკმაზე თქვენგან მოწონებული... მოვბრუნდი თვალებად ქცეული ხალხისკენ, რაც უფრო ეუახლოვდებოდი ხალხს, მით უფრო ვუმატებდი ნაბიჯს. გარეთ რომ გამოვედი, უკვე სირბილზე ვიყავი გადასული.

კამანდირის ზმა მომესმა უკნიდან.

„კულა, ლევან ტარასიჩ!“.

„ინსტრუმენტ პრენესუ“, – დაუმახე უკანმოუხედავად და მოვცოცხე, რაც შემეძლო. ახლაც გავრბივარ...

მეორე დღესვე მივაკითხე კოლა კონივარს. შემთხვევით გადავრჩი თუ არა, ჩემს ჰანაშვიდზე მოგიწევდა მოსვლათქვა.

მოუყევი, ასე და ასე იყოთქვა. შეწუხდა, რაღა ჯანდაბა ვქნათ ახლავ. დავემშვიდობე კოლას და წამოვედი, სად მიდიხარო, მომამბრუნა, შემიყვანა პატარა ოთახში. მე სავარძელზე დამსვა, თვითონ მაგიდის კიდეზე ჩამოჯდა და ხმადაბლა მკითხა: ჩემს ადგილზე თუ იმუშავებო. მერე, შენთქვა. წასვლა მინდა მაინც, სახლთან ახლოს მეურნეობაა, იქ მინდა გადავიდეო, თუ აგრეა, ვიმუშავებ, სხვა გზა მაინც არ მაქვსთქვა. ჩემი გულისთვის არ გააკეთო ეგ საქმე თუ გიყვარდე-მეთქი, არაო,—მითხრა და შემიძღვა ღირექტორთან.

ღირექტორმა ისე ამათვალ-ჩამათვალეირა, მოვისინჯე, ხომ არაფერი მაქვს ღარჩენილი ღიათთქვა.

კოლა მორიდებულად გამოუტყდა ღირექტორს, რაც გადაწყვიტა.

„შენი ძმაკაცი გვტოვებს, მაგრამ მისი შეცვლა არც ისე ადვილია. ხელფასიც პატარაა, შაბათ-კვირასაც ვმუშაობთო“,—მომიბრუნდა ღირექტორი.

„მაგისთანა სამსახური არც მე მაწყობსთქვა“, უუთხარი, „ჩემი ვენახის პატრონს კვირაში ერთი ღლე მაინც მინდა თავისუფალითქვა“..

„რავა, ვენახი გაქვს, თუო?“

„კი, ბატონო, ქვაციხეში ათასი ძირი ვენახი და ჭურ-მარანი კაი გაწყობილი მაქვსთქვა“.

„ოთხმოცი კაცი მუშაობს ჩვენთან და არცერთს არ აქვს ვენახი, ერთი კაცი ვენახიანიც გვინდაო, რა ჯიშის ვენახი გაქვსო“,—დაინტერესდა ღირექტორი.

„ძირითადად ცოლიკაური“.

„კარგია, ნატურ ცოლიკაურს რა ჯობია, არაფერმა შეგაშინოს, კვირას კი ვმუშაობთ, მაგრამ ორშაბათობით ვისვენებთ,—ქორორი შეისწორა ღირექტორმა, კი აღარაფერი ჰქონდა ზედ, მარა, მაინც,—მარტო სამნეო ნაწილის გამგედ ცოდვა იქნები, ცეცხლფარეშობასაც თუ გასწევ, ხელფასიც კაი გექნება. შარშანდელი ღვინო შემოგრჩა კიდეო?“

„შემორჩა, აბა არათქვა“.

„ჰოდა დაეწეროთ ბრძანება კოლას განთავისუფლებაზე და შენს მოსვლაზეო.“

„დავწეროთთქვა“, — ერთდროულად ვთქვით მე და კოლამ.

„შაქრიან ღვინოს ხომ არ აკეთებ, შაქრიანს ვერ ვიტანო“.

„რავა გეკადრებათ, ბატონოთქვა“.

„ღვინო თუ ჩამოგაქვს ხანდახანო“.

„როცა საჭიროა, კითქვა“.

„საჭირო რავა არააო“.

„თუ აგრეა, ერთ საშუალო ჭურს უკანა ეზოში ჩავაგდებ, აქვეთქვა“.

„ეგ უნდათ ჩვენს შარაფისტ თანამშრომლებს, სამუშაო საათებშიო“.

„ჩვენი ნება არ იქნება, სამუშაო საათების მერე მოეხადოთ ხანდახანთქვა“.

„შენ რავა იმასავით ლაპარაკობ, არ გადამაფიქრებიაო ბრძანების დაწერაო“, — შემომიწყრა ღირექტორი.

„არა, ბატონო, მეგონა გაგიხარდებოდა, თუ არ გინდათ, წვეთს არ ჩამოვიტან-მეთქი“.

„ვერც მასე ვიმუშავეთ ერთადო“,

„არა, ზოგიერთივით ცარიელ-ტარიელი კი არ ვივლი ამასა და იმას შუა, ფუტნახვერიანი ბაჩონკა მაქვს ერთითქვა“.

ასე დავიწყე მუშაობა პიონერთა სასახლეში.

ხელად შევეჩვიე საქმეს. ვმუშაობ ღირექტორის მოადგილედ სამნეო დარგში. უფროსმა საიმედო კაცად შემიცნო და მთლად გადმომაბარა ყველაფერი, მთელი შენობა, დამლაგებლებისან, მებაღეებისან, მძლოლებიანად და კიდევაც მქონდა წესრიგი ჩემს უბანზე. თანამშრომლებიც კარგები იყვნენ, აქა-იქ მაინც ერია უბედურები და უბედურნახვერიანები. უბედურნახვერიანს როცა ვამბობ, არტურა მყავს მხედველობაში, არენშილდი, ესტონელი, გაქართველებული და გაიმასქნებული. აბა რა იქნება, ესტონელი რომ ქართულს ისწავლის. მეგრელია კიდევ ერთი, ბაღათურია, ისიც კაი ჩამოსხმაა, ხონელ რეზო ტაბიძეზე და ჩხარელ ზაურ გრიგალაშვილზე თავისთავს გრიგოლ შტეინი რომ შეარქვა, აღარაფერს ვამბობ.

„ჩვენს შარაფისტ თანამშრომლებსო“. ღირექტორმა რომ ახსენა ჩემი სამსახურში მიღებისას, მერე მიეხვდი, ესენი ჰყავდა მხედველობაში. რას აკეთებენ არ იკითხაეთ? სათამაშო გემებს,

თვითმფრინავებს, მანქანების მოძვლებს და ლადაობენ თავის-
თვის. კაი ბიჭები არიან, ვენაცვალე ყველას კისერში.

მასხრობა უყვართოქვა, ახლა არ ვითხართ?! დარაჯი
გვყავდა, მიხუცი კაცი, ილიკო, არ ასვენებდა არტურა: დი-
რექტორთან უსახელო წერილი შემოვიდა, თურმე შენ ჭამ არ-
წივის კვერცხებსო.

ცოცხალი კუთხე გვექონდა ეზოში, არწივის გარდა შველი
აკვავდა და კურდღლები.

„არწივი არ დებს კვერცხსო“, — ხმის ჩაწყვეტამდე ყვირო-
და ილიკო.

„აბა წერილში რატომ წერია: არწივი კენტ რიცხვებში შე-
უსვენებლივ დებს კვერცხებს, მაგრამ ილიკოს რა გადაურჩება,
მიდარაჯებულია და გაცივებას არ აცლისო“.

ატეხდა ილიკო ისტერიკულ ყვირილს, მოვარდებოდა ჯო-
ხის კაკუნით ჩემთან და მეხვეწებოდა:

„ლეენა, უთხარი ამ ანტიქრისტეს, რომ მამალი არწივი
კვერცხს არ დებს“, მერე, ვითომ კარგი საბუთი მოიმარჯვაო,
მკითხა: „შენ დებ კვერცხსო“.

გამიკვირდა, ეს უხერხული კითხვა რაღა მაინცდამაინც მე
მომცა, სოლომონიჩიცი იქ იყო, — ჩვენი სასწავლო ნაწილის გამ-
გე, ალექსანდრე ტიგონიძეც, — ხატვის მასწავლებელი, კოტე
ფარულავაც — ორკესტრის ხელმძღვანელი. არა, შენ თუ დებო, —
მე ჩამაჟინდა.

„არ ვდებოქვა“ — ვუთხარი.

„ისე დებს ისიც, ისე დებს ისიცო!!“ — ხელს არწივისკენ იშ-
ვერდა ილიკო.

ამას საერთო სიცილი მოჰყვებოდა. დარაჯი ან არწივის
მოსაკლავად გაიწედა ან არტურასკენ. — ორივე შემთხვევაში
აშოშმინებდნენ, გაუგებრობას აქვს ადგილიო.

„ოხერი ესტონელი, ოხერი არწივი, ოხერი კვერცხები,“ —
იმეორებდა გულამოვარდნილი დარაჯი.

თითქმის ყოველ დღე მეორდებოდა ერთი და იგივე. ბოლოს
არტურას მობეზრდა, მაგრამ ილიკო აღარ ანებებდა თავს, რო-
გორც კი დაინახავდა, გამოეკიდებოდა ხელჯოხის კაკუნით,
ენზუბებოდა, მამალი არწივი კვერცხს არ დებსო.

არავინ იცის, ილიკო დარაჯი თავისი დღით მოკვდა, თუ „ოხერმა ესტონელმა“ მოუსწრაფა სიცოცხლე. ის კია, კატომ თქვა, ილიკოს ცოლმა, სიკვდილის წინ ჩემს კაცს გრძნობა დაუბრუნდა, მიმიხზომ თავისთან, „მამალი არწივი კვერცხს არ დებსო“ — დამიბარა და წავიდაო.

პიონერთა სასახლის უკანა ეზოში, ჩვენი ძალებით, ერთი სრული ოთახი ავაშენეთ, გემთმოდელიზმმა და ავიამოდელიზმ-მა დაიდო ბინა, ესე იგი არტურამ და რეზო ტაბიძემ—შინა-ურობაში ლართხის რომ ვეძახდით.

სხვა საღებავი არ გექონდა და თეთრად შეველებეთ. ამის შემდეგ „თეთრი სახლი“ დაერქვა შენობას, გაავსეს გემების და თვითმფრინავების მოდელებით და ამოისუნთქეს ნორჩმა ტექნიკოსებმა.

სამუშაო საათების ბოლოს, რატომღაც, თეთრ სახლში ვიყრიდით თავს. არტურა ფანჯრიდან გახედავდა ცას და გამოცდილი ექიმივით, ყოველთვის უტყუარ დიაგნოზს რომ სვამს, ამბობდა: ამისთანა ამინდში თითო ჭიქის დალევაა კარგიო.

„კი, ჩემო ბატონო“, — ეთანხმებოდა ლართხი.

„თეთრი კამეჩი თუ გინახავსო“, — მეკითხება ერთხელ არტურა.

თეთრი კამეჩი მართლა არ მინახავს და, — არათქვა, — ვუთხარი.

„ისე არ მინახავს შენი მოტანილი ღვინოო“.

„ჩემს ღვინოზე არ გაქვს ნასწავლი ქართული სადღევრძელოებითქვა?“

„არ მახსოვსო“,

„თუ არ გახსოვს, რა ვქნა ახლათქვა“, — ვუპასუხე და წასასვლელად მოვემზადე.

„დავანებოთ ყველაფერს თავი და თუ იტყვი, რა წონა ექნება იმ ქვასო“, მეკითხება არტურა და ის ქვა დამანახა, ორი დღის წინ მე რომ დავადე ყვაილების სათბურის მინას.

„რა ჭკუა აქვს მაგის წონასთქვა“.

„ჩვენს შორის ვინც ყველაზე არასწორი გამოდგება, ხუთი კაცის პურმარლი იკისროსო“.

ყველამ თავისი სავარაუდო წონა დაასახელა, მეც მოვსინჯე ქვა ხელში,—ფარმაცეუტი კაცი ამაში რაღა შევცდებითქვა—და დავასახელე წონა. მოპირდაპირე მხარეზე მაღაზია იყო. დავღეთ სასწორზე, არტურას ხუთი გრამი დააკლდა, ლართხიმ ამდენივე გადაამეტა. მე სამას გრამში შეეცდი. მაღაზიაში შემოსული ქალი გაკვირვებით მიაჩერდა სასწორზე დადებულ რიყის ქვას, მერე სათითაოდ შეგვათვალეირა.

მინდოდა, ჯემალია გამყიდველისთვის მეკითხა, რამდენს იპარავს შენი სასწორითქვა, მაგრამ იმ ქალის მომერიდა, თანაც სამას გრამს, ცხადია, ვერ მოიპარავდა.

რესტორნის თავი მე არ მქონდა და სახლში გავაწყობინე პურ-მარილი. მეორე დღეს არტურა მაბრაზებდა, არ გეპატიება, ფარმაცეუტი კაცი შეცდიო. დღეს თუ მოსინჯავ, უსათუოდ გაგიმართლებს, რო იცოდე შენო და ახლა კასრის თავზე დადებული ქვა დამანახა, იმ ქვით წინა დღეს კასრის ჩაჭედილი თავსახური მოვაძვრე.

რაღა დაგიმალოთ და სანაძლეო მიყვარს, ისევ ჩამოვწერეთ ჩვენ-ჩვენი ვარაუდი, ისევ გადავჭერით ქურჩა და ისევ ჩემთან ვიქეიფეთ.

ერთ დღეს „ფეთრ სახლში“ უნდა შევსულიყავი, შემთხვევით ქვას წაუკარი ფეხი და ტკივილისგან სახე მომექცა. გამოვიდა არტურა და მეუბნება:

„მაგ ქვის წონას მაინც იტყვი ზუსტად, რომ იცოდე შენო“.

წავატანე გვერდზე გადაგორებულ ქვას ხელი. მოვსინჯე და წუთის წინ რომ კიღამ ფეხი მომტეხა, იმ ქვას რიგრიგობით ვათამაშებდით ხელში, ბოლოს გადავჭერით ქურჩა და ისევ დაალო მაღაზიაში შესულმა ხალხმა პირი, რატომ წონიან ქვასო. წონა რომ გავიგე, მეც დამრჩენია პირი ღია. იმ საღამოსაც ჩემთან მოილხინეს ბიჭებმა.

მეორე დღეს სამსახურში რომ მოვედი, ჯემალიამ დამიქნია ხელი. რა მითხრა, არ იკითხავთ?!

„რამდენი ხანია მინდა გკითხო, რატომ წონით ქვებსო. ჯერ გადმოვა არტურა და ლართხი, აწონიან, ცოტა ხნის მერე დაემატები შენ და ისევ იმ ქვას წონით, ვერ მივმხვდარვარ, რა ხდება“.

„ვერც მე ვხვდებოდი თუ არა, ორივეს დაუნაყადი შენს თვალწინთქვა“, — ვუთხარი ჯემალა გამყიდველს.

ბიჭებთან არაფერი გამიმხელია. ეზოში დიდი ქვა ენახე, გა-
ვახვიე გაზეთში და გადავიტანე მაღაზიაში, გავიგე წონა და
ჩემი აზრით, დავაგე ხაფანგი. მოვიდნენ ბიჭები, დავანახე ქვა
და ახლა მე გენიძლავებითთქვა, ვუთხარი.

„მაგ ქვის წონას ზუსტად გეტყვი, რომ იცოდე შენო“, და
მართლა არ ჩააჯინა გრამი-გრამში?

ლართხის არც გაუსინჯავს ქვა, არტურას ვეთანხმები ჩემო
ბატონოო.

„ეს ქვაც აწონილი გაქვთ თქვე ხატგაყიდულებოთქვა“, ჩა-
ვილულულდე დამარცხებულმა.

ამის მერე ქვების დანახვას ვეღარ ვიტანდი, ვაგროვებდი და
რიონში ვყრიდი, იმის შიშით, ეს ქვებიც აწონილი ექნებათთქვა.

ახლა პენსიონერი ვარ. გადავაბარე ყველაფერი ჩემს შემ-
ცვლელს, დავემშვიდობე თანამშრომლებს, დავუბრუნდი ქვაცი-
ხეს, ვუვლი ვენახს და ვიხსენებ ახალგაზრდობას. გასახსენებ-
ლად არ ღირს, მაგრამ, მაინც.

პენსია დამინიშნეს, შაბიამნის საყიდლად მყოფნის, სიგა-
რეტს აღარ ვეწევი.

ამასწინათ კოლმეურნეობის თავმჯდომარემ მიწის ნაკვეთი
შემომთავაზა, რამდენიც გინდა გამოგიყოფო.

„ადრე მოგეცათ, კარგი იყო, ახლა მე აღარ შემიძლია და
ჩემს შვილებს მიწის ხათრით აქით ვეღარ ჩამოვიტყუებთთქვა“.

გრიგოლ შტეინს მანქანა უყიდა. გაავსებს ხანდახან ბიჭე-
ბით და ამომაკითხავენ ქვაციხეში, ვენახს დაგიბარათო.

რას მომატყუებენ, ბარი და თოხი უნდა არტურას და ლარ-
თხის?.. საღამომდე მაღლეგრძელებენ ხან მე, ხან ჭურ-მარანს.
საღამოს დამემშვიდობებიან ხატგაყიდულები, მიმატოვებენ ჭიშ-
კართან და მიდიან.

ვრჩები ენაჩავარდნილი, გულდაწყვეტილი და გაღიზიანებუ-
ლი. გამოვბრუნდები, დავგნისავე ჭურისთავს, მიუუჯდები მინა-
ვლებულ ბუხარს და მანამ ჩავშტერებივარ ჩაბუტულ ნაკვერ-
ცხლებს, სანამ მთლად არ დაკარგავენ სითბოს და სინათლეს.
ყველაფერი რომ გაცივდება, ბუხარიც, სახლიც და ფიქრებიც,

რალაცის ტკივილი ამეკვიატება, აბეზარი ფიქრით. თითქოს არც მტკივა, მაგრამ არც მასვენებს. ტკივილის შეგრძნება ნატყვიარი ქუსლიდან იწყება და მთელ სხეულს დაივლის.

ბუხრისთავიდან, ჩუქურთმიან, ძველებურ, პატარა, ყუთს ჩამოვიღებ. შიგ ბაბუაჩემის ნაქონ, ვერცხლის ქილისთავებთან ერთად, მეცხრამეტე საუკუნის შუახანებში შედგენილი ნასყიდობის მოწმობაა, რის საფუძველზეც ჩვენი ვენახი კრიგოლ ნაჭავარიანისგან უყიდა ბაბუაჩემის მამას, სოფრიმას. სოფრომა თურმე თავივით უფრთხილდებოდა საბუთს, მეფის რუსეოლის გერბი, იორთავიანი არწივი რომ ამშვენებდა, დიდის ამბით გადმოუბარებია ბაბუაჩემისთვის და ასე მოსულა ჩემამდე. ახლა, ამ საბუთს, კი არაფერი ძალა აქვს, მაგრამ მაინც ვუტოვებ ჩემს შვილიშვილებს, ქილისთავებთან ერთად.

რალაც კიდევ ინახება ყუთში, იმას არავის არ დაგუტოვებ, ან მე რატომ ვინახავ, მაგრამ... გერმანული ტყვიაა, იტალიელებმა რომ ამოვიღეს ჭრილობიდან და კონჩეტინომ მისახსოვრა. ხშირად ვატრიალებდი ხელში. ზოგჯერ ცხოვრებაზე ხელჩაქნეულს მინატრია კიდევ: თავში ან გულში მომხვედროდა. ახლა მაინც ასე მიჩვენია: ბუხრისთავზე ეგდოს თბილად; ვიდრე სხეულის რომელიმე ნაწილში მქონდეს გაჩხერილი და გაცივებული.

ერთ დღეს ბიჭები გავაცილე. მაშინაც გულდაწყვეტილი ავეფიცებ ბუხარს... გავხსენი ყუთი, ამოვიღე ტყვია. ხელახლა გავაჩაღე მიძინებული ბუხარი, შევუმატე შეშა, გავავარვარე კეცი და დავაგდე ის ტყვია ზედ. შურისძიება იყო, თუ რა, არ ვიცი, ასე კი მოხდა და. მივამატე შეშა, გადავრიე ბუხარი. გაბარბალდა კეცი და თითქოს გაცოცხლდა ტყვია, აჩერჩეტდა ცეცხლად ქცეულ თიხაზე, დაკარგა მოხაზულობა. ცხელ კურცხალს დაემგვანა და ჩააცხვა კეცს.

ჩემი თვალით ვნახე ტყვიის ტირილი.

ახლა იმ ჩუქურთმიან ძველებურ ყუთში ვენახის ნასყიდობის მოწმობასთან და ვერცხლის ქილისთავებთან ერთად, ჩემი სამახსოვრო ტყვიის მაგიერ გადამდნარი ცივი ცრემლი ინახება—წარსულის კენტი ჭირისუფალი.

ტერენტი წყალ-კანალ ტრესტში მუშაობდა. რა თანამდებობაზე, არავინ იცოდა. სამსახურში დიდი პორტფელით დადიოდა. მეზობლები ეკითხებოდნენ: „ტრესტში რად მუშაობო“.

— მმართველი ჩემი მოადგილეა, — გადმოყრიდა კბილებს ტერენტი და ნაბიჯს აუჩქარებდა, თითქოს ტრესტში უფროსის ყურის ასაწევად აგვიანდებო.

— მკონი, საერთოდ არ მუშაობს, — იჭვობდა ერთი.

— მუშაობს! — ამტკიცებდა მეორე.

— მუშაობს, მარა, თვითონაც არ იცის, რად, — დაასკვნა მესამემ.

ტერენტიმ იცოდა, რაზეც მუშაობდა. ქალაქის ერთი დიდი უბანი ებარა და წყლის გადასახადის ამკრები აგენტი იყო ამ უბანში. უყარათოდ წყლის მხარჯველების დაჯარიმებაც შეეძლო, მაგრამ მისგან განაწყენებული ჯერ არავინ ენახათ. სამაგიეროდ სახლში ფეხარეული ბრუნდებოდა.

ორი შვილი ჰყავდა. ორივენი დელაქალაქში ცხოვრობდნენ. უფროსი რეგიზორი იყო, უმცროსი პროვიზორი. ხმის გამცემიც ჰყავდა სახლში — ქალბატონი ვენერა, პროვიზორის დედა, რევიზორის დედინაცვალი და ტერენტის მეორე, მაგრამ კანონიერი ცოლი. ხშირად ვენერა თბილისში იყო შვილიშვილებთან. ტრესტის აგენტი მარტო რჩებოდა სახლში. დილით წაპორტფელდებოდა, საღამოს ნასვამი ბრუნდებოდა. ცარიელ სახლში ვენერას ბუზღუნს მაინც იყო გადარჩენილი, სხვას არაფერს დაეძებდა.

წლოვანებას ჰკითხავდნენ და სამოცს ხუთი წუთი მიკლიაო, მისი პასპორტის გარდა არავინ იცოდა მართალი.

ოცი წლის იქნებოდა, სოფლიდან ზურგქართ წამოსული, წინდებში შარვალჩატნეული ტერენტი, სიმწიფის ატესტატითა და ცოდნადაკაპიწებული სურვილით მოაწვა ქალაქის კარს, გაალო, შემოვიდა შიგ და ისე მიხურა, უკან აღარ მიუხედავს. ამის მერე არც დაინტერესებულა, ის კარი საერთოდ იღებოდა თუ არა.

ტერენტი პედაგოგიურ ტექნიკუმში მოეწყო და დაეხარბა სწავლას. ქალაქის შემოსასვლელ მთავარ ქუჩაზე, კუთხის სახლში, ერთი პატარა ოთახი იქირავა. სახლის მეპატრონე ცოლ-ქმარი კარგი მოხუცები აღმოჩნდნენ, მაგრამ უფრო კარგი მათი ქალიშვილი მიუჩვენა ტერენტის და სანამ მეორე კურსის სტუდენტი გახდებოდა, სახლის მეპატრონეების სიძე გახდა.

მაშინდელი ქალაქი საჭაპანო ტრანსპორტის ქალაქი იყო, მერე და მერე შემცირდა ცხენი და ფაიტონი. ბოლოს სულ გაქრა. სამაგიეროდ შიგაწვის ძრავების თუხთუხი და ბენზინის სუნი მოძლიერდა. მანქანებს თანდათან ევიწროვათ საეტლი გზები. გაჭირდა საქმე. გახშირდა უბედური შემთხვევები. ამიტომაც ქალაქში გაჩნდა გზის პრობლემა.

ტერენტი მამის დანაბარებს იხსენებდა: „ან დიდი წყლის პირას უნდა იცხოვრო, ან დიდი გზის პირას. ან წყალს ჩამოკვეება რამე, ან გზასო“. ტერენტი, აგერ, ორმოცი წელია, დიდი გზის ნაპირას კი არა, პირდაპირ დიდ გზაზე ცხოვრობს. ჯერ არაფერი ჩამოჰყოლია გზას. იმედი კი, კქონდა, რაღაცას აუცილებლად მოუტანდა გზა.

მოუტანა კიდეც:

ერთ საღამოს სამსახურიდან ნასვამი ბრუნდებოდა ტერენტი. მოაქნევდა პორტფელს და ზიგზაგებით ამცირებდა მანძილს. ამ დროს, ზემოდან, თვითმცლელი ავტომანქანა ჩამორიხინდა. მოხვევა დააეიწყა თუ მოკლეზე გადასწორება გადაწყვიტა, არავინ იცის, ეს კია, რომ სადარბაზო კარის გვერდზე იმოდენა კედელი გამოანგრია, ტერენტის სახლის კარის გაღება აღარ იყო საჭირო, ისე შეხვიდოდით მასთან.

ტერენტიმ პორტფელი ახლად გამონგრეულ კედელს იქით მოისროლა, კაბინის კარი გამოაღო, ეცა თვალებდაქაჩულ, შეშინებულ მძღოლს.

— რაე ხარ, ბიჭო, ხომ არაფერი იტკინე!

— არა, მარა, ეს სახლი ქე დაგინგრეი და...

— მაგ არაფერი, შენ იყავი კარგათ.

— გუშინდელი ღამენათევი ვარ, ჩამძინებია ეს ოხერი.

— არაფერია, შეილო, იღბალი გქონია, რომ გაიღვიძე, ბარეორი იძინებს მასე და...

— აბა მოვკოჩავ. ამ მანქანას. აგური მიმქონდა ქვისლთან. აქ უფრო საჭირო შეიქნა, ვატყობ,—აგური ჩამოცალა,—ხვალ დილას ხელოსანსაც მოგიყვან აღრიანად. ახლა წავალ თუ არა, ავტოინსპექტორი მომისწრებს და გაძვირდება მარილი.

მეორე დღეს ამოაშენეს დანგრეული კედელი. აჭრელდა ფასადი ორნაირი აგურით. ხელოსანი ახალი წასული იყო. ტერენტიისთან კარის მეზობელი, მარსელ ფრანგიშვილი გადავიდა. რემონტის ხარისხს მუშტრის თვალთ დაუწყო სინჯვა.

— ამას არაფერი უჭირს, იმის საქმე რაეა?

— რისი?

— იმის,—მარსელმა ცერა და საჩვენებელი თითები ისე მიუსვ-მოუსვა, მიუსვდა ტერენტი მეზობელს.

— ფული?! ფული მძლოლმა მისცა, კაცო!

— მძლოლი მისცემდა, აბა მშენბანკი არ ჩაურიცხავდა, ვიცი კარგად.

— აბა რის ფულს მეკითხები, შე კაცო!

— იმხელა პორტფელით დადიოდი, მეგონა რაცხა თავშიც გქონდა, მარტო რემონტს დაჯერდი?!

— აბა?!

— აბა და, ერთ ათას მანეთს ისე ავაძრობდი, ვითომ არაფერი.

— მაგდენის რა დამიშავა?

— მეტს რას დაგიშავებდა, სამასვალი ჩაგიყენა ზალაში.

— ზალაში კი არა, პადიეზღში.

— დიდი შეღავათი, რა მნიშვნელობა აქვს.

— აბა შემეძლო ჯიბეები ამეჭრა?!

— ჭკუა ატანე საქმეს, ჭკუა,—დაუბარა ტერენტიის და კარი ისე გაიხურა, ახალი ამოშენებული კინაღამ ამოსაშენებელი შეიქნა.

— ჩაუკაკლე ყველას ყველაფერი, — ჩაილაპარაკა თავისთვის ტერენტიმ, თან გულჯიბე მოისინჯა.

მეორე დღეს სამსახურში ახალი პორტფელით მივიდა. სახლში ფხიზელი დაბრუნდა. ქუჩის მხარეს, ორივე ოთახში, დეკორაცია შეცვალა. თავისი საწოლი უკანა ოთახში გადაიტანა. „სახიფათო“ კედელთან ისეთი ნივთები გაამწკრივა, ერთ დროს დიდი ფასი რომ ჰქონდა, ახლა არაფერში რყენებდა.

პირველი შემთხვევიდან თვეზე მეტი იქნებოდა გასული, რომ კედლის სიმაგრე ამჯერად გრძელმა ავტომატარებელმა მოისინჯა. ფანჯრებსშორის კედელი შეანგრია.

ტერენტი ცალწვერჩამოპარსული შევარდა ოთახში.

ავტომანქანის მძლოლი კაბინიდან ათვალიერებდა მოპირდაპირე კედელზე გამოფენილ ოჯახურ პორტრეტებს.

— მაგის ყურებას გირჩევნია, საბუთები დამიტოვო და აახვიო აქედან, სანამ ინსპექცია დაგადგებოდეს თავზე. ზვალ ათ საათზე მოდი, მოვილაპარაკოთ.

მძლოლი დაფაცურდა, ყველაფერი ისე გააკეთა, როგორც ტერენტიმ ასწავლა. მანქანა რომ წავიდა, სახლში ცნობისმოყვარე მთვარემ შემოიჭვრიტა და ტერენტის ნახევრადგაპარსულ სახეზე კმაყოფილი კაცის გამომეტყველება გამოიჭირა.

ორი-სამი თვე არ გავიდოდა, ტერენტის სახლის ფასადს რემონტი არ დასჭირვებოდა. გამოცდილ ოსტატსაც გაუჭირდებოდა დადგენა, თავდაპირველად რომელი აგურით იყო ნაშენი სახლი.

ტერენტიმ სამსახურს თავი დაანება. იქ ტყუილა დროს ფლანგვას მირჩევნია კედელ-ყურეს ვუდარაჯღო.

ერთ დღეს, ბაზრიდან დაბრუნებულს, ასეთი სურათი დახვდა: ოცი, ოცდაათი მეტრის მოცილებით, სახიფათო მოსახვევის გამაფრთხილებელი საგზაო ნიშანი დაეყენებიათ. მისი სახლის კედლის რემონტი დაეწყეთ და ავტონისპექციის თანამშრომლის ზედამხედველობით, ფასადის გასწვრივ, რელსის ნაჭრებს ისე აბეტონებდნენ, მოტოციკლიც ვერ გაეტეოდა.

გადაირია ტერენტი.

— ჩამსვით, ბარემ, ჩემი სახლიანად კლექტებში. სახლს თავ დაანებე, ცენტრალურ გზას აუშნობთ. სხვა რომ არაფერი, ათა სი უცხოელი შემოდის ამ გზით...

— ზემდგომი ორგანოების გადაწყვეტილებაა, მოქალაქე! მ. არაფრის შეცვლა არ შემიძლია.

— ჩამოვლიან სოფლიდან და დაგვიწყებენ ჭკუის დარიგე პას... ამას ასე არ დავტოვებ, იქაც წავალ, რომ დამჭირდეს, — საჩვენებელი თითი მზისკენ შემართა ტერენტიმ.

— წაბრძანდით, ბატონო—მისცა უფლებას მილიციელმა.

ტყუილა აიშალა ნერვები ტერენტიმ. წინაღობა არავინ მოშალა. ბარეორი მანქანა დააზიანა რელსებმა. სახლი უნებელი რჩებოდა, მხოლოდ სწორად ჩაბეტონებული რკინები დამგვანა რომაულ ციფრებს. საწოლი ისევ ქუჩისპირა ოთახში გადმოიტანა. შვეიცარული, ძველი კედლის საათი და ლიბერმანების ნაქონი ძველებური პიანინო, რომლებიც რამდენჯერმე მამასისხლად ჰქონდა შეფასებული, კვლავ უკანა ოთახში დააბრუნა. მეორე წელი დაიწყო, ტყუილა იჯდა სახლში. ნერვებად გადაიქცა, ყველას ეჩხუბებოდა: წერილების დამტარებელს, პურის გამყიდველს, ტროლეიბუსის მძღოლს. მეზობლის მდგურები ხომ ხასიათს უშხამაუდნენ. ქვედა მხარეზე ფანჯრიდან ნახევარი ჰექტარიცა მოჩანდა სამადლოდ და იმასაც გასაშრობად გამოფენილი მათი იმპორტული ქვედა საცელები ფარავდა.

— ასე ვითარსები ყოველდღე!—ყვიროდა ტერენტი და ხელს პირველი მოხმარების უნიკალური გამოფენისკენ იშვერდა ნერვიულად.

ერთ საღამოს ტერენტი იწვა და ფიგურულ სრიალს უყურებდა ტელევიზორში. თვალი მიებრიცა. ის იყო ჩასთვლიმა კიდევ, რომ ამწე კრანის ფანჯარაში შემოყოფილ ისარს, მინის საზარელი მსხერევის ხმა, კედლის ძაგძაგი და სიცივე შემოკყვა.

— გზას ვაფართოვებთ, რომ თქვენს სახლს საფრთხე აუაცილოთ.

— კი მარა, რის ხარჯზე!

თქვენი მეზობლის სახლს ვანგრევთ,—მხაზველმა ფანქრიანი ხელით ტერენტის სახლის მოპირდაპირე, მარსელ ფრანგიშვილის სახლზე ანიშნა.

— მერე და ჩემი გულისთვის უნგრევთ იმ კაცს მამა-პაპისეულ ბუღეს?

— ჩვენ ვინ გვეკითხება, ბრძანებას ვასრულებთ.

სალამოს ტერენტი ფრანგიშვილებს ესტუმრა.

— მიწა გამხეთქოდა მერჩივნა, რომ გავიგე შენი სახლის დანგრევას აპირებენ. თუ ჩაატრიალებ ვინმეს, შეიძლება უშველო საქმეს.

— რა ვქნა, ტერენტი, მომკლა შენი საცოდაობის ყურებამ. მეც დავთანხმდი, ბინა უკვე გამომიყვეს ბალახვანში.

ტერენტიმ იმ სალამოსვე დაწერა გულისამაჩუყებელი წერილი. მეზობლების სახელით მოითხოვდა: არ დაენგრიათ ფრანგიშვილები. ოთხად გადაწერა, დაგზავნა, სადაც საჭიროდ მიიჩნია და გულისფანცქალით დაელოდა შედეგს. ბევრი ცდა არ დასჭირვებია. მალე ფრანგიშვილების სახლი თავისი ეზოთი და გარაჟით გზამ ჩაყლაპა. ტროტუარები გააფართოვეს. ახლა მანქანები ტერენტის სახლს შორიდან უვლიდნენ გვერდს.

ტერენტიმ დიდი გაჭირვებით აღიდგინა თავი ძველ სამსახურში. სალამოობით მისი პორტფელი ისევ ზიგზაგებით ბრუნდება უკან.

ძუღია თუ ბოროცია

ძუღუ ბოლოცია და ახალი დღე ალიონზე იღვიძებდნენ. სამსახურისკენ მიმავალს მზე გზაში წამოეწეოდა ხოლმე. უსაშველოდ შორიდან გამოგზავნილ სიტბოს და სინათლეს ძუღუს მისამართიც ჰქონდა.

ახლაც მხიარული იერთ გამოვიდა სახლიდან. მძიმე, ნესტიანი ჰაერი რომ ჩაისუნთქა, ხასიათი წაუხდა. უმზეო დილა ფეხაკრეფით წამოეპარა. ფოლადისფერი დღე თანდათან ძალაში შედიოდა. ამ ბოლოს თითქოს გახშირდა ასეთი დღეები, უინტერესო საკითხავი წიგნივით ერთფეროვანი და ხასიათის წამხდენი. რა საყვარელი კია საავდროდ გამზადებული ცა, რუხი ფიქრების აშლა რომ იცის. არც ძუღუს უყვარდა. მიუხედავად ამისა, ასეთი დღეები მაინც თენდებოდნენ და ღამდებოდნენ. დღესაც ასეთი დღე გათენდა. უხალისოდ გაუყვა გზას ავტოვაგზლისკენ. იქ მუშაობდა დისპეტჩერად. ხელფასი არ ჰქონდა სახარბიელო, მაგრამ ცოტა სხვა რამეც იყო, მძლოლები რომ უჩურთავდნენ ჯიბეში. საღამოობით ჩაკუშნულ მანეთიანებს ქურდულად ასწორებდა და აწყობდა, თავიც შეზარებია, მაგრამ რა ექნა...

მხიარული კაცი იყო, მასხრობა უყვარდა. ერთხელ სიმთვრალეში წამოცდენია, „ეს ცხოვრება ანეკდოტიაო“, მოსწონებია და მას შემდეგ სიფხიზლეშიც იმეორებდა თურმე. ანეკდოტიაო, ვინ იცის მერამდენედ გაიმეორა ახლაც სამსახურისკენ მიმავალმა და ტროტუარზე დაგდებულ თუნუქის კოლოფს, „კილკა“ რომ ეწერა და ეხატა, ფეხი მოუქნია. უსიამოდ აკახაკუხდა მოწყენილი დილა. მართლაც ანეკდოტია, ოღონდ სასაცილო ცოტაა ამ ანეკდოტში, მეტი წილი სატირალია. აბა რა იქნება, ამ ქვეყნად მოსვლას არავინ გეკითხება, მოხვალ და ნიადაგ ვილაცის წინ გაშვერილ საჩვენებელ თითს უნდა მიყვე-მოყვე. ერთ მშვენიერ დღეს, თუ ამას მშვენიერი ჰქვია, გავექრებით, წავალთ, და არც ამას გეკითხება ვინმე, გვინდა წასვლა, არ გინდა...

რა დროს ანეკდოტია, რა დროს სიცილი ან ტირილია. ასეთი მიწიერი რაღაცეებისთვის სადღა სცალია ძუღუს. ის დრო

გაფრინდა, ყველაფერი დათმო, წარსულს ჩააბარა. ახლა სახლი-დან გამოსული იმასღა ფიქრობს, საღამოს პურის გარდა რაღაც კიდევ მიიტანოს შინ. ცოტაც აღარ ჰყოფნის, უკვე შეიღი შეიღის მამაა, ერთი ბანტიანი არ ურევია, სულ ბიჭებია, უფროსი ათი წლისაა, დანარჩენები წლინახევრიანი ინტერვალით ასდევნებიან ერთმანეთს. სამი სკოლაში დადის, ორი საბავშვო ბაღში, ნაბოლარები კი ჯერჯერობით ფოთოლას „ეხმარებიან“ — რასაც ისინი ასეეღებენ, ფოთოლა ამრობს და ღროც დადის. დედ-მამის ფიქრი შეიღებია. თითიც არ უნდა წამოტკივდეთ. მერე ერთად რომ ავიღოთ რამდენი თითია, სათუალავი აგერევათ. იმასაც ფიქრობდნენ, ათამდე აყვანათ ნამატი, მაგრამ ძუკუ ხუმრობდა, შეგნებულად შეეჩერდი შეიღზეო, ვშირობას ათი შეიღის დედას აძლევენ, მამას კი არავინ ახსენებსო. მეშვიდეს ზედმეტსახელად წერტილი დაარქვეს და მიუღ ქვეყანას გამოუტყდნენ, რომ ამიერიდან ძალას და ენერგიას ბიჭების აღზრდას მოახმარდნენ მხოლოდ.

ახალგაზრდობაში ძუკუ არაფერს არ იკლებდა, ქეიფი, ქალები, დროსტარება...—როცა მოისურვებდა. სიგარეტს არ ეწეოდა, არც აცენილი ბიჭებისკენ უწევდა გული. ეს ყველაფერი ოცდახუთ წლამდე. მერე ფოთოლას შეხვდა, მერე ქორწილი, მერე თამადის სადღევრბელო: ხუთი ქალი და ხუთი ვაჟიო. სამასი კაცის დასტური — ხუთ-ხუთიო. ნეფე-დედოფლის მორცხვობაშეზავებული ღიმილი, თანხმობად რომ მიიღო ყველამ.

იმავედღიდან შეუდგნენ სიტყვის შესრულებას. ხუთ-ხუთი არ გამოუვიდათ, მაგრამ... რაც გამოუვიდათ, ხარისხიანი.

სადღა სცალია ძუკუს ტოლებში საქეიფოდ, რომც ეცალოს, სულ სხვის ხარჯზე მაინც ვერ იქეიფებს... დროსტარება ვიღას ახსოვს. ერთი კია, სიგარეტს მიეჩვია. კი არ მიეჩვია, სხვების დასანახად ეწევა, როცა მარტოა, არც ახსენდება, თუ ვინმე უყურებს, მაშინ ააბოლებს, აქაოდა, ყველაფერი როდი მივატოვე კაცურიო.

ღვთის შეწევნით, ბავშვები ჯანიანები ჰყავდა. დრო გადიოდა. შეიღებთან ერთად მოთხოვნილებებიც იზრდებოდა. სახლიდან სამსახური, სამსახურიდან ბაზარი, ბაზრიდან სახლი და ისევ თავიდან. დედამიწის არ იყოს, ძუკუც ბრუნავს, ოღონდ

დედამიწა ბრუნავს თავისი ღერძისა და მზის გარშემო. ბუკუ რახან დედამიწის ბინადარია, ბრუნავს ორივეს გარშემო და თავისი ოჯახის გარშემოც. ოჯახის გარშემო ტრიალი უჭირს თუ არა, ღერძისა და მზის გარშემო ისე ბრუნავს, ვერც გეგულობს.

— რა ღირს ვაშლი? — შეევაჭრა ერთი დღეს ბაზარში გორელს.

— ორი მანთი!

— სამოც კაპიკად არ გაყიდი?

— არც ასსამოც კაპიკად, — სიცილის ხასიათზე მოვიდა გორელი.

— ორსაც მოგცემდი, მაგრამ შვიდი შვილი მყავს და არ მყოფნის, ეს ოხერი.

— დაელოცა ღმერთს სამართალი, შენთვისა შვიდი მოუცია, მე კიდევ სულ არა მყავ.

— მაგიტომ გეუბნები, მომეცი ეგ ვაშლი სამოც კაპიკად, ყველას წავიღებ, შენც დაბრუნდები სახლში, ის შვიდი შვილი პაერზე კი არ მოსულა, არ ვცილდებოდი ჩემს ფოთოლას. მე რომ გორში ჩამოვსულიყავი კვერცხების გასაყიდად, შენსავით ყიპნებოდი მეც. აღარ უნდა ახლა მაგას ფიქრი, სამოც კაპიკს გაძლევ და მიხედე საქმეს, რა დროს ვაშლია. რა გქვია გორელი?

— ვალიკო!

— ჰოდა, წავიღებ ამ ვაშლს, დამეებს რომ უთევ და ცდები ტყუილა.

— ჯანიც გავარდეს, მაიტა ბადურა, — გორელი ფაცა-ფუცით წონიდა ვაშლს, გაავსო ხელჩანთაც, ბადურაც, კიდევ დარჩა ერთი იმდენი.

— აგერ ვცხოვრობ, ორ ნაბიჯზე; მივიტან სახლში და ხუთ წუთში მოვბრუნდები. ვაშლი არ გამიყილო, ვალიკო, იცოდე!

— მალე, მალე, ბევრსაც ვეღარ დავიცდი, კაცო!

ბუკუ მართლაც მალე დაბრუნდა, ვალიკოს ერთი ქალი ევაჭრებოდა, სულ წავიღებ, მანეთნახევრად მომეციო.

— არ იყიდება, გენაცვალე, არ გესმის?!

— აბა რა ჯანდაბას უდგებხარ აქ?!

— ერთმა კაცმა იყიდა, შვიდი შვილი ჰყოლია, სუ ვაშლიჭამია ბიჭები.

— აწონე, აწონე, — შორიდანვე მიაძახა ძუკუმ.

— აგე, მოვიდა, — გაიხარა გორელმა, ვაშლები ძუკუს ხელჩანთაში გადააწყო. ძუკუმ ფული გადაიხადა, ორი ვაშლი კვლარსად ჩაატიო, იქვე შეჭამა და ვალიკოს წამოეწია, რომელსაც სასწორი უკვე ჩაებარებინა.

— ავტოსადგურში ბილეთი თუ არ იქნა, კუკურა იკითხე ჩემი სახელით, ძუკუმ შემოგვხვეწათქვა, რაღაცას მოვიხერხებს, ჯერჯერობით ვაშლს თავი დაანებე.

ბაზრიდან მიმავალ ძუკუს ბიჭები ქუჩაში ეგებებოდნენ. მამა მოვიდაო კი არა, ვაშლი მოვიდაო, ატეხდნენ ყვირილს და მეცეცხლური მეზობლების გარდა სხვებიც გებულობდნენ, იმ დღეს რით იყო მობაზრებული ძუკუ. მთელ შესახვევს ესმოდა საღამოობით: საზამთრო მოვიდა, კვახი მოვიდა, კვერცხები მოვიდაო. ზოგჯერ ამასაც იძახდნენ, მამა მოვიდაო. მამა რომ სახლში ბრუნდება, რა ჯობია, მაგრამ ბიჭების შეძახილს მაინცა და მაინც მაშინ აკლდა აღმფრენა. ასეთ დღეებში ძუკუს ბადურა ჯიბით ბრუნდებოდა სახლში, როგორც დილით მიჰქონდა, ისე. მიზეზი ყოველთვის იყო.

მიჯახირობდა წუთისოფელი ასე და ამგვარად. ბრუნავდა დედამიწა და ბრუალობდა ძუკუც. ერთი უხაროდა, ბიჭებმა გაუმართლა, კარგად სწავლობდნენ. დაამთავრა უფროსმა და იმ წელსვე მოეწყო საინჟინროზე თბილისში. მამიდაშვილთან მიიყვანა, ამ ერთს მიმიხედეთ თუ არა, სხვები დამრჩება გზაშიო. მეორე წელს იმის მიმყოლი დაჯდა უნივერსიტეტში. ის მეორე ბიძაშვილს ჩააბარა სულივით. მესამე წელს მიმყოლის მიმყოლმა ქიმიას შეუბერა, გადარია გამომცდელები. დაიღალა ძუკუ ამასა და იმას შუა სიარულით, დანარჩენებსაც თბილისისკენ ეჭირათ თვალი, გაყიდა სახლი, მოხვია ხელი მიმყოლის მიმყოლის მიმყოლებს და გადაბარგდა თბილისში. სულ მალე ოთხი სტუდენტი კიდევ მიემატა ბოდოკიებს, ბიჭები სწავლობდნენ და

თავის თავს თვითონ უვლიდნენ, ინსტიტუტში მოსაწყობი ფუ-
ლები კი არა, ვაშლის ფული არ ჰქონდა ძუკუს, გახსოვთ კარ-
გად. ამიტომაც ამაყობდა შვილებით. ამასობაში უფროსმა და
მისმა მიმყოლმა ინსტიტუტები დაამთავრეს და სამსახურის კა-
ცები გახდნენ. სამსახურის კაცებს საკუთარი ოჯახები შეეფე-
რებათ. ეს საკითხი თავისით წამოიჭრა. ერთ საღამოს, ნავახ-
შმევს, ფოთოლა მაგიდას რომ ალაგებდა, შვილიშვილი მოინატ-
რა და უფროს ეაყს მრავალმნიშვნელოვნად მიაჩერდა. უფროს-
მა ჯერ სიგარეტი აწვალა ხელში, მერე რა დასამალიაო და გა-
მოტყდა, ერთი გოგო უნდა მოვიყვანო. ბიჭებმა ყურები ცქეი-
ტეს. ეს საუბარი მეტ-ნაკლებად მათაც ეხებოდა. ბოდოკიების
ოჯახში ახალი სიტყვა გაისმა, დიდი შინაარსის სმომცველი და
საბედისწერო.

მორფოლოგიურად „ცოლი“ მარტივი არსებითი სახელია,—
ამბობს ნაბოლარა, ფილოლოგიურზე რომ სწავლობს და ზედ-
მეტსახელად წერტილი შეარქვეს,—ბარეორმა ბედდამწყარმა
უკეთ იცის, რა მარტივიცაა, მარა რას იზამ. რახან „ცოლი“
სულიერი არსებითი სახელია, პასუხობს კითხვაზე „ვინ“.

— რამდენის წინაშე დასმულა ეგ კითხვა, პასუხს ცხოვრება
იძლევა, თუმცა იგი იმდენად ბუნდოვანია, შეიძლება არც ჩაი-
თვალოს პასუხად,—ჩაერთო ძუკუ.

ეს ბუნდოვანი კითხვა დაისვა ბოდოკიებში იმ საღამოს და
ყველა ჩააფიქრა. თუ ბიჭი ხარ, ნუ ჩაფიქრდები. შვიდი ცოლი
უნდა შემოსულიყო ოჯახში, შვიდი არსებითი სახელი, შვიდი-
ვეს ცალ-ცალკე დაესმის კითხვა „ვინ“.

— ამ სიტყვის შინაარსს რომ ჩაეწვდეთ, ცოლი უნდა ვაბრუ-
ნოთ, — გააგრძელა ფილოლოგმა, ყველაზე დიდი რომ იყო შვი-
ლებში და არაფრით არ შეეფერებოდა, წერტილს რომ ეძახ-
დნენ.

— ვიცით!—თავი დააქნია ძუკუმ.

ძმებიც ირონიულად იცინოდნენ, აშკარა იყო, მათაც იცოდ-
ნენ.

— ის სხვაა, მე მორფოლოგიურად ვამბობ,—თავისაზე იდგა
ფილოლოგი. ძუკუს მიაჩერდა და ჩამოკაკლა:

სახელობითი—ცოლი უნდა შევირთო, მამა
მოთხრობითი—ცოლმა უნდა მაჩუქოს შვიდი შვილი, მამა
მიცემითი — ცოლს ყველაფერი არ უნდა აუსრულო, მამა,
ნათესაობითი—ცოლის კეთილები ჩემი კეთილებია, მამა
მოქმედებითი — ცოლით ან აშენდება ან დაიქცევი და ან...
მამა.

ვითარებითი—ცოლად ყველა ქალი როდი გამოდგება, მამა
წოდებითი—ცოლო, შენი დედა... მამა.

რამოდენა წერტილი დამისვამსო—გაიფიქრა ძუკუმ. ღრმად
ამოისუნთქა და სანამ ჩაისუნთქავდა, ბევრი სიმართლე წამოც-
და ამ მამაძაღლსო, ასე თქვა. მემკვიდრეები უმცროს-უფროსო-
ბით შემოირბინა თვალებით. მზერა ისევ იმ წერტილს მიუდა-
რაჯა, ზომაზე დიდი რომ გამოუვიდა, ილიმოდა მამაძაღლი.
ძმების არ იყოს, მის პირსახესაც ოცნებაში გაჩხერილი ღიმილი
ელლაბუცებოდა, ძუკუ ძველი იყო და იმასაც მიხვდა, იმ ღლა-
ბუცს იქით რაც იმალებოდა.

ფოთოლა თეფშებს ამშრალეზდა. დედის ფიქრიც შვილების
საცოლეებს დასტრიალებდა.

— ზოგი მართალიც წამოცდა, — ისევ გაიმეორა ძუკუმ.

— მე რა წამომცდა, გრამატიკას წამოცდა, გრამატიკას თუ
რამე წამოცდა, კანონია. სიყვარულსაც აქვს თავისი გრამატიკა.
გამომდინარე აქედან... — ისევ მოემზადა საქადაგოდ ფილო-
ლოგი.

— გამომდინარე აქედან, წადით ახლა და დაიძინეთ, მაგაზე
სხვა დროს, — აღარ დაანება ძუკუმ, — დამიწყო სიყვარულის
ღრამატიკა.

ბიჭები უხმოდ წაზოზინდნენ საწოლებისკენ. ჯერ საბნებ-
ში შეიმუდრენ, მერე სიზმრებში გადასახლდნენ.

ცოლ-ქმარს ძილი გაუტყდა, ვერც გაამტყუნებ, დედ-მამა
შვიდი ძმის შვიდ საცოლეზე ფიქრობდა.

— დამიბერდა უფროსი, — ამოამთქნარა ძუკუმ.

— აბა! — მთქნარებითვე დაემოწმა ფოთოლა.

— მაგის ხნის რომ ვიყავი, განათლება მიღებული მქონდა,
ტანკისტობა მომთავრებული, ჰიტლერიზა დედა ნატირები და
შენ მეორეზე მყავდი გამზადებული.

— მართალი ხარ, ახლანდელებს აკლიათ მიხრა-მოხრა...

— მაგის მეშინია, ვილაც გოგო მიყვარსო, რომ თქვა, ერთ კვირაში გაუელის ქარშოშინი, სიყვარული რომ ჰგონია და რა შერჩება იცი?!

— თვალები არც ჩვენ უნდა დავიფსოთ, უნდა გავიკითხ-გამოვიკითხოთ.

— ბიჭებს მე უნდა შევეურჩიო ცოლები, გამოცდილებაც მაქვს და ღროც, პენსიონერი კაცი უკეთესს რას გავაკეთებ.

— არჩევა მართლა კაი იცი.

— მაშინ რა ვიცოდი თუ არა, ახლა შენს მაგიერ სხვას მოვფხანდი ზურგს, — ჩაიქირქილა ძუკუმ.

— ძუკუია ტანკისტო! ენა რომ არ გქონდეს, ქარი წაგაიმას-ქნებდა, ქარი!

— ხუმრობა იქით და ჩემს ბიჭებს ექიმი ცოლები უნდა შეერთოთ. შენ იცი, რაა შვიდი ექიმი? შვიდი ექიმი ერთი პოლიკლინიკაა. აწი პოლიკლინიკა დაგვჭირდება ძირითადადში.

ფოთოლამ შვიდი თეთრხალათიანი ახალგაზრდა ქალიშვილი ჩამწკრივა წარმოდგენაში. ეგ კი არა, ისიც მოეჩვენა, სამინებელი სპირტისა და ნოვოკაინის სუნით გაიჟღინთა თითქოს. თვალი ძილმა მოსტაცა... ის აღარ ახსოვს ცხადად, სიზმარში ნახა ალბათ, იმ შვიდ თეთრხალათიანს გულზე წარწერები რომ ჩამოკიდა ტრანსპარანტებივით ძუკუმ. უროლოგი, კარდიოლოგი, სტომატოლოგი, ოკულისტი, პედიატრი, ქირურგი, ტრავმატოლოგი... რამდენიმე წარწერა ხელში შერჩა, არ ეყო სარძლოები. უკმაყოფილო დარჩა ძუკუ. ახლა ნანობდა, შვიდზე რომ შეჩერდნენ. გმირი ცოლიც ეყოლებოდა, სრულყოფილი პოლიკლინიკაც ექნებოდა. რაღას მიეწეოდა სიზმარში. ის წერტილიც უშლიდა ხელს, გრამატიკას რომ ატენიდა პიტნასავით.

მეორე დღეს თვითონ ძუკუ გამოეწყო სასიძოსავით, გაიხურა კარი და წავიდა სარძლოების სამებრად ნატანკისტარი პენსიონერი. სულ ერთი იყო, კარდიოლოგი იქნებოდა თუ ოკულისტი. პირველს ამ მხრივ გარკვეული უპირატესობა ჰქონდა მიმყოლ სარძლოებთან შედარებით.

მთელი წელი შემოადნა. დაიარა პოლიკლინიკები, საავად-
მყოფოები. გაზაფხულსა და შემოდგომაზე ორ-ორკვირიანი
„პროფილაქტიკაც“ ჩაიტარა წოლითი რეჟიმით. ახალგაზრდა
ქალთა მთელი მდებერსონალი გაიცნო. ვინც მოეწონა, ექთანი
გამოდგა. ექიმებიც გამოერივნენ, მაგრამ გათხოვილები. გაუ-
თხოვრები ართვალეები იყვნენ ძირითადად. მხოლოდ ექიმობის-
თვის ხომ არ შესთავაზებდა ვაჟის ხელს. ერთმა თეთრხალათი-
ანმა ისიც უთხრა, მასეთი ქმარი, საცოლეს მამა რომ აურჩევს,
ხელით სათრევი და საწვალეებელი იქნებაო. სანახევროდ მართა-
ლი კი თქვა იმ გოგომ, მაგრამ ასეთი ენაბარაქიანი რძალიც სა-
შიში იყო ძუკუს ოჯახისთვის.

რალა ბევრი გავაგრძელოთ და ექვსი ქორწილი ერთ წელი-
წადში გადაიხალა ძუკუმ. თავიც გადალალა და ახლობლებიც.
„ან ერთად გაეკეთებია ამ ოჯახკეტიანს, ან დაეწყვილებია,
აღარც ის შეგვიძლია, აღარც ისო“;—იმახდნენ. იმ „აღარც
იმაში“ რას გულისხმობდნენ, არ ამბობდნენ, მაგრამ მიმხვედრი
მიხვდება.

ექვსივე რძალი ძუკუს არჩეული იყო, ექვსივე წყვილს სა-
კუთარი სახლები შეექნათ. ზოგს სამსახური შეეწია, ზოგს სი-
მამრი. პოლიკლინიკა არ გამოვიდა. არცერთი არ შეხვდა ექიმი.
წერტილამდე მშვიდობიანად მივიდა. წერტილთან შეჩერდლო,
რომ ვთქვათ, არ იქნება სწორი. წერტილმა თვითონ აგრძნობი-
ნა, სდექო. ის ახლაც მორფოლოგიური თვალსაზრისით უყუ-
რებდა. ცხოვრებას. სიყვარულის გრამატიკა სულაც არ ითვა-
ლისწინებდა მამის მიერ შეილისთვის ცოლის არჩევას. ძუ-
კუს ჩაწოდებულ ორ საცოლეს აცილება რომ მისცა, მაშინ
უთხრა წერტილმა: მესამეს ნულარ ეძებ, შენც დაისვენე და
მეც დამასვენეო.

„აბა რა ვაკეთო პენსიონერმა კაცმა უკეთესიო“—ძუკუმ.

„ან მახათი ნახე, ანო..!“ — წერტილმა.

„ეს ნაბოლარა შავი რძით გაგიზრდიაო“—ცოლს დააბრალა
ძუკუმ.

„რას ბოდავო“—შეურაცხყოფილმა ფოთოლამ.

— ბრაკია, ბრაკი, ყველა ხარისხიანია, ეს ერთია ბრაკი!

იმ წუნდებულ წერტილს, სახლის კარი რომ მიიხურა, შორი-ახლო მცხოვრები მეზობლის გოგო უყვარდა. ჯიბეში სულ კქონდა მომარაგებული პატარა კენჭები. მეორე სართულის ერთი ფანჯარა იყო მისი სამიზნე. ფანჯრიდან თავდაპირველად დედა იყურებოდა იმ გოგოსი. ქალი მალე მიხვდა, რაშიც იყო საქმე და მერე და მერე აღარ გამოჩენილა. არც თანანას უყვარდა ფანჯრიდან გადმოხედვა. კენჭის ხმაზე კიბეს ჩამოირბენდა, გააღებდა სადარბაზოს მძიმე კარს და უცნაური ღიმილით უახლოვდებოდა კენჭების თამაშით გართულ მეზობლის ბიჭს. სულ მალე იმ ბიჭმა ფილოლოგიური დაამთავრა, გოგომ სამედიცინო და შემოდგომაზე ჯვარიც დაიწერეს. ძუკუ არ ელაპარაკებოდა უმცროსს, ქორწინების დღეს მიულოცა ცალყბად ახალ რძალს, ეგ იყო და ეგ.

წერტილი ახლა იმ სახლში ცხოვრობდა, რომლის ფანჯარასაც ადრე კენჭებს უშენდა. ასე ინებეს თანანას მშობლებმა. ამაზე უფრო გაგულისდა ძუკუ. შვიდი შეილის პატრიონი ცოლქმარი მარტილმარტო დარჩა ოთხოთახიან ბინაში. ომის მონაწილეთათვის განკუთვნილ მაღაზიაშიც აბუჩად აიგდეს, რატომ შენ გეკუთვნის წიწიბურა და მე არაო.

— მეო,—უთხრა ძუკუმ,—ომისა და შრომის ვეტერანი ვარ და იმიტომო.

— ზედვე გეტყობა, რა გოზინაყიც ხარ, შენ ჯიბეში პარტიის მანდატიც გექნებაო,—იმ უსინდისომ.

ჯიბეში არა, მაგრამ სახლში მართლა კქონდა, არც დაუმაღავეს. შეილის ტოლმა ფხრიწინა სიცილი დაადვენა ბრძოლის, შრომისა და პარტიის ვეტერანს. იმ ფხრიწინმა სახლამდე მიაცილა და არც მერე მოასვენა. ეჩვენებოდა, ქუჩაში ვამკვლელები დასცინოდნენ, ველარავის უსწორებდა თვალს.

მოხუც ცოლ-ქმარს მოწყენილობა შეეჩვია. მათ მოჟრიამულე სახლში სიჩუმე და სიცარიელე გამოკეტილიყო. ძუკუს არჩეული რძლები ტელეფონითაც არ ეხმიანებოდნენ მიტოვებულებს. ის ნაბოლარა, ძუკუ რომ არ წყალობდა, ყოველ საღამოს გებულობდა მათ ამბავს.

ზამთრის კვირა დილაა. დღეს სადილს ნუ გააკეთებო, ფოთოლას ეუბნება ძუკუ. ამინდი არაა ცუდი და არაფერი. ჩავიცვათ თბილად, ჩავკიდოთ ერთმანეთს ხელი და მოვინახულოთ ჩვენები უფროს-უმცროსობით. საღამომდე ქე მოვასწრებთ და ყველაფერიო. უარი არც ფოთოლას უთქვამს და დილის ათი საათისთვის მიადგნენ უფროსს. შეხვედრა კაი, ყველაფერი კაი,—ჩაი ხომ გაქვთ დალეულიო,—იკითხა რძალმა.

— ჩაი კი დავლიეთ, ჩაი, ნამცხვრით—დაასწრო ძუკუმ.

— აბა, ჩაი ჩვენც დალეული გვაქვს და...

მიმყოლთანაც იგივე ამბავი გამეორდა,—ჩაი ჩვენ უკვე დავლიეთ, იმასთან თუ იყავით, თქვენ იქ დალეულით და ესეც ასეო.

— კი, ჩაი იქ დავლიეთ, — ახლა ფოთოლამ დაასწრო.

— ნამცხვრით,—დაამატა ძუკუმ.

— სად შოულობს ეს ხალხი ამ შაქარს,—გაუკვირდა რძალს.

მიმყოლის მიმყოლი სახლში არ დახვედრია, რძალმა კი ეს თქვა: — ჩაი რაღა დროსია, სადილი ნამეტანი ადრეა, სანამ ის დაბრუნდება, იყავით აგერ, ის რომ მოვა, სადილის დროც ქე იქნებაო.

— არა, გენაცვალე, რა დროს სადილობაა ჯერო,— შეიცხადა ძუკუმ. სანამ შემდეგ შეილთან მივიდოდნენ, სადილობა გადასული იყო, რძალი და შვილი ნასადილებ-ნასიამოვნები. იმასთან გამოგივლიათ, იქ ისადილეთ ალბათო, ასე იკითხეს ღმერთწინაშე.

— კი, იქ ვისადილეთ ნამდვილადო,—ძუკუმ.

პირველი ექვსეული რომ მოიარეს, შებინდა კიდეც. წერტილთან მისვლა არც კქონიათ გადაწყვეტილი, რადგან ძუკუ ჯერ კიდევ ებღუზებოდა „ურჩ“ შეილს. ამიტომაც თავის სახლს მიაშურეს. სახლის კარი რომ მიუცდეს, ძუკუმ ისეთი შეიკურთხა უსაგნოდ და უმისამართოდ, რომ ფოთოლა გაკვირებას დარჩა.

— ისევ შენ, ჩემო ფოთოლა, აადუღე წყალი და ვახშამი მსუბუქად მაინც გადავიაროთ, მაგათ იმედზე იქნა... რომ კითხო,

სამშობლოს ათავისუფლებენ. ჯერ დედ-მამას დაალევიონ წყალი და მერე წაეპოტინონ უფრო დიდსა და სანუკუარს.

ტელეფონის ზარმა ხმა გააწყვეტინა ძუკუს. თანანა ვარ, მამაო. ამბის მოკითხვის მერე—ხაში თუ გიყვარსო,—იკრთხა.

ძუკუს ყურმილი კინალამ გადაცდა ყელში.

— ხაშიო?! ხაში კარგია დილით, ზედ კაი ლავაში... საღამოს ხაში ეინ გაიგონა. რაო?! შენ ამბობ ხაში ძილისწინ უკეთესიაო?! შენ თუ ამბობ ამას, ჩემი საკუთარი ექიმი, სხვა გზა არაა, უნდა დაგიჯერო!.. კარგი, კარგი, არ დაეწეები და მოგიცდით, რახან არ იშლით! — ყურმილი დადო. თანანას მშობლები დალოცა, არაყი გადმოასხიო, ფოთოლას უთხრა და სანამ ამ პატარა სამზადისში იყვნენ, კიდევ დარეკა ზარმა. შემოვიდა წერტილი მისი თანანათი, განათდა მაგიდა ხაშით და ლავაშით. ოჯახში გამობდილი ჭაჭის არაყიც ჩამოდგა ფოთოლამ. სადღეგრძელოები არ დაიწყეს? ასე არ ვარგაო, ძუკუმ, ჩვენი მარტო მიტოვება, გადმოდით ჩვენთან თქვე ხატგაყიდულებო, ცხენი გაჰყენდება, იყავით აგერ, გამრავლდით, გაიხარეთო... იმდღევანდელ ოდისეაზე კრინტი არ დაუძრავთ. გადაკრა არაყი, ისე დაიჭყანა, მის დანახვას არაფერი ჯობდა. ღიღინი დაიწყო, ქუდია თუ ბოხობიაო, იმეორებდა ხშირ-ხშირად. წერტილსაც ეხვეწებოდა ამყევიო. შეილიც აჰყვა მამას. ტანად დიდი იყო და ხმაც შესაფერი ამოუშვა. რამოდენა წერტილი დამისვამსო,—ახლაც ფიქრობდა ძუკუ, თან იმას ღიღინებდა, ქუდია თუ ბოხობია.

სატვის მასწავლებელი

ამირან არახამია მშობლიურ ქალაქს სამხატვრო სასწავლებლის დამთავრების მერე დაუბრუნდა. პედაგოგები აღფრთოვანებულნი არ ყოფილან მისი ნიჭით. თვითონ კიდეე ჰქონდა მომავლის იმედი. როგორც კი ფუნჯსა და პალიტრას მოჰკიდებდა ხელს, მაშინვე აუჩქროლდებოდა გული, „აღბათ, ახლა იქმნება, რისი იმედიც მასულდგმულებს“, გაიფიქრებდა თავისთვის და იღვიძებდა გულის კუნჭულში მიძინებული პატარა იმედიც. სიტყვაზე ვამბობ, თორემ ის იმედი ისე პატარა იყო, ისე პატარა, არც ღირდა მისი ხსენება, მაგრამ მაინც იმედი იყო და ზოგჯერ წნევასავით უცებ აუვარდებოდა თავში, შეაბრუებდა, შეათრობდა, ვერც ამჩნევდა, როგორ წამოეზრდებოდა მხრებზე ფრთები, არც თუ ისე ძლიერი, მაგრამ იმისთვის საკმარისი, ოცნებაში გადასახლებულიყო და ზემოდან გადმოეხედა ქვეყნიერებისთვის. იქიდან ყველაფერი ეპატარაებოდა თვალში.

ყოველი ახალი ტილოს დამთავრების შემდეგ კვლავ მიწაზე ეშვებოდა; ისე მსუბუქად, თავისთავს თვითონვე ძლიეს გრძნობდა.

„ამას ჰქვია სიცოცხლე? — ფიქრობდა გულდათუთქული, — ერთი ადგილის ტკეპნა, ჰქვია ამას. ადგილზე სიარული უკუსვლაა, უკუსვლა დამარცხება და სიკვდილი. სიკვდილი ერთი პატარა ბორცვია იმ მიწაზე, სიცოცხლეში რომ დადიოდი. ცოტა ხანს ერქმევა სახელი, მერე თანდათან გასწორდება ბორცვი, სახელიც გაქრება...“

სულ სხვაა, ერთი ნახატი რომ გამაკეთებია. თავად რომ გადმოხტება მოლბერტიდან, ფეხს რომ აიდგამს და ქვეყნიერებას შემოივლის, ჩემი სიკვდილის შემდეგაც რომ ივლის ჩემთან ერთად, სამი, ათი, ოცდაათი საუკუნის შემდეგაც“.

სამხატვრო სკოლაში მუშაობდა. ფერწერას ასწავლიდა. ორი წლის წინათ, მოსწავლეებს რომ გაეცნო, უთხრა:

— დაიხსომეთ, მხატვრისთვის მთავარია მოლბერტი, მოლბერტის გარეშე ხატვა შეუძლებელია, ყველაფერი იწყება

და მთავრდება მოლბერტით. მოლბერტის გარდა მხატვრისთვის რაც საჭირო იყო, მოსწავლეები თვითონ მიხვდნენ. იმ დღის მერე პედაგოგ არახამიას კლასში სისხლსავსე ცხოვრება დაიწყო..

— ბიჭებო! ხვალ დილით შევიკრიბებით სკოლის ეზოში და გავალთ ბუნების წიაღში სახატავად, — ამბობს ერთ დღეს არახამია.

— საით წავალთ, მას?!

— ერთი კარგი ადგილი ვიცი.

— რა წამოვიღოთ?!

— საეტიულო დაფები.

— საჭმელი არაფერი წამოვიღოთ?

— თუ ვერ მოითმენთ, წამოიღეთ რამე.

დილით დროზე გამოცხადდნენ.

— საეტიულო დაფები ზომ ყველას გაქვთ, — იკითხა არახამიამ და მოსწავლეებს გაუძღვა.

მასწავლებელსაც წამოედო სახატავი მოწყობილობა. ძლიერ მოთავსდნენ აუტობუსში თავიანთი ბარგი-ბარხანით. ერთი საათის მგზავრობის შემდეგ არახამიამ მძღოლს მანქანა გააჩერებინა.

— მოვედით! — დაიძახა ბიჭების გასაგონად და პირველი თვითონ ჩავიდა. ერთი საათიც ფეხით მიუძღოდა მოსწავლეებს. სვენებ-სვენებით მიიწევდნენ წინ. აღმართ-აღმართ მიუყვებოდნენ ბილიკს. ზღაპრული სილამაზე ავსებდა თვალსა და გულს. ორი-სამი სოფელი აიარეს. წყაროსთან შეისვენეს, ცოტა ხნის შემდეგ გზა გააგრძელეს. ჭრელი ძალი აედევნათ, ხან გადაუსწრებდა მხატვრებს, ხანაც ჩამორჩებოდა.

— ძაღლზე ჭკვიანი და საყვარელი ცხოველი არც არსებობს ალბათ, არა, ბიჭებო?! — დაეკითხა მოსწავლეებს არახამია.

— რა თქმა უნდა, მას, — დაემოწმნენ მოსწავლეები.

— ძაღლი გულთმისანია, თვალეში შეგხედავს და იგრძნობს... ერთი სიტყვით, ენა არ აქვს თუ არა, ყველაფერს აღამიანზე უკეთ...

— კი, მას, ძალღი ჭკვიანია.

— ეს ძალღი გამოგვეყვება და სანამ არ წამოვალთ, ჩვენთან დარჩება, — არა, ბიჭებო?!

— კი მას, მოღბერტი არ აქვს თუ არა, შეიძლება...

— რა შეიძლება? — იკითხა არახამიამ.

— შეიძლება დახატოს კიდეც, — უპასუხა შეეჭვებულმა მოსწავლემ და რომ არ გასცინებოდა, ქვედა ტუჩი მოიკვნითა.

— მხატვარი ძალღი არ მინახავს მე, — უცებ გაბრაზდა მასწავლებელი.

ხასხასა ბალახით დაფარულ, დამრეცი ველის აუღლისას მათი მეგზური ძალღი მეორე ძალღს გამოედევნა. იმ მეორეს კაიხელა ძვალი ჰქონდა პირში.

მინდვრის ზემოთ დიდი წაბლის ხე იდგა. ხის ირგვლივ გააწყვეს საეტიულო დაფები. მინდვრის ქვემოთ ხევი იწყებოდა, უფრო ქვემოთ მდინარის დაკლაკნილი კალაპოტი ჩანდა, მდინარეს ალაგ-ალაგ უცებ წამოჩიტული ბორცვები ეფარებოდა, გაღმა მთის კალთაზე შეფენილი სოფელი იტაცებდა თვალს. სოფელი მოშორებით იყო, მაგრამ ქათმის კრიახი, ბოჩოლებისა და თიკნების ბლავილი ისე კარგად ისმოდა, გეგონებოდათ, სადღაც აქვე, ხელის გაწვედენაზეაო.

— ოთხ საათამდე ვხატოთ, ხუთ საათზე ავტობუსს უნდა მივეუსწროთ, — თქვა არახამიამ და თვითონაც გააწყლო მოღბერტი. ის ხელი აირჩია, სოფლის გვერდზე ჩანჩქერი რომ ეცემოდა.

ცოტა ხნის შემდეგ გამოღმა ნაპირიც გადაჭრულდა საქონლით. მოხუცი კაცი დააბოტებდა ახლო-მახლო. ხან აქით მიდგა, ხან იქით, ბოლოს ჩრდილი მოძებნა და ბალახზე წამოწვა.

ბიჭები ხატავდნენ. არახამია ჯერ ერთს დაადგა თავზე, მერე მეორეს, „მასწავლებელი რომ მქვია თუ არა, რად უნდა ამათ მითითება, თვითონაც კარგად იციან, რა უნდა აკეთონ“, — გაიფიქრა გულში, აიღო ფუნჯი და კონტურების მოხაზვა დაიწყო. ახლაც გაჰკენწლა იმ პატარა იმედმა, ხატვის დაწყებისას რომ იცოდა თავის შეხსენება. ტილოზე თანდათანობით

აისახა მდინარის გაღმა-გამოღმა ნაპირები. ჩანჩქერი ისე ცოცხლად გამოუვიდა, ინატრებდით, ერთი აქ მაჭყუმპალაო. გამოღმა ნაპირის დამუშავებაც დაიწყო. მოხუცი კაციც ჩართო კომპოზიციაში, მხარ-თემოზე რომ წამოწოლილიყო. იქვე ახლოს ბომბორა ძაღლს მოერთხა ფეხი და ენაგადმოგდებული ქელავდა. სწორედ იმ ძაღლს ხატავდა ახლა არახამია.

— ბისკვიტია, ეუუუ! ბისკვიტია!! — გააბა მოხუცმა.

პასუხად მეორე ძაღლის ყეფა მოისმა. ისეთი ხმა ჰქონდა, შიშის ზარს მოჰკერიდა კაცს. ბისკვიტია საქონელს უვლიდა გარს. ერთ ადგილას შეაქუნა და პატრონისკენ გაიქცა. უცხო თვალის შეამჩნევდა, მთელი ჯოგის მომვლელი ბისკვიტია იყო. ერთი წუთიც არ გაჩერებულა ადგილზე. უშეელებელი კუდის ქნევით მიირბინა მოხუცთან. კაცი მოეფერა ძაღლს, ბისკვიტიამაც ხელები დაულოჯა მოხუცს. მერე გაიქცა, ერთხელ კიდევ შემოუარა ჯოგს, გვერდზე გამდგარი მოხვერი ჯოგის შუაგულში შედენა და ისევ მოხუცისკენ გამობრუნდა. ამ დროს წაბლის ხის ჩრდილში შემუდრული მხატვრები შეამჩნია. შედგა ძაღლი, ცმობისმოყვარე მზერა მიაპყრო უცხო სტუმრებს. მერე ყეფა-ყეფით მხატვრებისკენ გაიქცა. მოხუცმა ხელი მოიჩრდილა, მანაც ახლა შეამჩნია არახამიას ჯგუფი.

— არ გაინძრეთ თუ არა, შეგჭამთ! — გააფრთხილა ბიჭები.

მართლაც არავინ განძრეულა. ძაღლმაც ყეფას თავი დაანება და რევიზორივით ჩამოუარა ხატვის გაკვეთილს. ყველას ნამუშევარი რომ დაათვალიერა, არახამიას ნახატის წინ ჩამოჯდა. არახამია გაქვავებული იდგა. ფუნჯი უხერხულად შერჩენოდა გაწვდილ ხელში. იჯდა ბისკვიტია და უყურებდა ნახევრად დახატულ ძაღლს, ხანაც არახამიას გადახედავდა, ალბათ უკვირდა კიდევ, რამ გააშეშა ეს ხალხიო. მასწავლებელს მოსწავლეებისაც შერცხვა, თავისი თავისაც და იმ ძაღლისაც, პირდაღებული რომ მისჩერებოდა და ხერხივით კბილებს ლესავდა მზეზე. ესეც არ იყოს, მოლბერტისკენ გაწვდილი ხელი დაეღალა და თანდათან ჩამოუეარდა. „რას მიზამსო“, — გაი-

ფიქრა და საღებავიანი ფუნჯი ნელა დაადო ნახატს. ძალღი
ღინჯად ადვენებდა თვალს. როგორც კი ტილოზე ახალი საღე-
ბავი გაჩნდა, შეუღრინა, მარჯვენა თათი საღებავს ჩამოუსვა
და თავისებური შესწორება შეიტანა ნახატში. არახამია არ
შეეპუა, კვლავ ახალი ტონი დაადო ტილოს. ბისკვიტიამ ისევ
ჩამოუსვა თათი და ღრენით აგრძნობინა: მეტს აღარ გაგა-
ფრთხილებ და რაც მოგივა, შენს თავს დააბრალო.

— აკაკი ბიძია! დაუძახე ბისკვიტიაა თუ ჯანდაბის ორ-
ლობე.

— ჯერ ერთი, აკაკი კი არა, სოფრომა მქვია, მერე მეორე,
არაფერი არ გამოვა, მანამ იქნება თქვენთან, სანამ არ მოწ-
ყინდება.

— შეიძლება ავტობუსის გასვლამდე არ მოწყინდეს, ხომ
დავრჩით ტყეში.

— ბისკვიტიას არ უყვარს ხუმრობა, არ გაინძრე თუ არა
ავტობუსის გასვლამდე შეგჭამს, — დაიძახა მოხუცმა და შე-
ბრუნდა, ამით გაშეშებულ მხატვრებს აგრძნობინა: მე ჩემი
ვითხარით, თქვენ როგორც გინდათო.

არასამიამ ისევ გააპარა ფუნჯიანი ხელი ნახატისკენ და
ბისკვიტიას მეგობარს კუდი შეუმუქა. ძალღმა ისევ ნერვუ-
ლად ჩამოუსვა თათი ახლად გასმულ საღებავს, ღრენას ყეფაც
მიაცოლა. თათის ძალღმად ჩამოსმას ვერ გაუძლია მოღბერ-
ტმა და წაიქცა. ბისკვიტია თავზე დაადგა ნახატს და ძირფეს-
ვიანად დაიწყო შესწავლა. მერე ჩანსქერს აუსვა ენა, ალბათ
წყუროდა. მოღურჯო-მომწვანო ენა ძლივს შეაბრუნა პირ-
ში. ეტყობა, ცუდი გემო დაუტოვა საღებავმა და მთელ ნა-
ხატს ყნოსვა-ყნოსვით შემოუარა, კარვახანს ამოწმა აკვარელში
ხატავს თუ ხეთშიო, დარწმუნდა, ხეთში ხატავსო, არ მოეწო-
ნა, ფეხი ისე ასწია, თითქოს წაბლის ხის წამოქცევის ეშინიაო.

იღვა ენაჩავარდნილი არახამია პირდაღებულ მოსწავლე-
ებში. ისინი დონიჯშემოყრილნი შემოწყობოდნენ ნახატს და
თვალს ადვენებდნენ, როგორ იფარებოდა ლამაზი პეიზაჟი

მოყვითალო სითხით. ჰაერს ცხენის ოფლის სუნის მაგვარი ოხშივარი შეერია.

— ავალაგოთ ყველაფერი და წავიდეთ, — ძლივს გადმოცდა. არახამიას კბილებს ორი სიტყვა.

ნიაჲმა წამოუბერა. არახამიას ნახატი ჰაერში აიტაცა და კაიხელაზე ააფრიალა.

— თქვენი ნახატი ჩვენს ჩასვლამდე იქნება სოფელში, მას! არახამიამ შეუბღვირა მოსწავლეს და ნაღვლიანი მელოდიის სტვენით გააგრძელა გზა.

აუტობუსის ჩამოვლამდე კიდევ იყო დრო. კარგახანს ისხდნენ უხმოდ.

— ძალღი მაინც ძალღია, — დაარღვია სიჩუმე ერთმა.

— აბა რა, ბიჭო, ძალღი ცხოველია, — დაეთანხმა მეორე.

— სოფელღმა ძალღმა, თანაც მწყემსმა, რა იცის ხელოვნების ფასი, არა, მას?! — იკითხა გაუბეღაედ იმ მოსწავლემ, იქითობისას რომ ემოწმებოღა, ძალღი ჭკვიანიაო.

არახამია ფერღობზე შეფენიღ სოფელს მისჩერებოღა, ისეღ იმ ნაღვლიან მელოღიას უსტვენღა. ძნელი მისახვეღრი იყო, რაზე ფიქროზღა ხატვის მასწავლებელი.

ბუჭა, შე ძველო!

დილით გიორგიმ გამოძიარა. იგი ჩემი ბიძაშვილია. სოფლად ჩვენ-ჩვენი ეზო-კარი ისე ახლოა, როგორი ახლობლებიც ვართ ერთმანეთის. თუ მოდიხარო, მკითხა. სოფელში წასვლას არ ვაპირებდი, მაგრამ ამ უბენზინ-უტრასპორტობაში მანქანიანი კაცისთვის რომ უარი მეთქვა, ქვეყნის საქმე ზომ აღარაა კარგად, ჩემიც საკითხავი იქნებოდა. ჩაუუჯექი. დატრიალდა ბორბლები, აღმართ-დაღმართი აღარ უკითხავთ. ბროლიქეთის გადასახვევთან მღვარ კაცს შეეხმინა გიორგი:

„ბარო, ბუჭა, შე ძველო!“

ბუჭამ ალაგ-ალაგ მელოტი თავი მკვირცხლად მოაბრუნა ჩვენი მანქანისკენ. გიორგი რომ იცნო, უკეე ჩავლილი ვიყავით. ხელები გაშალა, ხელები, ფრთების ადგილზე რომ გვაქვს აღამიანებს, მაგრამ ფრთები არაა.

ღიმილი შერჩა გიორგის. მივხვდი, რაღაც გაახსენა იმ ჩია კაცმა, იაფფასიანი საჩუქარით რომ იდგა რესტორნის ვიტრინის წინ. ღიმილი თანდათან ისეთ ხარხარში გადაეზარდა, გზისპირას მძინარე ნაგაზს წამოაწვეინა თავი. ძაღლმა თვალი გააყოლა გიორგის, რა აცინებსო, იკვირია. რას მიხვდებოდა, ბუჭაია რომ იყო მისი შეღვიძების მიზეზი. ვერც მე მივხვდი და ვკითხე, ვინ იყო ის კაცი-მეთქი.

— ბუჭაია? ბუჭაია კაი ვინმეა, ჩვენთან მუშაობდა პროკურატურაში, ახლა პენსიაზეა, — თან ორ-სამ ალაგას სიცილით ჩატიხრა ეს წინადადება.

— მორჩი სიცილს და მომიყევი, რა კაცია ეგ ბუჭაია, ასე რომ გაგამხიარულა.

— პროკურორის თანაშემწედ მუშაობდა ჩვენთან. მე რას მოგიყევი მის ამბავს, თხუთმეტი წელი გვერდიგვერდ ვიყავით და კარგად კიდეც ვერ ვიცნობ. ბუჭაია რომ გაიცნო, მასში უნდა შეცურდე, როგორც ნავი შეცურდება წყალში. ის არც მდინარეა, არც ზღვა, მაგრამ არც დამდგარი გუბეა. დიდ წყალში რომ მოხვდება შენი ნავი, ამას კი მიხვდები, მაგრამ ქარიშხალს არ უნდა ელოდო. ვერც თევზს დაიჭერ, რადგან თევზი არ ხარობს. და ვერც წყურვილს მოიკლავ, სასმელად უვარგისი რო-

მაა, იმიტომ, ისე იტივტივებ ზედაპირულად. კარგად თუ შეტო-
აე, გამონაპირება შეიძლება ვერც მოახერხო. დარჩები მშვიერ-
მწყურვალნი, თუმც იმის უიმედო იმედი და ილუზია სულ
გექნება, ვითომ კარგი ნასვამ-ნაჭამი ხარ, სიზმარში გამომ-
ძლარი კაცივით, გამოღვიძებისთანავე რაღაც რომ აწუხებს და
მაშინვე ხედება, ეს რაღაც შიმშილია. ვინც ჩვენს პროკურა-
ტურაში მოხვდება: თანამშრომელია, დამნაშავე, მოწმე თუ
დამნაშავის პატრონი, ყველა ამ წყალში ინათლება. მოკლედ
რომ ვთქვათ, ნათლიაა ბუჭა და თავისი ემბაზიც აქვს.

— რას აკეთებდა პროკურატურაში?! — ვიკითხე ჩემი მხრი-
დან სიწუმის ამოსავსებად.

— ყველაფერს, რაც არ ეკალებოდა და არაფერს, რაც თა-
ნამდებობრივად ეხებოდა.

სამსახურიდან გაეიშეებო, სერიოზულად დაემუქრა პროკუ-
რორი ერთხელ.

„მე რომ აქედან გამიშვათ, დიდი შეცდომა იქნება თქვენი
მხრიდან, კალისტრატოვიჩო, — უთქვამს ბუჭას.

„რ“ — ბგერას სხვებივით ლაზათიანად ვერ გამოთქვამდა, რ-ს
მაგიერ „ლ“ ისმოდა და პროკურორის მამის სახელი კარგის-
ტლატოვიჩად ეწურებოდა მსმენელს,

— ჯერ ერთი, ახალ თანამემწეს თვალი სულ პროკურორო-
ბისკენ ექნება, რამდენი მაგალითია, პროკურორი მოუსრიალე-
ბიათ და თანამემწე გაუპროკურორებიათ. ჩემგან ეს საშიშრო-
ება მოხსნილია, კარგისტლატოვიჩ, ვიცი, დამასმინეს შენთან,
გაუნათლებელიაო, კი, ბატონო, არც ეგაა ტყუილი, იმათ რა
იციათ. მე გეტყვით ჩემი განათლების ამბავს: ორმოცი წლის წი-
ნათ შიკრიკის თანამდებობაზე დავიწყე მუშაობა აქ, ახალსკო-
ლადამთავრებულმა. კაინანს მომიწია შიკრიკობამ, მაგრამ საქ-
მესაც ავუღე ალლო. აცხონა ღმერთმა, მაშინ სერგო იყო პრო-
კურორი. თქვენ ჯვარი გწერიათ, ისიც კარგისტლატოვიჩი იყო,
იურდიულზე მაინც ჩააბარეო, — მიჩნია, როსტოვეში წერილიც
გამატანა მის ნაცნობთან, დაუსწრებელზე იქნებ მიეხმაროო.
რუსული მე არ ვიცოდი, ქართული იმათ, რა უნდა მესწავლა.
ამიტომაც ჩაუზიდე ტყაჩირიდან როსტოვეში: წერილფეხა-
ფრთოსანი, ტიკმაკი და გოჭმაჭი. მამაჩემი დამზადების პუნქ-

ტის გამგესავით მყავდა სოფელში. „რაგაა საქმეო“, რომ მკითხავდა, ვაჩვენებდი სამებით გამოტენილ მატრიკულს და ისიც იმედიანად აგრძელებდა „დამზადებაში მუშაობას“.

ცხრა წელიწადში დავამთავრე „ექსტერნად“. ბარეორი, ვისაც ტყაჩირისნაირი არ ვააჩნდა, უფრო ღიღხანს მოუნდა განათლებას. მამაჩემის წილი ტყაჩირი მთლად რომ ჩავზიდე როსტოვში, მომცეს ორად გაკეცილი ქაღალდი. ამ ქაღალდის მეტი როსტოვიდან არაფერი ჩამომყოლია.

მამაჩემმა ვალმოხდილად ჩათვალა თავი თუ რა იყო, ვერ გეტყვი, იმ შემოდგომაზე ყაჩიდან სიმიჩლით სავსე ვოდორი რომ ამოიტანა, რაცხა ვერ ვარ კარგადო, ჩამოჯდა სამფეხა სკამზე და „დიასვენა“, იგი იქიდან აღარ ამდგარა. საიქიოს ჩემი ჯავრი და იმ ქაღალდის იმედი გაჰყვა, როსტოვიდან რომ ჩამოვიტანე...

ასე კარქა-ლამაზად ჩემზე უკეთ ვინ დამასმენდა თქვენთან, კარგისტლატოვიჩი. მანამ არაფერი მეტკინა, მე პროკურორობაზე არ ვიფიქრო. რამდენიმე პროკურორის თანაშემწე ვიყავი და თქვენთანაც ვიმუშავებ თუ დამტოვებთ, ვიქნები ჩემთვის და ვიბურჭალ-ვითანამშრომლებო.

პროკურორი ჩაფიქრდა, დაკვირვებით მიაჩერდა ბუჭაიას „ინტელექტუალურ“ პირსახეს, ზედმიწევნით რომ უთავსდებოდა როსტოვეულ „განათლებას“. მართლაც და ასეთი თანაშემწეა საიმედო, გაიფიქრა თავისთვის. მერე „მარლბორის“ კოლოფს დაწვდა, სიგარეტი ამოიღო, სანთებელამ გააწვალა, სანამ აინთებოდა, კაი, ბატონო, იბურჭალეო,—უთხრა სანთებელას.

ბუჭა მიხვდა, სანთებელას კი არა, მას უპასუხეს.

— ესე იგი ვიმუშაოთ, კარგისტლატოვიჩი?!

— ვიმუშაოთ, ვიმუშაოთ, ოღონდ სახელი მაქვს მე, ეს უპატრონო, და მამის სახელს დაანებე თავი!

— არ გეწყინოთ და მამაჩემსაც კალისტრატე ერქვა, მამის-სახელით რომ მოგმართავთ, ასე მგონია, თქვენ კი არა, მამაჩემს ვებზეწები თითქოს რაღაცას და უფრო იმედიანად ვარ,—ბოლო სიტყვებს სიცილი მიაყარა საფანტივით ბუჭამ.

თავთავის დროს ასე დაამუნათა ყველა პროკურორი და მტრის ჯინაზე განაგრძობდა პროკურატურაში მუშაობას, ანუ

ბუჭას საიტყევბით რომ ვთქვათ, პროკურატურაში მოღვაწეობას. სხვები კიდეე ბუჭას „მოღვაწეობას“ ჩალიჩს ეძახდნენ — მაგ საქმეს ბუჭაია გააჩალიჩებსო—იტყოდნენ ხოლმე.

მართლაც ჩალიჩობდა ბუჭაია. ჩალიჩი, როგორც წესი, ფასიანი იყო და საბანკო ბილეთების ოდენობა ქუბუს გოჭივიით დასდევდა ინფლაციას. ამიტომაც არ უჩიოდა ბუჭა ზელფასის სიმცირეს, ბაზრის სიძვირეს და დანაშაულის სიხშირეს. ერთი საფიქრალი კქონდა მხოლოდ, ემუშავა თავისი პროფილით და ეჭამა პური ქვეყანაზე.

თანამშრომლების გაბიაბრუებ—გაპამპულება უყვარდა. მოვიდოდა და იტყოდა: ამას დღე ვაყარე, იმას დღე ვაყარეო. ერთხელაც ვიფიქრე, რაფა ყველა ამის სასაცილოა, მოდი, თვით ბუჭას მოვსინჯავ, რა ჩიტიცაათქო და კიდეეც წამოეგო არკესზე.

თავისივე მონათხრობით ვიცოდი, რომ ბუჭა, მისი მთიელი ძმაცაცი, ზეზვა, მილიციაში რომ მუშაობს და ნერვოპათოლოგი არტუსა, ყოველსალამოს ბანქოს სათამაშოდ დადიოდნენ საერთო რეგობართან, ის მეგობარი მართხელა კაცი იყო და ხელსაც არაეინ უშლიდათ. ერთი მეზობლის ქალი ეეჭვებოდათ მხოლოდ, ძმაბიჭების თავშეყრისას რომ იძახდა: „მოვიდნენ ყომარბაზებიო“. იმ პერიოდში მოგვივიდა მთაერობის დადგენილება აზარტული თამაშის მიმდევართა მიმართ მკაცრი ზომების გატარების თაობაზე.

ჩემს განყოფილებაში სტაჟირებაზე იყენენ ახალბედა იურისტები. დაუძახე ერთ-ერთს და დავაწერიხე ანონიმური წერილი პროკურორის სახელზე, რადგან სხვა თანამშრომლების ხელწერას ბუჭაია ცნობდა, დავბეჭდე როგორც წესი და რიგი იყო და ჩეორე დღესეე გავუგზავნე ჩემსაეე პროკურატურას.

მესამე დღეს მღივანი ფოსტას რომ არჩეედა, მეც შევესწარი. ეს მათხოვეთქო, ნაცნობ კონვერტზე ვუთხარი ნუნუკას, გავხსენი და წავაკითხე, მერე ყველაფერი აუუხსენი, რატომაც გავაკეთე ასე და მისგან რა დახმარებაც იყო საჭირო. თქვენთან ვარ, ბატონო გიორგიო, მითხრა აკისკისებულმა მღივანმა.

შეკვეთით გამოგზავნილი კონვერტი, მოგონილი მისამართი რომ ეწერა, დავკუშნე და ნავის ყუთში ჩავავდე. წერილი კი

დავხიე და ისიც კონვერტს წავაყარე. შევედი ჩემს კაბინეტში, დერეფანში გამავალი კარი ღია დავტოვე. შესვენებამდე არ გამოჩენილა ბუჭა, დაიწყო შესვრება და ჩაუარა კიდეც ჩემს კარს ღიღინითა და სანახბახე თითზე მანქანის გასაღების ტრიალით, საღმის მაგიერ ხელი ამიწია.

— ბუჭა, ბუჭა, შემოიარე ჩემთან,—დავაწიე მიმავალს.

— მე შეძახი გიორგი?! — იკითხა და მაშინვე შემოჰყვა თავისსავე ხმას.

— შენ გეძახი, შენ!—რაც შემემლო საგანგაშო ტონალობა მივეცი ნახევარხმას, — მიხურჭ კარი და მომისმინე: ვინ გყავს ასეთი დაუძინებელი მტერი, გაშანშალებული ანონიმური რომ გამოუგზავნია პროკურორის სახელზე.

— ჩემზე?!

— შენზე, შენზე!

— ლაღობ რაღაცას,—გამომცდელად დამაშტერდა ბუჭა.

— რა ღროს ლაღვია, კიდეუ კარგი, ნუნუკასთან ახალ ფოსტას შევესწარი, შეკვეთილ კონვერტს მივაქციე ყურადღება, გამოგზავნელის მისამართი მოგონილი მომეჩვენა, მერე სამისამართო ბიუროში დავრეკე: ამა და ამ ქუჩის 215 ნომერში რა გვარი ცხოვრობსთქო. ეგ ქუჩა 105 ნომერზე მთავრდებაო, მიპასუხეს. გავხსენი და შენი შავი „დახასიათება“ შემრჩა ხელში.

— მასხრობ თუ მართლა ამბობ, შალვოვიჩ.

— რას ემასხრობ, შედი ნუნუკასთან, დავხიე და სანაგვე ყუთში ჩავყარე კონვერტიცა და წერილიც.

როგორც ჩანს, დამაჯერებლად გამომივიდა, ჩაფიქრდა ბუჭა, მერე კბილებში გამოსტრა:

— ვიცი ვინცაა, მაგას მოუტან კანისტრას!—თან მარჯვენა ხელისგული მომუჭულ მარცხენას ისე დაუშინა, როგორც ტყემლის ბოთლს ურტყამენ ფსკერზე. გაუარდა კაბინეტიდან. გასული არ იყო და შემობრუნდა.

— სადაა ნუნუკა, დაკეტილი რომაა კარი?!

— რა ვიცი, ალბათ შესვენებაზე.

საათს დახედა, როდის მოვაო, საჯავროდ შეექნა 35 წუთი.

— მაინც რაო, რას წერს ეგ ავ-კარგ მიიმასქნებული...

— რა ვიცი, რაც კი ცხოვრებაში მიგიქარავს, ყველაფერს.

— კანონიერი ქურდის შვილი რომ მყავს მონათლული, იგიც წერია?

— ეგ არა!

— ლიანიასთან რომ მაქვს საქმე?

— არა!

— ქალიშვილი რომ დავაჯინე სამედიცინოზე?

— არც ეგ, სხვა ყველაფერი.

— სიძეს რომ უცხოური მანქანა ვუყიდე?!

— ეგეც არა.

— გამოსაფხიზლებელში რომ მოვხვდი?

— არა მარა, იქაც ხან ნამყოფი?

— აბა! ერთხელ, გათიშული მთერალი ვიყავი, პიჯაკი მე-კაჟა ხელში და ტორედორივით დავდევედი დასაჭერად ტაქსებს თურმე. მოსულა მილიციელნი და ტროტუარზე ადიო, უთქვამს. გაებრაზებულვარ, მე, ბუჭა კალგიტლატოვიჩის, ქალაქის პროკურატურის წამყვან ფიგურას, ვილაც მილიციელი ჭკუას მარიგებდა, დამიწყია ყვირილი: „მაგ პაგონებს ავახევ და სულ ცხვირში გირტყამ-თქო...“ ატეხა იმ მილიციელმა სტვენა, იმწამსვე მოვარდა ყვითელი ვილისი და სანამ იმას ავახვედი სამხრეებს, მე მომაკერეს თხუთმეტი დღე-ღამე.

დილას პროფილაქტორიუმის უფროსმა ბოდიშები მიხადა, ყველას ბევრი გვაგინეყე, მარა გიცანით ვინც იყავით და წიგნში აღარ გაგატარეთო, ლოთობისა და ალკოჰოლიზმის წინააღმდეგ მებრძოლი კომისიის თავმჯდომარე მაინც არ ვყოფილიყავი...

— ჰო, ეგ წერია, ლოთობას რომ უნდა ებრძოდე და თვითონ ლოთობ.

— ვიცი ვინცაა, მაგას მოვუტან კანისტრას! — ისევ წამოვარდა სკამიდან ბუჭა და ისევ გამახსენა ტყემლის ბოთლი მისი ხელების ენერგიამ.

გააღო ნუნუკამ კარი და შეყვა ბუჭა.

— რა ფოსტა მიიღე დღეს, გოგო, — შეეცადა მშვიდად ელაპარაკნა.

— რა ვიცი, ბატონი გიორგი რომ არ ყოფილიყო, კალისტრატოვიჩის მაგიდაზე იქნებოდა ახლა.

— მაჩვენე, სადაა?

მღივანმა საქალაქებზე მიუთითა. ბუჭამ ჯერ თვალებით ისეირნა საქალაქებში, მერე შიგ გადაეშვა და მანამ არ აუწყევია თავი, სანამ ყველა ნაკუწი კურტაკის ჯიბეში არ გადაიადგილა. ნუნუკას უთხრა, თუ ვინმემ მიკითხოს, გასული ვარო. თავის კაბინეტში შევიდა და კარი შიგნიდან ჩაკეტა. სამი საათის მერე გამოვიდა, შემოვიდა ჩემთან და ახლა ჩემი კაბინეტის კარი ჩაკეტა შიგნიდან. გახსნა საქმის ყუა და დამიდო მაგიდაზე სამსაათიანი შრომის ნაყოფი, — გამჭვირვალე ქალაქზე დაწებებული წერილის ნაკუწები თითქმის მთლიანად აღედგინა, მხოლოდ ორ ადგილას აკლდა პატარა ფრაგმენტი.

— ვიცი, ის ქალია, შალვოვიჩი, როგორც დაგვინახავს, მოჰყვება წყველა-კრულვას, ყომარბაზებს გვეძახის, ვეღარ მოვიტმინე ერთხელ, ვაგინე მკედარი და ცოცხალი, ახლა გახსენებია ამ ვირიშვილს, ამას, ნახე რას წერს!

ღრმად პატივცემულო, ამხ. პროკუროვო!

ძალიან ბოდიშს კი ვიხდი თქვენი ძვირფასი წუთების მითვისებისათვის, მაგრამ ეს წერილი, რომელიც ჩემი ალალი გულისწყრომის კარნახითა და თქვენდამი დახმარების მიზნითაა დაწერილი, ბოლომდე უნდა წაიკითხოთ და გამოიტანოთ სათანადო დასკვნები, რათა ჩვენი საბჭოთა კავშირი და სოციალისტური რევოლუციის მონაპოვარი არ გაანიაკონ ისეთმა ხორცმეტებმა, თქვენი თანაშემწე, შრომის ვეტერანის მედლის მფლობელი, პროკურატურის პირველადი პროფორგანიზაციის კულტმასობრივი მუშაობის კომისიის თავ-რე, ლოთობისა და ალკოჰოლიზმის წინააღმდეგ მებრძოლი კომისიის თავ-რე, სკკპ წევრი წლების განმავლობაში, ბუჭა კალისტრატესძე ჭახათელი და მისი ამფსონები არიან.

ამხ. პროკუროვო! ზემოთაღნიშნული პირი, თანაც პროკურატურის პასუხისმგებელი თანამშრომელი, სისტემატიურად

დღეობა მასავით გათახსირებულ ცხოვრების მუწუკთან, გ-კ-სთან (ნახე რას წერს, სისტემატიურად, ყოველდღე სად მცალია, დიდი დიდი ოთხჯერ, ჰა, ხუთჯერ შევიკრიბოთ კვირაში.) გვიან დამემდე არ წყდება აზარტული თამაშები, ლოთობა სვამენ: არაყს, შამპანურს, პილონურს, ჩეხურ და ბავარიულ ლუდს (ბავარიული ლუდი საერთოდ არ გამისინჯავს)... მერიდება, მაგრამ უნდა ვთქვა, ბოზობა, რადგან ხშირად თან ახლავთ მათსავით აღვირახსნილი ქალები (ერთბელ მახლდა ლიანია და ხშირადო წერს, ხედავ?) გადადიან ყირაზე და არ აძლევენ პატიოსან შრომის ფერხულში ჩაბმულ მესობლებს კანონიერი დასვენების საშუალებას, რომ მეორე დღეს აღდგენილი ენერგიით თითო ანგური შესძინონ კომუნიზმის დიად შენობას (რას წერს ეს დებილი, მაგათი აგურით ნაშენები რომაა, კიდევაც ეტყობა იმ შენობას).

ამხ. პროკუროვო! დროზე მოიცვლეთ გვერდიდან ბუჭაია ჭახათელი, რომელიც მისი ქმედებით არცხვენს მთელს თქვენს უმწიკლო კოლექტივს და ჩვენს ქალაქს.

თუ ჩემს წერილს სათანადო რეაგირება არ მოჰყვა, მეორე წერილს, უფრო ვრცელს, უფრო დოკუმენტურს და ჭახათელის „მეკობრების“ ზუსტი ანკეტური მონაცემებით, მე ვიცი სადაც გაეგზავნი.

მაგრამ იმედი მაქვს თქვენი სიბრძნის, როგორც ჩვენი ქალაქის კანონიერების ბურჯისა და კომუნისტური პარტიის მოთხოვნილებების ცხოვრებაში განუხრელად გამტარებლისა და ალბათ სათანადო ზომებს მიიღებთ აუტანელი მდგომარეობის აღსაკვეთათ.

თქვენი კეთილისმსურველი.

(ისე შენი კეთილები) შიშნარევი მზერით მომაჩერდა ბუჭა.

— ეს რომ შეფს ენახა, დამთავრებული იყო შენი დილა-ოდლა, ამიტომაც დავხიე, თუ სხვაგან გაგზავნა, როგორც იმუქრება, მაშინ ხარ ცოდვა. ვიცი ვინცააო, იძახი, ავი და კარგი კი არა, ბოდში მოუხადე და თუ საჭირო იქნა, უნდა იყიდო კიდევ. ერთი სიტყვით, უნდა ეცადო, გააჩუმო...

— კი, გიორგის ვენაცვალე, ძმა ხარ ჩემი, მაგ საქმეს კი მოვუვლი, რახან ღმერთი შეგვეწია და არ გახმაურდა.

მერე შევიტყვე: მისულა ბუჭაია იმ ქალთან, პატიება უახოვია, მყუდროებას გირღვევდით, აწი აღარ შეგაწუხებთო...

— წადით, გადაშენდით, რა საქმე მაქვს თქვენთან, მე ჩემი ყომარბაზი შეილები მეყოფა, თქვენ თუ გინდათ ქვაი იხალეთ თავში. წადით, დამეთხუეთო — და თვითონ დაეთხოვა თურმე — შესულა სახლში.

ერთ დღეს ზეზვას შევხვდი და ამ ამბავს მოვუყევი, ასე იყო და ასე-თქო. არ გადამირია ხევსური? მართლა ეგრე იყო, მართლა-მეთქი. ბუჭაიას მოვუტან კანისტრასო, იძახდა.

— რამ გაგაბრაზა-მეთქი, — ვეკითხები სიცილით.

— მეც წამაკითხა ეგ დაწებებული ანონიმკა და ათასი მანეთი გამომართვა იმ ქალის გასაჩერებლად ჩემდაწილად, ანტუშამაც ასე მომცაო, ნაკლებად არ შეება ის შობელ-ძაღლიო.

იმ კვირაში ფსიქიატრიულშიც მომიწია მისვლა, ერთი კაცისმკვლელი იგონებდა სიგიჟეს, იქ შევხვდი ანტუშას, ჩემი საქმე რომ მოვილიე, სხვათა შორის ის ამბავიც მივაყოლე. ახლა ანტუშა გახდა დასაბმელი, თავის პაციენტებზე უარესად შეიქნა, ბუჭაიასო... და ცოფები ჰყარა. მრავალგზის ახსენა კანისტრაც და კანისტრაზე მძიმე რალაცეებიც, ანტუშასაც დაუდვია მისი წილი ათასი მანეთი. ათასი მანეთი მაშინ ფული იყო. ძმაკაცებიდან აღებულ ორიათას მანეთს თავისი წილიც დაუმატა ბუჭამ თურმე და ქალიშვილს ისეთი ქორწილი გადაუხადა, ჩიტის რძე არ აკლდა მაგიდას, მე ვარ მოწმე. გააკეთებდა კიდევ, ძირითადი პროდუქტი უფასოდ უშოვია. წონა და გამაველობა ჰქონდა ქალაქში და იმიტომ.

კომუნისტები რომ დაითხოვეს, ბუჭაიაც გაუშვეს პენსიაზე. მანდატი კი გადააგდო დროზე, მაგრამ კომუნისტი იყავიო, გაუხსენეს. ერთხანს ადვოკატურაში იმუშავა, მაგრამ რად გინდა, ვილას სჭირდება უიარაღო დამცველი, ვინც სულს

დაფავს, რაღად უნდა დაცვა. ვისაც სული უდგას, თვითონ ირჩევს იარაღში ჩამსხდარ დამცველებს. დარჩა ბუჭა თავისი გამოცდილებით და სპეციფიკური ცოდნით მთხლესავით, აღარც ღვინოდ ვარგა და აღარც ძმრად. ერთი მიბრუნება მიუბრუნდა მამისეულ ტყაჩირს და გაუშინაურდა სოფლის მეურნეობას. სოფელი უფრო ძნელი გამოდგა.

ამ ბოლოს თავისი სახლის პირველ სართულზე ერთი ოთახი კომერციულ მაღაზიას დაუთმო, თვითონ ამარაგებს, ვიღაც გამყიდველი აუყვანია. ერთი-ორჯერ ავტომატიან ჯეელებს შეუვლიათ, უცხოური სიგარეტები და შამპანურები წაუღიათ უთვლელად და უფულოდ. ასე არ ივარგებსო და ბუჭასაც მოუძებნია ვიღაც ავტომატიანი დეტექტივი, მეტსახელად „ზუბა“, ხელფასი დიდი, მაღა დიდი, მუცელი დიდი, მაღაზიის მოგება ყოფნის და არც ყოფნის ზუბას.

კომერციული მაღაზიის წინ, რომლისთვისაც პატრონს „ტყაჩირი“ დაურქმევია, ხშირად დგას უკანაპირისაზეზე ხელუღებდაწყობილი ბუჭაია და თავისთვის იძახის: მაგას მოვუტან კანისტრასო. კაცმა არ იცის, ამჯერად ვის ეკუთვნის კანისტრა.



საფინანსო,
კვლევა
საფინანსო...

ესტატი

„წიგნს მოკიდე ხელი, თუ არა ერმალოზის ბიჭვიით ილაყუნებ აღმა-დაღმა“, — მიჩიჩინებდა ესტატე ბაბუა დღენიადაგ.

მის წყენინებას თავით მარილის ნაყვა მერჩინა. გამოვიტანდი ჭიკოიას ნაქონ წიგნს, ჩამოვჯდებოდი ნიგვზის ჩეროში, ძველ ბუხრისთავის ქვაზე და ისე ხმამაღლა ვკითხულობდი, გაღმელი თანატოლები, რიკტაფელას თამაშის დროს, წაუკითხავად სწავლობდნენ სახვალთა გაკვეთილს. სკოლიდან მაინც ისეთი ნიშნებით ვბრუნდებოდი, სხვადასხვა მიზეზით მტერ-მოყვარეს რომ ვერ გაუმხელს კაცი, სულ წკიპზე ეკიდა სეში კლასიდან კლასში გადაყვანა.

მერვე კლასამდე ვაჯახირებდი დირექტორს, მასწავლებლებს, ბაბუას და საკუთარ თავს. მერვეში ბოლო გამოცდა ვერ ჩავაბარე და... სახლში დაყურული დავბრუნდი.

— გაგიწყრა გამჩენი ხომ?! — შემომიღრინა ესტატემ. ახლადგამოკვერილი თოხი ხელუკუღმა ისროლა და მარცხენათი, რომელიც ბარეორის მარჯვენას სჯობია, თქვენგან მოწონებული ალიყური მცეცხლა. უკუღმა დატრიალდა ბაბუასეული ეზო-გარემო და ვანიჩკას მინდორში რომ მწარე ბალს ვხეთქე თავი, უკან მერე მოვიხედე, რა მომარბენიებდა-თქო.

— ფეხი არ მოიცვალო, მაქ მომიცადე, — მომამახა ესტატემ.

სადღა წავიდოდი. ხის ძირში ჩამოვჯექი გულზე გაბღიზინებული და თვალი მივაღვენე, მზე ლოთის თუმნიანივით როგორ იხარჯებოდა საწვიმრად შემზადებულ ღრუბლებში. ვინატრე წვიმა, კოკისპირული, ამას წინათ რომ იყო, ისეთი, მაგრამ მზემ ისევ მაღე შემოიფლითა საავდრო სამოსელი და

კვლავ გამოეჩინა ვანიჩქას კოპიტებში. თავი ჩაეხარე. ახლა ჭიანჭველებს დავაკვირდი, ჩემს ფეხებთან მიწაზე ცოცხალი ხაზი რომ გაებათ და საქმიანად დაქუქცუცებდნენ. მალე ისევ ჩამოიქუფრა. ავიხედე. ახლა ესტატე აჰფარებოდა მზეს. ორ თოხზე ჩამოყრდნობილი მომჩერებოდა. ერთი გამომიწოდა და უკმეხად მითხრა:

— მოკიდე ხელი ამას, მეტი მაინც არაფერი გამოვა შენგან. წინ გამიძღვა, ნაგვიანები ყანისკენ, „სალამომღე ორ სვრელს გავიტანთო“ — უკანმოუხედავად თქვა ასე.

ესტატეს ხმაში ძველებურად თხოვნა კი არა, ბრძანება იყო. „უარესი მეკუთვნის“, ვფიქრობდი გულწაწყვეტილი. და ბალახმიძალებულ მიწას დაბოღმილი ვჩორკნიდი.

რალაცნაირად ესტატეც აჯოჯოხეთებდა თავის ხასიათს. მშიერი მგელივით აწრიალებულ ფიქრებს ისე მიუვხვდი, თითქოს ხმამაღლა ეთქვას: „რავა დავამახსოვრე. ხელი ამხელა ბიჭსო; სხუმის მეტი ეკუთვნოდა, ვერ გავიშეტე, ახლა რა ჯანდაბა მეტაკაო; მერე რაფერი ამაყია, ნახე რამდენ ხანს იქნეს ჩემზე გულმოსულიო; სულ მამამისის ხასიათი აქვს ამ ვირისთავსო...“

ერთი სვრელი ისე გავიტანეთ, დაღლა არ გვიგრძვნია, არც ხმა გაგვიცია, დროდადრო ქურდულად გავაპარებდით ერთმანეთისკენ მზერას.

ყანის თავში ჩამოჯდა ესტატე, თუთუნს მოუკიდა.

— დაჯექი, ბაბუა, მუხლი მოატყუე, — მითხრა თოხის ტარზე ჩამოსვენებულს და მტყუანივით გაელიმა. მისი ღიმილი წელანდელ მზეს ჰგავდა, ღრუბლებიდან რომ ძლივს დააღწია თავი, მერე მზერა მომარიდა, მივხვდი, ყინული გამლღეაღიყო. გული ამიწყუდა, ცრემლი მომეძალა. მარტო ვყოფილიყავი, ვიტირებდი ალბათ. მომინდა, მივეარდნილიყავი და ჩაეხვეოდი მოხუცს, მაგრამ ეს რომ გამეკეთებია, ბაბუასთანაც ვერ შევიკავებდი შიგნიდან მომსკდარ ნაღველს, მხოლოდ ტირილით რომ მოიფონებს კაცი. ისღა მოვახერხე, გვერდით მიუჯექი და მიწას ჩავაშტერდი. არ მინდოდა, ცრემლით დაბინდული თვალები მენახებინა მისთვის.

მოხუცმა იმ ხელით, რომლის კვალი ალბათ ჯერაც მაჩნდა სახეზე, თმა ჩამომფარცხა. ამას კი ვეღარ გავუძელი და რაღაც სასწაულით შეკავებულმა ცრემლებმა თავისი გზა ნახეს. სახე მუხლებში ჩაემალე.

ესტატემ მადროვა, სანამ გულს მოვიოხებდი.

— ყური მათხოვე, — ისე დაიწყო, ჩემსკენ არც გამოუხედავს, — შენ ჯერ ბავშვი ხარ, თავსაყარი ოქრო გაქვს ხელში. ეს ოქრო დროა. ოქროს ჭკუით უნდა მოხმარა, თუ არა, ისე შემოგეფცქენება, უკან მოხედვას ვერ მოასწრებ. არ მინდა ცხოვრებამ დაგჯაბნოს. შენთვის ვამბობ და ქვეყნისთვის, ბაბუა! თორემ ჩემთვის კაი ხანია შემზადილი უნდა პქონდეს კაცს ოთხი ფიცარი. არც ის ვარგა, მიუწვდომელს შეეპოტინო, მთავარია ადამიანი იყო, იცოდე სიტყვისა და საქმის ფასი. ისე, რასაც გააკეთებ, კარგად გააკეთე და ეგაა.. ღმერთმა აცხონოს ბაბუაჩემი, კაცს თუ სიტყვას ეტყოდა, მოკვდებოდა, მაგრამ შეასრულებდა. ის რომ ჩოხას შეეკერავდა, იიფ!.. ახლა მამაჩემს არ იკითხავ? მასეთი მჭედელი სად იყო. რობაქოს დამლიან წალდს თუ ნაჯახს, ცელს თუ ნამგალს, ხელიდან სტატებდნენ ერთმანეთს ჩხარის ბაზარზე, აბა!

არაფერი მიპასუხნია. წამოვდექი, ბროწეულის საქარში შედგმული თუნგულა გამოვიღე, — დალიე-მეთქი, — გავუწოდე „ჯერ შენ გეკუთვნისო“, მანიშნა, მოვსვი. მერე ცოტა მიწაზე გადავღვარე, როგორც ბაბუამ იცოდა. მოხუცმაც მოიკლა წყარვილი. დოქს ლელვის ნეშო დაახურა და კელავ საქარში შედგა. თოხნა ისევ უხმოდ გავაგრძელები.

საოცარი კაცია ესტატე, — ვფიქრობდი ჩემთვის, — ქველი და რობაქო მოიგონა, თავისთავზე არაფერი დასცდენია. არადა „მსგავსი ოსტატები სადღა არიანო“, ასე თქვა მუზეუმიდან. მოსულმა კაცმა, შარშან ბაბუას ნახელავი ქამარ-ხანჯალი და ვერცხლის სასმისი რომ წაიღო. ამ ბოლო ხანს გასივდა კაცი გულზე, ვეღარაფერს აკეთებს. არც ხელი უჯერის, აღარც თვალი უჭერის ძველებურად, ხუხულაში ხშირად შედის, გადაფერთხავს მტვერს, გაწმენდს ხელსაწყოებს, ცოტა ხნით ჩამოჯდება, იმ სიმღერასაც წაიღიღინებს, მუშაობისას რომ იშველიებდა.

უადგილო ადგილას გაუწყდება. ხმა. მერე ეშმაკს შეაფურ-
თხებს, სიბერის მომგონს დაწყველის და მომაკვდავის პატ-
რონივით გამოდის გარეთ. ამ დროს იმაზე ხნიერი და მოტე-
ხილი გეგონება, ვინემ სინამდვილეშია. მხრებჩამოყრილი და
მობუზული დააშტერდება მიწას, თითქოს რაღაც დავიწყე-
ბულის გახსენებას ცდილობსო, მერე უცებ მხრებს გაშლის,
წელში გასწორდება, თითქოს წლები ჩამოიფერთხაო და წინ
ისევ თვალმოჭუტული, კვლავ რაღაცაზე ჩაფიქრებული, ჩემი
ბაბუა, ნამდვილი ესტატე ღვას.

მეორე სერელი რომ ამოვათავეთ, მზე შინდოვნის მთაზე
ჩამომჯდარიყო. ცოტა ხანს დაღლილი კაცივით იყურა იქი-
დან, მერე თვალი ჩაუკრა სოფელს და გაუჩინარდა. წყაროზე
ხელ-პირი დავიბანეთ, თუნგულა ახალი წყლით ავაესეთ და
სახლისკენ გავსწიეთ.

მოკაყხვინჭკებულ საურმე გზაზე, ფეხშიშველი, ტანშოლ-
ტანა გოგო მოაბიჯებდა. ქარს თავის ჭკუაზე აეყოლიებინა
მისი გრძელი თმები და მოკლე კაბა. ვერ ვიცანი ასე შინაუ-
რულად ჩაცმული უცხო გოგო. მანაც დაიჭირა ჩემი დაჟი-
ნებული მზერა. მომარიდა თვალი და ღობის გასწვრივ ჩარი-
გებულ ტირიფებს ნაწყენივით რაღაც წაუბუზღუნა. მერე ისევ
მომიხედა და კვლავ ტირიფებს ჩააცივდა.

— დამუწე ბაბუა პირი და წამოდი, ამ საურმე გზას მალე
სამანქანოდ გადააკეთებენ და მაგისტანები, აივლ-ჩამოივ-
ლიან?! — შემაფხიზლა ესტატემ.

კი ვიცოდი, გზას ბევრი ამვლელ-ჩამვლელი ჰყავს, მაგრამ
იმ უცხო გოგოს ევლო მინდოდა. წელმოწყვეტილივით გავა-
გრძელე გზა.

ესტატე ჩემსკენ მობრუნებულიყო, თოხზე ორივე ხელთან
ერთად ნიკაპიც ჩამოესვენებია და სახეზე ღიმილშეყინული
იყურებოდა. ვერ მივხვდი, მე მომჩერებოდა თუ ბინდმოდალე-
ბულ სოფელს ჩასციებოდა. წინ ავესვეტე: ყურადღება, არ
მოუქცევია. ალბათ მისმა ბებრულმა მეხსიერებამ წლებწა-
ფარებული, გულისკუნჭულში ჩარჩენილი, ტკბილი მოგონება
ამოატივტივა და შიგ გაჩხირა.

— ბაბუა, ვისია თუ იცი ის გოგო? — კკითხე გაუბედავად.

— აჰ! — უაზროდ შემომხედა მოხუცმა. — ჰოო!! ის გოგო?!
ბაბილინას შვილიშვილია ლელუკა, წელს არდადეგებს ჩემთან
გაატარებსო, ბებიამისმა.

— აბაჰ!

— მოგეწონა. თუ?

— არა, კაცო, ისე...

— ისე შეიძლება, თუ არა შენისთანა თოხმომარჯეებული.
ბიჭისთვის არ ეცლება მაგას. ბაბილინასაც ბევრი უპრაწავდა
თვალებს, მისი ხათრით მეც წამდაუწუმ ვისწორებდი ქოჩორს.

— მერე?!

— მერე ჩემი ქოჩორის სწორებაში დიმიტრიმ სამხედრო
სასწავლებელი დაამთავრა, ჩამოვიდა სოფელში აფიცრის ფორ-
მაში გამოწკეპილი, სტაცა ხელი ქურციკივით გოგოს და მეორე
კვირას ქორწილში მიგვიპატიუა. ასეა, — ამოიხვნეშა ესტატემ,
თოხი ყუით დაჰკრა მიწას, დაღამებულაო თქვა და სახლისკენ
წალასლასდა.

მთელი ღამე არ მიძინია. ამოვიდე თავქვეშ ხელები და
ვფიქრობდი იმ გოგოზე, ლელუკას რომ ეძახდნენ, სარკესავით
თვალები რომ ჰქონდა, შიშველ ფეხისგულებს რომ აჩვევდა
სოფლის შარავზას...

ცის იმ ნაწილზე, ჩემი ფანჯრიდან რომ მოჩანდა ღრუბლებს
შორის, ერთი ვარსკვლავი კიაფობდა. სხვა დროს ყურადღება
არ მიმიქცევია. ახლა სულ სხვანაირად კაშქაშებდა ის და-
ლოცვილი.

ეზეკიას მამალს ფედოსია ქვრივის ვარიები ესიზმრებოდა, ანთიმოზი რომ წყაროდან დაბრუნდა. პირსაბანი შეავსო, ხელ-პირი დაიბანა, მერე ალმაცერად ახედა ცას.

„კაი დარი იქნება დღესაც“, — ჩაილაპარაკა ჩუმად. კოპიტის ჯირკში ჩარჭობილი წალდი ამოაძრო. გუშინდელი ნამოროდი წაიძღვანია და საპირეში ჩაუჩეხა ძროხას.

— გვრიტინე, გეყურება?! — გასძახა ცოლს.

— ბატონო! — გამოეხმაურა სამზადიდან ქალი.

— ცოტა დაუჩქარე, გამოწველე ძროხა, მერე ორ ლუკმას წავიხემსებ და წავალ საქმეზე.

— დაითქვი სული, — კარდალას გამოვრეცხავ და მოვალ.

— ბოშო, ის გოგო კიდევ არ ამდგარა ზეზე?!

— არ ამდგარა, არა, ისევ აიტკივა რაღაც, ნეტა კარგად იქნებოდეს.

— ვიცი მაგის ტკივილ მე, სიზარმაცე ქვია მაგას, მზე რომ წამოადგება ლოგინში, რისი მაქნისია მერე ის?..

გვრიტინე ჯორკოლაზე მოკალათდა. ხბოს რამდენჯერმე დაათელევეინა ძროხის ძუძუები, მერე ბოძზე გამოაბა და წველას შეუღვა.

— ივანობისთვეში თუ ამინდები დაიკავა, მოსავალი კაი გვექნება, — აჰყვა ანთიმოზი რძის ჩხრიალს.

— კაი დაგემართოს!

— გერმოგენას ბიჭმა, ჭკუტიამ, შარშან ცოლი რომ ითხოვა, ხომ გახსოვს?

— რაჟა არა, პარიკმახერის შავი გოგო, დაბლა სოფლიდან.

— ჰო, ბოშო, იმ შავ გოგოს სამი ბიჭი შეძენია გუშინწინ.

— აბაჰ, ერთად, კაცო?!

— ერთად, გადარეულია კანტორაში ხალხი.

— ონისიმეს ბიჭს გაუშვია ის ქალი, შენ რომ მოგეწონა პოლექსის გასვენებაში, „უმადლესი იმიტომ დავამთავრე, სოფლის ტალახი ვზილოო“...—

— დაუღვა თვალი და ყური, — მიაჯოჯოხეთა გვრიტინემ ონისიმეს დიპლომიან რძალს.

ანთიმოზმა მათარა მოძებნა, წყლით აავსო, საველე ჩანთა მხარზე გადაიკიდა, ტარმოკლე წალდი ქამარში გაირჭო, გვერტიწეს დაუძახა, პროხა კიმიოთიას ნავენახარში ჩააბიო და ჭიშკარი მიიხურა.

ჩქარი სიარული იცოდა ანთიმოზმა. მხრებში ოდნავ მოხრილი, გრძელ, ყუნცულა ნაბიჯებს ისე წაადევნებდა, გეგონებოდა, სამოთხეში აგვიანდებო. ოდნავ წინ გამოსვერილი ნიკაპი, თუთუნისაგან შეყვითლებული თეთრი უღვაშები, ტუჩებს შორის გამომზირალი ფოლადის სამი კბილი, ბარაქიანი, კეხიანი ცხვირი და სქელ წარბებს ქვემოთ ჩასაფრებული, ნაცრისფერი, დიდი თვალები, მიუკარებელი, კუშტი კაცის შთაბეჭდილებას ტოვებდა, სინამდვილეში, მისი წერილი ხმა ქალისგან გეგონებოდათ ნასესხები, ხასიათი კი გულუბრყვილო ბავშვისა ჰქონდა.

ოც წელზე მეტია, ანთიმოზი სოფელ გვიმრიანის კოლმეურნეობის მეველედ მუშაობდა.

„ერთობ დიდი საქმე მაქვს ჩაბარებული და კარგი გაძლილა უნდაო“, — შეიცოდებდა ხოლმე საკუთარ თავს სხვების გასაგონად, — „ხუმრობა ხომ არაა, როკიანის ბოგირიდან შინდოვნის მთამდე, ყველაფერი ჩემი საპატრონო-საჯახიროა, ასი თვალი და ყურია საჭირო, აბა, ჩეროში კოტრიალი და უხადი ჭურის დაჭაშნიკება, იცოცხლე, ადვილია. საქმე მითხარი შენ, საქმე, ამხელა სოფელს მოვლა არ უნდა?! რეტი დაესხმება კაცს. ააშენა ღმერთმა ჩვენი თავმჯდომარე. ბულალტერს ჟიგული ჭამოუყო, ფერმის გამგეს — მოსკვიჩი, მე — ენა... ცოტა გაუბელი და ამ .ორ წელიწადში იქნებ ცხენი გაგიხერხოო“.

ამ ფიქრებში ანთიმოზს ერთი სამოყვრო გზა ჩამოეთოხარეკებია და ახლა ლომინის დობილოს დელე-დელე მიუყვებოდა. ცოტა შეისვენა, პირზე წყალი შეისხა, ქვაზე ჩამოჯდა, სიგარეტი ამოიღო, ასანთს გაკკრა, ჩაუქრა, ჩაუქრა მეორედაც. — გრისხა ღმერთმა! — უგუნებოდ გააფურთხა გვერდზე.

— სასიკეთო პირი უჩანდა მოსავალს, ეს ქარ-სიცხე მო-

ხარშავს ახლა, — მეველეს ზურგიდან მხარზე თოხგადებული
კაცის ლანდი წამოეპარა.

— ან-ან-ანთიმოზს გა-გა-გა...

— გაგიმარჯოს, ფოლია! — არ დაამთავრებინა სიტყვა მხეი-
ძეების ენადაბმულ, ერთადრეთ მემკვიდრეს.

— რა-რა-რა...

— რაეა ვიქნები, კარგად, თავად?

— კა-კა-კა...

— კარგად გამყოფოს მამაზეციერმა, — კვლავ დაასწრო ან-
თიმოზმა, სანამ ფოლია ახალ რამეს მოაცოდვილებდა...

— გაიგე?! გერმოგენას რძალს სამი ტყუპი შესძენია, ონი-
სიმეს ბიჭს ქალი გაუშვია, ეზეკიას გოგო გაპარვია, პირ-
დაპირ ონოფრიას ბიჭის ქორწილიდან გაკიდებია ჭოგნარულ
მედლილეს. კიმოთიას ნათლიდედა, ალუთი მეოთხედ დაქვრივე-
ბულა.

— სა-სა-საწ...

— საწყალი კი არა, „კუდიანიო, ასე ამბობენ.

ანთიმოზმა სიგარეტი ღელეში მოისროლა. „კარგად მე-
ყოლეო“, — დაემშვიდობა პირღია დარჩენილ ფოლიას და სა-
ნამ იგი რაიმეს კითხვას მოახერხებდა, ღიღინით დაითავდალ-
მართა ვენახებისკენ.

მთელი სოფელი ანთიმოზს მოსიარულე ცნობათა ბიუროს
ეძახდა. უცნობიც რომ შეხვედროდა, სალამ-ქალამის შემდეგ
რალაც-რალაცეებს გამოჰკითხავდა. თუ საინტერესოს გაიგებ-
და, სალამოს გვრიტინეს მიახარებდა, სახლში მისვლამდე, ვინ
იცის, კიდევ რამდენს დააპურებდა სოფლის ავ-კარგით. ეს
ჩვევა სულში და ხორცში ჰქონდა გამჯდარი, ავად გახდებო-
და, ვინმესთვის ახალი არ ცუტქვა.

ფაცციას ძროხა შემოდგომაზე მთიყევანს ხბოს, კირილეს
მიტოვებული სამჭედლო ქარმა წააქცია, პროკლეს გოგო ავ-
რონომიულზე მოეწყო, ანტონას ბიჭი ვირმა გადმოაგდო,
საულია მომსპარმა მაჩვი დაიჭირა... წააბამდა სულმოუთქმე-
ლად. უნდა გენახათ, რა სიამოვნებას ჰკვირდა ახალი ამბით
გაკვირვებული თანასოფლელი, თვალებდაკუსული რომ უს-
მენდა წყაროსავით მორაკრაკე, ენადგაკრეფილ ანთიმოზს.

მსმენელი შეკითხვასაც ვერ ასწრებდა, ანთიმოზი უკვე მეორესთან ილექსებოდა.

— აპალონს გაუმარჯოს! — მიესალმა ღობის რაგვით გართულ მეზობელს მეველე.

— გაგიმარჯოს ანთიმოზ!

— ეს ქარ-სიცხე გვაკლდა?!

— აბა!.. თავმჯდომარე კანტორაშია თუ იცი?!

— არა! გუშინ თბილისში წავიდა, ფერმის გამგე ბიულეტენზეა, კოპერატივში მანცივარი და ნავთი მოიტანეს, პოლიექტორმა ლატარიაში ველოსიპედი მოიგო.

— ანთიმოზ! მოიწი აქეთ, ჩეროში ჩამოვჯდეთ, გეტყობა, დაღლილი ხარ!

— დაღლილი კი ვარ, მაგრამ სად მცალია, ჩემი საქმის პატრონს, ჭალას უნდა გადავხედო, არაფერი იყოს შეპარული.

— აბა, კარგად იყავი!

— კარგად გნახე!

— რას მიზღვეს, სად გარბის, — მხრები აიჩეჩა აპოლონმა და ჩორთით მიმავალი ანთიმოზი დამცინავი მზერით გააცილა.

მეველემ აღმართი აიარა, ჭალას გადახედა და თვალები კინალამ გადმოცვივდა. ქვემოთ, შალიკოზე გაპიროვნებულ ყანაში ბაწარშეწყვეტილი შავი ძროხა მიწიდან ერთ ჩარექზე პარსავდა ახლად ულვაშაყრილ სიმიანდს.

— აუჰ! ვისია აწი ეს უპატრონო!

ფერდობზე სირბილით დაეშვა. ყანის ბოლოში დაიჭირა აპალონის ძროხა. იქვე ზეზე მიაბა. ოფლი მოიწმინდა, ბროწეულის სახრეს დაწვდა და ერთი-ორი ისეთი უთავაზა, თვითონვე შეეცოდა პირუტყვი.

— შენ რას გერჩი, შენი პატრონი მყავს ტყავასამრობი. წელან რომ მეპატიჟებოდა, აგერ ჩეროში ჩამოვჯდეთ, თუთუნი გაეაბოლოთო.

ანთიმოზმა საველე ჩანთა გახსნა. დავთარი გაშალა. ქიმიური ფანქარი ამოიღო, ენის წვერზე დაისველა, ცოტა დაფიქრდა, ზელმეორედ დაასველა ფანქარი და იმ გრაფაში, სადაც ეწერა, „პატრონის გვარი და სახელი“, აპალონ მამალაძე ჩაწერა. მერე თანმიმდევრულად შეავსო:

პირუტყვის დასახელება — ძროხა.

აღწერილობა — შავი, შუბლზე თეთრი ნიშანი.

ზარალის რაოდენობა — ანთიმოზი ფანქრიანი ხელით სიმინდების თვლას მოჰყვა. სამოცდაშვიდი ჩაწერა გრაფაში.

დაჭერის დრო — სადილობამდე!

შემთხვევის ადგილზე მოწმე არ იყო. სოფ. გვიმრიანის კოლმეურნეობის მეველე ანთ. კოპალაძე.

ანთიმოზმა დავთარი შეინახა. კვლავ მოიწმინდა ოფლი, მათარიდან წყალი მოხვა, მერე ძროხა აუშვა და წაიყვანა.

აპალონის ძროხა მეველემ ფერმის ყარაულს ჩააბარა, ჯარიმის ქვითართან ერთად სოფლის ახალ-ახალი ამბებიც დაუტოვა და უკან გამობრუნდა.

„მზის ჩასვლამდე ყორნელას, საკაკილე მთას და შინდოვანს მივიარ-მოვიარ და ეგ არის“, — დაგეგმა დღის მეორე ნახევარი ანთიმოზმა.

ყორნელა მოათვლიერა, საკაკილე მთაზე მუხლი მოატყუა, ქვაზე ჩამოისვენა. სიგარეტი მოძებნა და ისე ხარბად გააბოლა, არამწვეველსაც შემურდებოდა. ქვემოთ ხელისგულივით მოსჩანდა მთელი სოფელი. ვითომ ჩემი კუკურია ნაკლებად იცხოვრებდა აქ? მარტო შემოდგომაზე რომ ახსენდება სოფელი? აგერ ჩემი ფოთოლაც ქალაქისკენ იქაჩება. ამ ბოლოს რაღაც ავადმყოფობა მოეძალა, ექიმთანაც ყავდათ, წამლები გამოუწერია. დროზე უშოვნეთ თუ არა, საშიშია, სხვა რამედ არ გადაიქცესო. მასუკან აღარაა გვრიტინე ხასიათზე. დასწყევლოს ღმერთმა! ცოცხალ კაცს რა გამოუღევეს საფიქრალს.

ანთიმოზი წამოღგა, ხელი მოიჩრდილა. დაკვირვებით გადაჩხრიკა თვალსაწიერი და უკან გამობრუნდა.

„ამ საღამოს წყალს მოვზიდავ, შაბიამანს ჩავეკიდებ, ხვალ ვენახს შეეწამლავ, თუ არა, გაფუჭდა წრეუნდელი მოსავალი. კუკურიას იმედზე დადგა ჩემი მტერი. კი შემპირდა, წყალი დამახვედრე, დანარჩენი მე ვიცისო, მარა სადაა“.

ანთიმოზს ვენახი ეზოდან მოშორებით ჰქონდა, წყაროსთან. რვაასი ძირი ცოლიკაური ბროწეულის ცოცხალი ღობით იყო შემოკავებული. ვენახის ჭიშკარი რომ შეაღო, მზე ახალი ჩასული იყო.

„უყურე შენ! როგორ გაულახავს ქარს, — ჩაილაპარაკა უგუნებოდ. იქვე, ნახევრად წაქცეული ქვევრიდან, წყალში დამბალი ლაუნის ტყავის სახვევეი ამოიღო, ჩამოშლილი ლერწები ხელახლა ააკრა ზარდანზე, — ყოველწუთში უნდა კაცის ხელი ამ დალოცვილს. თუ დააკელი რამე, შემოდგომაზე დაგსვამს მშიერ-მწყურვალს.

წყაროსთან მჯდომი ქალების ლაპარაკს მოჰკრა ყური უნებლიედ. მიშიკოს რძალი დედამთილის ძვირებს უყვებოდა ონოფრიას ცოლს.

ანთიმოზი ჩაცუცქდა, დააყურა, ქალმა თუ თავი მოხსნა, რაღაც კიდევ წამოცდებო.

— იმ თვალდამდგარს, გვრიტინეს გოგოს, რა მოსვლია, გაიგე?! — წამოიწყო ონოფრიას ცოლმა.

გაოგნებული ანთიმოზი გაქვავდა, სისხლი გაეყინა.

— არა! რაეა? — ჩაეკითხა მიშიკოს რძალი.

— გვრიტინე რომ იძახოდა: „რაცხა აწუხებს, ჩამოხმა ბავშვიო“, შენც არ მომიკვდე...

ბოლო სიტყვები ვეღარ გაიგონა ანთიმოზმა, ონოფრიას ცოლმა პირზე ხელი აიფარა და ჩურჩულით გააგრძელა.

— რას მეუბნები, ქალო! — შეიკივლა მიშიკოს რძალმა.

— კი, ასეა ეს, ოთხი თვის... — მოხვდა ანთიმოზის პელენგატორივით მომართულ ყურს ტყვიის მაგიერი.

— გადარეული იქნება საწყალი ანთიმოზი.

— ანთიმოზმა არაფერი იცის; გვრიტინე ორცეცხლშუაა.

— ჩემო დღეო! რა უბედურებაა! ასი თვალი და ასი ყური უნდა ქალიშვილ ქალს. ბოლო ხანებში მოუხშირა წანწალს, აქ თხას გადავაბამ, იქ ძროხას გადავხედავო, არა და, მოხვეერს ხვდებოდა თურმე ორღობეში.

ანთიმოზს ქალების აღარაფერი ესმოდა, სუნთქვაშეკრული ვაზის ძირთან ჩაიკეცა. გურული კრიმანჭულივით დაგრეხილ, თავის ხელით დარგულ, ნალოლიავებ ვენახს დაკოყრილი, უხეში ხელები მისდაუნებურად შეეზარდა, მთელი ძალა ზელის მტევენებში დაუგროვდა. უნებურად მოსწია თავისკენ. მოთხრილ ვენახს ზარდანიც ამოჰყვა.

იღვა ანთიმოზი ცას და მიწას შორის გაბოხირებული.

დედამიწა მრგვალიაო, დაიჟინეს ზოგიერთებმა. ბევრი იჭკობდა მის სიმრგვალეს. მხოლოდ ბოშებს არ უკვირდათ. ასკი, რად გაიკვირებდნენ. ვინ იცის, რამდენჯერ შემოუვლიათ მისთვის, რამდენჯერ შეჩერებულან ადამის ჭიშკართან და ისევ გაუგრძელებიათ გზა დიდ წრეზე, ერთ მშვენიერ დღეს ისევ ამ ჭიშკართან რომ ჩამოველოთ, ისევ მოეტყუებიანათ ცნობისმოყვარე ორფეხი, გაესაღებინათ ჯაჭვი და სამფეხი, წაელოთ წყალი და პური, და კვლავ გაეგრძელებინათ დიდი წრე — გზა უსასრულო.

აკი მოგახსენეთ, ბოშებმა უფრო ადრე იცოდნენ, რომ დედამიწა მრგვალია. მრგვალია და ბრუნავს ფერით, ენით, სარწმუნოებით, ზნე-ჩვეულებით განსხვავებულ ხალხებთან ერთად. და რახან ჩვენი სოფელი ამ უზარმაზარი, მრგვალი მასის პანაწკინტელა ნაწილი იყო, ერთ მშვენიერ დღეს აქაც შემორიხინდა დანჯღრეული ოთხთვალა. ოთხთვალას შავ-ყვითელა ბოშების ნახევრად შიშველი ბრბო შემოჰყვა. ელეფთერას უბანში გაშალეს ბრეზენტისა და ტყავის ნაგლეჯებით დაბლონჯილი კარავი. გაახურეს ქურა და სოფლის ხმაურს ბოშების ჩაქუჩების ხმაც შეუერთდა. მათი ქალები კი ტიტლიკანა ბავშვებით იქაურობას გრიპივით მოედგნენ. გაჩაღდა მარჩიელობა, ექიმბაშობა, ხელცივობა და ათასი სხვა თითლიბაზობა.

ავვისტოს მზე დედიშობილა მიჰფიცებოდა ქვეყანას. წყაროდან ვბრუნდებოდი. დოქი ჩამოვდგი და ნიგვზის ჯირკზე ჩამოვისვენე. გზის გაგრძელებას ვაპირებდი, რომ არჩილის ჭიშკრიდან ბოშა ქალი გადმოვიდა. სამი ბავშვი მოჰყავდა, ერთი — ხელით, მეორე — ზურგით, მესამე — მუცლით. ტყლაპის ნახევი მოეკუმნა, დროდადრო წუწნიდა, პატარა ბავშვი(ხელით რომ მოჰყავდა, მთლად შიშველი იყო. ამოეჩემებია ორი სიტყვა და რაღაცას უკიოდა დედამისს. ქალმა ტყლაპიანი ხელით შეულამაზა ცრემლითა და ჭუჭყით აჭრელებული სახე. უფრო ბეჯითად ატირდა ბავშვი. დედამ შეუყვირა ატირებულ

ბიჭს და ტყლაპის ნახევით დაუცო ღიად დარჩენილი პირი. პატარამ შეწყვიტა ტირილი, ჩააფრინდა ნადავლს და ცოტა ხანში მისი სახის დანახვას არაფერი სჯობდა. როგორც იქნა გაჩერდა ერთი, ახლა მეორემ იწივლა ზურგიდან. მესამე ჯერ-ჯერობით ჭკვიანად იყო.

ბოშა მომიახლოვდა.

— წყალია? — დოქზე მანიშნა.

— წყალია.

— შენ ქაი ბიჩი, — დოქს ხელი დაავლო, ჯერ დალია, მერე პირზე შეისხა. ჯირკზე ჩამოჯდა, ჩვილს ძუძუ მიაწოდა. და-ისვენა ყურებმა. სანამ ბავშვი ძუძუზე ერთობოდა, ბოშამ დაწვრილებით გამომკითხა: ახლო-მახლო სახლები ვისი იყო, რა ჰქვიოდათ, რამდენი ცხოვრობდნენ და სხვა ათასი წვრილ-მანი. მეც ყველაფერი ჩაუუკაკლე.

— შენ ქაი ბიჩი, — შემაქო, მერე ისეე მოსვა წყალი, რაც მორჩა, ფეხებზე გადაივლო, სტაცა ხელი ტყლაპიჭამიას და უახლოესი სახლისკენ წააბანდალა.

ნესტორას ჭიშკართან შეჩერდა, იქაურობა მოათვალიერა. აივანზე მოხუცი ქალი პატარა გოგონას ათამაშებდა.

— მარჩიელი არ გინდა, მარჩიელი! — შეეხმიანა ჭიშკრის ფალანგებში თავგაყოფილი ბოშა თეკლეს.

— რომელი ხარ?! — ყურზე ხელი მოიმარჯვა თეკლემ.

— მარჩიელი, მარჩიელი, მამალი, ღილა, ვივოტკა, ფითი-ლი, ლამპის შუშა!

— მხექალასთვის კამფეტს გამოვართმევ, — ჩაილაპარაკა თეკლემ და ხელი დაუქნია ქალს.

ბოშა ეზოში შევიდა. ჭიშკარი გულდასმით გადაკეტა, ეტყობოდა, უკან გამობრუნებას, მაინცდამაინც, არ ჩქარობდა. ხის ძირში, გრძელ სკამზე მოკალათდა, ზურგიდან ბავშვი მოიხსნა, ჭინჭებიანად ბალახში ჩააგორა, მოშილიფდა, ხელად მოშინაურდა. თეკლე ღონიჯით დაადგა თავზე, კამფეტს გამოვართმევ და გაუშვებო, მაგრამ... საათზე მეტი იდავიდარაბეს, ბოლოს ბოშამ ძალით უმარჩიელა. იმდენი სიმართლე ელაპარაკა, თეკლეს თანდათან მოუბრუნდა გული.

— კი მარა, ამეებს საიდან ხვდები? — ჩაეკითხა გაკვირვებული.

— აქედან! — უპასუხა მარჩიელმა და ტყლაპში დათხერილი საჩვენებელი თითით შუბლზე წერტილი დაისვა, კარტი შეინახა და გასამრჯელო მოითხოვა.

თეკლემ დიდხანს იბუჯარა ჯიბეში. მერე ცხვირსახოცი ამოიღო. სანამ გახსნიდა, ბოშამ მსხალი და შავქლიავი ჩამოკრიფა ხეებიდან. ტიტლიკანა ბიჭმა ტყლაპის ნახევი გადაადლო და მსხალს ჩააფრინდა. ამასობაში თეკლემ ცხვირსახოციდან მანეთიანი გამოშვიგნა, გაუწოდა ბოშას და ხურდას დაელოდა.

— ხურდა არ მაქ, — იუარა ბოშამ, ჯიბიდან ქალაღში გახვეული, პატარა, მწვანე ფერის კოკორი ამოიღო, ეს მუცლის-ტივილის წამალია და ხურდაში გქონდესო.

— არ გეტკივა, ბატონო, მუცელი! — ხმას აუწია თეკლემ.

— გეტკინებათ! — დააიმედა ბოშამ.

— ქე წაიღო მანეთი, მარა ყველაფერი მართალი მითხრა და რას ერჩი, — ჩაილაპარაკა თეკლემ.

მარჩიელი რომ მეორე მეზობელთან გადავიდა, თეკლე მესამესთან გაჩნდა.

— ეს ვინ ყოფილა, რაები მითხრა, ყველაფერი მართალი, ჭკუაზე შეგშლით, გადაგრევთ, — ქაქანებდა ხელების ქნევით.

მეზობლებმა მიატოვეს საქმიანობა და რიგრიგობით ეპატიჟებოდნენ ჭიშკარზე მიმდგარ მარჩიელს.

დიხანს აპურებდა პირდაღებულ სოფლელებს ბოშა. მწვანე კოკრებს ხან უშვილობის, ხანაც სიყვარულის წამლად ასალებდა.

— რამ გამოაშტერა ამდენი ხალხი, მაგ პირდაუბანელს მოვატყუებინებ თავს? — ქირქილებდა ოლინკა, თან ჩაფარაზე ლედვის ჩირს აფენდა, ჭია თუ არ გაუჩნდა, ამას არაფერი ჯობიაო, — მეუბნებოდა. ამ ამბავში იყო გოგოლაშვილის ქალი, რომ ჭიშკართან ის ბოშა გამოჩნდა.

— გოგო! — რომ არ მიიპატიჟა, თვით ბოშა შეეხმინა ოლინკას.

— რა გნებავს, ქალბატონო?! — დამცინავად მოწყურა წარბები ბებიამ.

— მარჩიელი არ გინდა?!

— მერე, შენ უნდა მირჩიო?!

— ქი!

— შენ თავს ურჩიე!

— შენ კაი ქალი არის!

— ახალი ამბავი!

— შენი სახელი ექსი ასოა!

— შენს გზაზე წაშავდი! — დაუცაცხანა ბებიან, თან ზურგსუკან მარჯვენა ხელზე თავისი სახელი ასო-ასო ჩამოკაკლა. თითი რომ დააკლდა, შეცბა, მართლა ექვსი ყოფილაო, გაუკვირდა, კიდევ დაითვალა და კიდევ, მარჩიელი მართალი იყო.

— გოგო, მოდი აქ! — გამოუდგა ოლინკა.

— აღარ გაქ დრო!

— მობრუნდი, ბაღნებს გაფიცებ!

— არ გაქ დრო, ჩემი გზაზე წაშავდი!

— რა იყო, შე ქალო, ხუმრობა არ იცი? ფულსაც მოგცემ, კორკიმელსაც მოგაკრეფინებ.

ბოშა შემობრუნდა.

— დადუ ფული, შემოვალ, — ჭიშკრის იქიდან შეევაჭრა მარჩიელი.

— შემოდი და მოგცემ, — თავისაზე იდგა ოლინკა.

— თუ არ გინდა... — ზურგი აჩვენა მარჩიელმა.

— მობრუნდი, არ მოგიბრუნდა წელიწადი!

— დადუ ფული! — კვლავ გაუწოდა ხელი ბოშამ.

ოლინკა ტკიციან მანეთიანს აფარებს ქალის ჭუჭყიან ხელისგულს.

როგორც სხვაგან, აქაც მალე მოშინაურდა ბოშა. მარჩიელის პატარა ბიჭი, ყველაფერს რომ გემოს უსინჯავდა, ჩაფარას მიუჯდა და ლელვის ჩირს მანამ შეეპატიჟა, სანამ ჭია გაუჩნდებოდა.

— ლელვმა არ აწყინოს! — შეიცხადა ოლინკამ, და ბავშვი დედამისს ჩაუსხა კალთაში.

ბოშამ ჩირი გასინჯა, მერე პეშვით აიღო: ეს არც ამას აწყენს და არც მეო, დაამშვიდა ოლინკა, ბავშვი ისევ ჩაფარასთან გადასვა და საქმიანი იერით უთხრა:

— დადე ფული, ჰახელი გითხრა.

ბებია ყოყმანობდა.

— ექსი ასო, ექსი!..

ოლინკამ მეორე მანეთი შესწირა ამ საქმეს.

ბოშამ ჯერ ფული დააბინავა, მერე ბებიას თავისივე სახელი აჩუქა. მესამე მანეთის საფასურად ბებიამ შეიტყო, რომ მის ქმარს ლავრენტი ჰჭვიოდა, კარგი თერძი იყო, უკვე აღარ კერავდა, რადგან ათი წლის მკვდარი იყო.

— დადე მანეთი, გეტყვი რამდენი შვილი, — გადმოყარა ფასადის კბილები ბოშამ.

ბებია მარჩიელის ფოლადის ოთხ კბილს ჩააშტერდა, საიდანაც ოთხი პირდაღებული ოლინკა იყურებოდა. უცებ მოკუმა ტურები და კვლავ რომ გააღო პირი; მეტი: ფული აღარ მაქვსო, ასე თქვა.

— მაშინ ის წიწილი მოგეცი, — დაანახა ბოშამ, ქათმებში გამორჩეული ვარიკა.

ბებია შემეხვეწა:

— დაიჭირე და მიაშავე, თუ არა...

რომ შეიტყო, რამდენი შვილიც ჰყავდა, სკამზე მოუსვენრად აწრიალდა, კიდევ რაღაცის შეკითხვა მოუნდა; ვერ გაებედა. ბოლოს ცნობისწადილმა დასძლია.

— ისეთ მადვალაკ თვალებში, იყურები; იმდენი რაღაცეები გცოდნია, ისიც გეცოდინებო, როდის მოგვკვდები. შვილებს გაფიცებ; ტყუილი არ მითხრა.

ბოშამ: უფრო მსხვილ კონსტრუქციის საძებრად ააცეცა: თვალები და მანამ არ გააჩერა, სანამ დედლებთან მრკურაკურტ წითელი მამალი არ გამოარჩია.

— ის მამალი მოგეცი და...

— გაგიჟდი?! — ხმას აუწია ბებიამ.

— არ გინდა, ნუ გინდა, — გულმოსულივით წამოხტა ბოშა, სტაცა ხელი ბავშვებს და თვალის დახამხამებაში. ჭიშკრის იქით აღმოჩნდა.

ოლინკა მისდაუნებურად გაჰყვა. ჭიშკარს დაეყრდნო და ისე გაშეშდა ენაჩავარდნილი.

ბოშა შემობრუნდა, ღიმილი მიაგება ოლინკას.

— შენ კაი ქალი, მე შენზე გულმოსული არა, გითხრა, ისე გითხრა, არ მინდა მამალი, შენი სიკტილი პარასკეები არი.

— რომელი პარასკევი! — თვალები გაუშტერდა ბებიას.

— რომელი და წიტელი, წიტელი!

— რომელი წითელი? — ძლივს ამოიღგა ენა ოლინკამ.

— მაგი არ იცის! — აკისკისდა ბოშა.

ელეფთერას უბნამდე მისდია მარჩიელს ბებია. რომელ წითელ პარასკევს უნდა დაეწყო გულზე ხელები, მაინც ვერ შეიტყო. ბოშათა ბანაკში, კოცონის ირგვლივ მოცეკვავე ქალებში გარეული ნაცნობი მკითხავი ვეღარ იცნო ოლინკამ.

— რაუა ყველა ერთმანეთს გავს, ეს დასაწყვეტლები, — წაილულულა და ცოცხალ-ჩვედარი ამობრუნდა უკან.

მთელი ღამე არ უძინია, გამოითვალა, წითელ პარასკევამდე. რვა თვე და ორი დღე იყო დარჩენილი. დილით. საქათმის კარი გამოაღო, მამალს ჩაუსაფრდა, დაიჭირა და ნელა დაადგა იმ გზას, გუშინ რომ ჩაათავა ქოშინით მარჩიელის დევნისას. ელეფთერას უბანს რომ მიუახლოვდა, სახტად დარჩა. ბანაკის ადგილას ნაბანაკარი დახვდა.

ამ ამბის მერე ოლინკა შეიცვალა. უძილობა დასჩემდა. თუ დაიძინებდა, კიდევ უარესი, შემზარავ სიზმრებს ხედავდა, დილით ცეცხლწაკიდებულ ქალად. სამჯერ შემოივლებდა თავზე, ამაზე გადაიაროს, ჩემმა სიზმრებმაო, — წაიპუტუნებდა. ძველებურად საქმიანობდა, გაჩერებულს ვერ ნახავდით, მაგრამ ყველაფერში სიცოცხლე აკლდა.

გავიდა ორი-სამი თვე. თანდათან გამობრუნდა გოგოლაშვილის ქალი.

„რამ გამომამტერა ეს ოხერი. და მუდრეგი, ციგნის ბუტურს. რაუა ვუგდე ყური“:

ისევ ძველებურად დატრიალდა, კვლავ ჩაუდგა ძალა მკლავსა და მუხლში. „ორ საუკუნეს ვიცოცხლებ მტრის ჯინაზე!“ — მუშტმოდერებული დაემუქრა წუთისოფელს.

ოქტომბერში პართენას გოგო კათხოვდა.

— ახლა თუ არა მარჩიელის სიტყვები, — გაიგონა თეკლეს ხმა ოლინკამ. ხელსაქმე მიატოვა, თეკლეს ზიარ ღობეს მიაღ-
გა.

— რა სიტყვები ახლავ, რას ამბობ?!

— რა და ამ შემოდგომაზე გათხოვდებიო!

— იმას რომ არ ეთქვა, არ გათხოვდებოდა?

— რა ვიცი, ყველაფერი ქე კი სრულდება და...

— რა ყველაფერი?

— რა და რაჟღენას ბიჭი შეეძინა, სოლომონამ სამსახური გამოიცვალა, ვერიჩკას გოგოს უთხრა, უმაღლესში ვერ მო-
ეწეობიო და ვერ მოეწყო.

— კაი, ერთი, თუ ქალი ხარ, — გამობრუნდა ოლინკა.

— შენ მასე თქვი და... ვისაც რა უთხრა, ყველაფერი ახ-
და, — გაიმეორა თეკლემ.

„ყველაფერი ახდა, ყველაფერი ახდა“, ჩარჩა ოლინკას სმენას. ამაზე აღარ უნდოდა ეფიქრა, მაგრამ ვერ მოახერხა. თეკლეს ხმამ დაიბუდა ყურებში და მოსვენებას აღარ აძლევ-
და. ისევ მოტყდა ბებია. „სიზმრებში სულ მიცვალებულებს ვხედავ, არაა კარგი ნიშანიო“, — ამბობდა.

კიდევ გააჯახხირა ორი-სამი თვე. წითელ პარასკევამდე რამდენიმე კვირით ადრე ლოგინში ჩაწვა და ისე დაელოდა სიკვდილის მოსვლას.

აღდგომის კვირაში, შავ ორშაბათს, დილით, ერთი სიტყვა ე-
თქვა: მშიაო. ეს სიტყვა შუადღისას და საღამოს გაიმეორა, მეტი არაფერი დასცდენია. აღდგომის სამშაბათს აღარც ის უთქვამს. უხმოდ შეექცეოდა სასთუმალთან მიტანილ საჭმელს. დიდ ოთხშაბათს შიმშილობა გამოაცხადა. დიდი ხუთშაბათი საღამომდე გულაღმა მწოლარემ გაატარა, როგორც სასახლე-
ში უნდა ყოფილიყო, ისე, საღამოს აღმაცერად გადახედა მის-
ოვის მიტანილ ვახშამს, ცრემლი გადმოაუვლო. ხვალის მერე, ორმოცამდე, გამიწეობენ ასე, ჭამის თავი როგორც სხვა მიც-
ვალებულს, არც მე მექნება. ვინ იცის რამხელა გზა მიდევს წინო, გადმობრუნდა და ისეთი წაივახშმა, ორი დღის ნამარ-
ხულევს რომ ეკადრება. მერე ყველა ჭირისუფალი საწოლთან შემოიმწკრივა.

— უნდა გამოგეთხოვოთ, დაძე მითიეთ, მარტო არ მიმატოვოთ, — ორი ქალიშვილი დაიტოვა, სხვებს მეორე ოთახში მოცდა გეთხოვა. კვლავ რომ მოგვიხმო, ისეთი ჩაცმულ-დასურული დაგვხვდა, სასტუმროდ რომ იცოდა გამოწყობა.

ნაშუალამევს ოლინკას „გასაცილებლად“ მოყურყუტე შვილიშვილებს რიგრიგობით ჩაგვეძინა. დილით საგარეო ტანსაცმელში გამოწყობილი ბებია ისე ისე დაგვხვდა. იწვა და უყურებდა, კარსზემით დაკიდებულ კედლის საათს, ამოჩემებული რიტმით რომ მიწამწამობდა.

— ეს საათი მომაცილეთ აქედან! — გავიგონეთ ოლინკას ნელ-თბილი ხმა, ხეყნა-ბრძანებით რომ იყო შეზავებული.

საათის ჩამოხსნისას სკამი წაგვექცა. მილოდინით გაღაღილ ოლინკას გული წაუვიდა. მალე მოიხედა.

— სადა ვარ? — იკითხა შეშინებულმა.

— გზიდან დაგაბრუნეთ, — უთხრა მამაჩემმა.

— გზიდან?.. ცუდად მაქ დაცდილი, — წამოიკენესა ბებია, შებრუნდა კედლისკენ და ორი დღის ღამენათევი, ძილის ანგელოსს მიენდო. წითელი პარასკევი გამომიძინა.

— რა დღეა დღეს? — გაღვიძებისთანავე იკითხა მისუსტებული ხმით.

— შაბათი! — მიახარა მამამ.

— ისე გადი როკიანის ბოგირზე, — თქვა ოლინკამ და ცნობისმოყვარე თვალები მიუღარაჯა მამაჩემს.

— ისე გავედი, ისე!..

— აბა არ დლიცილობ და შაბათია დღეს?

— შაბათია, შაბათი! — ერთხმად დაადასტურეს სხვებმაც.

— დაიფიცეთ! — ჯანი დაეტყო ხმასაც და გამოიხედავასაც.

შინაურებმა დაიფიცეს.

— თქვენ შემოგველოთ ოლინკა, ჩემო შვილებო, ჩემო გვრიტებო, ჩემო იმანოებო, — წამოხტა საწოლიდან, ხვეენა-კოცნით ჩამოუარა ყველას. გული რომ იჯერა, ჩამოჯდა, კარგახანს გვათვალაიერა, მერე სადღაც ერთ წერტილს გაუშტერა მზერა და ისე, თითქოს თავისთვის ლაპარაკობსო, თქვა: — სიკვდი-

ლის კი არ მეშინია, თქვენგან განშორების მეშინია, თქვე ხატ-
გაყიდულებო.

მომავალ წითელ პარასკევამდე თერთმეტი თვე და ოც-
დაათი დღე იყო დარჩენილი. ოლინკა ისევ შეეტოქა წუთისო-
ფელს. ცხოვრების ორომტრიალს ძველებურად შეერია. ერთი
კი იყო, დღე არ გავიდოდა, იმ შავყვითელა ბოშა ქალის ნაი-
ბარაზე მოგდებულ ორ სიტყვას მისთვის ხასიათი არ მოეწამ-
ლა.

„არ მეშინია, არ მეშინია“, — ეურჩებოდა საკუთარ თავს
ბებია, მაგრამ რაც დრო გადიოდა, მით უფრო იპყრობდა შიში.

წიოელ პარასკევამდე ორი თვე რომ დარჩა, შარშანდელივით
შეწყვიტა წინააღმდეგობა, მიენდო ბედისწერას და ჩაწვა.
ვარწმუნებდით, ბოშებს არაფერი დაეჯერებათ-თქო. ისიც
მათქმევიანეს, როგორ გამომტყუა არც თუ დიდი საიდუმლო,
მაგრამ მარჩიელისთვის მეტად მნიშვნელოვანი ცნობები წყა-
როდან მომავალს. არაფერმა გაჭრა. წითელ პარასკევამდე
ყოველთვის იწვა. პატარა შაბათი კი მეორე დაბადების დღე
გახდა ოლინკასთვის, ჩიტვიით წამოფრენილს დასვენება ავი-
წყდებოდა.

ასე გაჩნდა ოლინკა გოგოლაშვილის ცხოვრებაში ორი
წელთაღრიცხვა: ბოშამდელი და ბოშასშემდგომი. ბოშასშემ-
დგომი წელთაღრიცხვის მეთორმეტე წელს ოლინკამ ჩემს
ქორწილში ჩიტრიალა. მეოცე წელს ყველა შვილიშვილის
ქორწილი მოლეული ჰქონდა. ბოშასშემდგომი წელთაღრიცხ-
ვის ოცდამეხუთე წელს ოლინკა ბებია ჩემი შვილის ქორ-
წილშიც ინატრა ტრიალი. ეს ნატურაც აუსრულდა ბებიას
და სხვა მრავალიც. გრძელ-მოკლე წუთისოფელი სიმწარის
გარეშეც არ არსებობს. ბევრი ახლობელი, თანასოფლელი, გამ-
ძობხავი მიაბარა მიწას, ზოგი რიგით, ზოგი ურიგოდ, ყველას
გაატანა მათი წილი ცრემლი. ერთ დღეს მიხედ-მოხედა სოფელ-
ქვეყანას, ტოლ-სწორი რომ ველარავინ დაიგულა, სინანუ-
ლით გვიტხრა: თავი სხვა ქვეყანაში მგონია სტუმრადო.

ყოველთვის უფრთხილა წითელი პარასკევის მოახლოებას,
რამდენჯერ გამოუნელებია ეს შიში, რამდენჯერ გაუმტყუნე-

ბია მარჩიელი, მაინც ეშინოდა, რომ ეშინოდა, არ ამხელდა ადრინდულად.

დიდ ზუთშაბათამდე მთლად გამოიღია, ძლივსლა აჩნდა საწოლს. ზურგი შეგვაქცია, მთელი დღე კედელს ეპუტუნებოდა. შებინდებისას იკითხა: ბოვეში თუ მოვიდა სამსახურიდანო (მამაჩემს ეძახდა ასე). მოვიდაო, უთხრეს.

— დაღამებულა, — ჩუმაღ გაუმზიღა კედელს.

მეორე დღით, მამა ხელ-პირს რომ იბანდა, ოლინკამ თავი მოაბრუნა, შვილს დაჟინებული მზერა მიაპყრო, სანთლისფერ, ჩამომჰკნარ სახეზე ღიმილისმაგვარი რაღაც გაებნა.

— გათენებულა, რა დააღამებს დღევანდელ დღეს, — ისევე შესჩივლა კედელს ოლინკამ და შეაძიგძიგა.

ცოტა ხნის მერე ფეხები გაუცივდა, სიცივე ნელ-ნელა მოედო მთელ სხეულს, ყველაფერი გაეყინა გულის გარდა. მამაჩემის მოსვლამდე გააძლებინა გულს, მერე ერთი ამოიოხრა და სულიც ამოაყოლა.

ცისკენ გაკვალული ბილიკი

ივანობისთვეში კარგი დარები წაეწყო. პირველ ხანებში ყველას უხაროდა. მერე და მერე თაკარა მზე მტერივით რომ დააშტერდებოდა სოფელს, გაჭირდა საქმე. მოიწყინა ყველაფერმა, რასაც ხელეზღაპიწებული გლეხკაცი იმედის თვალით უყურებდა.

მეთოდე ყოველ დღით აივნიდან გაზვერავდა ჰორიზონტს, მერე ხელებს იმ ადგილისკენ შემართავდა, საითაც, მისი ღრმარწმენით, მამაზეციერი უნდა ყოფილიყო.

— ნუ გაგვიმეტებ, უფალო, გადმოგვხედე, შე დალოცვილო...

ამასობაში მოწმენდილ ცის კიდეს ოქროსხივი ააჭიანობდა. მოძლიერდებოდა და სულ მალე ვეებერთელა ცეცხლის ბურთი თვალის ერთი ჩაკვრით ჩაყლაპავდა აღმოსავლეთს.

— თფუჰ! — მარცხენა ხელი მოწყვეტილივით ჩამოუვარდებოდა მეთოდეს, ფუთიან მარჯვენას კვლავ ცისკენ შემართავდა და ქუსლებზეაკეცილი წულებით კორომისკენ წაჩლატუნდებოდა.

— დომნიკა, სკამი, ბოშო! — შეეხშიანა ერთ დილას გაზარებული მეთოდე ცოლს.

კარში ჯერ სკამი გამოჩნდა, მერე შეჩქევიფებული დომნიკა.

— რა იყო, რა ამბავია?!

— რა და ეგერ, ჭურისსატკეპნი ურო დამარტყი თავში, თუ ამ წუთში ცა არ ჩამოვიდეს ფეხად.

— კოწია! — გადასძახა მეზობელს, რომ არავინ გამოეხმაურა, აივნიდან გადავარდნამდე გადაიხარა, ვითომ უფრო გაავგონებო. გააგონა კიდეც.

— მოდის, გონია, ეს დალოცვილი, აჰ!

— ეინ მოდის, ეინ?!

— ეინ კი არა, წვიმა მოდის, წვიმა!

— წვიმა მოვა, აბა სად წავა, შარშანაც მასე არ იყო? წადგა გვალვები, მერე მოალო ცამ პირი და წვიმებმა მოგვაბესრა თავი...

— ნეტაი შენ!.. — ეწყინა მეთოდეს. სკამზე ვერც დაჯდა, ვერც ადგა. იქ გაშეშდა, დგომას და ჯდომას შორის რომ შუა

ადგილია. ასე იცადა ერთხანს. ნამყენი ბუკლის ფოთლებზე წვიმის მსუყე წვეთებმა რომ ტკაცატკუცი ასტეხეს, მაშინლა ამოისუნთქა შვებით.

გვალეების შემდეგ, როგორც იქნა, ღუთის წვეთები გადმოაპკურა ზეციერმა. მოსულიერდა ყანა და ვენახი. პატარა-პატარა ნაკადულები თვალსა და ხელშუა წამოიჩინტნენ, დაითავდალმართეს, ერთმანეთს გაეჯიბრნენ, რომელი ჩაასწრებსო ნასხვისარ ბუდეში. უწყინარი მდინარე, როკიანი, აქამდე ჩუმად რომ მოარშიყობდა, წამოიფოფრა, ააბრუნა ქვა და ღორღი, არ დაზოგა ხიდი და ბოგირი, მოღვაროქაფობდა რისხვითა და მუქარით.

გული რომ იჯერა, გადაიკარა. მხემ ღრუბლები მისწი-მოსწია და ახლად გამოჩეკილი წიწილივით ამოწვერკაკანდა, მდინარეს სიცილ-სიცილში დაახია ყურები, ჩაუბრუნა გული საგულეს და ძველებურად წაჩუმათა გაზეპირებულ კლავოტში.

მეთოდემ წულები წინკარში მიაწყო. წვერიანი კალიშები ჩაიცვა, გაიღო ჩაფი მხარზე, — ამისანაში სხვა რამეს ვერ ვაკეთებ, წყალს მაინც მოვიტანო, ჭიშკრამდე არც იყო მისული, შვილიშვილი აედევნა. მხარზე მასაც დოქი გაეღო.

— დაისვრები, ბაბუა! — ერთი კი უთხრა მეთოდემ. ისე, გულში ეამა, ტალახს არ ეუუებაო ქალაქელი ბიჭი.

რეზიკოსთვის ძნელი შეიქნა წვიმით გაჯერებული აყალო. ერთი-ორჯერ კინალამ ფეხსაცმელი ჩარჩა ტალახში.

მეთოდე წინ მიდიოდა. დევის ნაფეხურებს ტოვებდა და მიდიოდა. ბიჭი კვალში ჩაუდგა. ახლა დიდ ნაფეხურებზე პატარებიც რჩებოდა. აღარ უჭირდა სიარული. ეს კი იყო, ვერ იქნა და ვერ აუწყო ფეხი ბაბუას გრძელ ნაბიჯებს. ამიტომაც მიხტუნაობდა.

ტიტიკოს ნიგეზებთან არ იყვნენ ჩასული, წყლის დასალევად ჩამოდენილი ჟსაქონელი წამოეწიათ.

— უტიე, ბაბუა, საქონელს, რამე არ მოეწიოს!..

— საქონლის არ მეშინია მე! — შეეპასუხა ბიჭი, გვერდზე მაინც მიდგა. საქონელმა ჩაიარა. მეთოდემ აზა ვანაგრძო.

თვალეებისცეცებით დაუწყო ძებნა ბაბუას ნაფეხურებს რეზი-
კომ, საქონლის ჩლიქებს წაეშალა მოხუცის ნაკვალევი. მერე
ალაღბედზე მიჰყვა, სანამ ახალ ნაფეხურებს არ ჩაუდგა კვალ-
ში.

— რეზიკო! იცანი ის ბიჭი, საქონელს რომ მიერეკება?

— ვერ ვიცანი.

— ეგ ელეფთერას ნაბოლარა შვილია, ხუთი ქალიშვილის
მერე გვარის გამგრძელებლად და საამაყოფ გააჩინა. სახელად
მახარე დაარქვა. გამორჩეულად უკლიდა, ცივ ნიავს არ აკა-
რებდა. სიბერეში გამახარებსო, ფიქრობდა ელეფთერა. წა-
მოიზარდა მახარე და გავიდა ხეზე. იმ დღის მერე ადესა ყურ-
ქისივით სულ ხეზე იყო ჩამოკიდებული. მთელს სოფელს
ესმოდა ელეფთერას ხვეწნა-მუდარა: ჩამოდი ძირსო. მახარეს
არ ესმოდა. როდის-როდის ჩამოვიდა, მაგრამ რაღა დროს.
ელეფთერას დიდი იმედის მაგიერ ჩიტირეკია შერჩა ხელში.
ბოლოს კაკუნია ბრიგადირმა ურჩია: „შენი ბიჭიდან დაფნის-
გვირგვინოსანნი აღარ დადგება, სამწყემსურში მაინც გაუშ-
ვათ, სოფელში ბირდაბირის გამწევი კაცი აღარაა, თუ არა,
ეგ საქმეც ძნელი სანდობია ხეკოწიალა კაცისთვისო“. ასეა,
ბაბუა, ჭკვიან კაცს თუ არ დაუჯერე, ქარსაყოლილს დაემგვა-
ნები, საიდანაც დაგიბერავს, იქით რომ წაგიღებს, პირგაზა-
ფხულზე ერთი გაზრდა გავიზარდე, ვენახის გასხვლა მას-
წაველეო, რომ ჩამაცივდი. შენისთანა კაცი კარგი მამულიშვილი
უნდა დადგეს.

ბიჭი უხერხულად შეიშმუშნა. თავის სიცოცხლეში პირ-
ველად უწოდეს კაცი. დაცინვით კი არა, დაცინვას მაშინვე
მიხვდებოდა. ბაბუას მთელი სოფელი ეკითხება ჭკუას, ტყუილს
არ იტყვის, — ფიქრობდა რეზიკო, — წისქვილთან რომ ობოლი
ტრო ცხოვრობს, ჩემი ტოლაა. კაცის და ქალის საქმეს
ორივეს ის ართმევს თავს. მეც შემიძლია ყველაფერი გავაკე-
თო, რაც კაცის ხელიდან გამოდის.

წყაროსთან ერთი ორომტრიალი დახვდათ. საქონელი რჩო-
ლა-ბულრაავით მიიწევდა წყლისკენ. მახარეს ტყემლის ტოტი
მოეწია და ფოთლიან-ნაყოფიანად ასუფთავებდა. საქმეს რომ

მორჩა, — იპიო! — გაიცინა, უბეში ჩაიყარა ტყემალი, ნაწილი რეზიკოს გაუწოდა, გასინჯეო.

— არ მინდა, კბილებს მომკვეთს, — იუარა რეზიკომ. „არ მოგკვეთსო“ და ამის დასამტკიცებლად ერთი პეშეი ტყემალი კაკალ-კაკალ ჩაუშინა სტომაქს კურკებიანად. რამდენიმე კურკა პირში დაიგროვა და წყაროზე გადაყუდებულ მოზვერს მია-საფანტა, მოზვერი რომ დაფრთხა, — იპიო, — იხარა და იხარა. მერე უხერხული ადგილი მოიქექა, წავედიო, მეთოდეს დაუ-ბარა და უკან გაბრუნებულ ნახირს გამოუდგა.

— ასეა, რეზიკო! კაცს შუბლზე აწერია, რისი მაქნისი-ცაა. ხომ შეხედე, ერთ წუთში დაგვიმტკიცა ახალი ჩამოსული რომაა ხიდან.

სახლისკენ შებრუნდნენ. წინ ჩაფი მიდიოდა, უკან ღოქი მისდევდა... ჭიშკარი რომ შეაღეს, — ირასორმოციო, — შეწ-ყვიტა თვლა რეზიკომ.

იმ ღლის მერე ბაბუას ნაბიჯებით ზომავდა სიფელს. ზე-პირად იცოდა, რამდენი ნაბიჯი იყო ყანიდან — წისქვილამდე, კენახიდან — ჭურისთავამდე, წყაროდან — ეკლესიამდე, მტერი-დან — მოყვარემდე, სამოთხიდან — ჯოჯოხეთამდე.

მეთოდე ნიგეზის ჩრდილში სამფეხა სკამზე იჯდა. ფეხი-ფეხზე გადაედო, მუხლისთავზე ხელები შემოეჭდო, მარჯვენა ხელის თითებსშუა ჩამქრალი სიგარეტი შერჩენოდა. მზერა გაღმა სოფლისთვის მიეცივებია და შუბლშეჭმუნხული ისე ლაპარაკობდა, თითქოს თავის თავს ეთათბირებო. ყველაფერს კი შვილიშვილის გასაგონად ამბობდა, იქვე შორიახლო, კო-ინდარში რომ წამოგორებულიყო და ტოტებსშორის გამოიპარულ მზის სხივებს ემალებოდა წარამარა. ბაბუა ლაპარაკობდა, შვი-ლიშვილი უსმენდა თუ არა, ვერ იტყოდით.

— ახალგაზრდები ზედმეტად თვლით, მაგრამ გამოცდილი კაცის ნათქვამს, სამი ქალამანით მეტი რომ გაუცვეთია თქვენ-ზე, ყური უნდა ათხოვოთ.

— რა ოროს ქალამნებია, ბაბუა, მთვარეზე დადის ცოცხალი კაცი, — ელიძება რეზიკოს.

— ქირქილს თავი დააჩებე! კაი მთქმელს, კაი გამგონეო, იცი ალბათ.

— კაი მთქმელი მითხარი თორემ, ჩემისთანა გამგონეზეა ეგ ნათქვამი, — ისევ გაიღიმა შეილიშვილმა.

— მაგ ლლიცინში გაგყავთ დრო, ყველაფერზე მოწინებით დროს უნდა მოეპყროთ, თქვენობით მიმართოთ, თვალეში უყუროთ, მის კალთას ხელი ჩასჭიდოთ, მიჰყვე-მოჰყვეთ, თორემ გაგეპარებათ. იმასაც ვერ გაიგებთ, როდის გაგეპარათ. ერთ მშვენიერ დღეს მიიხედ-მოიხედავ და მიხვდები, დრო გასულა. ჰო, ჰო, ჩქარი მატარებელივითაა დრო, არცერთ სადგურში არ ჩერდება. ვერ მიუსწრებ თორემ, თითქმის ცარიელი გარბის მატარებელი. გვიან მიხვდები, ცხვირწინ რომ ჩავიქროლებს და ვადაგასული წამალივით დაგტოვებს. მერე სდიე რამდენიც გინდა, ვეღარ მიეწევი.

ცოცხალ კაცს შეუძლია სრკვედილს გადაეღობოს, ტყვიას აღუდგეს წინ და შეაჩეროს, მდინარე შეაგუბოს, კლდე გახერიტოს, ზღვა კოვზით ამოხვრიას, დროს ვერ შეაჩერებ. წამი რაა, წამსაც არ დავითმობს. შეიძლება დროის პატარა ნაწილი შემოგინახოს მეხსიერებამ, მთელი ცხოვრება მის ნეტარსუნებაში რომ იყვე, რადგან მაშინ, იმ მონაკვეთში, მთელი სიცოცხლის ათწლეულებს რომ გადაწონის, ან იკაიკაცე და ხმალი მოიქნიე მარჯვედ, ან ახალი ვარსკვლავის ამოცისკაბადონებას შეასწარი თვალი შორეთში. ორივეზე შეიძლება ილაპარაკოს კაცმა, მაგრამ თავიც არ უნდა მოაბეზრო სხვას, ისეთ სიცოცხლეს, თუ ხმალს ვერ მოიქნევ და ვერაფერს დაინახავ, სიცოცხლე არც აქვია, მაგრამ დაუსრულებლივ ერთი იღბლიანი წამით მოგქონდეს თავი, არც ეს ვარგა.

რეზიკო ისევ მოერიდა მზის სხივებს და გვერდი იცვალა. მოხუცს არ შეუნიშნავს შეილიშვილის გულარზეინობა. კვლავ გაღმა სოფლისკენ იყურებოდა, არც ახლა დაგიდევდათ, უსმენდა თუ ჯრა ვინმე.

— დრო ცოცხალივით სუნთქავს, გულიც აქვს, სულიც, მისწრაფებაც, სისხლიც უდულს, დიდ საქმეებსაც აკეთებს და

ოფლსაც ბეერს აქცევს. სწორედ სისხლით და ოფლით იწერება დროის ისტორია. ახალგაზრდა ვიყო, კი ვიცი, როგორ უნდა ვიცხოვრო... აწი რაღა დროს უკბილა ცხენის ჭრელი უნაგირია.

ბიჭმა რაღაც მელოდია წაუსტენია.

— შენთვის ვლაპარაკობ, ბაბუა, ყველაფერს, შენთვის.

— ვიცი, — გაიცინა ბიჭმა, — რამდენჯერ მომისმენია...

— ეროხელაც მოისმინე, არ გაწყენს, — ჯიბიდან ასანთი ამოიღო, ჩამქრალი სიგარეტი თითებში მოსრისა, მოსაკიდებლად შეამზადა. ...წლები თავისას შვება, საულვაშეზე ღინღლი რომ გამიჩნდა, რაღაც-რაღაცეებში გავერკვიე. ერთ მშვენიერ დღეს უფრო კარგად დაეინახე უცნაურობით სავსე ქვეყანა. დიდხანს ვივარცხნე ქოჩორი იმ დღეს, ბიძაჩემის ვერცხლით მოჭედული ქამარი უკითხავად ავიღე, შემოვირტყი ბლუზაზე, ჩემს სიცოცხლეში პირველად შევკარი მინდვრის ყვაილები თაიგული და ბარე ათჯერ ავუარ-ჩავუარე ერთ სახლს ზედა სოფელში.

— კარგი აივანი ჰქონდა იმ სახლს ალბათ, — თქვა რეზიკომ, თვალბში ეშმაკები ჩასახლებოდა, წამოჯდა, გამომტყლად მიაჩერდა მოხუცს.

— აივანი სხვა სახლებს უკეთესი ჰქონდა... — თავი ჩახარა მეთოდებ,

— რა ხნის იყავი? — დაინტერესდა შვილიშვილი.

— შენოდენა, შეიძლება უფრო ახალგაზრდა... ვერ იქნა და ვერ ვთქვი ერთი წინადადება თავის დროზე, ძნელი სათქმელი შეიქნა სამი სიტყვა.

— სინტაქსურად მარტივი წინადადებაა. ის სამი სიტყვა, შენ რომ ვერ გითქვამს მაშინ.

— სინტაქსი მინტაქსი არ ვიცი, მაგრამ მაგაზე რთული წინადადება არ არსებობს... — მოხუცს თვალი გაუშტერდა, ბაბუაწვერას ჰაერში აფარფატებულ თავგვირგვინს ხელი აუქინია. ჟრუანტელივით ააცახცახა ჰაერის ნაკადმა თავგვირგვინი. ოღნავმა სიომ ზევეთკენ წაიღო. მეთოდე სევდიანი მზერით დააცილებდა ბაბუაწვერას და როცა ბუსუსები თვალს მიეფარა, ისეთი შესახედავი დარჩა, შეგეცოდებოდათ, თითქოს ყვე-

ლაზე ძვირფასი მოგონებები იმ ფარფატა ბუსუსებს გაჰყვა სამუდამოდ.

რეზიკო ისევ წაგორდა კონინდარში. მასაც გაახსენდა, პირველად რომ შეეყოვნა სარკის წინ, პირველად რომ გაათოვა შარვალი და პირველად რომ გაუტყდა ძილი.

— რეზიკო, საცურაოდ არ წამოხვალ? — იმახის ჭიშკარს მომდგარი ახალგაზრდებიდან ერთ-ერთი.

ბიჭი წამოხტა. და ჭიშკრისაკენ გაიქცა.

— შეაყარე კედელს ცერცვი, — ჩაილაპარაკა თავისთვის მოხუცმა და ახლალა მოუკიდა ჩამქრალ სიგარეტს.

საბანაოდ მიმავალი ბიჭების ხმამალალი შეძახილები კარგახანს ესმოდა მეთოდეს, ნეტაი თქვენო, შენატრა ხმამალლა.

— ისე, კაცმა რომ თქვას, რას ერჩი, ქალაქელი ბიჭია, ცოცხალი ჩამოდის, ხელის წაშველება იცის, სკოლა ხუთებზე დაამთავრა, უმაღლესში მოეწყო, ოთხ-ხუთ წელიწადში კაცია, ვარსკვლავთმრიცხველი ვიქნებიო, ცაში იყურება სულ. გუშინ სასიმიინდე შემაკეთებინა, დღეს ჭიშკარი, საძინებელ ოთახსაც შევიღებავო, შემპირდა, მასალაც მოიმარაგა, ვნახოთ, რასაც გააკეთებს, თვითონ გამოადგება, კაცი ხელჩოგანა არ უნდა იყოს.

მეორე დღით, მეთოდე რომ სახლიდან გავიდა, შვილიშვილს ჯერ კიდევ ეძინა.

— ლელის წყალს გადავაგდებ ყანაზე, შუადღემდე ვერ მოვბრუნდები, — დაუბარა დომნიკას, გაიღო თოხი მხარზე და ღიღინით გაუდგა გზას.

უკან რომ დაბრუნდა, საკვირიკო ლელვის თავზე დახვდა მზე, — ამ დროს კაჭალი შუადღეაო, ამბობს მეთოდე, როცა რამეს აკეთებ, შუადღემდე უნდა გატეხო საქმე წელში, სადილის მერე ის ხალისი აღარაა, დილიდან რომ აგყვება კაცს.

— ამიტომაც ვთქვი უარი სადილზე, — გამოეხმაურა აივნიდან შაბიამნისფერ საღებავში თავიდან ფეხებამდე ამოთხვრილი რეზიკო.

— გამოგლის რამე?!

— ჯერ ეს მიიხზარი, ასეთ საქმეში ყველაზე კარგი ოსტატი ვინაა თქვენში?

— ვინ და ვეტიზი ღვინეფაძე.

— ჰოდა, ვეტიზიც ვერ გააკეთებდა ასე.

მოხუცი თავზე წაადგა ბიჭს. კარგახანს ათვლიერა მისი ნახელავი, ალაგ-ალაგ აჭრელებულიყო კედელი, — კარგია, მართლა კარგი, — ღიმილით თქვა მეთოდემ, გულში კი ვიქრობდა: „ვერაფერი შვილი ნახელავია, მაგრამ მეორედ და მესამედ უკეთესი გამოუვა“. — ჩამოდი ახლა, ბაბუა, დაისვენე, სანამ დომნიკა სუფრას გაგვიწყობს, ერთ რაღაცას მოგიყვები.

რეზიკომ ხელები გადაიბანა.

— რა ვიქნებოდი, თორმეტი ან ცამეტი წლის, — დაიწყო მეთოდემ, — ამ ამბავს რომ წავესწარი და დღესაც მახსოვს.

ლომინის დობილოდან ორი თოფიანი კაცი გამოვიდა, უკან ძაღლები მოსდევდათ. ბერძენი მჭედელი ცხოვრობდა ჩვენს სოფელში, ჰეფესტო აფანასიადი, ის შემოხვდათ წინ, მიესალმნენ ერთმანეთს.

— სად მიდიხართ? — დამცინავი სიცილით ეკითხება მჭედელი. თოფიანებმა ერთმანეთს გადახედეს, სავაზნე ჩანთებიც შეისწორეს.

— ვითომ ვერ ხედები? — იკითხა ტანმორჩილმა.

— ვხვდები, მაგრამ, მაინც რაზე მიდიხართ!

— რასაც წავეწევით, — ახლა მაღალ-მაღალმა გადმოსედა დამცინავად მჭედელს.

— მასე ნაიბარაზე სიარული გამიგონია? ის მაინც უნდა იცოდეთ, რაზე მიდიხართ სანადიროდ. ეს ძაღლები თქვენია?!

ტანმორჩილს ეს შეკითხვაც გაუკვირდა.

— აბა ვისი იქნება!

— რომ დაამთქნარა, ის რომლისაა?

— ჩემი მწვევარია, — თავმომწონედ ამბობს მაღალი.

— მერე რა უნდა გაგიკეთოს მაგან?

— რა და, კურდღელს გამოეკიდება, დაეწევა და დაიჭერს.

— ეგი ბიჭოოო?!

— ეგი, ეგი...

— მაგ დაიჭერს ჩემს ფეხებს, უყურე, კიდეც ამოქნარებს, კარგი ბატონო, ვაქვით დაიჭერს, მაგრამ სადაა კურდღელი?!

— კურდღელს მეჭებარი მოძებნის, ჩემი ძაღლი მეძებარია, ახლა ტანმორჩილმა ჩვენა თავისი, რომელიც საკუთარ კუდს გამოდგომოდა დასაჭერად და პატრონის წინ ერთი წკმუტუნ-ბზრიალი გაემართა.

— მაგ მოძებნის ჩემს...

— ენახოთ, ოთხი საათის მერე სავსე ჩანთით რომ ჩამოვივლით, — დაემუქრა მძებრის პატრონი.

— დაღამებამდე უკან მომბრუნებლები არ ხართ თქვენ.

— ვითომ რატომ?!

— დღისულ შეგრცხვებათ სოფელში ცარიელ-ტარიელი გავლა, სანამ კარგად არ დაბნელდება, თავს ვერ გამოყოფთ ტყიდან.

მონადირეებმა ბუზლუნ-ბუზლუნით გააგრძელეს გზა. ჰეფესტომ თვალი გააყოლა ძაღლებს, პატრონებს რომ ჩადგომოდნენ კვალში და ყნოსვა-ყნოსვით მისდევდნენ უკან.

— მასეთი ძაღლების იმედზე იქნა ჩემი მტერი, მაგენი დაიჭერს ჩემს... — გააკეთა საბოლოო დასკვნა მჭედელმა და გზა გააგრძელა.

— შენ, ბაბუა, ნუ გეშინია, დაიჭერ, უსათუოდ დაიჭერ, — დაამთავრა მეთოდემ და ცხელი მჭადი გატეხა.

სასაფლაომდე აღარ გაუზომია მანძილი რევაზს. თუმცა ორმოც წელს მიღწეულ ასტრონომს აქამდე შემორჩენოდა ბავშვობაში აკვიატებული ჩვევა. ბაბუას ნაბიჯებით გაზომა მანძილი იმ ვარსკვლავამდეც, თვითონ რომ აღმოაჩინა.

ისიც გაიხსენა, შარშან ზაფხულში, მეთოდემ რომ ჩამოუთვალა ხუთი-ექვსი კაცი — „სახლებს დგამენ, სოფელს დაუბრუნდნენ, მცანი მოვიდა ხალხი ჭკუაზეო“.

მიდიოდა რევაზი. წინ ახლაც მეთოდე ბაბუა მიუძღოდა, ნელი, დაჯერებული ნაბიჯებით. სახლში რომ შევიდა, იქაც მეთოდე შემოეგება. გადიდებული სურათიდან უღიმოდა. იმ ღიმილში მთელი სოფლის ღიმილი ჩაეტეოდა.

სოფლის ექიმი

ჩვენი სოფელი დიდია, მაინც ორცხენიან სოფელს ეძახდნენ მაშინ. ომი ახალი დამთავრებული იყო და გვიკვირდა, ის ორი ცხენიც როგორ შემორჩა შინდლოვანს. შავი ცხენით კოლმეურნეობის თავმჯდომარე დადიოდა, ნიკოლა, ორმოცდასამში დაუქმებული მარჯვენით რომ მიუბრუნდა შინდლოვანს. მათრახი, სოფლისა და ცხენის სადავე მარცხენათი ეჭირა. ახლა მარცხენა ხელი იყო მისი მარჯვენაც და იმედიც. თეთრი ცხენი სოფლის ექიმს, ერმალოზს ჰყავდა. უყვარდა სოფელს ორივე ცხენოსანი. ძნელბედობის წელი ნელ-ნელა გაგვერიდა. სოფელ-ქვეყანამ ცოტა თავისუფლად ამოისუნთქა. წლებისწინანდელი სიცივე და შიმშილიც მიაფიწყდა ხალხს. ცხენები ვიღას უკვირდა, მანქანები გაჩნდა სოფელში. ცალხელა თავმჯდომარე ორხელამ შეცვალა. საქმე მაინც არ წასულა წინ. მოხუცი ერმალოზის მაგივრადაც ახალგაზრდა ექიმი გამოგზავნეს. თავდაპირველად მასაც ცხენი ჰყავდა. სოფლელები რომ ჩორთით მიმავალ ექიმის ცხენს მოჰკრავდნენ თვალს, იმავეწუთს ერმალოზი ახსენდებოდათ.

მთლად ბავშვს გრიშა ექიმსაც ვერ ეტყოდით. ახალგაზრდას ერმალოზთან შედარებით ეძახდნენ, თორემ წლები არც მას აკლდა. ქალაქელი კაცი იყო, ცოლ-შვილიც ქალაქში ჰყავდა. მიჭირს ქალაქიდან მისვლა-მოსვლაო, უთქვამს რაიკომში და მაშინვე გამოუყვიათ ადგილი. საეზოეს ვერ დაიწუნებდა, სახლიც ჩაიდგმებოდა, საყანეც სამყოფი ექნებოდა და სავენახეც. არც დაუწუნებია. შემოღობა. მამა-პაპურად კი არა, უფრო სხვანაირად. ერთი სიტყვით, ისე შეღობა, მხოლოდ ფრინველი თუ ჩაიხედავდა შიგ. სახლიც კარგი აიშენა, ცხენიდან მსუბუქ მანქანაზე გადაჯდა, უფრო კარგად მოვემსახურები ხალხსო და ემსახურებოდა კიდევ. ოღონდ მისი მანქანის დანახვისას ახლაც ერმალოზი ახსენდებოდათ სოფლელებს.

გრიშა ექიმი პრაქტიკული კაცი გამოდგა. ყველა მოიხმნრა, ორსართულიან სახლს ფართო აივნები შემოავლო. ვაზიც ჩააყრევიანა შეზობლებს. თუ ვინმე სამკურნალოდ მიიწვევ-

და, დაზარება არ იცოდა. ავადმყოფის ახლო მეზობლებსაც ინახულებდა, ზოგს თვალის უპეებში ჩახედავდა, ზოგსაც ენას უსინჯავდა, რომ არ მენახეთ, ავად გახდებოდითო, იტყოდა, წამლებს გამოწერდა, რჩევა-დარიგებას დატოვებდა და კმაყოფილი მიდიოდა, რომ მეორე დღეს ღმერთისა და გრიშას შეწევნით ავადმყოფიც კარგად იქნებოდა და მისი მეზობლებიც, ოღონდ გრიშას ამ სამსახურისთვის ფულს უწურთაუდნენ ჯიბეში, ღმერთს კი, არა. ისე, ფული თუ ვინმეს ჭირდება, კაცს ჭირდება, სულ ერთია, ექიმია თუ ვექილი. ღმერთს რად უნდა ფული. კაცს კი, ამ ქვეყნად, თუ რამის იმედი აქვს, ფულის იმედი. ფული მიაჩნია უფრო დიდ ღმერთად და თუ ფული აღარ შევლის უკუღმართს, მაშინ ახსენდება ღმერთი. ღმერთებს არა აქვთ ფულისადმი მიდრეკილება. ფულებისკენ მოკვდავნი მას მერე ისწრაფვიან, რაც ფული გაჩნდა. გრიშაც მოკვდავი იყო.

უცნაური აკვიატება იცოდა გრიშამ. მისი აზრით, შინდოვანში აღმართი მეტი იყო დაღმართზე. ავადმყოფებთან უმრავლესად ასვლა უწევდა და ამიტომაც თვლიდა ალბათ ასე. გოგია კი, ეკლესიის ზემოთ რომ ცხოვრობდა, პირიქით ფიქრობდა, დაღმართი მეტიაო. ამ საკითხზე კიდევაც უკამათონიათ გრიშას და გოგიას, საქმე ნიძლავამდეც მისულა. ორივე თავისი ეზოდან გასცქეროდა სოფელს. გრიშამ რამდენი აღმართი დათვალა, გოგიასთვის დაღმართი გამოდგა. ორივე მოგებულად თვლიდა ათი კაცის პურმარილს. ნიკოლას თხოვეს, უხნესი კაცი ხარ, შენ მაინც გაარჩიე ბრუნდი და მართალიო. ნიკოლაც ხან გრიშას მიეხმარა თვლაში, ხანაც გოგიას, ოსიც დაიბნა, სამოცდათხუთმეტი წლის კაცი ვარ, აღმართიც ბევრი მინახავს და დაღმართიც, დათვლით, სიმართლე გითხრაო, არ დამითვლია. მივდიოდი აღმართი იყო, მოვდიოდი დაღმართი... ერთი სიტყვით, ვერც ყოფილმა თავმჯდომარემ გააჩნია საქმე, ჩაიქნია ხელი და ნელ-ნელა აუყვა იმ გზას, ცოტა ხნის წინ გოგიამ დაღმართში რომ მიითვალა, გრიშამ — აღმართში.

ისწორედ გოგიასთან მიიჩქაროდა ექიმის თავგისფერი „პრებედა“. თეო გამხდარიყო ავად, გოგიას ცოლი.

— ეს არაა აღმართი? ძლივს მიბობლავს მანქანა, — ღრინავდა გრიშა.

როგორც იქნა მიაღწია გოგიას ჭიშკრამდე. დიდი ქვებით დაბორკა მანქანა, რომ არ დაგორებულიყო, სახლში შესვლამდე ხელის დაბანა მოითხოვა ექიმმა, მერე თეოს გამოჰკითხა, რა აწუხებდა.

თეომ მოხსნა გუდას თავი და ალაპარაკდა, ჰო, ჰო, ჰო, რა ალაპარაკდა.

— ენა მიჩვენე, — ძლივს გააგონა ავადმყოფს გრიშამ.

თეოც დაემორჩილა. დაისვენა ყურებმა. მოლაპარაკე ენაზე მეტი უთხრა თეოს გამოყოფილმა ენამ. სიცხე გაუსინჯეს ავადმყოფს. ოცდათურამეტი და სამი ხაზიო, გოგიამ. ჩაფიქრდა ექიმი ერთი ჩაფიქრება, მერე გამოწერა სიცხის წამალი და გოგიას უთხრა, ახლავე ამოუტანეო, თანაც ა-მ-ო-უ-ტ-ა-ნ-ე განსაკუთრებულად გამოკვეთა, ახლა მაინც გატყდის აღმართი რომააო.

— კი, კაცო, ჩავირბენ და გაუჩინარს...

— შენი გამოსწორება არ იქნება, ხელი დამაბანოე ქე მაინც, ხელი.

ურცხო ენაზე ასეა, ქართულად კი ასე უნდა გავიგოთ: ფული გამოითანე, ფული!

გოგიამ დოქით წყალი გამოითანა.

— რა გქვია, ბიჭო, შენ?!

— ვითომ არ იცი, — თავის ჭიშკარივით დაიშალა გოგია.

— მე კი არა, შენც არ გეცოდინება, რა გქვია.

— რა მქვია და პროკლე.

— პროკლე არა ის, უტუ გქვია შენ და სულ დარჩები უტუ, მოვსპე მანქანა და გავაოხრე, ნაწილები მაინც იშოვე-ბოდეს, სამმაგს მახდევინებენ ყველაფერში, ბენზინსაც ბევრს ხერიპავს...

— აბა, აბა! — დაემოწმა გოგია ანუ უტუ.

გრიშა მიხვდა, ეს ლაპარაკი ენის ვარჯიშად რომ დარჩა და ეზოს ქორის თვალი მოაველო. კიბესთან ახალნერგი შენიშნა.

— ეს საადრიო შავი ბალი ხომ არაა, ბიჯო?!

— კი, შავი ბალია!

— ჰოდა, მაგას ვეძებ, რამდენი ხანია.

თეო საწოლიდან წამოიწია და ყელის ტკივილის მიუხედავად ექიმს გააგონა:

— შავი კი არა, თეთრი ბალია, საგვიანო, თეთრი!

კი არ იცოდა, რა ფერის იყო, მაინც ასე დაიძახა.

— მთლად უკეთესი, თეთრი არ ჯობია? წყალი შეიტანე და ბარი გამოიტანე, ბარი!

ძირებს მიწაც გამოაყოლა, კარგად გაიხარებდა, დააიშვებოდა გოგია, ნერვი მანქანის საბარგულში ჩადო და გრიშას კიდევ დაამადლა, ამხელა აღმართი ამოვიარე, მოკვალი მანქანაო.

— გამოვაცლი მაგ ქვეებს და ნაქხავ რაცხა აღმართია, — ისევ დაემგვანა თავის ჭიშკარს უტუ.

— რა ქნა მაგ უსვინდისომ, ეგ არ მოესწრო იმის დამწიფებას, რავა მოგვითხარა ძლივს გახარებული ბალი, — აქოთქოთდა თეო, გოგია რომ სახლში შებრუნდა.

— ვერაფრით ზერ გავუხერხე ვარი, ' შე ქალო!

— ერმალოზს დაადგა ნათელი, რა კაცი იყო?!

— ერმალოზმა, ბოშო, მამაჩემს რო მოვეუყვანე, წამალი გამოიწერა, მიიხედ-მოიხედა, მიხვდა რა ფულის პატრონებიც ვიყავით, ამოიღო თუმნიანი, დაადო რეცეპტს, წამალი უშოკვით ახლავო... ამას, იქით თუ არ მიეცი ფული, ხეს მოგიბხრის...

თავმჯდომარეობიდან გათავისუფლებულმა ნიკოლამ თავისუფლად ამოისუნთქა, უწინდელი ძალ-ღონე სადღა იყო, კიდევაც დაეტყო მის ეზო-გარემოს. შეიღებოდა ქალაქში ცხოვრობდნენ და კანტი-კუნტად ჩამოდიოდნენ შინდოვანში. გასულ ზამთარს იავადმყოფა ნიკოლამ, მერე მოიხედა, მაგრამ თავს მაინც ვერ გრძნობდა მთლად კარგად. ბოლო დროს ისევ მიეძალა ავადმყოფობა, ხან იწვა, ხანაც გაიფლ-გამოივლიდა, უფროსი შეიღო ჩამოვიდა, გიორგი, მთელი შვებულება სო-

ეულში გაატარა, ექიმიც ჩამოიყვანა თბილისიდან, ვერაფერი უთხრა, გამოკვლევა უნდაო, არ ქნა ნიკოლამ, გუშინდელი კი არ ვარ, აწი ავადმყოფობა მომეძალება, აბა რა იქნებაო, ბილოს მთლად დასუსტდა, დავარდნილს ვერ ეტყოდით, მაგრამ ლოგინს მიეჩვია. გრიშა ექიმს დაუძახა გიორგიმ.

გასინჯა ავადმყოფი ექიმმა, მერე უხმოდ გავიდა აივანზე. სიგარეტი გააბოლა, გაიარ-გამოიარა და გიორგის წინ შედგა. ერთხანს იყუნა, შერე ალაპარაკდა.

— რაღა დაგიძალო და ვერ გაქ კაი ამბავი... დიდი-დიდი ერთი თვე იცოცხლოს. რა უნდა ექნა მე, ის კი არა ვარ. ან თქვენ რა უნდა ქნათ იმაზე მეტი, რასაც აკეთებთ.

პორტფელი მოიძია და ნელა ჩაუყვია კიბეს, ჩააცილა გიორგიმ, ჭიშკართან შემობრუნდა ექიმი და ხმადაბლა დაიწყო:

— კაცი კაცს გაჭირვებაში უნდა დაეხმაროს, თუ არა... ყველაფერს მნიშვნელობა აქვს და იმისი არ იყოს, მეზობელი ვარ, აგერ, თქვენ არ გექნებათ საყოფი, დაჭირვებით მალე დაგჭირდებათ, რომ დაგჭირდებათ, მე მაქვს კაი ღვინო, გასახელებს იცოდე, სხვაგან რატომ უნდა ეძიო, ანდიოფას გასვენებაში ქე იყავი შენ, ჩემი ღვინით გაასვენეს, რავარი იყო? ჰოდა, მეტი რა ვართ ერთმანეთისთვის. ფასში მოვრიგდებით და... აბა შენ იცი, ასე ქენი, ასე, ჩაჯდა მანქანაში და გაქუსლა.

გიორგი კარგა ხანს იდგა გაშეშებული, იქით იყურებოდა, საითაც გრიშას მანქანა გაგორდა, მერე მიაფურთხა გზას და შებრუნდა.

სოფლის ექიმი კი ღიღინ-ღიღინით მიჩახჩახებდა თავისი-ფერი მანქანით. ორმოებს მოხერხებულად უვლიდა გვერდს, თავსაც ეფერებოდა და მანქანასაც. სკოლასთან ქალს წამოეწია. სანამ ჩაუვლიდა, მოეწონა, რომ ჩაუარა, მოუხედა, და უფრო მოეწონა, გააჩერა მანქანა, კარი გაუღო, დაჯექიო, შეეპატიჟა.

— უი, არა, გრიშა ექიმო, ნუ წუხდებით

— რა შეწუხებაა, იქით მივედივარ მაინც.

რაზან იქით მიდიოდა, სიტყვა ველარ შეუბრუნა, ჩაჯდა მანქანაში და კაბა ისე მოხდენილად გაისწორა, მის შეხედვას

არაფერი ჯობდა. საერთოდ ასეა, ქალი რომ მუხლისთავენი კაბის გასწორებას გააჭიანურებს, უნებლიეთ იქცევს ყურადღებას, მით უფრო, თუ მოყურადე კაცია. კაცი გახლდათ გრიშაც და რახან მისი ყურადღებაც მიიქციეს, ცოტა შეუყოვნდა თვალი, გზაზე პატარა თხრილიც გამოირჩა და ისე აყუნცულდა მანქანა, ქალს ხელახლა შეექნა მუხლისთავეები საპატრონო.

— როგორ ხარ, ანინკა, — უფრო უხერხულობის დასაფარავად იკითხა ექიმმა.

— რა მიჭირს, ვცოცხლობ.

— ეს ორდენი როდის მიიღე? — ახლა საჯილდოე ადგილებში გადმოიმსუნაგა გრიშამ.

— ეს რომ მივიღე, მასუკან დაებერდი.

— რა ღროს შენი სიბერეა, — ისევე ჯილდოს ახლო-მახლო დაასუნსულედა მხერას ექიმი, — რისთვის დაიმსახურე?

— მაშინ ფერმაში ვმუშაობდი.

— ფერმაში შენი გაცდენა გამიგონია?.. რაღაც ფერი არ მომწონს შენი...

— შეწუხებით არაფერი მაწუხებს. და...

— მასე იცით, ხანდახან პროფილაქტიკის მიზნითაც უნდა შეიაროთ ექიმთან... ახლა სად მიდიხარ?

— საბჭოში, მერე თბილისში, აქტივის კრებაზე.

— როგორც კი ჩამოხვალ, ჩემთან მოდი, უნდა გაგაშუქო, დვიპლზე მაქ ეჭვი, თუ არა, ბარეორი წასულა აქტივის კრებიდან იქით, შენ რომ იცი.

სოფლის ცენტრში, საბჭოსთან გაუჩერა მანქანა, ქალმა მადლობა გადაუხადა და ისე წაეიდა, ორდენისანს რომ შეეფერება.

— არ დაგავიწყდეს, როგორც ჩამოხვალ, მაშინვე მოდი, — მიაძახა ექიმმა და სახლისკენ გაუხვია, ახლაც ღიღინებდა, თუ კარგად მიაყურადებდა კაცი, სიტყვებსაც გაარჩევდით: „ერთი ჩემებურად უნდა გაგაშუქო“, — უმღეროდა ვიღაცას. ახლაც ქალს წამოეწია, სანამ გადაუსწრებდა, იმის გაშუქებაც ინატრა, შენმა სულელმა ქმარმა არც იცის, რამოდენა სიმდიდრის პატრონიაო, — გააგრძელა ღიღინით, გადაუსწრო და საკუთარი ცოლი არ შერჩა ხელში? აუტყდა სიცილი.

ცოლსაც გაუჩერა მანქანა, ქალმა იმ ადგილას მოიკალათა, ქმრების მანქანაში დაკანონებული რომ აქეთ. რა გაცინებსო, ჰკითხა გრიშას, გრიშამ სიცილს უმატა.

— ერთი ქალის გაშუქება ვიფიქრე და კინალამ შენც არ მიგაყოლე ზედ?

— რულს მოკიდე ხელი, რულს!

— რაც შენ გაშუქებული მყავხარ, უიმე დედაია!

— ატროებუღივით იცინი და არაფერი გეწყინოს დღეს.

— მეწყინოს არა ის.

— რაის ნერგი გაქ საბარგულში?

— იაპონური ზღმარტლიაო, ოთარამ.

— თავზე თუ დამარგავ, თუ არა, ეზოში აღარაა ადგილი.

— სადაც დაგარგავ, ის მე ვიცი, — ისევ გაიცინა ექიმმა.

— როგორაა ოთარას დედა?

— მაგათაც მალე დასჭირდებათ ღვინო.

— რაებს ბოდავ დღეს?..

— რაც გესმის.

რკინის ღობით შემოსაზღვრულ ეზოსთან მანქანამ სვლა შეანელა და პირქუშ ჭიშკარს მიადგა, მიასიგნალა. შეიხსნა ალაყაფი. მანქანას რომ შევეყოლოდით, ხეხილით სავსე, უფრო სწორად, ხეხილით გადატვირთულ ეზოში მოხვდებოდით.

ავადმყოფები გელრდებიანო, ჭიშკართანვე უთხრა ქალი-შვილმა. გრიშამ უთქმელადაც შეამჩნია საზაფხულო მოსაცდელში, მსხლის ქვეშ, ძელსკამზე მსხდომი ქალები. ერთი ხან-შიშესული ჩანდა, მეორე ახალგაზრდა, შორიდან ვერ იცნო, მიუახლოვდა ქალებს. ვერც ახლოდან შეიცნო. მიესალმა, სალამზე რომ პასუხი მიიღო, როგორ ბრძანდებითო, ვითომ ირივეს ჰკითხა, სინამდვილეში ახალგაზრდას შესციტინებდა.

— მე კი გახსოვარ ალბათ გრიშა ექიმო, ლადიმირას შვილის ქორწილში კინტაური რომ ვიცეკვე, თვალის უპეები გაქვს ჩამოსივებული და ღვიძლი არ გაწუხებდესო...

— როგორ არ მახსოვხარ, კაცო, გაშუქებას არ შეგპირდი?

— კი ბატონო, ეს ჩემი დედამთილია, რახან მიდიხარ, მეც ვავეშუქებო.

რა ღროს ამის გაშუქებაა, ფიქრით ასე გაიფიქრა გრიშამ, ხმამაღლა კი — თუ გულით უნდა, გავაშუქებო.

მეორე სართულზე აიპატიჟა ქალები. უკანა ოთახში ჰქონდა რენტგენის აპარატი.

— გაიხადეთ. ტანსაცმელი ტახტზე დააწყევთ.

— გავიხადოთ?! — შეფიქრიან-შეყოყმანდა დედამთილი.

— აბა ჩაცმული გაშუქება ვის გაუგონია, — წაიქირქილა რძალმა.

— მთლად კი არა, შეშლილიფდით წელსზევით, — ამბობს გაბადრული ექიმი.

ქალებმა შეშლილებას მიჰყვეს ხელი.

გრიშამ ფანჯრის ზემოდან შავი ფარდა ჩამოუშვა. ოთახი დაბნელდა. წუთის მერე სიბნელე გაბაცდა. ექიმის წუწკი მზერა ნახევრადშიშველი ახალგაზრდა ქალის სხეულს ყლაპავდა. ჯანიანი ქალის ხორცმორეული ტანი პერანგიდან გაქცევას ლამობდა.

— ღვიძლი არა ის, — გაიფიქრა გრიშამ, შეაკანკალა ერთი შეკანკალება და იგრძნო, როგორ წამოეზარდა სხეულის გარკვეული ნაწილი. ზოგს გაუკვირდება, რატომ ხდება ასეო, მაგრამ გრიშა ექიმი იყო და კარგად მოეხსენებოდა, ის ვარკვეული ნაწილი ვერ იტანდა ნახევრად სიბნელეში ნახევრადშიშველ ქალს, ასე იცოდა აჯანყება ყოველთვის და მანამ იქნებოდა შემართული, სანამ ხუმტური არ გაუვლიდა, ქალმა რენტგენის აპარატისკენ გაუბედავად გადადგა ნაბიჯი, გრიშა შეეშველა, სანამ ეკრანის წინ ჩააყენებდა, ქალის მკერდით ანუ ხაფანგში გაბმული ორი კურდღლის ფერებით იქცევედა თავს.

სიბნელეს მიდარაჯებული დედამთილი ცდილობდა გაერკვია, რა ბლლარძუნობდნენ აპარატის ახლოს მისი რძალი და გრიშა ექიმი. რძალმა დედამთილის ხათრით ხმის ამოღება ვერ გახედა. დედამთილის ხათრი გრიშასაც ჰქონდა, მაგრამ რა ექნა, რაღაც უხილავს მიყობ-მოყობოდა ბრმად. როგორც იქნა ჩართო აპარატი ექიმმა. ქალის გული გამოხტომას ცდილობდა მკერდიდანაც და ეკრანიდანაც. გრიშამ იფიქრა, უფრო კარგად რომ გავაშუქო, ცოტას მოვწვევ ეკრანისკენო, და ხე-

ლებისფათურით ისევ გულ-შკერდის ძეხნა დაიწყო, მაგრამ... მაგრამ მოხდა ის, რასაც არ ელოდით, არც თქვენ, არც რძალ-დედამთილი და არც თავად ექიმი, სანამ ქალის სხეულს შეეხებოდა, მანამ გაკვესა ნაპერწკალმა. გრიშა ექიმთან ერთად აკანკალდა რენტგენის აპარატიც. რძალ-დედამთილმა იაზრა, რაღაც უბედურება რომ მოხდა...

— გრიშა ექიმო, — ხმადაბლა დაუძახა რძალმა.

ექიმი ცახცახებდა.

— გრიშა!!! — ახლა დედამთილმა დაიძახა ხმამაღლა.

ცახცახი შეწყდა.

ახალგაზრდა ქალი ფანჯარასთან მიიჭრა და შავი ფარდა ჩამოგლიჯა. ოთახი განათდა. მტერსა და ავს, რაც იქ რძალ-დედამთილმა დაინახა: გრიშა ექიმს შიშველადლატოვებულ ელექტროსადენში გახლართოდა ხელი, ახლაც სკამზე იჯდა, პირსახეზე გაშავებულიყო. თვალები ღიად დარჩენოდა, პირი ღდა, თითქოს უკვირდა რაღაც.

კვირის თავზე დაასაფლავეს. ქელები კარგი გაუკეთეს. პურ-მარილი ზომ იყო და იყო, ღვინო მართლა სამაგალითო ჰქონია. /

ექიმის კუბოს სასაფლაოსკენ რომ მიაცილებდნენ, გოგიამ თეოს გადაუჩუმათა:

— საწყალს აღმართის ავლა ძულდა ნამეტანი, ფეხით იყო ოუ მანქანით, სულ ჯუჯღურებდა, ამ ბოლო აღმართს ქე აივლის უხმოდ, უბენზინოდ და უიმოთ, ასე ეწერა ალბათ.

— ერმალოზის გასვენებაში სამჯერ მეტი ხალხი იყო. — შეუბღვირა თეომ.

მზერა აარიდა ცოლს. შავი ნაჭრებით გაწყობილი ექიმის მანქანა მოხვდა თვალში. „პობედა“ კუბოს სინქარით მიუძღვოდა ჭირისუფლებს.

დი უტრასკ

რაინდის ბიჭი როა, გაორგი, იმსელა ვიქნებოდი, მანქანა რომ დაეიხახე პირველად. სკოლა ხუთ კილომეტრზე, მთავარი გზის პირას იყო. გზის პირას რომ იყო, იმიტომაც დაეიხახე მანქანა. შესვენებაზე ვართ ბაღნები. მივანებეთ სამაშს თავი და მივირბინეთ მანქანასთან, სოფლის გადასახვევთან რომ გააჩერა შოფერმა. გვერდით ჩემზე ცხვირძოლუხიციავი ბიჭი უჯდა. გააღო იმ ბიჭმა მანქანის კარი, შეხტა ძაბაზე. ცალი ხელით იარას ჩაეჭიდა, მეორეთი ღოინჯი გაიკეთა და ვინც ჩადის, ორ-ორი მანეთი მომეციოთ, თქვა. ჩამომსკლელებმა მისთანა ადგილებიდან დააძურეს ცხვირსახოცში გაძოსკენილი ფულები, ყველას გასაგონად კი ვერ ვიტყვი. ღოინჯის დრო საღა დარჩა იმ ბიჭს. საღოინჯე ხელით იკუჭავდა და იკუჭავდა ჯიბეში ფულებს. განახევრდა მანქანა. მაგიერში მარჯვენა ჯიბე ამოიტენა იმ ბიჭმა, მერე ფუყეთ ჩაძოხტა ძირს, ისე, რომ საღოინჯე ხელი გამოტენილი ჯიბისთვის არ მოუცილებია. უფრო იმედინად ჩატენა ფული და მიუჯდა შოფერს. შოფერი მარჯვედ მიესადაგა რულს, ახლა ქე ვიცი, საჭე ქვია, მარა მაძინ რულს უძახოდა მთელი ქვეყანა. რა არ იწვალა შოფერმა, მაინც ვერ აამუშავა მანქანა.

პამოშნიკ, რუჩკაო, იყვირა. გადმოხტა ბიჭი, თან რაცხანაირად მოღუნული რკინა ჩამეიღო. წინაბორბლებსშორის შეუკვებხ მანქანას, ატრიალა და ატრიალა მეარღნესავით. ათუხთუხდა მანქანა, ბათქა-ბუთქიც გამოურია ალაგ-ალაგ. არღნის ხმა არა, მარა თავისებური მუსიკა მაინც ქე გამევიდა. ვაიოფლა ბიჭი, არაქათი გამოეცალა.

ახლა შოფერმა დაიფურთხა ხელისგულებზე. მომეცი აქო, შეუყვირა ბიჭს. დაჯექი რულთან და ისე დოუიმასქენი, როგორც გასწავლეო.

შოფრის ადგილი უფრო საქმიანი კაცივით შეიმშვენა პამოშნიკმა. პედალს რო დოუიმასქენა, რულთან დარჩა უხერხულად, რულს მიემარჯვა და პედალს ველარ მიწვდა. კი ვერ გეტყვით, მძღოლმა უკეთ იმუშავა, თუ იმ ბიჭმა, მანქანა ამუშავდა, დაიძრა და მივეყვით ჩვენც ნაბამი ძაღლებივით,

სანამ შევძელით, მერე კაიძალზე ჩამოგვიტოვა, თვალიღა მივაღვესთ. შევბრუნდით და გაგეახსენდა გაკვეთილი.

მართალია, მანქანაში არ ემჯღარვარ, მაგრამ იმითაც კმ.-ყოფილი დავრჩი, რომ დავინახე. ახლა ქე ვიცი რაცაა, მაშინ დიდი გამოგონებაა-თქვა, ასე გავიფიქრე. არ იყო თუ?! ხარი არ უნდოდა და ცხენი, სინქარე არ აკლდა და ძაღა. შოფერი ხომ იყო ღმერთი, მარა ბიჭი, დღენიდაგ გვერდში რომ უჯდა და ჯიბე ფულით ქონდა ამოტენილი, ჩემსე ცოტა უფროსა რომ იყო და დაქრიალობდა აღმა-დაღმა, არც ის იყო ნაკლები.

დასამალი რა მაქ და გულში ჩამივარდა შოფრობა. სწავლით არც მანამდე ვიკლავდი თავს, ასლა სულ ავიცრუე ვული. ტყუილა სკოლაში სიარულს ყოლიფერი ჯობია-თქვა, ვუთხარი მამაჩემს.

„რა მოხელე გინდა მაინც რო გამოხვიდეო“ — მკითხა მამაჩემმა.

შოფრობას ვისწავლი და კაცი ვიქნები ქვეყანაზე-თქვა.

მიდგა-მოდგა მამაჩემი, გაიკითხ-გამოიკითხა და ქვისლის ძმიშვილთან მიიყვანა საჭირო საქმემ. გაეგო, ის ბიჭი ორი წელი რომ მუშაობდა მანქანაზე, ამიტომაც ძაღიან რაღაცაო მოაქონდა თურმე თავი.

მამას უთქვამს, რისთვისაც იყო მისული.

რაცხანაირად გაუცინია გვერდზე. მაგ არც აღვილი საქმეაო, უთქვამს. ორი-სამი წელი პამოშნიკად უნდა იმუშაოს, მერე, საბუთები, მოწმობები, წიგნაკები და ყოლიფერი ბეკერიო. ყოლიფერს ერთად პატარა ფულიც უნდაო. პატარა, ისე უთქვამს, მიმხვდარა მამაჩემი, რაცხა პატარა იყო ის ფული.

მოხმარებას რაეა დაგამადლი, გავიკითხავ თუ ვინმეა თავისუფალი, მარა ოცდახუთი თუმანი დაჭირდება მაგ საქმეს, ტყუილა არავინ აიყვანს. მე უკვე მყავს პამოშნიკი, თუ არა რაეა გაგიშობდი სადმეო.

კაცმა რომ თქვას, ოცდახუთი თუმანი კი არ უბერიია მამაჩემს, მარა არ ჰქონდა, მისი ნახევარიც არ ჰქონდა და იმის გარდა სხვა რამეზეც რომ იყო საჭირო, ის ფული სულ არ ჰქონდა.

შეერი რომ არ გაეგრძელო, შემრჩა შოფრობაზე ოცნება და ოყიანი თოხი. სანამ ახალგაზრდა ვიყავი, შოფრის და ძისი დაშხარის დანახვაზე, გულში ვფიქრობდი, ამათ ქე უშონიას ოცდახუთი თუმანი და ის, სხვა ფულიც, დანარჩენ ყოლიფერს რომ ჭირდებოდა-თქვა და გულნაწყვეტად გამიყოლებია თვალი მათთვის. მერე და მერე ჭერეხავით რომ დეიყ...აა შოფრები და გახშირდა მანქანები, გამოჩნდა რა მოხელე ჩიქვანებიც იყვნენ. ისარეორი ციხეში მოხვდა, ზოგი საავდმყოფოში, ზოგმა ორფეხი გაიტანა, ზოგმა ოთხფეხი. ისეთი ავარიებიც გააკეთეს, სხვებიც დაღუბეს და თავიც მიაყოლეს. ამოზიზნილ ვანძეს შეასწრებდნენ თვალს, შოფერივით დადისო, შეიგინებდა ვინმე და, შოფერივით იგინებო. მეც ავდექი და განგებას ძადლობა ვუთხარი, თოხი რომ შემძატოვა ხელში. ჩემგან სხვა რა უნდა გამოსულიყო. ამ თოხს სადაც მინდა, იქ დავერავე. მიწას ის არ ცილდება და არაფერი. მთავარია მარჯვედ ვეჭიროს ხელში. მარჯვე თოხმა კაი მოსავალი იცის. მასუკან ბევრმა წყალმა ჩაიარა. შრომა არ მძულდა, ახლაც არ მძულს. არც ნომშივინია, მარა არც ისე ვიყავი, დულს და გადადულსო. ჩემს მოწვეულ შემოდგომას სხეასაც ვუნაწილებდი, სოფელი ქალაქის მარჩენალია და მივდი-მოვდიოდი ამასა და იმასშუა.

დღესაც ბაზარში ვიყავი, ბოსტნეული მქონდა გასაყიდად. შუადღემდე მოვრჩი ჩემ საქმეს და ახლა ქე ვარ ძოკალათეხული ჩემი სოფლის ავტობუსში. შესრულდება სამი და წავალო. ერთ საათში სახლში ვიქნები, ძიელი დღის საქმის გაკეთებას მოვასწრებ კიდო.

დახედა კუკურამ საათს, ვინც მოდის, ამოდითო, დაიძახა და ჩართო მანქანა. კუკურა ავტობუსის მძღოლია. ხვალ ილო აქნება. ეს ორი კაცი დღეგამოშვებით ცვლიან ერთმანეთს და გვატარებენ აქეთ-იქით. ჩვენ ქვეყანაში ბევრი სოფელია. ყველა სოფელს თავის ილო და კუკურა ყავს, მარა ჩვენ რო კუკურა და ილო გვეყავს?! ჩვენ რომ ილო და კუკურა გვეყავს?! არ მითხრათ...

ავტობუსი მოგვიძველდა, მარა სხვის ახალს ჩვენი ძველი გვირჩევნია. როგორც დედა ცნობს დაბრუნებულ შვილს ფეხის ხმაზე, ისე ვცნობთ ჩვენს ავტობუსს ხმაზე. დღეში ხუთჯერ

მიდი-მიდის. ისე ოცდასუოკაციანია, სინამდვილეში რამდენს იტყვს, ვერც მე გეტყვით, ვერც კუკურა და ილო. ასე მგონია, მთელმა სოფელმა რომ ერთად მოინდომოს მგზავრობა, ყველა ჩაეტევა. ჭუჭყულის ბელელივით სულაა გამოტენილი. მარა ამის გამო ვინმე წაუსვლელი დარჩენილიყოს, არ მახსოვს. ავტობუსი რკინიგზის სადგურიდან გამოდის, ჯიბეებში ხელეზნაწყობილი ლენინი რომ იდგა, იქიდან. საფინზის ბაზართან მგზავრებს აიმატებს, კი არ აკლია, მარა მაინც. დაეშვება თავკვე წყალწითელას ხიდთან შეჩერდება ერთი შეჩერება და გააგრძელებს გაზეპირებულ გზას. ავტობუსმა იცის, სად განერდეს, საით მოუხვიოს. ილო და კუკურა ისე ატრიალებენ რულს, თუ არა, კი არაა საჭირო. მგზავრები ხომ იცნობენ ერთმანეთს, მძლოლებმაც ზეპირად იციან, ვინ ვინაა. ერთს მოიხედავენ უკან და ხედებიან, შემდეგ ვის ჭიმკართან გააჩერონ. ჭიშურასთან ბაბილინა დაგვემატება, ბულალტრათ რომ მუშაობს რომელიცბა კანტორაში, სააგურესთან მიტუშა კობახიძე, წითელს რო ვერაფერს იტანს და თეთრ ავურს უშობს.

ნავენახების გადასახვევთან ერთი წყება ხალხი ჩამოგვაკლდა. ავტოინსპექციის პუნქტთან თამარა ფოსტალიონი ამოვიდა, საესე ჩანთით და გაზის ბალონით.

გადავუხვიეთ იმ სკოლასთან, სადაც წლების წინათ პირველად ვნახე ავტომობილი. სწორეთ იმ სკოლასთან მთავრდება გზა და იწყება უგზობა. გადასახვევიდან სათემოს უბნამდე ხუთი კილომეტრია, ამ ხუთი კილომეტრის გავლასაც იმდენივე დრო სჭირდება, რამდენიც აქამდე 20 კილომეტრს. სათემოს სკოლამდე განახევრდა ავტობუსი. სკოლასთან ისევ შეივსო ჩანთიანი გოგო-ბიჭებით. ეკლესიასთან ჩავლისას რამდენიმე მგზავრმა ამოიხვნეშა. ერთი სასახლე მეც მაქვს აქ, სლვასთან დამარცხებული ჩემი ვიტალი ცხოვრობს შიგ. დაელოცა ღმერთს სამართალი.

მიასიგნალა კუკურამ. ამ დროს სათემოელები საათს ასწორებენ. ყველამ იცის, ოთხს ხუთი წუთი უკლია.

ლენტორას ჭიშკართან თავშეხვეული პელაგია დახვდა ავტობუსს, მარტოხელაა საწყალი. ჭიშკარი არც გაუღია,

ღობიდან მიაწვდინა ფული კუკურას, ადელფანი იქნება ამო-
ციტანო, შენი მუხლები ჭირიმეო.

ლევანტის ლადიმ სიგარეტი დააბარა, არ დაგავიწყდეს,
თუ არა შენ ქედს შეეჭმობი, დაემუქრა. კუკურამ გაიცინა და
ორფა სიგნალით ამცნო, საღამოს „ასტრა“ გექნებაო.

სოფლის მალაზიასთან მობრუნდა ავტობუსი, მომსვლელი
ჩამოვიდა, წამსვლელი ავიდა. ერთი გრძელი სიგნალი უკან
გაბრუნების მისცა და გზას გაუღვა.

იცინ თქმა, ილო ჩქარია, მალ-მალე მიდი-მოდისო... ამ
ხნის კაცი ვარ და ჩემი აზრი მაქ ყველაფერზე, ფაქტს ვერ
გაექცევი, ილოც ხუთ გზობას აკეთებს და კუკურაც. მისვლა-
მოსვლის განრიგი ერთნაირი აქეთ, არც ერთი არღვევს და
არც მეორე, ილონდ ილო ხუთი წუთით ადრე მოდის ბოლი
გაჩერებაზე, გააბოლებს სიგარეტს და მიდის, კუკურა არ ეწე-
ვა თუთუნს, ზუსტად მოდის, ამიტომაც შეარქვეს დინჯა,
ძაან უნდა ილოსაც სიგარეტის გადაგდება და დადინჯება,
მარა ვერ მოახერხა.

ასეა, ჩემო ბატონო, ასეთი მძღოლები გვყავს, მაგათ შოფ-
რებს ვერც დავუძახებ, მე რა მე ვარ და მეშვიცა მაშინ ის
იციდახუთი თუმანი, შეიძლება მეც ვერ გამოვსულიყავი ამათ-
ანა მძღოლი, სხვებივით შოფერი დავრჩებოდი, გინებაშიც
გავეჯიბრებოდი ზოგ-ზოგებს და მებუხრესავით ვიქნებოდა
ამოგანგლული, ვიცი ჩემი თავის ამბავი.

ლვლინეს ჭიშკართან რომ ავიარე, ვაჟიკომ მომატანა
ოვალი, გამარჯობა სევასტიჩო, თავი შეიკლა, გინდა თუ არა,
გამეიარეო, არ მინდოდა, მარა მაინც შევიარე. ღრაფინი გაე-
ნახეერებია მარტოსულს, ხასიათი კაი, სიმღერა კაი... ღვინოს
თუ დაღვეო, კითქვა, დალიე, ვინ გიშლიაიუსო. დაშლით
მართლა არავინ მიშლიდა და ქე დავცალეთ ღრაფინი ერთი-
ერთში.

ვაჟიკოს ღვინო მოეკიდა. ჩემი ღვინო რაღა მათრობსო,
გაბრაზდა. ღვინოს თუ დაღვე, დაგათრობს, გინდ შენი იყოს,
გინდ სხვისითქვა. ავიღე ჩემი კალათი და სანამ ღრაფინს ხე-
ლახლა გაავსებდა, ჩიტუნას სახლს ვიყავი უკვე გაცილებუ-
ლი.

ჩემთან ერთად ჩიტუნას უფროსი შვილიშვილი ჩამოყვა მანქანას, ეშხას სახლი რომ იყიდა შარშან. უკვირდა, მძღოლს წამული და სიგარეტი რაღა დააბარესო, მე ვუთხარი, მაგათ შენ ვერ არ იცნობ, აწი გაიცნობ, რა ხალხიათქეა, რამდენა პურს აბარებს, ისიც ვუთხარი, ეფროსინემ ილოს ეროი ხალხში ყველი რომ გაატანა საფინხიის ბაზარზე ვასაყიდად. თვითონ ვერ მიდიოდა ეფროსინე, არ შეეძლო, როცა შეუძლოთ ხარ, მაშინ უფრო გჭირდება ფული. წაუღია ილოს ყველი ბაზარში, ბაზრის ფასი ხუთი მანეთი დახვედრია (ნეტაი იმ დროს), თვითონ ოთხი დაუფასებია. ათ წუთში ცარიელი ხალხი მოუბრუნებია. პანაშვილებისა და გასვენებებს დროს ყვაეილების ყიდვას და ჩამოტანასაც ავალებენ მძღოლებს, ქორწილის დროს პურის, ლიმონათის და ბორჯომის წამოდევანებას, გოჭების შეწვას და მთავრალი სტუმრების სახლში ჩამორიგებას.

ილო და კუკურა ყველასათვის ასლობელია, ჭირში და ღვინში ისე პატიუებენ, როგორც ჩვენებურს. კუკურამ ერთს ზავშიც მოუნათლა, ილოს შვილი სათემოელმა მონათლა, შეიგრიხა და ჩამარყუედა ნათესაური სიყვარული.

კუკურა სოფლის ოკრო-ბოკრო ხვეულებს რომ მიარჩება და სიმონეთის მარანთან ცენტრალურ გზაზე გადაუხვევს, ზელს გერმანელივით იშვერს წინ და დი შტრასეო, ყვირის.

რა გაყვირებს მანდამან მარანთანაქეა, დაეაჯინდი ერთხელ.

დი შტრასეო, მითხრა, გერმანულად გზასაც ნიშნავს და ქუჩასაცო. ამ შეითხვევაში, დი შტრასე, გზას ნიშნავსო. თქვენი სათემოდან სიმონეთის რესტორნამდე გზა არ არსებობს, ამას ყველაფერი ქვია გზის გარდა, სიმონეთის მარნიდან იწყება გზაო და მიტომაც ვყვირი მარანთან გერმანულადო.

მართალი იყო კუკურა, რაღას ვეტყვოდი, უარესი არ უნდა დაეძახა? მარა სადაა კაცი პატრონა.

შამოდექი რომ დადგება და შაშვი დაიწყებს ვალობას, ხან ამ ჭიშკართან აჩერებენ ავტობუსს და ხან იმ ჭიშკართან, ხან ნოდუკო მიდის მძღოლის მხრიდან მანქანასთან და ხან

ვახტანგი, ხან ეჯოგუჯა და ხან თამაზი, ივსება წინა განყოფილება ყურძნის აკადოებით, კვაზითა და სიმინდით, ფელამუშითა და მაჭრით, სითბოთი და ღიმილით, დიდი მადლობითა და რისი მადლობით...

ერთი სიტყვით, გზა არ გვივარგა და გეზი, თუ არა ხალხი?! თავით მარილს დანჯავს, რომ იყოს დასანაყი.

ამასწინათ სიზმარი ენახე, ვითომ ამისრულდა ბავშვობის ოცნება, ილომ და კუკურიმ უფულოდ ამიყვანეს პამოშნიკად. ქიშვარდის თენგიზამ, საგზაოს ინჟინერი რომაა, სიმონეთის მარნიდან სათემოს მალაზიამდე დააგო ასფალტი. მიჭირავს რულია თუ საჭე და ვყვირივარ ხელგაშეერილი, დი შტრასეთქვა, აქიდან ჩემი შვილიშვილები, ცეზარი და ანუკა იმეორებენ დი შტლასე, დი შტლასეო... დიდხანს ვიყვირებდი კიდევ, ჩემ ოჯახობას, ანიკოს რო არ გამოეგლიჯა ბალიში ხელიდან, საჭესავით რო ვატრიალებდი თურმე ძილში.

გამელევიძა და გული დამწყდა, რულიც და დი შტრასეც სიზმარში დამრჩა.

დი შტრასე გერმანულად, როგორც კუკურამ მითხრა, ქუჩასაც ნიშნავს თურმე, მე რომ სიზმარში ვყვიროდი, გზას ნიშნავდა.

ვენაცვალე ჩემს ცეზარიკოს და ანუკას.

ერთ საღამოს მოქცეულას მთის მწვერვალიდან პაკრიშკა დავაგორე. ეს საღამო მთელ სოფელს დაამახსოვრდა. ამის მერე გამივარდა სახელი. უცნობთან რომ წარმადგენდნენ, ლადო კენჭოშვილიო, თან დაამატებდნენ, ეს ისაა, მოქცეულადან პაკრიშკა რომ დაავგორაო. ახლადგაცნობილის თვალში მაშინვე იზრდებოდა ჩემი წონა.

სოფელში თუ ცხოვრობ და კაცი გქვია, უნდა იგრძნოს სხვადაც, მეზობელმა, სტუმარ-მასპინძელმა, მტერ-მოყვარემ და თვითონაც უნდა გაგინდეს მოთხოვნილება, ისეთი რაღაცის გაკეთების, ყველა რომ დააფასებს და დაიხსომებს.

ჯარის მერე, ერთხანობას, რუსეთში ვიმუშავე. ჩემს ჩამობრუნებამდე ზოგს ეკლესიის აღდგენა უთავებია, ზოგს სასამელი წყლის გამოყვანა, წისქვილიც აუშენებიათ და მალაზიაც. მე ავდექი და პაკრიშკა დავაგორე.

რუსეთიდან რაც ფული ჩამომყვა, იმით სახლი ავაშენე, გადავხურე, მოწყობით აწი უნდა მოვაწყო. ფული შემომეღია, უფულოდ რაღას გავაკეთებდი, რით მოვიგებდი ხალხის გულს. სწორედ მაშინ დავაგორე პაკრიშკა.

ფული არც პაკრიშკის დაგორების მერე მიშოვია, მაგრამ ამას რა მნიშვნელობა აქვს. მთავარია პაკრიშკა მე დავაგორე პირველმა, ამით დედაჩემსაც მოჰქონდა თავი, მარუსას, ჩემს ცოლსაც და შვილებსაც, რადგან მათაც ესმოდათ ნაცნობებისგან: ამ ქალის შვილია, ან ამ ქალის ქმარია, ან ამათი მამაა ის კაცი, პაკრიშკა რომ დაავგორაო. საწყალი მამაჩემი, ისიც იამაყებდა, მაგრამ პაკრიშკის დაგორებამდე გარდაიცვალა. თუ სადმე განგებაა, საფლავშიც იამაყებს, ასეთი შვილი რომ დავრჩი.

განსაკუთრებული ამბავი მალე იდგამს ფეხს და სოფლიდან სოფელში გადის, რაიონშიც ვრცელდება და ხშირ შემთხვევაში ქალაქამდე აღწევს, მაგრამ რას ვიფიქრებდი თუ საზღვარსაც გადაცდებოდა...

ეს ამბავი, პაკრიშკის დაგორებაზე მოგახსენებთ, ჩემთვისაც მოულოდნელად მოხდა. სიმიინდის ყანები ახალი აღებული გექონდა. ყორნელის ტყიდან ებრუნდებოდი. ჭურის

სარეცხად თავისსარა მომქონდა, ის იყო, მოქცეულაში გად-
მოვედი, დიდი მანქანის პაკრიშკა არ აგდია თხრილში? გა-
მიკვირდა, მოქცეულაში მანქანას არ გაუვლია, საიდან უნდა
გაჩენილიყო პაკრიშკათქვა. ამის ფიქრით თავი დიდად არც
შემიწუხებია, სიცივე იგრძნობოდა. ერთს მაინც გავთბებით-
ქვა, ვიფიქრე და ასანთი ვაწვალე კაიხანს, როგორც იქნა მო-
ვიკიდა ცეცხლი. თანდათან მოძლიერდა, გავთბი, კიდეც გავც-
ხელდი, ვიფიქრე, რა მოხდება რომ დავაგორო-მეთქი. რა უნ-
და მომხდარიყო. ყანები აღებული იყო და ყველაფერი. გა-
ფიქრება და საქმე ერთი ვქენი. არ მიყვარს ჭოჭმანი. დავა-
გორე მოქცეულადან მრგვალი ცეცხლი. მის ყურებას არაფე-
რი ჯობდა. მიგორავდა, მიხტუნაობდა თანაბარაქარებული
ცეცხლი. ჩაათავა დაღმართი, ახლა აღმართს შეუტია. თანდა-
თან დაკარგა სიჩქარე. წამით აღვიღზე შედგა. შეეტყო, ზე-
ვით ასვლის თავი აღარ ჰქონდა. უკანვე დაგორდა. პატარა
ვაკე აღვილი მომებნა. ერთხანს ცეცხლიანი რვიანები ხაზა.
მერე დაემხო მიწაზე. უძრავად რომ დარჩა, უფრო მაღალა
ცეცხლი შეექნა. მე ჯერ ვუყურე ამ სანახაობას, მერე გამო-
ვენთე ცეცხლიან გზას. მართალია, ცეცხლი არ მეკიდა, მაგ-
რამ ცეცხლმოკიდებულებით მოვრბოდი მაინც. ბუნებრივითაა,
ვისაც მოქცეულას მთის ფერდობი ჩამოურბენია, დამეთანხმე-
ბა. არ მითხრას ვინმემ, შუა ფერდობზე გავჩერდები და დაწ-
ყნარებულად წაუვლი, არა, მხოლოდ სირბილით უნდა ჩაივი-
კო, თუ გინდა მშვიდობა. თუ წაიქეცი, მეყოლე ვარდივით.
რომ არ წაიქეცი, მულამი უნდა იცოდეს: თავმა არამც და არაიც
არ უნდა გაასწროს ფეხებს. ერთი ბეწვაც რომ გაასწროს,
მაშინაც მეყოლებით ვარდივით და რომ ჩამორჩეს, მაშინაც.
თუ პატარა შეგეშალა, აღარც თავია საჭირო, აღარც ფეხები,
ისე ჩაგორდები იმ აღვილას, პაკრიშკა რომ ჩაგორდა. ამიტო-
მაც მოგახსენეთ, მულამი ვიცითქვა. თავმა და ფეხებმა ერთი
საქმე უნდა აკეთოს და ეგაა...

მოვრბივარ ნაცეცხლურ გზაზე ჩემი მულამით და მარიფა-
ოით. შუაგზაზე ერთმა იდეამ შემაწუხა. წელან არ გითხარით,
ჭოჭმანი არ მიყვარს-თქვა? და გადავწყვიტე ჩავაკებამდე გან-
მებორციელებია ახალი იდეა. ოდნავ გავხარე აღებული კურ-

სი და ჩემს ჭიშკარში რომ შევეარდი, დედაჩემმა მომაძახა, ვინ მოგდევსო. ერთი აზრი მომდევსოქეა და შევირბინე მარანში. დავაღლე ხელი დოქს, ჩაფის პრეტენზია რომ ჰქონდა, ხის გობზე ყველს, ჭადს, მუავე პამიდორს ჩაისჭიქიანი ყანწი მიუწუნინე და გავაგრძელე ნაპაკრიშკალი გზა. პაკრიშკასთან რომ ჩავივრბინე, უკვე შეკრებილიყვნენ მეზობლები. ძირითადად კაცები, ქალები თავთავიანთი სახლებიდან იწყებდნენ, რა ამბავიათქეა, ვიკითხე მისვლის უმაღ.

„რამ, ბიჭო, და ვინცხა სულელმა და თავმოხდილმა მოქცეულადან ეს ცეცხლმოკიდებული პაკრიშკა დააგორა, კინაღმა ამოზუგა მთელი სოფელი“ — შემოიჩიელა კაკუნია ნაბრიგადირალმა.

„ნეტაი ტვინის ნასახი თუ აქ თავში, ვინც ეს გააკეთა“ — ხელებს შლიდა ლეოდინეს ვაჭიკო, — ჩვენთან არ იქნება, მოგზავნილია, არ უნდა ლაპარაკიო.

პაკრიშკის დამგორებელზე ყველამ გამოთქეა თავისი აზრი. ჩემთვის არცერთი არ იყო მისაღები. სანამ დამგორებლის დედას და ცოლ-შვილს მოიხსენიებდნენ, მანამ უნდა მეთქეა სიმართლე, თუ არა, მერე ველარც გავებლავდი, მე რომ ვიყავი ის „შემოგზავნილი“. გაეავსე ყანწი, სმენა იყოსთქეა, დავიძახე, ყველას ხმა რომ დამეფარა, ისე, მე დავაგორე პაკრიშკათქეა, ეთქევი ხმადაბლა. არ ვიცი რამდენად ჭკვიანური შესახედავი ვიყავი, ხალხის ხორხოცი კი შეწყდა, ხმა ჩაიკმინდეს, რაღა ეთქევათ, აღარ იცოდნენ...

რისთვის დავაგორე არ იკითხათ-მეთქი?

ხმა არ გაულია არცერთს.

ღრუბლის ნაფლეთები საქმიანი ფაცი-ფუცით მიიწვედნენ სიქთარვისკენ. ერთ ნაფლეთს, თუმცა რის ნაფლეთს, ჰქეცარზე მეტი იქნებოდა, ნელ-ნელა ოქროსფერი გაუხდა ნაპირები და სულ მალე ძველი მთვარე არ გამოიჩერეტდა იქიდან? ახლა დაინახა ყველამ, ხელში საეხე ყანწი რომ შეჭირა, იქვე ბალახში ჩადგმული გობიც შენიშნეს.

ძველი იყო მივარე და კარგად ანათებდა ყველაფერს. გულში მადლობა ვუთხარი განგებას, ძველი მთვარე რომ დამთხვია პაკრიშკის დავორებას.

რისთვის დაეგორე, არ იკითხაუთ-მეთქი? — გავიძეორე, ასე ერთად რომ შემეკრიბეთ ყველა და ორი სიტყვა გვეთქვა ერთმანეთისთვის, ამ ბოლო ხანებში რომ გაუძვირდით ერთმანეთს და გავგარეულდით.

საქციელი წაუხდათ მეზობლებს. ვაჟიკომ თქვა, ნამდვილად ვიჩქარეთ, ჯერ უნდა გავგვეგო, რაში იყო საქმე და მერე გვეთქვა სათქმელიო. ასე ორიგინალურად ჯერ ალბათ არავის არავინ დაუპატიჟებიაო. ყანწი გამომართვა და სადღეგრძელოც მოქარგა. ხელიდან ხელში გადავიდა ყანწი, ჭუჭულიამ, არიქა ცეცხლი არ ჩაქრესო და გარსმობეუული ბიჭები ახლი-მახლი დაფანტა შემის მოსატანად. გაჩაღდა კოცონი, მოგვემატა სითბო და სინათლე. ვახტანგმა თქვა, ბარემ შამოვეუსხდეთ ცეცხლსო. გაკეთდა დიდი წრე, დატრიალდა ყანწი წალ-მა-წალმართიანად. სამჯერ რომ შემოუარა კოცონს, ერთიორად იმატა სითბომ. ჩემს დოქს სხვისი დოქებიც ამოუდგნენ გვერდში. ლევანტის ლადოს წვერა დაეჭირა, იქვე შეწვა ცეცხლზე. ნოდეკომ შამოთვალა, ნანადირევ კურდღელს ვწვავ და ჯერ არ დაიშალოთო. ნოდეკოსი არ მიკვირს? დილამდერა დაგვეშლიდა.

აღარ მახსოვს, მერამდენე წრეზე მიდიოდა ყანწი, მინაგოს ჟორამ რო მთხოვა: გრუზინ! ერთი სადღეგრძელო უნდა მათქმევიო და ყანწი გამომტაცა. ასწია მალლა, საჩახმახე ნახე-ვართითი, თავის დროზე ჯარის გულისთვის რომ წაისხიბა, კოცონს დაუმიზნა. ამ ცეცხლს გაუმარჯოს და ვინც ამ ცეცხლის ირგვლივ შამოგვამწკრივა, იმ კაცს გაუმარჯოს, პაკრიშკას რომ ცეცხლი წაუკიდა და მთიდან დააგორა, იმ გრუზინს გაუმარჯოსო, გაუმარჯოსო, გაიმეორეს სხვებმაც. ყანწი ალიკოს ნუგზარს გადააწოდა.

„მომისმინეთ — ითხოვა ნუგზარმა — გაგებაში და სიყვარულში პირველი კაცი იყავი, ლადო, საბურავის დაგორება რომ საბურავის დაგორებაა, იმაშიც პირველი გახდი, გეიგე!“
„საბურავი არ გამაგონო, პაკრიშკაა გრუზინულად“ — არ აცალა ჟორამ.

„კარგი, პაკრიშკა იყოს, ამით აზრი არ იცვლება, გეიგე მთავარია სიყვარული, თუ სიყვარული იქნება, თითო ნახმარი საბურავი არცერთს არ გაგვიჭირდება“..

„პაკრიშკა“ — ისევ იყვირა მინაგოს ჟორამ.

„კაი, ბატონო, პაკრიშკა, სულ ერთი არაა?“

სულ ერთიათქვა, დაუდასტურე, მარა თუ კინკლაობას გააგრძელებთ, სხვა დროს ორივეს ერთად დავაგორებ, პაკრიშკასაც და საბურავსაცთქვა.

იცინეს და იცინეს, მერე ვკოცნეთ და ვკოცნეთ ერთმანეთი. აგიზგიზდა კოცონი და კოცნები. გადაწყვიტეთ, ხშირად დაგვეგორებია პაკრიშკა, სადაც შეჩერდებოდა, იქვე შემოვსხდომოდით, გამოგვეტანა ღვინო თავისი ამბით და მთელ სიფულს გველოცა ერთმანეთი, გვესაუბრა სიფლის ჭირ-ვარაიზე და მომავალზე.

მთვარეს ღრუბლები სიქთარვისკენ გადაერეკა, თავზე წამოგვდგომოდა და ისე იყურებოდა სათემოელების დანთებულ ცეცხლში, როგორც გასათხოვარი ქალი შეყვარებულის მიერ ნაჩუქარ სარკეში. მიხარიდა, ახალ ტრადიციას საფუძველია ჩაეყარა, საფუძვლის ჩამყრელი მე ვიყავი და ყველაფერი ამის მოწმე ის, ძველი მთვარე. ასეთ მთვარეს ფოფინარი ჰქვიაო, ანდიოფა იტყოდა, ბებიანემი. ჰოდა ფოფინარი, ციური მოწმე, ბოლომდე შემოგვრჩა.

გამთენიისას ცეცხლიც მიინავლა, სიმღერაც, ფოფინარი მთვარეც, მაგრამ მთვარე ძველი იყო და მაინც ყველაფერს უყურებდა ზემოდან, როგორ მოკიდეს ხელი მეზობლებმა თავთავის დოქებს. არამტკიცე, მაგრამ ვითომ დაჯერებული ნაბიჯებით როგორ მიაშურეს სახლებს, როგორ დაკარგა ღელეში ვაჟიკომ ცალი შტიბლეტი, როგორ წაიქცა ქიშვარდის დოქა ბუზუნას ჭიშკართან და როგორ შეიტირა ოცდაათი წლის წინ გარდაცვლილი მინაგო ჟორამ. მთვარეს არ გაკვირვებია, იცოდა, სიმთვრალეში რომ ახსენდებოდა ჟორას საწყალი მამა.

განსაკუთრებული ამბავი მალე იდგამს ფეხს და სიფლიდან სოფელში ვრცელდება. აგორდა ცეცხლწაკიდებული პაკრიშკები სიქთარვასა და აღისუბანში, ნახშირღელესა და გოდოვანში. ქალაქშიც თურმე ყველას ჩემი სახელი აკერია პირზე. ჩემი ამბავი თუ საზღვარს გადაცდებოდა, მართლა არ მეგონა, მაგრამ სინამდვილეს ვერ გაექცევი.

თავის ქებაში არ ჩამომართვით და... ქუთაისელი ძმაკაცი მყავს, ვალტერ წილოსანი, ამასწინათ იტალიაში ყოფილა ევროპის პირველობაზე. იქ გაუცენია ნეაპოლელი სევერინო პირელი. გადაკიდებია სევერინო ვალტერას, გინდა თუ არა პაკრიშკა უნდა დაეაგორო. ვინ გასწავლა პაკრიშკის დაგორებაო, — უკითხავს ჩემს ძმაკაცს.

„ლადო კენჩინო ყოფილა უნიონა სოვეტიკაში, იმას დაუგორებია მოქცეულას მთიდან, იმისგან ვიცის“.

„ლადო კენჭოშვილიო?“ — უკითხავს ისევ ვალტერას.

„სი, სიო“, — აუტეხია იტალიელს.

სი-სი, იტალიურად პო-პოს ნიშნავს თურმე.

„ჯერ ერთი, საბჭოთა კაპუშირიდან კი არა, საქართველოდანაა, მერე მეორე, ლადინო ჩემი ძმაკაციაო“ — ვალტერამ.

გადარეულა პირელი, გინდა თუ არა ეგ შენი ძმაკაცი ჩამომიყვანე ნეაპოლში, გამაცანი და რა უნდა ღმერთსო.

სად მაქ ნეაპოლში სასეირნო დრო, ჩემს სახლს პირელი მომიწყობს?! გული ქე მწყდება, იტალიაში ერთხელ ვარ ნამყოფი, ისიც სიზმარში და ისე მომეწონა, მეორეთაც ქე ნახავდა კაცი.

გინდა ასე თქვი, გინდა ისე, ქე კი გავარდა ჩემი სახელე ეეროპაში.

გაუმარჯოს კავლესა

აგვისტოა.

ღრუბლის ნაფლეთიც არ ჩანს ცხე. ნიაე-ქარი დაჩერჩე-ტობს უმისამართოდ. დახუთულ ჰაერს მის ჭკუაზე ათამაშებს და ჩრდილშიაც ცეცხლს ანთებს.

სოფლის ცენტრში, გზის პირას, აკაციების ჩრდილში სახელდახელოდ გაკეთებულ ძელსკამზე ორი მამაკაცი ჩამომჯდარა. გაოფლილ, ღილებჩახსნილ მათ პერანგებს ქარი ისე ეღლაბუცება, ვერ გაარჩევთ, წელსზევით აცვიათ თუ არა რამე. მარცხნივ რომ ზის, სქელ-სქელი და ცალი ხელით ქუდს ჩააფურენია, ქარმა არ წამართვასო, ხახუტა ხოხიაშვილია. მარჯვნივ — კარპე ცირეკიძე. ქუდი კარპესაც ახურავს, ისე მაგრად აქვს ჩამოცმული, ქარი მომტაცებსო, არ ეშინია, ამიტომაც ლაპარაკის დროს ორივე ხელს თავისუფლად ხმარობს.

ხახუტა სოფელ თხილნარშია აგრონიმად, კარპე — ჟრუნაღელის კოლმეურნეობის ბრიგადირია. სოფლელი კაცი ამინდსაა მიჩერებული. ახლაც ამინდზე ლაპარაკობდნენ, რომ მოკორწყული გზიდან ვილისმა გადმოუხვია, დაამუხრუჭა და ორივე მოსაუბრე მტკვერში გახვია. კარპემ მძლილის გამზრდელი ახსენა ხმამაღლა.

მანქანიდან ორი კაცი გადმოვიდა. ერთი მიესალმა მოსაუბრეებს, მეორე ტყავის საქალაღდე მზეს ააფარა, თავი მის ჩრდილში შერგო და წინგასწრებულ მელოტს აემგზავრა საბჭოს შენობისკენ.

— ეს პაპიანი ვერ ვიცანი, — ამბობს კარპე.

— ეგ ვაგნერ ლიკლიკაძეა, ჩვენი სკოლის სასწავლო ნაწილი.

— ვიცი, ვიცი, ერხელაზე ჟრუნაღელშიც ასწავლიდა ოთხწლედში.

— კი, ინსტიტუტი რომ მიახრჩო, თქვენთან ვაანაწილეთ პირველად.

— დაუწინაურებიათ!..

— რას ამბობ, ამასწინათ ჩამოაიძასქნეს თუ არა, აქამდე დირექტორი იყო იმაჩი ე, თოხნარის ღამის სკოლაში.

— კაი, კაცო, ბუჭუნა ბუცხრიკიძის ღირექტორი ყოფილა. ბუჭუნა ქვისლია ჩემი, ქართულს ასწავლის ღამე, ღირექტორზე იმისთანებს მიყვებოდა...

— მაინც რას?!

— პედსაბჭოს გახსნა. ცოდნია კაი.

— ჰო, რაეა იმაშობდაო.

— ერთს ჩაახველებდა თურმე და... საქართველოს საბჭოთა სოციალისტური რესპუბლიკის ოჯოლის რაიონის თოხნარის აგურის სილიკატური ქარხნის, ქალისა და მამაკაცის ქვედა და ზედა საცვლების სამკერვალო საამქროს, კაჟ-ხვინჭკის კარიერ-სამმართველოს, კრავოტების მექანიკური ქარხნის, სოფელ ქვედა თხილნარის გასაბერი ბუშტების საამქროს მუშა-ახალგაზრდობის საღამო სკოლის პედაგოგიური საბჭოს სხდომას გახსნილად ვაცხადებო, აცხადებდა თურმე! მერე შეეჭვებულა ეკითხებოდა ისტორიის მასწავლებელს:

— ასე არაა ალექსანდრეე?!

ალექსანდრე უინტერესოდ უსმენდა ღირექტორს, სამჯეროთხჯერ ასწრებდა დამთქნარებას სანამ ღირექტორი შეკითხვას მისცემდა, ოღნავ წამოიწვედა და ასეა, ბატონო, ასეო, ეთანხმებოდა, თუმცა კარგად იცოდა, რომ ღირექტორს შეგნებულად თუ შეუგნებლად სათვალაიდან ყოველთვის რჩებოდა მაყვილის წვენის დამამზადებელი საამქროს მოხსენიება, ერთხელ ქე უთქვამს ალექსანდრეს, გამოგრჩაო, გაბრაზებულა ლიკლიკაძე:

— მაგ საამქროდან კი გეყავს სამი მუშა-ახალგაზრდა სიაში, მაგრამ არ დაიარებიანო.

ალექსანდრეს იმის შესხენებაც უნდოდა, მასე არც გასაბერი ბუშტების საამქროდან დაიარებიანო, მაგრამ ღროზე დააჭირა თურმე ენას კბილი. მას მერე ასეა, ასეო, ეთანხმება ალექსანდრე და კარგადაც იქცევა მისი შეტყობით.

— რაზან ასეა... ამოვიკითხოთ სია, ვინ გვესწრება და ვინ არ კვესწრება“, აგრძელებდა ღირექტორი.

— ამოვიკითხოთ, — ეთანხმებოდა, თურმე, ალექსანდრე.

— ალექსანდრე ბოგვერაძე არიიი!

— გახლავართ, ბატონო... — ისევ წამოიწევედა სკამიდან ისტორიის მასწავლებელი.

— კასიანე ლიკლიკაძე!

— ზღეს, — ეხმიანებოდა ცალხელა კაცი.

— ტოროლა ლიკლიკაძე!

— გახლავართ, ბატონო, — პასუხობდა გერმანულის მასწავლებელი და წითლდებოდა ახლო ნათესავს ბატონობით რომ ელაპარაკებოდა სხვების გასაგონად.

— ბუჭუნა ბუცხრიკიძე!

— ბუჭუნა შაკიკის წამალზე წავიდა ექიმბაშთან და მოგვიანებით შემოგიერთდებითო, დაიბარა — ამბობს თურმე ნახევრად წამომდგარი ალექსანდრე.

— ტატიანა ლიკლიკაძე!

ტატიანა პედსაბჭოზე ალგებრის რვეულებს ასწორებს წითელი და ლურჯი მელნით. ლურჯით შეაკეთ-შემოაკეთებს, თუ რაიმე მოუხერხა, მერე ბოლომდე მიიყვანს. შუაზე მიტოვებულ ამოცანას. თავის გამოყვანილში სამიანის დაწერა ეუხერხულება და წითელი მელნით ოთხიანზე აფასებს საკონტროლოს.

ღირექტორი გადახედავს თავის საქმეში გაბნეულ ტატიანას, არისო იტყვის და აგრძელებს თურმე სიის კითხვას.

— კორნელი კირკიტაძე! — მოათვალიერებს იქაურობას ლიკლიკაძე, — არც ღღეს გვესწრება ხომ, ჩვენ ვართ მარტო მოცლილები? მარტო ჩვენ უნდა ვირტყათ თავში ხელი? თერთონ ჩხარის ბაზარზე იქნება!..

— არა, კალისტრატოვიჩ, ღღეს გოჭები უნდა ჩაეყვანა რაიონში დასაკოდად; — ისევ ალექსანდრე პასუხობს ფეხზე აღგომით.

— რაღა ღღეს, დაეკოდა ხვალ!

— კი ვუთხარი, მარა, მთვარე ფუჭდებაო!

— ახლა მთვარესაც მიწვდა?! მთვარეს რა უჭირს, გუშინ სად იყო?!

— გუშინ ჩხარში!

— არა; მეტის მოთმენა აღარ შეიძლება, მაგის საკითხს პერსონალურად განვიხილავ კრებაზე! დონარა ლიკლიკაძე, — გააგრძელა თურმე გაბრაზებულმა.

— ეარ, მარა... — ცრემლებმა გააწყვეტინა ხმა შავგვრემან გოვონას, გეოგრაფიის მასწავლებელს.

— რა მარა!.. — კითხულობს დირექტორი.

— რა და თავი ჩრდილოეთის განედზე მგონია, — სპილენძისფერი ლოყები ლურჯად ჩამოხაზეს ხელიწურად ჩაშაბიან-მნისფერებული თვალის უპეებიდან გადმოგორებულმა ცრემლებმა.

— რა მოხდა, ვამაგებინეთ!..

მწიფე მსხალი რომ მოწყდება ხეს, ასე დაეთხლაშა თურმე დონარა სკამს და თავი ხელებში ჩარგო.

— რა და ალია ქენქერას ბიჭი ეეტორლიალა, ნამეტანა შავები ხართ, უნდა გადავაჯიშოთო, — უპასუხა ტატიანამ და ისევ რვეულების სწორება გააგრძელა თურმე.

— მარტო ეგ არ იქნება, — ორაზროვნად ამბობს დირექტორი და გეოგრაფიის მასწავლებლის საქმით იმდენად დაინტერესდა, რამდენადაც ამის საშუალებას ნათესაური კავშირი აძლევდა, ბოლოს გაახსენდა, დღის წესრიგში სხვა საკითხი ჰქონდა განსახილველი, დონარას საკითხი დროებით გადაუდგია და პედსაბჭო გაუგრძელებია...

სოფლსაბჭოს შენობიდან ის მელოტი კაცი გამოვიდა, აქეთობასაც ვაგნერი მოაცილებდა. კარკემ თხრობა შეწყვიტა და ეს თავტეღიპა ვინააო, იკითხა.

— არც მე ვიცი, იქიდან ჩამოსული უფროსი იქნება, ვინცხა, — აკაციის კენწეროსკენ აიქნია ხელი ხაზუტამ.

— კი, სიარულზეც ეტყობა.

სანამ იქიდან ჩამოსული „ვინცხა უფროსი“ ვილისში მოკალათდებოდა, ვაგნერი ხელასლა მიესალმა ჩრდილში მგდომარეთ.

— შენ ბუჭუნას ქვისლი არ ხარ? — დაეკითხა კარპეს.

— კი ბატონო!

— გიცანი, შენზე რალაცეებს მიყვებოდა ბუჭუნა, — ვაგნერი მრავალმნიშვნელოვნად გაიბადრა. ლიკლიკაძემ მანქანაშიც შეიყოლია სიცილი, თანამეზავრს კარპე და ხაზუტა დანახა, მელოტმაც სიცილი აიტეხა.

მანქანა დაიძრა. ისევ მტერის ბული ავარდა. კვლავ მო-
იხსენიეს მძღოლის მშობლები ლიკლიკაძისა და იმ მელოტის
მშობლებთან ერთად.

— ასეა ჩემო ხახუტა, არიან თუ არა დამნაშავენი, შვილების
გამო ავადაც და კარგადაც დედ-მამას იხსენიებენ, რადგან
შვილები მეტწილად დედ-მამის გაჩენილებია, — ჩაიჭირქილა
კარპემ, ღიმილი უცებ შეეყინა სახეზე და ამჯერად ვაგნერ
ლიკლიკაძე გაიხსენა პერსონალურად.

— რა აცინებდა მე მაგის... — აპყვა ხახუტაც.

ამ დროს ლიკლიკაძე კარპეს ამბებით ართობდა მელოტს,
სკოლის მიმდინარე კაპიტალური რემონტის ავკარგიანობის
შესამოწმებლად რომ მოეველინებიათ სამინისტროდან. ვაგნე-
რი ცოცხალი ანეკდოტებით კვებავდა სტუმარს.

— კარპეზე მოგახსენებთ, ბატონო, ყავარივით გამხმარი
კაცი რომ დაგანახეთ კანტორასთან, იმაზე, კოლმეურნეობის
ბრიგადირია ზემო სოფელში, გეგმა დიდი აქვს, მუშახელი
აკლია, გამოვა ყოველ დღით სოფლის შუაგულში და იმათ,
ვისი ბუხრებიდანაც ჯერ კიდევ ამოდის კვამლი, ელრიტინე-
ბა გამოდით სამუშაოდ. ერთ დილას ეზეკია კენჭოძეკილისთ-
ვის შეუსწრია თვალი, თავის ვენახში ბროწეულის საქარს
აკალიფებდა თურმე.

— ეზეკია! ეზეკია-თქვა! ეზეკია უუუ!!!

ეზეკიას ხმა არ გაუცია, გაუგრძელებია თავისი საქმე ლი-
ღინით.

— ეზეკია, ვიცი გესმის ჩემი და არ მაგონებ!!! — იჭაჭებოდა
ბრიგადირი.

— გაგლეჯა შუაზე, — წაიმღერ-წაიღიღინა ეზეკიამ და
არც ახლა გამოეხმაურა თურმე.

— არ მაგონებ ხომ?! ჩამოგართმევ მაგ საკარმიდამოს, თუ
ვყოფილვარ კარპე ცირეკიძე და მოსაფსმელ ადგილს არ და-
გიტოვებ, მოსაფსმელს!

— არ დამიტოვებ? ჩამოვალ და შენს ეზოში მოეფსამ, —
ისე ჩაიმღერ-ჩაიღიღინა ეზეკიამ, ეტყობოდა გულთან მაინ-
ცა და მაინც არ მიუტანია:

ამ ამბავს მაშინვე აუდგამს ფეხი, მთელი სოფელი მოუვლია, თავმჯდომარის ყურამდეც მიუტანიათ და უცხო სტუმრების თანდასწრებით დაუძალებია კარპესთვის, სიტყვა-სიტყვით მომიყევი, როგორ იყო.

— ნეტა მაშინ არ მეთქვა, ბატონო, ახლა, ამ საპატივცემულო ხალხთან რავე გავიმეორებ, — დაურცხვენია კარპეს.

არ მოეშვა თავმჯდომარე, თუ იტყვი, ჟიგულს გამოგიყოფთო, გაუმეორებია კარპესაც ჟიგულის ხათრით.

ყველა კმაყოფილი დარჩენილა.

ორი თვის მერე მსუბუქი მანქანა შეაგორა კარპემ ეზოში.

უფროსმა ბიჭმა გასაღები გამოტყუა მანქანის, — მათხოვე ერწამასო და... მას მერე ბენზინის ფულისთვის თუ ამოაკითხავს ქალაქიდან ხანდახან.

სტუმარი იცინოდა, ვაგნერს უხაროდა, ვაგნერს რომ უხაროდა, სტუმარიც კმაყოფილი იყო. სტუმარი თუ კმაყოფილი გაყავს, რა გინდა მეტი.

მანქანიდან გახედეს ობიექტს.

სკოლის რემონტი ვრძელდებოდა. სახურავი დაკრებულა, შელესილი კედელი უსწორ-მასწორი, შეღებილი-აჭრელებული.

კარგიაო, მოვლინებულმა, მერე დაირცხვინა, ეს რა ეთქვიო, სხვაგან არც ასე კეთდებო, — დაუმატა.

თითქოს მზესაც შერცხვაო, უმისამართოდ გამობჟუტურებულ ღრუბელს შეაფარა თავი.

სინათლე რომ გამკრთალდა, რა დრო წამოსულაო, შეიცხადა ვაგნერმა, მძღოლს ანიშნა, მანქანა მოაბრუნეო.

ისევ გამოანათა მზემ და უკან გაბრუნებულ მანქანას მანამ უთვალთვალა, სანამ ვილისი ლიკლიკაძეების ეზოში არ ჩაგორდა.

კარპე და ხახუტა კვლავ იმ ადგილას სხედან, სადაც დაეტოვეთ, ოღონდ იმ განსხვავებით, ახლა ხახუტა ყვება ვაგნერის ამბავს...

— შარშან ოქტომბერში ეს გაბერილი (ვაგნერი ჰყავდა მხედველობაში) შეყუჟულა თავის კაბინეტში, შესვლის ზარი

კაიხნის დაიმასქნილი ყოფილა, რომ უცნობ გოგონას შეუღლია კარი, სალამი უთქვამს მოსულს.

— დაეუშვათ, გაგიმარჯოს, მერე?! — უკითხავს დამცინავად ლიკლიკაძეს.

— აქამდეც უნდა მოვსულიყავი, მაგრამ...

— ვიცი, ვიცი... ჯერ ერთ ამბავში ხართ, საბუთები მიიღეთო, მერე შუა ოქტომბერში გახსენდებათ სკოლა.

— გოგონას მხრები აუჩქინავს.

— რომელ კლასში ხართ? — უკითხავს აგლებულად.

— მეცხრეში და მეათეში.

— ერთად?! — გაჰკვირვებია დირექტორს, — იქნებ უმაღლესიც შეითავსო, — თავისივე ხუმრობით კმაყოფილი დარჩენილა ლიკლიკაძე, მერე ხმამაღლა უთქვამს: შედი კლასში და თავის აგდებას... ხომ იცი... ტელეფონის ყურმილისთვის წაუვლია ხელი და უკანვე დაუხეთქებია.

ქალს შეშინებია, სჭვა რამესაც არ ეტაკოსო, გამოსულა კაბინეტიდან და შესულა მეცხრე კლასში.

კორნელი კირკიტაძის გაკვეთილი ყოფილა, ორი მოსწავლე ყოლია იმ დღეს, დომინოს უხატუვნებდნენ თურმე. კარგახანს არც მიუქცევიათ ყურადღება, ახალი ხელის დაწყებისას შეუძმნევიათ გოგონა, ოთხში ვითამაშოთო, შეუთავაზებია მასწავლებელს, უარი უთქვამს გოგონას, ზარი რომ დაიმასქნეს, მერე მიუქცევიათ ყურადღება ქალისთვის. კირკიტაძეს ისიც უთქვამს, შენისთანა კაი გოგოს დიდხანს არ გარონიებენ მართო იმაჩიო. მეორე დღეს განათლების განყოფილებაში გამოუძახნიათ ვაგნერი. ის გოგონა დახვედრია გამგესთან. ჩვენი ახალი ინსპექტორიაო, — გააცნო თურმე გამგემ. დაბნეულა ვაგნერა. გამგის ნელ-თბილი შეხვედრითაც ვერ დარჩენილა ნასიამოვნები. ვერც იმას მიხვდა, რატომ უთხრა გამგემ: კაი ხუმარა ყოფილხარო, ან კიდევ, დომინო ოთხში უკეთესიაო. მთელი გზა უფიქრია, სკოლისკენ რომ მობრუნებულა. კაბინეტში შესვლისთანავე უხეთქია კედლისთვის თავი, მაინც ეერაფერს მიმხვდარა. სამასწავლებლოდან კირკიტაძის ხმა შემოსმია დაბნეულ ვაგნერს.

— მაგას ვუჩვენებ, როგორ უნდა საყვედურის გამოცხადება, გაავსო სკოლა ლიკლიკაძეებით და... რა სჭირს ჩვენი სოფლის ახალგაზრდობას ლიკლიკაძეების სასწავლებელი... პედსაბჭოს გაცდენისათვის... პედსაბჭო კი არა ლიკლიკაძეების ყრილობაა ეგ და... არც აწი დავესწრები, სანამ ლიკლიკაძეების ლიკლიკი არ მოიხსობა აქ. — გავარდნილა კირკიტაძე და მთელი ძალით მიუიმასქნია კარი:

— ესეც რა დროს ამყრალდა?! — ჩაულაპარაკნია ვაგნერს და კილო უხეთქია კედლისთვის თავი.

მეორე დღეს რაიკომში გამოუძახნიათ დირექტორი, სააგიტაციო უბანში თუ მაინც გაქ საქმე გაიმასქნებულო, გოგირდისფერი გამხდარა ლიკლიკაძე, მაინც ჩაუჯენიათ მანქანაში და წაუყვანიათ. ობოლაძეების უბანში რომ შესულან, ხანმორეული კაცი დაუნახავთ, ღობეში გაჩხერილ უღლიან ინდაურს ათავისუფლებდა თურმე.

— ბიძია, თქვენს უბანში აგიტატორი ვინაა, თუ იცი? —

— აგიტატორიი?! — ჩაფიქრებულა ბერიკაცი, ქურდულად მოუთვალეირებია იქაურობა, — აია, მაგისტანა გვაი ჩვენს უბანში კი აია, მთელ სოფელში აი გამიგონია.

მეორე დღესვე მოხსნეს ლიკლიკაძე ღამის სკოლის დირექტორობიდან და დღის სკოლაში ჩამოიმასქნეს სასწავლო ნაწილის გამგედ. კირკიტაძეს სასტიკი საყვედური გამოუიმასქნეს და რახან სხვა ვერავენ გამოძებნეს, ღამის სკოლის დირექტორად ისევე ის დაამასქნეს.

— უყურე შენ, — გაუკვირდა კარპეს.

ამ დროს ვაგნერი და მისი სტუმარი ჩაცივებულ ღვინოს შეექცეოდნენ. მასპინძელმა ცოლ-შვილი იფიცა, გრამი შაქარი არ მიმიცია, სულ ჩემი ხელითაა დაკუმპლულიო. სტუმარს უარი არ უთქვამს და სხვისი ხელითაც რომ ყოფილიყო დაკუმპლული, უთუოდ ისევე დაეწაფებოდა, როგორც ახლა.

ორი-სამი ჭიქის მერე ლაპარაკს მოუმატეს, სადღეგრძელოებში ლექსებიც გამოურიეს, ერთი სიტყვით; საფიცარი ღვინო თავის საქმეს აკეთებდა. ვაგნერს აერია დავთარი და

ამბროსიანის მაგიერ დავეთიანი აკადრა სტუმარს. ამბროსიანს არც მიუქცევია ყურადღება, ალბათ მართლა დავეთიანიაო, გაიფიქრა ერთი გაფიქრება ვაგნერმა.

— იმას მოგახსენებდით, დავეთიანი, კანტორასთან მეორე კაცი რომ ელაპარაკებოდა ბრიგადირს, ეგ აგრონომია, დიპლომში უწერია ასე თუ არა, ისე... კი არაფერი უსწავლია, როგორც წავიდა, ისე ჩამოვიდა. ხუთი წელი იყო დედაქალაქში. ტრამეის ბილეთი რომ ტრამეის ბილეთია, ის არ ჩამოკყოლია. ან ჩაცმაზე შეეცდობა კაცს, ან ლაპარაკზე, არა, როგორც ჩალაყუნდა, ისე ჩამოლაყუნდა. აბა ჩემი ბიჭი ერთი წელია თბილისში სწავლობს და უკვე ვეღარ ვცნობთ, ყველა მეორე სიტყვას ტოს აყოლებს მამამადლი, იქინეის და აქანეის კი არ ამბობს იმასავეთ, ხახუტაზე მოგახსენებთ, პატივეკმულო დავეთიანი. დაამთავრა თუ დაამთავრებთ სასოფლო და მოგვიბრუნეს უკან. კოლმეურნეობის თავმჯდომარე იმხანად ალიკო აბულაძე იყო, ხუმარა კაცია ალიკო, პოდა, მისულა ხახუტა აბულაძესთან, თქვენთან გამომიშვესო.

— სამ კითხვაზე თუ მიპასუხებ, მიგიღებ, — უთქვამს აბულაძეს.

— გამოცდები ძლივს მევიშორე, ვიფიქრე დავისვენე თქვა, აქაც გამოცდებს მიწყობთ თუ, — გულზე შემოეყარა თურმე ხახუტას.

— ის რა გამოცდები იყო, ბიჭო! გამოცდები აწი გექნება. კარგად დაუფიქრდი, რაა საჭირო ბოსტნეულის კარგი მოსავალი რომ მივიღოთ?

ხახუტა დაფიქრდა, ისეთი ორაზროვანი შეკითხვა იყო, კილაოზნიკ კაცს ყოველთვის შეეძლო დაეწუნებია პასუხი.

— პირველ რიგში, მიწა და თესლეული, მერე გამრჯე მარჯვენი, — იჭვნეულად უპასუხა ხახუტამ.

— ამოლესილ ლობიოზე რომელი მწვანილი მიღის ყველაზე უფრო?

— წიწმარიტი და წითელი ბოლოკი, — გამოცოცხლებულა აგრონომი.

— წითელი ბოლოკი რა ფერია მოთხრამდე?

— მოთხრამდე რა ფერია და... მოთხრამდე... წითელი.

— ბოლოკი მოთხრის მერე წითლდება, ბიჭო, მე გეკითხები, მოთხრამდე რა ფერისაა.

იმფერი გამხდარა ხახუტა, დავითინ, ბოლოკი რომ გახლავთ მოთხრის მერე, მაგ ახლა გავიგონე პირველადო, ძლივს ამოღერდა თურმე, მერე თავი უმართლებია, ბოლოკს რომ გაედიდით, იმ პერიოდში ავად ვიყავი და ინსტიტუტში არ დავდიოდით.

— ბოლოკის საკითხში მოიკოჭლებ, მაგრამ საცდელი ვადით მიგიღებო, — უთქვამს აბულაძეს ღიმილით.

მას მერე, ამბროსინი, ოცი წელი იქნება გასული, ხახუტას ახლაც ჰგონია, ბოლოკი მოთხრის მერე წითლდება.

ამბროსინი თუ დავითინი თეფშზე ქათმის ძვლებს ახვავებდა, როგორც კი პატარა დროს გამოძებნიდა, იცინოდა, უცებ ყველაფერს თავი დაანება, ხელები შეიწმინდა, ჭიქა ასწია და ყალბი ბარიტონით დაიწყო:

— ჩემო ვაგნერ! ასე არ გქვია, კაცო, ჰო, არ შემეშალოს. ერთი შენი ნათლია მომცა ახლა აქ.

ვაგნერი დაიბნა, არ იცოდა, რას უპირებდნენ მის ნათლიას.

— რავა, დავითინ!

— რავა და შენი სახელია, თუა სახელი, არც ამბროსიას გავს, არც სოფრომს, არც დავითს და არც კოწიას. ჭკვიანი ყოფილა ნათლიაშენი, ჭკვიანი! ჰო, ჩემო ვაგნერ, ქართველებს რაც გვაქვს, ვერავინ წაგვართმევს, ყველა ქართველი ნომერ პირველია, ნომერ მეორე ქართველი არ არსებობს, ჯერ არ გაჩენილა და აწი რა გამჩენი გაუწყრება, ზოგს არ ეხათრება პირველი რომაა და ხმამაღლა გაიძახის, ზოგს რცხვენია თვითონ გაამხილოს და სხვას აქადაგებს, ესა და ეს კაცია პირველიო, მესამე კატეგორიაც არსებობს, გულში რომ ამბობს: იძახეთ რამდენიც გინდათ, სინამდვილეში პირველი მე ვარ, მაგრამ მაგის დანახვის ნიჭი ვინ მოგაშავათო.

— სწორია, სოფრომინ! — ჭიქა მიუჭახუნა ვაგნერმა.

— ვთქვით გვყავს ხუთასიათასი ინჟინერი, ხუთასიათასივე ნომერ პირველია, ასევეა დალაქები, მეწისქვილეები, მებუხრე-

ები და შენ წარმოიდგინე, მესაფლავეებიც კი, ხომ კარგია ნომერ პირველი მესაფლავე.

— რა ჯობია, — უანგარიშოდ დაეთანხმა ვაგნერი.

— ასე ვიცი... ავირჩევთ კაცს თამადად, დაელოცაუთ, ყველანაირ სიკეთეს ვუსურვებთ, მეორე წუთიდანვე, მაგიდის ყველა წვერი თამადას ეჯიბრება, სხვას კი არა, თამადას, პირველ კაცს, თუ აჯობა, ვინ იქნება პირველი?!

— ვინც აჯობა!

— ჰოდა, მითხარი, სხვას რატომ შეეჯიბრება, შეიძლება ვერ აჯობოს, მაგრამ თვითონ, თავის გულში მაინც იტყვის, ვაჯობეო, და მაინც პირველია. ამიტომაც ცდილობს, თამადაზე უკეთ გამოთქვას სადღეგრძელო, მასზე უკეთ იხუმროს, იმღეროს, იქეიფოს და ვაი თამადის მოსწრებას, თუ რამე შეეშალა, ვინ აპატიებს!

— არავინ! — დაეთანხმა ვაგნერი.

— ყველა ქართველი ნომერ პირველი თამადაა, ნომერ მეორე თამადა არ გვყავს და არც გვეყოლება. კიდეც ერთი რამ გვახასიათებს, ჩემო ვაგნერ, ხომ სწორად ვამბობ, ვაგნერი არა?!

— დიახ, დავითინ!

— ჰო, იმას ვამბობდი, ერთი რამ გვახასიათებს კიდეც: პეტრე, კაცო, პავლეს დასცინის საქვეყნოდ, პავლე — პეტრეს, ის კი, პავლე, თავის, პავლეს საქმეზე რომ დაფიქრდეს, არ არსებობს, სხვისი საქმის და საქციელის რევიზიონისტები ვართ, მოკლედ რომ ვთქვათ, მოკლედ რომ ვთქვათ, პავლეს გაუმარჯოს, პავლეს!

→ თავიდან ვერც ქე მივხვდი, პავლეს სადღეგრძელოს თუ ამბობდი, კინალამ დავიბენი, — ამბობს წყენაშეპარული ხმიო ვაგნერი.

— თავიდან ყველა იბნევა, მაგრამ არაფერი... თქვენს სადღეგრძელოს თქვენვე ხომ არ იტყოდით.

— კი, მაგრამ პავლე...

— ჰო, პავლეები და პეტრეები ვართ, სოფრომიჩები, დავითიჩები, აგერ-ეგერ შემოგვერია ვაგნერები, დაზმირები და ჯუსტანები, ისე, ერთი ვართ ყველა.

მასპინძელს გულზე დაადგა სტუმრის სიტყვები, შეეცადა ღიმილისმაგვარი რაღაც გამოსვლოდა, რაღაც კი გამოუვიდა, მაგრამ ღიმილს არ ჰგავდა.

„შენც კაი ხვითო ყოფილხარ. თამადობა არ წამართვა? რა ქნას ახლა აბა, გაიფიქრა ვაგნერმა, „პავლეს გაუმარჯოსო“, წაიღულღულა და ბოღმისაგან რომ არ გაგუდულიყო, ჭიქა გამოსცალა.

ნომერ პირველი რევიზორი, სოფრომიჩი თუ დავითიჩი თვალმოჭუტული იღიმოდა, ვითომ აქაც არაფერიო. სინამდვილეში ტვინის იმ უჯრედებს იჭყლეტდა, სადღეგრძელობის ყულაბა რომ ჰქონდა მიბარებული. ახალ სადღეგრძელოს ეძებდა სტუმარი, ნომერ პირველ თამადას რომ შეჰფერის, ისეთს.

ბ უ ზ უ ნ ა

მამაჩემი, ხუტია, დიდი მშრომელი კაცია. რვა შვილი ისე გაგვანინა, წელისტიკივილი და კვნესა არ გაგვიგონია მისგან. ხუმრობა უყვარს, კარგი სმა-ჭამა და ღიღინი. ამ თვისებებით შვილებიც გამოკვებვანეთ. ღვთის შეწევნით ქე ღავიზარდეთ საღ-საღამათები. ვითომ ცოტა ვიყავით, თითოეულს სამ-სამი სახელი კიდევ შეგვარქვა, ყველას რა ჩამოავლის, ჩემსას გეტყვი: საბუთებში ნუგზარი, ისე ბუზუნა ან კვერცხება, მთლად ბავშვი აღარ გეგონოთ, ოცდაათს გადაეცილდი, მარა ხუტიას შვილების დაუოჯახებელთა ორმოცდაათი პროცენტის მეოთხედი ვარ მაინც.

რა დაგიმალოთ და ტყუილა ყიალი არ მიყვარს, ყველაფერი მეხერხება, რაც სოფელელ კაცს ჭირდება. ხელჩოგანა არც სხვა საქმეში გეგონოთ. ამ ბოლო დროს ძირითადად რკინის ჭიშკრებს ვაკეთებ. სოფელს კი არ შეენის რკინის ჭიშკარი, მარა ერთმა გააკეთა, მეორემ წამზირა, მესამესაც თვალი დარჩა ზედ და ჩაჯდა სოფელი რკინის გალავანში. ახლა ჩვენთან თითო მოსახლეზე საშუალოდ შვიდი-რვა ტონა რკინეული მოდის. კიდევ კარგი, გაძვირდა და გაჭირდა თუ არა, ხარდნის მაგივრადაც რკინის ხიმინჯებს დაუსობდნენ ვაზს.

სოფელს ყავს თავისი მჭედელი, მეწისქვილე, თერძი, ღურგალი, ქვითხური, მე რახან ჭიშკრის ხელობაში გავიწაფე, მეჭიშკრე შემერქვა, ჩვენებური კაცისთვის ჭიშკარი მთავარია, ყველა ცდილობს, ლამაზად მორთულ-მოკაზმულა ჭიშკარი ჰქონდეს. სათემოელებს იღუმალი შეჯიბრიც აქვთ გამართული, გვაქვს სამფეროვანი, ოთხფეროვანი, ხუთფეროვანი და მრავალფეროვანი ჭიშკრები. აპოლის ლექსომ გემის საღებავი გაახერხა, ჭიჭიკოს ბუჭუნამ თვითმფრინავის. ერთი სიტყვით, აფერადნაირდა ჩემი ნახელავი ჭიშკრები, არ დაცურავს და დაფრინავს თუ არა, მიდი-მოდის აღრინდულად და იქავე დგას, რაცხა იმისი. არ იყოს.

იმ დღეს კიმოთიას ჭიშკარს ვაკეთებდი, ორი დიდი ჭიშკარი, სამანქანეს რომ ეძახიან, უკვე გამზადებული მქონდა, ცალფა ჭიშკარს ვაწყობდით. კიმოთია მესმარებოდა, დეტა-

ლებს მიჭერდა, სანამ მივადულებდი. ნელ-ნელა მაყურებლებიც მოგროვდნენ. ჩვენს ქვეყანაში ტრადიციულად იყო ასე: ორი მუშაობდა, ოთხი ან ექვსი უყურებდა, ჩვენს სოფელშიც პატივს სცემენ ტრადიციებს. მე და კიმოთია ვმუშაობდით, ჟორჟიკა, ნოდiko, დათო, მერაბი და ისაკის გოგია გვიყურებდნენ; ყოველთვის ამასაც არ აკეთებდნენ, როგორც კი რკინას ელექტროდს შევახებდი, მაშინვე მაქტევდნენ ზურგს და მომდურავივით მარიღებდნენ მზერას, — კაშკაშა სინათლე თვალებზე გვწყენსო, ვითომ მე მიხდებოდა. იღვანე ჯიბეებში ხელებჩაწყობილი და იფხანდნენ ხან ენას და ხან... მეტი საქმე აღარ დარჩათ. გოგია შამპანურის ქარხანაში მუშაობს, ნოდiko მშენებლობაზე, ჟორჟიკა აგურის ქარხანაში. წავლიან დილით, დახედავენ სამუშაო ობიექტს, ისევ ძველ ადგილზე რომ დახვდებათ, დაიმედებულები გამოპრუნდებიან უკან. შამპანურს ვერ ასხამენ, ბოთლები არ აქვთ, მშენებლებს ცემენტი, მუაგურეებს სილიციუმი, არ გვეყოფნის ხელფასიო, ჩივიან. ის მიკვირს, ან იმას საიდან ჯანდაბიდან ურიგებენ, რასაც აძლევენ.

დავამთავრეთ ვიწრო ჭიშკარიც და დაიმუდრა ქათმებმაც. კიმოთიას ცოლმა — ვახშამი მზადააო.

„კია მზად, მარა ჯერ უნდა შევამოწმოთ ამ ნამუშევარში გვეკუთვნის თუ არა ვახშამიო“, — ისაკის გოგია.

„კი, ბატონო, ნახეთ-თქო“, — ვუთხარიყე.

„მაშინ წამოეყენოთო“.

კიმოთიამ, — „არ უნდა წამოყენებო“.

„თუ არ წამოაყენე, რას გაიგებო“, — იჟინებდა გოგია.

ბოლოს წამოაყენეს. გახედეს, გამოხედეს, „კაიაო“ — ჟორჟიკამ.

„საით უნდა იღებოდეს?!“ — იკითხა გოგია და მაშინვე გავიფიქრე:

„ნეტა არ წამოეყენებიათ-მეთქი. ჭიშკარი შიგნით არა და არ გაიღებოდა, ისე იყო შედუღებული. თავიდან, კიმოთიას რომ ვკითხე, შიგნით გინდა თუ გარეთ-თქო, შიგნითო, მითხრა, რას ვეკითხებოდი მეც?!“

„საით უნდა იღებოდესო“, — იკითხა ისევ გოგია.

„შიგნითო“ — კიმოთიამ.

„მაშინ ეს არ ყოფილა შენი ჭიშკარი, შენთან არ გაიღება შიგნით, ჩემთან კიო“.

„რა უჭირს, საითაც გაიღება, მაგით არ ვიწუნებ მეო“.

„თუ არ იწუნებ, მაშინ დაუბანოთ ხელიო“, — შეატოვებს ჭიშკარი პატრონს და ხელსაბანისკენ წაიბაწრა ყველა.

„სა მიხვალთ, მე რომ შემატოვეთ მარტვანა, სანამ შეკავოს ხელში ასე წამოყენებულო“, — უკვირდა კიმოთიას.

„გეკავოს ერთხანს, მაინც მასე უნდა ჩავაბეტონათო“, — სიცილით იხრჩობოდა გოგია.

ხელის დაბანა ყველამ მომასწრო, თუმცა იმათ ტყუილა გადაივლეს წყალი. მე რომ შევეუერიოდი, კაი ადგილები უკვე გაენაწილებიათ, ქათმის ხორციც შერჩევით გადავღვით. მე დამრჩა ადგილი გასასვლელში და ქათმის ფეხები, იღბალი მაქ ასეთი, სულ ფეხები მრჩებოდა ჩემდაწილად, ახლა რატომ შემხვდებოდა უკეთესი?

„მომეხმარეთ თუ არა, გავუშვებ ხელსო“, — იყვირა ისევ კიმოთიამ.

„გაუშვი, გაუშვი!“ — მიაძახა გოგიამ.

კიმოთიას ხელი არც დაუბანია: „მიიწარი ცოტაო“ — მე მომადგა მაინცდამაინც, მიმკუჭა კელლისკენ.

ოჯახის თავმა: „გოგია უფროსი კაცია და ეს იქნება თამადაო“.

გოგიამ ქვა ააგლო და თავი შეუშვირა, — არაო, თამალობაზე დათანხმება მაშინვე არ უყვარდა, წინდაწინ კაცი უნდა მიგეგზავნა, ამის დრო ახლა ვის ჰქონდა.

„შენ თუ არ გინდა, მაშინ ბუზუნაო“.

მეორეს რავა ვათქმევინებდი, ვტაცე ჭიქას ხელი და თავ-შეყრა ვადღეგრძელე. ატყდა ჭიქების ჭახა-ჭუხი. მარტო ჩვენთან როდია ასე, მთელ ქვეყანაში ასეა: მუშაობისას ექვს კაცზე ორი თოხი, ჭამა-სმისას ჭიქა, თეფში, ჩანგალი, ყველაფერი ექვს-ექვსი, თან თოხნი ხანდახან ერთხელაც არა, ჭიქა და თეფში სამჯერ დღეში. საკვირველია, აქამდე როგორ გაუძლო ერთმა თოხმა ექვს, ათ, თორმეტ მუცელს... აქამდე გაუძლო, ბატონო, მარა აწი?!

„ღვინო თუ გაქვს საყოფი-თქო“, — კიმოთიას ვკითხე.

„კიო, ღვინო ოხრათ მაქო“, ესე იგი, რამდენიც გინდათ იმდენი სვითო.

კიმოთიას ხომ ვუღლეგრძელეთ მკვდარი და ცოცხალი, არც სხვისი დაგვეიწყნია, ღამის სამ საათზე, რაღა დაგიმალოთ და, ქე ვიყავით კაი გამოწყობილები. კარქა რომ გამოვეწყობით, მერე ვიციტ ხოლმე სიმღერა, უკეთესს რას მოისმენ. ძილი ავიწყდება მთელ სოფელს. ჩვენ ვერ ვატყობდით და ყველა სხვადასხვა სიმღერას ვამბობდით, მარა ერთი გეგონებოდა თურმე მაინც. ბოლოს ჭიშკრები ვაღლეგრძელეთ, ვისაც ჩამოკიდებული ჰქონდა, ის ცალკე და ჩამოუკიდებელი ცალკე. ჭიშკრებზე იმდენი ვილაპარაკეთ, ერთი აზრი გამიჩნდა: მოდი, მოვიპაროთ მეზობლების ჭიშკრები-მეთქი.

„ახლაო“, — გოგიამ იკითხა.

ახლა-მეთქი.

„ამ ღამეშიო?!

„ღამეშია კაი, აბა დღე ვინ ჩამოგახსნევენებს-მეთქი“.

დავიკაპიწეთ სახელოები და გავლაგდით ღამის ცვლაში სამუშაოდ.

რკინის ჭიშკრები ჩემი ნახელავი იყო, გამკეთებელმა უკეთ არ იცის მოხსნა?!. ვხსნიდით ცალფა ჭიშკრებს, დიდებს ხელს არ ვკიდებდით, სათრევედ იყო მძიმე. ატია ღვინეფაძის ჭიშკარი ნოდარა კობახიძის ვენახში დავმალეთ, ვანიჩკა ფუტკარაძის, საულიას ეკლებში. მაინცდადამაინც შორს არ მიგვექონდა, არც აღმართში მივათრევდით, მძიმე იყო. ან თავდაღმართში ვინ გერჯიდა, მარა ასე გადაწყვიტეთ. ყველა გადაწყვეტილებას შესრულება უნდა. ჩვენ სიტყვის ხალხი ვართ, სიტყვის ღვთის ანაბარა მიტოვება არ გვიყვარს.

ცოტა შევისვენეთ. ხუთ კაცს, თოხის არ იყოს, ერთი სიგარეტი აღმოგვანდა. მოუკიდა ჟორჟიკამ და დავატრიალეთ წრეში. მესამე წრეზე რომ მომიახლოვდა რიგი, ჩემს წინ მიაწვა თითები კიმოთიას, ჩემი იღბალი დაიწვა.

„ავდგეთ და გავაგრძელოთ საქმე თუ არა, დავვათენდა თავზე“ — მუშაობისასაც ვაგრძელებდი თამაღობას, ასე მაქდაცდილი, თუ რამეს მივეჩვიე, გადაჩვევა მიჭირს.

„ახლა ნუგზარ აბულაძის ჭიშკარი მოვხსნათო“, გოგიამ.

„მაგის ჭიშკარი ახალი შეღებილია, ხელებს დაგვისვრის, — გაგვაფრთხილა რომელიღაცამ.

„საღებავი ქვა მშრალი მარა, რავა ოთხივე მხრიდან გაუჩახახებია ილიჩის ნათურები? დაეწვეთ და ხოხვით წავიდეთ თუ არა, ვინცბა დაგვინახვს და ჩაგვეშლება ყველაფერიო“ — ჟორჟიკამ.

ეს წინადადება ჭკუაში დაგვიჯდა, ჩაუწეკით საქმეს ერთგულად და გააბა ყვეფა ჩემმა ძაღლმა. სხუმის სულ ძინავს, ახლა აყეფდა და აიყოლია მთელი სათემოს ძაღლები. არც მაცივა და არც მაცხელა, წამოვხტი და გავიქეცი სოფლის მაღაზიისკენ, მე რომ გავიქეცი, ჩემი მხლებლებიც შეშინდნენ, სად გარბისო, წამოიშალნენ, გამოსიღვნენ. გადავახტა ღობეს, გემოვადე ელექტროკარადის კარი და გავთიშე მთელი სოფელი. საქმე თავად გასწავლის სიფრთხილეს და მოხერხებას. ჭიშკრის მოპარვა თუ გინდა, ბიძია, შუქის გამორთვაც უნდა იცოდე.

პირველად გოგია დამეწია, სულს ძლივს ითქვამდა, ვერ მითხარი ამისთვის თუ მორბოდი, გადაგვიტრიალე გული? მეგონა, ვიღაცა მოგვდევს-მეთქი. ისე, ყველა საქმეს პროფესიონალიზმში შეენის, ნაღდი ქურდი ხარო, რამკიანი ქურდიო, ჟორჟიკამაც. თითო-ოროლა საქები სიტყვა სხვებმაც შემაწაეს და გავაგრძელეთ გზა ფორთხვით ალიკოს ნუგზარის ჭიშკრის „ასაღებად“.

ადვილად ჩამოვხსენით.

„არ მომყვება, რაცხა უშლის ხელსო“,

„რა უშლის-მეთქი“.

„რა ვიცი, სინათლე ქე გამორთე და ვერაფერს მივჩერებ-ბივარო“ — მიუსვ-მოუსვა ხელი გოგიამ და პრუჟუნა ყოფილაო.

„მოხსენით და წამოდით მალე-მეთქი“.

„პრუჟუნაც მოვხსნათო?!“

„რავა, რა იყო, ჭიშკარი მოხსენით და პრუჟუნა რა გახდა, გამოდით აქით, მარტო ჭამაში ხართ მარჯვე-მეთქი“.

კაი ოსტატურად კი იყო გაკეთებული, მაგრამ არა ნაკლებ ოსტატურად მოვხსენი და გავიტანეთ სახიფათო ზონიდან,

შევიტანეთ ნოდის საძროხეში და გამოვიხურეთ კარი. კიდევ კარგი, სინათლე არ იყო თუ არა, ძან გაუკვირდებოდა ნოდის ძროხას, საიდან მოათრიეს ამ შუალამისას ეს პრუ-ჟუნინი ჭიშკარიო.

დავეპაწურეთ ვახტანგის ჭიშკარს, არ წამოგვეყვა, რა იყო, რას მოუნდით ამდენ ხანსო, — გოგია. ვერ მოვხსენითო, — კიმოთიამ.

„გამოდით აქეთ, თქვე ვლახებო“, — გაგვაშეხებია ხელი, გააკეთა მსუბუქი ბუქნი, ამოდო ხელი ჭიშკარს ქვემოდან, წამოდგა და აჰყვა ჭიშკარიც თავის ბეტონიან ბოძიან საკეტო-ტიანად და „რა ეუყო, ბიჯო, სა წავილო“, — იკითხა. უთხარით, სადაც უნდა მიეყუდებია და მოვიცვალეთ ადგილი. ჭუჭულიას ჭიშკარს რომ ვხსნიდით, ატეხეს მამლებმა ყვირილი. ორი საათის წინ გადაუჭერი სოფელს სინათლე და მამლები ათეთრებდნენ ჩვენს მიერ გაჩალიჩებულ ღამეს.

გვეყოფა, რაც გავაკეთეთ, ახლა თითო ჭიქით აღვნიშნოთ ჩვენი საქმიანობა და შევასწროთ ლოგინში უჭიშკრო მეზობლებს თუ არა, ჩვენ ჩამოგვეკიდებენ ჭიშკრების ადგილზე-მეთქი.

სანამ კიმოთიას მიტოვებულ მაგიდას მივუსხდებოდით, ჟორჟიკას ეზო გვექონდა გასაველელი.

„ჩემი ჭიშკარიც ჩამოხსნია ვილაცასო“, — იყვირა ჟორჟიკამ. რა გაყვირებს, შენ არ ჩამოხსენი თვითონ?. ქე გითხარი, დაანებე თავი შენიათქო, მარა სანამ არ ჩამოხსენი არ მოისვენე,“ — სიცილით იჭაჭებოდა გოგია.

„მერე სა წავილე?!..“

„ისე მთვრალი იყავი, აღარ გახსოვს?!“

„ვითამ ახლა ვარ ფხიზელი?!..“

ანთო კიმოთიამ ღამა და განათდა ჩვენგან ღროებით მიტოვებული მაგიდა, სამჭიქიანი რქები უპატრონოდ ეყარა კიმოთიას წინ, სტაცა ხელი კიმოთიამ, გაავსო და დაიწყო: ამ პატარა სასასმოთი და დიდი გრძნობით ჩვენ-ჩვენ მარჯვენას გაუმარჯოს...

„მარჯვენა კი არა, რას გავხარ შე უპატრონო, რას გიგავს ტანსაცმელი,“ – სიცილი დააყარა გოგიამ სათამაოდო მოღერებულ სახლის პატრონს.

„მე თუ შენ? – კიმოთიამაც ჩაახვია ხეელა-სიცილში თავის გაკვირვება, ასეა ყოველთვის, კაცი საკუთარი ნაკლისადმი ბრმა და ყრუა, სხვისას მაშინვე ამხნევს და დაცინვის საგნად აქცევს, ასე მოგვივიდა ჩვენც, ერთმანეთის დასაცინი რა გექონდა, ერთნაირად ამოთხვრილები ვიყავით, არ გვაკლდა ტალახი და ჩონჩორიკი, ახალი შეღებილიაო, ხელი არ გაგვისვაროს ნუგზარის ჭიშკარმაო და ზოხვით რომ მივიწვევდით, რა კაი დაგვემართებოდა, ჯერ იყო და ღვინოში ჩაეწექით უნახავებივით, მერე ტალახში და ნეხვში, მეზობლების ჭიშკრები ჩამოვხსენით და მარჯვენაო, რისი მარჯვენა, წავადეთ სახლებში დროზე თუ არა, მიგვახმობენ მარჯვენას და მიაყოლებენ მარცხენასაც, ასე ქე ვუთხარიყე მარა, მაინც დავლიეთ სამ-სამი ჭიქა, დავამთავრეთ ღამის სმენა და წავბარბაცდით სახლებში, ვიფიქრე, დავაქცევ ძილის ქვეყანას-თქო, მარა ვერ მოვახერხე... გამთენიისას უჭიშკრო მეზობლებმა თავად დააქციეს ქვეყანა წყველა-კრულვითა და გინებით. ხმაურზე გამეღვიძა, რა აყვირებს ამ ხალხს-თქო, – ვკითხე ხუტიას ნაბოლარა ქალიშვილს, ანუ ჩემს დას, ჩემსავით სამი სახელი, დამწვარი ბედილბალი და მომაელის იმედა რომ კიდევ ჰქონდა.

„რა ვიცი, წუხელი ვინცხა ხელგასახმიობი ჩამოყოლია და ცალფა ჭიშკრები მოუპარავს მეზობლებისთვის“.

„ჭიშკრებიიი?“ – ვითიმ გამიკვირდა, გაკვირვების რა მიგახსენოთ და სიფხიზლეში შემრცხვა სიმთვრალეში ჩადენილი სისულელის გამო, გოგიაც რომ აგვევა, მამისტოლა კაცი! ისედაც სიდუხჭირეში და უბედურებაში ჩაცვენილ ხალხს ეს უნდოდა? იმდენად ნერვებაშლილი და გაავებული იყვნენ მეზობლები, ვეღარც ჩემს დას გაუუმხილე, ჩვენ რომ შეგვაცდინა სიმთვრალემ, უნდა აემდგარიყავი და გაერეულიყავი ხალხში, თუ არა ეჭვს გავალვიძებდი ვილაცაში, ზოზინით ჩავიცვი და შეეუერთდი მოყაყანე მეზობლებს.

„ბუზუნა მოდის, ამას ეცოდინება ჩვენი ჭიშკრების ამბავი“, — შემეგება ჭუჭულია.

„მე რა მეცოდინება, ნეტაი ძილი გეცლიათ, მართალია რასაც ამბობენ“?

„აბა ტყვილია, ბიძია?! ვერ უმზერ ჩაის საკრეფი დიდი გოლორი მაქ ჩადგმული ნაჭიშკრალში“?!

„კიდევ კარგი, პატარა ჭიშკარი წაუღიათ, დიდი რომ ჩამოეხსნათ, მის მაგიერ რას ჩადგამდი“?!

„რას ჩავდგამდი და ჩამომხსნელის კუბოს სიგრძეზე“.

„ვახტანგისთან რა უქნიათ, ის უნდა ნახო: რკინის ბოძე-ბიან-ბეტონიან-იმიან-იმიანა აქეთ ამოძრობილი, ორმოები დაუტოვებით მარტვანა“. — კვირობდა ჭიჭიკოს დუსუნა.

„მაგ ჭიშკრებიც თურქეთში ექნებათ წაღებული“, — თავის მოსაზრებას აწვებოდა ქიშვარდი.

„რა იცი შენო“, — ჰკითხეს.

„რავა რა ვიცი, ყველაფერი იქით მიაქთ, რასაც მოიხელთებენ, ახლა კაკასხიდს იქნებიან ვაცილებული“.

ამ დროს ახმაურებულ მეზობლებს თამაზ აბულაძე შემოუერთდა, კაკუნის უფროსი ვაჟი, ყვირილითა და ხელების ქნევით.

„ჭიშკრების ქურდობაც დეიწყეს? ეგ გვაკლდა ახლა, ჩემი რატომ ვერ ჩამოხსნეს, ჩამომხსნელს მოვეუტანდი კეთილების ტრაქტატს, ჩემსას მასე ადვილად ვერ შეახებენ ხელს“:

„თუ დაჭირდათ, შეახებენო“, — ხუტიაშ.

„რას ქვია, დაჭირდათ, რას ქვია, დაჭირდათ! რო არ მჭირდებოდეს, კი არ ჩამოვკიდებდი, თუ ბიჭები არიან, ჩემი წვიღონ, მარა იციენ ჩემი ამბავი, მიწაში რომ ჩაძვრენ, ჩავეყოფი და მოვეუტან ტრაქტატს“, — ხელების ქნევით ემუქრებოდა უცნობ ჭიშკრის ქურდებს თამაზი, მივხვდი, რატომაც ყვიროდა, ეჭვობდა ალბათ. ჭიშკრის ქურდები დასაკარგავიდან არ იყვნენ მოსულები, იქვე ახლომახლო ეგულებოდა და იმიტომაც ყვიროდა, ხმა მიეწვდინა: ჩემს ჭიშკარს არ ახლოთ ხელი თუ არა, აგისრულებთ შეპირებულსო. ამ ამბავში იყო კაკუნას თამაზი, რომ ვნახეთო, იყვირა ატია ღვინეფაძემ. სად იყო — მიაძახეს აქეთ-იქიდან.

„ნოდარას ვენახშიო“.

მერე ნოდარას ჭიშკარსაც მიავნეს, ასე აღმოაჩინეს თითქმის ყველა და ატყდა სოფლის ცენტრში საქმიანი ფაცა-ფუცი, მიდი-მოდიოდა ჭიშკრები აქიდან-იქით, იქიდან-აქით. რაზან თურქეთის ვარიანტი გამოირიცხა, ჭუჭულიამაც დაიწყო თავისი ჭიშკრის ძებნა. სად არ იყო, ჭაშიც კი ჩაიხედა, იქ ხომ არ ჩაუკიდიათო, მაგრამ უშედეგოდ, ყველამ მიაგნო, იძისი არ ჩანდა, სანამ თორმეტი საათის ავტობუსი არ მოვიდა, მანამ ეძია, მოვიდა ავტობუსი და კინალამ დაიხრჩო სიცილისაგან ილო—ავტობუსის მძღოლი, გააწყო სიგარეტი, მიაველ-მოავლო იქაურობას თვალს.

„ის ჭიშკარი ვისიაო“ — წამოიყვირა უცებ.

„რომელიო“ — შეეპასუხენ.

„რომელი და მაღაზიის კედელზე რომაა მიყუდებულიო“, — იქით გაიხედეს და ყველამ ერთხმად დაიძახა: ჭუჭულიას ჭიშკარიო.

მაღაზიის კედელი და ჭუჭულიას ჭიშკარი ქრონიკრი საღებავით იყო შეღებილი, თუ კარგად არ დაუკვირდებოდა კაცი, კი არ ჩანდა. მაღაზიის წინ იყო შეკრებილი მთელი სოფელი და ვინმეს რომ აქამდე შეემჩნია, რაღა უნდოდა ჭუჭულიას ჭაში, მოვარდა ჭუჭულია და ამდენ ხალხში მაინცდამაინც მე ამომარჩია.

„მოდი, კვერცხება, წამიკარი ხელი, ამატანიეო“, — რაღას ვიზამდი, მოვიკიდე ხელი წელმოწყვეტით მაღაზიის კედელზე მისადაგებულ ჭიშკარს და გამახსენდა: რამდენიმე საათის წინ მე და გოგიამ რომ ჩამოვიტანეთ მაღაზიასთან, დავისვენეთ-მეთქი, დავისვენეთ, მაშინ მივაყუდეთ მაღაზიის კედელზე და დაგვრჩა ალბათ ასე. ის მიკვირდა მხოლოდ, სულ ბოლოს, სოფლის ცენტრში, ყველაზე თვალსახვირო ადგილას მიტოვებული ჭიშკარი რომ აღმოაჩინეს.

გაიღო ჭუჭულიამ ბეჭზე ჭიშკრის შედარებით მჩატე თავი და შეუყვა შეღმართს, უკან მე მივეყვებოდი, ახია-მეთქი, ვფიქრობ ჩემთვის, რა ადვილად ჩამოვანაქნაქეთ წუხელი და რა ძნელი ასათრევი შეიქნა დღეს, ძნელია აღმართი და უკუღმართი საქმე.

„ასე გავიდევი ბეჭზე ამის მომხსნელი და ჩამომტანი დღეისსწორამდე“, — მოისურვია ჭუჭულიამ, თან დამეკითხა, ზომ ეკუთვნისო.

რა მეთქვა, აღარ ვიცოდი, რაღაცა წავიბუზუნე ჩემთვის, ალბათ თანხმობად ჩამითვალა და მეტი აღარ შევეუწუხებოვარ. გააჩონა გოდორი და ჩამოვიდეით ჭიშკარი, მისი და ჩემი ჭიშკარი ერთმანეთს მისჩერებია, მიბრუნდა ჭუჭულია და მეკითხება:

„კი მარა, შენი ჭიშკარი რატომ არ წაიღეს, ნეტაიო“, — და გამიყარა თვალი თვალში.

„ჩემი თავბოლოშექცეული კაუჭებით მაქ მიღუღებული და ვერ ჩამოხსნიდნენ-მეთქი.

„თავბოლოშექცევით?! — იკითხსა ჭუჭულიამ, მივიღა, დაუკვირდა, გამოალო, — ნაწვალები ესეცაა მარა ვერ მოუძვრიათ მაგ კვდარძალებსო.

საღამომდე წაეუძინე. საღამოს კიკოლამ გამაღვიძა, ჩემმა სახლიკაცმა, ნუგზარი გვეპატრუება აბულაძე, ჭიშკრის კვლავ-ჩამოკიდება უნდა დაეასველო, ჩვენ რა გამოგვიღევს დაღვივის მიზეზს, რომ არ გადავსულიყავი, ეწყინებოდა, გულში ჩადება იცის, გადაიქვია ისევ. მაგიდას ყველა არა, მარა სამი ჭიშკრის ძურდი ქე გუჯიქით, სადღეგრძელო ჭიშკრებთან იყო დაკავშირებული. ცოტა რომ შეეუწყურით სიფხიზლეს, გამოვტყდით, ჩვენ რომ მოვიპარეთ ჭიშკრები, იცინეს და იცინეს, კარგად რომ მოგვეკადა ღვინო, ერთხმად გადავწყვიტეთ, თამაზი აბულაძის ჭიშკარიც ჩამოგვეხსნა, ნამეტანი რომ გჰპირდებოდა რაღაც-რაღაცეების მიტან-მოტანას. ისე საქმეჩანად წავედით თამაზის სახლისკენ, თითქოს ამაზე საჭირო, საჩქარო და აუცილებელი საქმე არ არსებობდა ამ ქვეყნად.

თამაზის ჭიშკარი ელოგუჯა აბულაძის სახლის უკან მივაყუდეთ, იქვე, მეორე ეზოში. მთელი სოფელი რომ გადაეტყავებია, ელოგუჯას ეზოში არ შევიდოდა, თვითონ თამაზს ჰქონდა დაფიცებული, მის ეზოში ფეხს არ შევდგამო და ასრულებდა კიდევ ფიცს.

დილით თამაზი ფირფიცრის საყიდლად მიდიოდა, ფაცა-ფუცით ჩაიცვა, სანამ ეზოს გასცილდებოდა, გზადაგზა ცოლს

აფრიხილებდა: ჩემს მოსკლამდე ასე და ასე გააკეთეო, აჩქარებული ნაბიჯით გავარდა ეზოდან. ეკლესიისკენ მიმავალ შეღმართს რომ დაადგა, მაშინლა გაიცნობიერა: ეზოს ისე გადმოცილდა, ჭიშკარი არც გაუღია და არც მიუხურავს, მოახელდა უკან და დაალო პირი, ჭიშკარი აღარ იყო.

პირი ქე ჰქონდა დაღებული და, ნინოო, ისეთი განწირული ხმით მიამახა ცოლს, თითქოს თოკი ჰქონდა წაჭერილი იმ ადგილას, უსაქმური კაცი რომ იფხანს ხოლმე.

„რა მოხდაო“, — შეეხშიანა ცოლი.

„ჭიშკარი სა წევიდა, შე შობელმადლო“!

„მე რა ვიცი, შენ გადადი გადალმა და აქით მეკითხები?!“

ბევრი რომ არ გავაგრძელო, იმ დღეს, დილის შვიდ საათზე მთელმა სათემომ გაიგო თამაზი აბულაძის ჭიშკრის ამბავი. თვითონ თამაზს ფანერაზე რომ მიეჩქარებოდა, ქე გითხარით, რაღაი მობრუნების დრო აღარ ჰქონდა, ჭიშკრისკენ გააგრძელა გზა ისეთი ხმამაღალი ქართულით, ვერცერთ წიგნში ვერ ამოიკითხავთ, ფანერა გაყიდული დახვედრია. ამან მთლად გადარია. წამოვიდა დაქადნებული ყოფილ სოფლსაბჭოს შენობისკენ, თან ის მძიმე ლექსიკონი წამოჰყოლია, ხშირი ხმარებით რომ საკმაოდ შემოცვეთიდა.

ყოფილ სოფლსაბჭოს შენობასთან (ახლა რა ქვია, არც მე ვიცი) ცოტა ხალხიც იყო. არავისთვის არ მიუქცევია ყურადღება.

„რომელ ოთასში ზისო“, — იკითხა ხმამაღლა.

ყველა მიხვდა, ვისაც კითხულობდა, მიუთითეს, შევიდა. საწერ მაგიდას ქაღალდებში თავჩარგული ახალგაზრდა კაცი უჯდა თურმე.

„შენ ხარ თავმჯდომარე“! — შეუყვირა უბოდიშოდ დამხედურს.

„თავმჯდომარე არა, მარა გამგებელი კი გახლავარო!“ — უიქვამს ახალგაზრდას, თან დაბნეული ღიმილი შეუგებებია.

„გამგებელი?! გამგებელი თუ ხარ, გეიგე მაშინ, ვინ წვილო ჩემი ჭიშკარი“.

„დაწენარდით, დამშვიდდით და ამიხსენით, რა მოხდა“.

„დაწყნარდე ხომ, კილო მე დაწყნარდე?! შენ დაწყნარდე-
ბოდი, ჭიშკარი რომ მეუპარათ შენთვის?!“

გამგებელს ჯერ მოურალი მოყწვენა თამაზი, მერე დანოჩე-
ბული. ბოლოს გაერკვა, რაშიც იყო საქმე, მიხვდა, მის წან
ყო თანასოფლელი, გამრჯე, მშრომელი კაცი, ფხიზელი,
ნორმალური, იღონდ შექმფოთებული და აღელვებული, დი-
ლით ჭიშკარი რომ აღარ დახვდა ადგილზე, ვეღარ გაუმტყუ-
ნა, დაამშვიდა, შენც მალე მიაგნებ ჭიშკარს, როგორც შენმა
მეზობლებმა მიაგნესო.

წამოსულა თამაზი, ის ლექსიკონი თან წამოჰყოლია,
იღონდ ახლა შედარებით ხმადაბლა ფურცლავდა დროდადრო.

ამ უშნო ხუმრობიდან ორ წელზე მეტი გავიდა. ახლა აღარ
აქვს მნიშვნელობა, ჭიშკარი გაქვს თუ ციხე-სიმაგრე, ვისაც
უნდა, როცა უნდა შემოიგვიარდება, წაიღებს, რაც მოეწონება,
გაგლახავს კიდეც, რატომ, მეტი არ დამახვედრეო, თუ შეეპა-
სუხე, მოგკლავს, რატომ ატლიკინებ ენასო.

შეშფოთდა ხალხი, თამაზ აბულაძის ლექსიკონში ბევრ-
მა ჩაიხედა.

ჭიშკრებს აღარ ვიპარავთ, რაღა გვეხუმრება, როცა მთე-
ლი ქვეყანა დარჩა ღობე-ყორის გარეშე, ჭიშკრის გარეშე.
არ გაგიკვირდეთ, ხუტიას ბუზუნა რომ ლაპარაკობს ამას, ამას
ყველა უნდა ლაპარაკობდეს და აკეთებდეს. ერთი დიდი ჭიშ-
კარი რომ გვაქვს გასაკეთებელი, საიმედო ჭიშკარი, ჩინურ კე-
დელს რომ შეეფერება, ისეთი.

იტყვი, დიდ საქმეს დიდი სულის ბერვა უნდაო. არაა
მთლად მასე. დიდ ჭიშკარს იმდენი მარჯვენა უნდა, რამდენ
ქართველსაც უცემს მკერდში გული.

მართვა დღი

ჩემი მეზობელი, ბონია, ტანმორჩილი კაცია. ყველას მაინც ზემოდან უყურებს. შეხვედრისას, გაგიმარჯოსო, ისე გეტყვის, რაღა ხარ შე გაჭირვებულოს უფრო ჰგავს მისი საღამო. მეზობლებს და მტერ-მოყვარეს კი არა, ის ხანდახან მზექა ახედავს, დაიწვები მზის ცოდვით.

რადგან ივლიტა ბონიას ცოლია, ივლიტაც ჩემი მეზობელია. ცოლიც ბონიას სიმაღლისაა, მაგრამ ქალის პირობაზე ტანმორჩილს ვერ იტყვით. ივლიტა ერთადერთია ამ ცის ქვეშ, ვისაც ბონია ზემოდან ვერ უყურებს. აბა საიდან უყურებსო,— გაგიკვირდებათ, უყურებს: აივნიდან, ყანიდან, საჩეხიდან, უყურებს თვალებში. ივლიტას თვალებს ყოველთვის ერთი ფერი როდი აქვს. თუ განრისხებულია ცოლი, ქმარს თვალები ფოლადისფერი ეჩვენება, სიყვარულით თუ მისჩერებია — ცისფერი, თუ არც ერთია, არც მეორე — ნაცრისფერი, ცოლის სხვადასხვაფერი თვალების ყურებაში ორმოცი წელი ჩოხასავით შემოაცვდა ბონიას. ოთხი შეილი გაზარდეს, დააოჯახეს, გამრავლდნენ, იკლო ცისფერმა თვალებმა, ნაცრისფერია აქა-იქ, ფოლადისფერი სჭარბობს.

სხვისი ცოლის თვალებზე ლაპარაკი კი არ ეკადრება მეზობელს, მაგრამ ამით გულს ვიოხებ. მიმხვედრი მიხედება, ჩემი ცოლის თვალებიც არაა ყოველთვის წაბლისფერი.

ცხრამეტი წლის ყოფილა ბონია, რიკტაფელას რომ თამაშობდა თურმე ბიჭებში, ბიძამისს დაუძახნია: დანებე, შეილო, თამაშს თავი, დაიბანე ხელ-პირი, გამოიცვალე ტანზე, ქალის გადასანახლებლად მივდივართო. იმ დღეს უნახავს პირველად ივლიტა ბროლიქეთში. ისიც კაი ხელპირდაბანილი, ჩაცმულ-დახურული დახვედრია. თექვსმეტი წლის ივლიტა აბრეშუმის კაბაში ყოფილა გამოკვართული. მაჯისსიმსხო ნაწნავები გულისპირზე გადმოეყარა, მათ ქვეშ ორი ვაშლისოდენა ბორცვი გაყურსულიყო. პირველად ივლიტასთვის თვალებში ვერ შეუხედავს და იმ ბორცვების თვალთვალის შეუქცევია თავი ბონიას. ივლიტაც უხერხულობდა თურმე ხელები სად წაეღო, აღარ იცოდა, მერე კაბის მეოთხე დი-

ლისთვის ჩაუვლია ხელი და უწვალებია ერთხანს, ბოჩიასაც ღილზე გადაუტანია ყურადღება. ღილის ქვეშ, ქსოვილზე, ფოთოლი ყოფილა მოჩითული. მაშინვე გახსენებია ბოჩიას ის სურათი, ბავშვობაში რომ უნახავს სადღაც. დედიშობილა ქალს, დაახლოებით, იმ ადგილას ჰქონდა ფოთოლი აფარებული, ივლიტას კაბის მეოთხე ღილი რომ წვალობდა ივლიტასავე ხელებით. იმ დღეს ძლივს გაუცვალეს ერთმანეთს სახელება და რომ შეუხედავს, ივლიტასთვის, ბოჩიაზე ბევრად პატარა ორი ბოჩია დაუნახავს საცოლის ნაცრისფერ თვალებში.

სასიდედროს დაუწუნებია ბოჩია, ერთი დაწუნება, ჩია კაცია სასიძორო.

„ჩია კია, მარა რამხელა თავი აქვს ვერ უყურებო, — არ დაბნეულა ბოჩიას ბიძა, — კაცი კი არა, ბაღანაა ჯერ, კაცი ოცდახუთ წლამდე იზრდებაო.“

სასიდედროს ცხრამეტიდან ოცდახუთამდე გადაუთვლია თითები და ექვსი თითი შერჩენია მოკეცილი. ექვსი წელი თუ იზარდა, კაი ნაზარდი დარჩებაო და უფროსებმა უმცროსების გარეშე დანიშნეს ჯვრისწერაც და ქორწილიც.

ყველაფერ წერილმანზე აღარ შეეჩერდები. იმას უთქმელადაც მიხვდებით, როგორ შეაწყდებოდა იმ კაბას მეოთხე ღილი და მიყვებოდა დანარჩენები, როგორ გადაუსობდა ივლიტა ბოჩიას ბარაქიან თავს ხელებს და ჩაიკრავდა გულში. ივლიტას თვალებში კი მაშინაც ორ პატარა ბოჩიას დაინახავდა ქმარი, ორ პატარა ცისფერ ბოჩიას.

როგორც გითხარით, ორმოცი წელი გაეიდა მეოთხე ღილის ამბიდან. ივლიტას კი მოემატა სიმაღლე, ბოჩია არ წასულა ზრდაში, თავი გაეზარდა ცოტა, ეს იყო და ეს. ცოლი მერეღამერე სამი თითისდადებით ჯობდა ქმარს,

სიდედრი ისე გარდაიცვალა, ხმა არ გაუცია ბოჩიას ბიძისთვის. ივლიტაც ხშირად დაჰყურებდა ქმარს ზემოდან, რომ არ გაიზარდა, ბოჩიასაც რცხვენოდა, მაგრამ რა ექნა.

კაი ხანია მოენატრა ბოჩიას ცისფერი ბოჩიები, ველარ იტანს ფოლადისფერს, ნაცრისფერებიც მობეზრდა, ცოლიც და ქმარიც მშრომელი ხალხია, ინათებს თუ არა, ქმარი ყანაშია, ცოლი ბოსტანში, ასიცხებამდე მუშაობენ უსმელ-უჭმე-

ლნი. ბოჩია ივინება, ივლიტა იწყველება, კი არავინ ჰყავთ მოპასუხე, ისე, ძველ წყენას იხსენებენ და უახლდებათ გულისწყრომა. ასიცხდება და გაახსენდებათ სადილი, სადილზე ღვინოსაც აყოლებენ. ნასადილევს ქმარიც მღერის და ცოლიც.

მე და ბოჩიას კაი მეზობლობა გვაქვს, ვიცით ერთმანეთზე ხელის წაშველება, ამასწინათ ყანის გამოროდებაზე მომეხმარა, კაია, ორი კაცი რომ თოხნის გვერდიგვერდ, — საუბარსაუბრით მიიწევ, საქმეც კეთდება და თავსაც ირთობ, საღამომდე ყანაც დაეანელეთ და ბევრიც ვილაპარაკეთ. მეტწილად ბოჩია ლაპარაკობდა, მე ვუსმენდი. გასაცინარზე ვიცინოდი და იმაზეც, ჩემს გასაცინებლად რომ ყვებოდა და უმარილო გამოდიოდა. მართო შეჭამანდს როდი უხდება საკმაზი, კაცი შენს გაცინებას რომ ცდილობს, ენერგიას ხარჯავს და მსმენელი ღუმს, არ ვარგა, ხათრით მაინც უნდა გაიცინო. პოდა, ბოჩიასთვის გული რომ არ დამეწყვიტა, ვიცინოდი. მას ყოვლისმცოდნედაც მოაქვს თავი, ვერ იტანს გაფუყულ ქალაქელებს, ყველას ეკამათება: უმაღლესი დაამთავრეთ თუ არა დიდი ვინმეები ხართო, ამასწინებზე, — უფრო ხმადაბლა მითხრა, — აგერ, ეშხას სახლი რომ იყიდა, მწერალია თუ რაცხა, ისე გავაბითურე, რო დაგეგლო ყური, სიცილით გაიგუდებოდიო. მომიყევი-მეთქი და დაიწყო: ვინცხა სულელის დაწერილს წაიკითხავს და თავისად ასალებს, ყველა პირდაყჩენილი უსმენდა. მე რავა მოვატყუებიებდი თავს. მთვარეზე კაცი დადისო, მიყევე-მოყევეთ ამაზე და ასე მითხრა, შენ იქნებ ისიც არ გჯერა, ეს დედამიწა მრგვალი როაო, რავა, შენ გჯერავს-თქვა?! მჯერავსო — უტეხად მიდხრა, თვალში მზერა გაქთქვა?! და ახარხარდნენ ის პირდაყჩენილები. ჩამოყვა ზღაპრებს, ჯორდანა ბრუნდი და ალილო ვალილო დიდი მეცნიერები არიანო, ზოგი აფრიკდანაა, ზოგი სიკეტილიდან, ისინი ამტკიცებენო. მე ვუთხარი, ისინი არ ვიცი საიდან უყურებენ, აფრიკიდან შეიძლება მართლა კვახივით მოჩანს მიწა მარა, ჩვენთან... ამას რომ კაცი ვერ დაინახავს, ან ბრმაა, ან ბითური, გახედე ამ მთებსთქვა, ხელი გავიშვირე უნაგირასკენ, ესაა მრგვალი-თქვა!?. ისევ დაიხოცენ სიცილით, ვინც გვესწრებოდა. თვითონაც არ მოალო პირი და არ ახარხარდა? მე ვუთხარი, დელო-

მიწა რომ მრგვალი ყოფილიყო, ამდენახანი არ დავეორდებოდითქვა?! ამაზე სული ვეღარ მოითქვეს, იმდენი იცინეს, ისაც იცინოდა, წებან არ გითხარი? მთელი სოფლის სასაცილო გაეხადე და მაინც იცინოდა. შენთან ლაპარაკი აღარ შემიძლიაო და მუცელი ხელით წაიღო სახლში, ამისთანა დავა სხვასთანაც მქონია, ბარეორი სხვაც იმახის მრგვალიაო, ისე ოუ-შენდა კერია მაგის პირველად მთქმელს და მერე დამჯერეს, მწერალი... მწერალი არა ის, გვყავდა ჩვენ მწერალი, დედინაცვლებზე და მაჭანკლებზე რომ წერდა, ის იყო მწერალ . გოვუკეთეთ, ბატონო, მუზეიმი, ეკუთვნოდა და გოვუკეთეთ. ეს რო ჩამევიდა, მაგასაც ხო არ უნდა მუზეიმი, ერთი მუზეიმი არ გეყყოფა?! ორი მუზეიმი შეიძლება ერთ სოფელში?! ჯერ რა დამიწერა მაგის ფასი. წიგნს კი არ კვითხულობ, მარა, მაინც, თუ გინდა კვითხულობდე, კაცი რო იტყვის, დედამიწა მრგვალიაო, იმის დაწერილს წევიკითხა? თავიდან, სულ პირველად რო ჩამევიდა, სანამ თავის სახლს საძინებლად და საცხოვრებლად მოამგვანებდა, ჩემთან გადმევიპაიჯე, იმ საღამოს კარქა წვევიპურმარილეთ და ღამეც ჩემთან გავათევიყე თელ ოჯახს, დატრიალდა ივლიტა. ღმერთწინაშე, მეც არ დამიზოგავს თავი. ვიფიქრე, მწერალი სტუმრად სხუმის არ მყოლია და ესეც შენი მწერალითქვა. რაცხას იტყვის განათლებული კაცი, მოვუსმენთ, შევირგებთ და კაი იქნებათქვა. რომანოზას და გუგუნასაც დოვუძახეყე. წვრილი ჭიკები გამოამზადა ივლიტამ. ნამეტანი გვიქო ჭიკები, ამისთანა ჭიკით მიყვარს მუსაიფიო. გუგუნამ გადმომიჩუმათა, ვიცნობ მე მაგათ, ერთს ამბობენ, მეორეს ფიქრობენ, ჭიკები შეცვალე თუ არა, ჩეიჭრები ჭიკების საკითხშიო, მენიშნა და შევაცვლევიე ჭიკები, არც ამაზე უთქვამს ვარი და დიდი ჭიკით შევიჩვიე ჩემ ცოლიკაურზე. მესამე საინძელოს ვაკოპიტებდი, — ბოდისი რომ გაწყვეტიებ, მაგრამ შენი სახელი საიდან მოდის თუ იციო, — მკითხა, ბაბუაჩემს ერქვა და იქიდანთქვა, ბაბუაშენისო?! ბაბუაჩემის ბაბუამისიდანთქვა, ნამეტანი ჩამეძია და კაიხან ვიბოჩიავეთ. ბოლოს თქვა, ვიცი, საიდანაც მოდისო. ახლა მე კვითხე, საიდანთქვა და მითხრა: ბოჩია ჭანურად მამალ თხას ნიშნავს, ქართულად ვაცს რომ ვუძახითო. რომანოზამ და გუ-

გუნამ სიცილი აიტეხა, ვაცი რომ აღმოჩნდი. კაცური კაცა ეგონა და ვაცური კაცი ყოფილაო, გადირია ივლიტა.

ახლა აგრე ლაპარაკობ, თავისდროზე კარქა-ლამაზად მიძახოდი, მოდი, ჩემო ბოჩია, დამიჩქარე ბოჩია, ეს საქმე გამიხერხე ბოჩია და ის საქმე გამიხერხე ბოჩია. კილო კაი, ჭანურად მიძახოდი, ქართულად რო დაგეძახა, არ გადარევედა ხალხს-თქვა.

ნუ ამიტყდები, ბოჩია, თუ არა, შეგარცხვენო, შამომეპასუსა ივლიტა. ივლიტას ნათქვამი რომანოზამ თარგმნა პირველად და ისე ახარხარდა, მეორე დილას გაღმელი ღვინეფაძეები შეკითხვიან, რაზე იცინოდი წუხელიო.

ვუსმენდი ბოჩიას. ისე კარგად ყვებოდა, ზრდილობისთვის გაცინება აღარ დამჭირვებია. წარმოვიდგინე, როგორც იტყოდა ივლიტა და მიაშტერებდა ფოლადისფერ თვალებს ვაცური კაცს, საიდანაც, ალბათ, თავისი ბოჩიაობით აღტაცებული ორი პატარა ფოლადისფერი ვაცი ანუ ბოჩია იმზირებოდა.

თოხები დავასვენეთ და ჩეროში შევმყუდროვდით. შვილი-შვილს დოქი გავატანე წყაროზე. სანე ვიყავიო, მკითხა ბოჩიამ და მოემზადა თავისი ამბის გასაგრძელებლად. ხოდა, იმას გეუბნებოდი, ივლიტა რო შემპირდა, შეგარცხვენო, მართლა არ ჩამოფქვა ადამყმობის ამბავი? მე დავიწყებული მქონდა, ივლიტას ჩარჩენია გულში, ჩემი უფროსი ბიჭი ცხრა წლის იქნებოდა მაშინ, ჯუანშერას გოგოს რო შეხვედრია. ბოჩიას შვილი არ ხარ შენო?! — უკითხავს, საიდან მიხვდიო, გაკვირვებია ბოვშს, საიდან და აქიდანო, თავზე გადაუსვია ხელი. კაი ბიჭი ჩანხარ, თუ გაქცამაში რამეო და ისევე თავზე მოფერებია თურმე, მერე უთქვამს: „დედალი გყავს, ბიჭო, მამა, დედალი და როცა მამა გყავს დედალი, დედა მაინც უნდა გყავდეს მამალიო“, მამაშენს არ უთხრა, რაც გითხარიო და წასულა.

ჩემთვის მართლა არ გაუმხელია, მარა დედამისისთვის უთქვამს ლექსივით. დედამისმა იმ ღამესვე დამკითხა, რა უნდა შენთან ჯუანშერას ლობიოს, ასე და ასე რომ უთქვამსო.

რა ვიცითქვა — ქვა ავაგდე. ეს ძველი ამბავი ჩამოკაკლა ივლიტამ. სტუმრებთან, მაშინ ვერ დავაჯერე, ახლაც ეღვიძა

ოცდაათი წლის ეჭვს, ახლა რაღასი მეშინოდა და ქე მოვეყვი, რაც ივლიტასთვის არ გამიმხელია მაშინ.

აჯამეთში მივდიოდი. ბორანით გადავედი ყვირილაზე. ჯუ-ანშერას გოგო ბორანზე დამხვდა, ხელში კალათა უჭირავს, შეეცადა ჩემი მხერაც დაეჭირა, ივლისია. შილიფად, ცხელი ამინდის შესაფერისად აცვია ქალს, იმაზე თამამად ჩაცმა აღარ შეიძლება. გარეგნულად რაც ჩანდა, იმას გეუბნებით, შიგნი რა ვიცი. საით მიხვალო, რაცხანაირად, ტკბილად მკითხა, მე სოკოზეო, ისე მითხრა, არ მიკითხავს. კალათას მიაქნევდა ბავშვივით. კალათის გარდა სხვა რამესაც მიაქნევდა, ჩემ ყურადღებას იტაცებდა, მისი ფიქრიტ, რო არაფერი გამოუვიდა, ირგვლივ მიიხედ-მოიხედა და ჩუმათ მითხრა: ბოჩია, შამომყევი ყანაში, საქმე მაქ შენთანო, რა საქმე აქ, სიმინდებში რო ფიქრობს შეტყუებასთქვა. სიმინდებში შამომყევი ბოჩიაო — ჩურჩულით გამიმეორა, მარა მეგონა, მთელ დედომიწას ესმოდა.

ივლიტას ეწყინებათქვა. შენი გახარება მინდოდა, რა დროს ივლიტააო, ძირს დაანარცხა კალათა და შეჭენდა სიმინდებში, ახუნტრუცებული ქალი რომ თავგამეტებით მირბის, კაი საყურებელია, აქა-იქ ისიც ჩანს, რასაც კაბა ფარავს ხოლმე. ახლა აღარ მახსოვს, კაბის ქვეშ ეცნა თუ არა რამე, რომ შეგეხედათ დაიწვებოდით კალათის ცოდვით, უპატრონოდ რომ იყო მიტოვებული ყანის თავში. მივხედი, რა სოკოზეც იყო წამოსული ჯუანშერას გოგო. სოკო, სოკო არა ის, ივლისის გვალვაში სად იყო სოკო.

ერთი ყლუპი ჰაერი დააყოლა ძველ მოგონებას ბოჩიაჰ, ახლაც იმაზე ფიქრობდა, ღირდა თუ არა იმ კალათის ისე, უპატრონოდ მიტოვება.

— უნდა აველო კალათა და მიგეტანა პატრონისთვისთქვა, — წავაქეზე ოცდაათწლიანი დაგვიანებით ბოჩია.

ბოჩიამ ახლა იმაზე მეტი ჰაერი მიაწოდა ფილტვებს, ვინემ ერთი ყლუპია.

— მაგასაც გეტყვი, იმ გოგომ ბარეორს დაუგდო კალათი, ბოლოს წამოაგო ერთი, მიატოვებია ცოლ-შვილი და გადაიკარგენ კიდევ სოფლიდან, ახლა ტყიბულში ცხოვრობენ.

ვათხოვების მერეც დადიოდა თურმე ის ქალი სოკოზე, ქმრის ჩუმათ. ქმარი შახტაში, ცოლი სოკოზე, ქმარი სიზმარში, ცოლი სოკოზე, ქმარი ყანაში, ცოლი სოკოზე. გაუგია კაცს, ბილოს, და გაუტეხია კალათა.

სახელის გატეხვას კალათის გატეხვა ჯობიათქვა და მივაჩერდი, რას მიპასუხებდა. ჯობია, ჩემო ძმაო, მარა, მანამდე ხან ერთ რქაზე ქონდა ჩამოკიდებული ის კალათა ქმარს და ხან მეორეზეო, — მიპასუხა ბოჩიამ.

ცივი წყალი მოგვირბენია შვილიშვილმა, მოვიკალით წყურვილი და გავაგრძელეთ თოხნა.

სანე შევჩერდიო, ისევ იკითხა ბოჩიამ. მეოთხე სადღეგრძელოზე ხარმეთქი, ხო, ჩემო ბატონოო და გააგრძელა მეოთხედან.

ამ ჭიქით ქართველი მწერლების სადღეგრძელო უნდა ვთქვა იაკობ გოგებაშვილის თამაღობითქვა.

რატომ გოგებაშვილის თამაღობითო, გულმოსულივით შამომხედა, გოგებაშვილმა გვაჩუქა დედა ენა და იმიტომ, დედა ენა რომ არ გვეკონოდს, რას დაწერდნენ დანარჩენებითქვა, ვინ დანარჩენებიო, აქით მკითხა კიდო, ვიფიქრე, ასე მალე რამ დაათრო ეს კაცი თქვა და ჩამოვყევი, წიგნებს მაინცდამაინც კი არ ვკითხულობ, მარა სათაყვანებელი მწერლები: ილია, აკაკი, შოთა, ვაჟა, ის რომაა კიდო ეე!!! რას დაწერდნენ დედაენის გარეშეთქვა. ხო არ გემლება რამეო, — დამეკითხა, მე ვუთხარი, მე არ მემლება და შენ ქე უნდა გცოდნოდათქვა. უმაღლესი არ დამიმთავრებია, მარა ჩემმა შვილებმა ხომ დამთავრესთქვა.

იმათ ნათქვამს იმეორებ თუ შენ იცი ასე წყობილოთ ყველაფერიო.

ვინმეს სასწავლებელი რა მჭირს, ეგ მთელმა ქვეყანამ იცისთქვა, რაღა უნდა გითხრაო და დამანება თავი, კაცს რომ ეს არ ეცოდინება, მწერალია ის?! მეოთხე ჭიქა კი დალია რაცხანაირად იყო, აღარ შემძლიაო და საძინებელში შევიდა. სამი ორშიმო ღვინო დავლიეთ მას მერე.

უესმენდი ბოჩიას, არც ხათრით გამცინებია, არც ისე, ტყულა ემდური იმ კაცს-მეთქი, რავა, არც შენ იცი, დედა-ენა

გოგებაშვილმა რომ მოგვცაო, თოხნას თავი ანება. მის გამო-
ხედვაში მართლაც ვაცის სიჯიუტე გამოსჭვიოდა.

ამ საუბრიდან ერთი წლის შემდეგ ყანის მარგველაში
ვშველოდით იმ ახალ მეზობელს. ჩემს გასაგონად მოუხადა
ბოლიში ბოჩაამ – დედა-ენა მართლა უჩუქნია იაკობ გოგებაშ-
ვილს, მაგრამ გვიან უჩუქნიაო.

ბოჩიამ და ივლიტამ ოქროს ქორწილი აღნიშნეს. სტუმრე-
ბი არ ჰყოლიათ, შინაურები და რამდენიმე ახლო მეზობელი
უჯდა მაგიდას.

მკლავი სუსტი, მუხლი ვერლავეს, თვალი ახლოს, ყური
შორს, დაგეაჩაჩანაკა სიბერემ და ვუცდით, როდის ამოგვაძ-
რობს სულსო, ნაღვლიანად ჩამოყვა ბოჩია. სამადლობელი
თქვა, ჯერ ივლიტა აღდეგრძელა, ვეღარ შეამჩნია, რა ფერა
ჰქონდა ივლიტას თვალებს. ჩვენ გაგვიმარჯოსო, ჭიქები მი-
აჭახუნეს, ბებრულად გაუღიმეს ერთმანეთს, და კვლავ გამოჩ-
ნდა ივლიტას აცრემლებულ თვალებში მოცურავე ორი ცის-
ფერი ბოჩია.

მეოთხე ღილის ამბიდან ნახევარი საუკუნე გაფრენილიყო.
ფოფინარი მთვარე დაჰყურებოდა ქვეყანას.

დაღუპული სასიძო

თანდილა იმ გოგოს გულისთვის არ ჩამოსულა ქუთაისში. სიძარტლე რომ გითხრათ, მას მხოლოდ მაშინ გაახსენდა იგი, როცა ზალხით გაჭედილი ავტობუსიდან გამოძვრა, ტანსაცმელი შეისწორა და იმ ქუჩას გაუყვა, ავტოსადგურიდან უნივერსიტეტისკენ რომ მიემართებოდა. შარშანაც ეს გზა არჩია. ასეთივე თბილი დღე იყო შარშანაც. მაინც როგორ აეწყო... საქმე კი არაფერი ჰქონია, ისე ჩამოვიდა სოფლიდან, შორსაც არაა უნაბეთი. დილით ჩამოსულ კაცს შეუძლია სულდათქმულად აკეთოს თავისი საქმე და საღამოს ისევ გაჰყვეს ბოლო ავტობუსს.

შარშანდელზე მოგახსენებთ, სრულიად უსაქმოდ და უმიზნოდ იყო ჩამოსული თანდილა, გავიელ-გამოვიელი, თვალს წყალს დავალევიინებ და დაებრუნდები უკანო, ფიქრობდა, მაგრამ ნათქვამია: ბედი უკრავს კაცზე, კაცი — საღამურზეო. თანდილა კი ჩამოვიდა საღამურით, მაგრამ, ბედს არ ეძინა თურმე...

მიუყვება თანდილა ქუჩას. ზემოდან ხელისგულივით ჩანს ბალახვანი. ახითხითებული ტყემლები და აკვასკვასებული ატმები სილამაზეში გასჯიბრებია ერთმანეთს. გაზაფხულის სითბოს ქალიშვილებიც გამოუტყუებია გარეთ. სავსეა თანარის ქუჩა ზეინაბებით. გოგონებს შილიფად აცვიათ. აღრინდელ, ჩაფორიალებულ კაბებს სიგრძე დაკლებია. ვერ გეტყვით, მოდამ იმუშავა თუ ქსოვილის სიძვირემ, თითო მტკაველით, ზოგის კაბა მეტითაც ასცილებია მუხლისთავებს, აყვავებული ხეების არ იყოს, გოგონებიც გასჯიბრებიან სიკეკლუცეში ერთმანეთს.

თანდილას ტყემალიც უყვარს და ატამიც, მაგრამ ამეების შემხედვარემ თავი ანება ბალახვნის ფერწერას და უფრო საინტერესო ნატურების ცქერით გაერთო. განსაკუთრებით ერთ-

მა ზეინაბმა მიიტაცა თვალი. თვალი ოხერია, თუ რამეს შე-
ასწარი, მიგრჩება ზედ და ველერ მოწყვეტ მზერას, ასე დაე-
მართა თანდილასაც. იმ ზეინაბმა მოსტაცა თვალი, სანამ ჩა-
უვლიდა, ხომ უყურა, ჩაუარა და რას შეხედავდა უკეთესს,
ისედაც მოკლე კაბის უკანა ხედს ჭრილიც ჰქონდა, ჭრილი-
დან ყოველი ნაბიჯის გადადგმაზე ელვა იმზირებოდა. ელვა
როგორ არ უნახავს თანდილას, მაგრამ ეს თეთრი ელვა იყო,
თბილი ელვა. კაცი წინ რომ მიდის, უკან რატომ იხედება თუ
იცრით, იმიტომ, რომ უკან თვალები არ აქვს. მოიხედავს უკან
და წინ რჩება უთვალოდ, კი არ ვარგა. ასე ფიქრობდა თანდი-
ლაც. გაიფიქრა თუ არა, კიდევაც დაეტაკა ვილაცახ და გაქ-
რა ელვა.

— უკაცრავად, — თავის მობრუნებამდე წაილულლულა თან-
დილამ.

— რას ბრძანებთ, ჩემი ბრალი იყო, — ესალბუნა ყურს ქა-
ლის ხმა.

მოიხედა თანდილამ და სიტყვა გაუწყდა, მის წინ. მეორე
ელვა ენთო, სასწაული ხმაც ჰქონდა, ასეთ ხმას ეძახიან ხა-
ვერდოვანს ალბათ.

— უკან მოვიხედე და... — აქით ებოდიშებოდა ელვა თუ
შუქურა.

— როგორ გეკადრებთ, სასიამოვნოც კი იყო...

ორი სხეულის შეჯახება რომ სასიამოვნო აღმოჩნდა, სი-
ცილი აუტყდათ, სიცილ-სიცილში ერთმანეთს ათვალეიერებდ-
ნენ. ყველაფერს დასასრული აქვს და სიცილიც რომ მოათა-
ვეს, უკვე იცოდნენ, ქორწინების ბეჭდით არც ქალიშვილი იყო
დარგოლური და არც ვაჟი. ქალის ზედა ტუჩს ზორბლის
მარცვლისოდენა ხალი ამშვენებდა, ვაჟს სიცილისას ორივე
ლოყაზე პატარა ღრმულები უჩნდებოდა.

— თანდილა! — თქვა ვაჟმა და ხელი გაუწოდა.

— მერი.

— შენ ჯვარს იწერდი იმ ღამეს, მერი... — მოიშველია გალაკტიონი, გუნებაში ხალის ახლო-მასლო სუნთქვის მობრუნება ინატრა, ხმამაღლა კი უფრო საფუძვლიანად გაეცნო ქალიშვილს.

— თანდილა ვარ, უნაგირელი, სოფელ უნაბეთიდან, — ძლივს შეეღია ქალის ხელს.

— ეგ საითაა... უნაბეთი.

— აქით, — ხელი ჩხარისკენ გაიშვირა თანდილამ, — ამ საღამოს თავისუფალი ხართ?!

— ამ საღამოს არა, ამ საღამოს ჯვარს ვიწერ, უნაგირელო.

— ხელ საღამოს?! — იკითხა დაბნეულმა ბიჭმა.

— ყოველდღე ხომ არ დავიწერ ჯვარს, — აკისკისდა მერი.

ქალის ხმამ აგიზგიზებული ატმები გაახსენა, თანდილა უახარხარდა. კულტურულად, უნაბეთში რომ ხარხარებენ მთელი სულით და გულით, ისე.

ამ დღის მერე თანდილა ხშირ-ხშირად ჩამოდიოდა სოფლიდან. უნივერსიტეტში აკითხავდა მერის. მთელი კურსი საძებს ეძახდა. ხან სად დადიოდნენ, ხან სად. მარტო კი არა, მერის ყოველთვის ახლდა ორი-სამი თანაკურსელი, თანდილა შოკოლადებით და სალეჭი რეზინებით უმასპინძლებოდა. მარტო ვერ იქნა და ვერ მოიხელთა მერი, არადა ოთხმაგად ილეჭებოდა ვალიკოს ნაშოვნნი ფულები.

ვალიკო თანდილას მამაა. ამასწინათ ყანას თესავდნენ. ვენახის ბოლოს, ღელესთან, ატმის ხეები დაანახა მამას თანდილამ.

— შეხედე რა ლამაზია, რა ჯობია ამათ ყურებას, — ატმის ხეების დანახვაზე მერი ახსენდებოდა და აღარც ხენა უნდოდა, აღარც სოფელი.

— ატამი კაია, კაი, ზოგი საკბეჩია, ზოგი სახეთქი, ორივე ჩინჩლიანი კია, — თქვა ვალიკომ და სახრე წაუცაცუნა ყვავილას, — თავის ხარს, თავივით რომ უყვარდა და უვლიდა.

— ჩინჩლიანი არა ის, — ჩაიბუზღუნა თანდილამ.

— ეიშ! ოოუ!!! — ისევ წააქება ხარები ვალიკომ, — გუშინ ვილაც ორ კაცს აუვლია ჩვენ სახლთან, ერთს უთქვამს, ამას რავა გაეატან ქალს, რას უგავს ღობე-ჭიშკარიო.

— იმის გამოგზავნილი იქნება, არ უნდა ლაპარაკი.

— ვისი?

— ვისი და გოგო მყავს ერთი, ქუთაისში, გვზვერავენ ესე იგი.

სულ მალე ახალი ჭიშკარი და ღობე შემოევლო ვალიკოს ეზო-კარს. თანდილა მთელი თვე მოუნდა მეზობლებში წან-წალს, ფული შეევაგროვოთ და გზა შეეაკეთოთ. ორი-სამი მეზობლის გარდა კაციშვილს არ გაუსვია ჯიბეზე ხელი, მამაშვილმა გაიღო ლომის წილი და ასე თუ ისე დაამგვანეს გზას.

ამასწინათ ახლოური საზღვარგარეთიდან ძმა ჩამოვიდა შვებულებით, თანდილას უფროსი, ქუდი ჩამოუტანა საჩუქრად, უკეთესს რას ნახავ. მოუარეო, — გაუფრთხილებია ძმას, ყველგან ნუ დაიხურავ, ასეთი ქუდი უყვარდა ჩარლი ჩაპლინს, უბრალო არ გეგონოს, კანადური შალია, როგორც ჩვენთანაა ზესტაფონი, ისეთი ქალაქი ყოფილა იქ, კანადაში, კვებეკი, კვებეკშია დამზადებულიო. ჩაპლინს თუ უყვარდა, მე რატომ უნდა მძულდესო, უთქვამს თანდილას და მის მერე ქუთაისში სულ კვებეკურად დადიოდა. მთელი ქალაქი თვალს აყოლებდა თანდილას. თითოთ სჩვენებელი შეიქნა. თავად არაფერს იმჩნევდა, ისე დადიოდა, თითქოს სულ არ ეხურა ჩარლის ქუდი. განსაკუთრებით უნივერსიტეტში დაინტერესდნენ, აქამდე ისე შედიოდა და გამოდიოდა; არავინ ამჩნევდა, ახლა თვალის მოწყვეტა ეძნელებოდა ყველას. მერის ამხანაგები ზომ აღფრთოვანებულები დარჩნენ. ამით ნასიამოვნებმა თანდილამ ახალ კანოფილმზე მიიპატიჟა მთელი კურსი. კინოც მოეწონათ, სნიკერსიც, საღეჭი რეზინაც, ყველაფერზე დიდი შთაბეჭდილება კვებეკურმა ქუდმა დატოვა მაინც. თავების მეტი რაა ამქვეყ-

ნად, მაგრამ ჩარლის ქუდი ერთ თავს ეხურა და ეს ერთი თავი თანდილასი იყო.

ამის მერე ესმოდა თანდილას: შლიაპა მოვიდა, შლიაპა წავიდა, შლიაპამ დაგვპატიჟა და მიხედა თანდილა, შლიაპა რომ გამხდარიყო მისუნებურად. მერისგან არ გაუგონია ბრუნდი სახელი. ამიტომაც მერის გარდა ყველას აღმაცერად უყურებდა. მერის ისე ეჭირა თავი, თითქოს მოსწონდა კიდეც თანდილას თავსახური. მეტი რა უნდოდა თანდილას.

ერთ დღეს უქულოდ ჩამოვიდა მერის სანახავად. ქუჩაში აღარავის მიუქცევია ყურადღება. უნივერსიტეტის ეზოში რომ შეაბიჯა, თითქოს ჩარლის ქუდი ახურავსო, ისე იუხერხულა. მეორე კორპუსის კიბეს რომ აუყვა, ზემოდან მერის თანაკურსელის ხმა მოესმა:

— გოგოებო. შლიაპა ჩამოსულა თავმობდილი!
უკვე აღარაფერი მნიშვნელობა ჰქონდა, როგორ ჩამოვიდოდა თანდილა, ქუდით, უქულოდ, მუზარადით თუ ყაბალანით, მაინც შლიაპა იყო.

მესამე სართულზე ის გოგონა შეეფეთა, მისი მოსვლის ამბავი რომ გააგებინა დანარჩენებს. ვილაც „ფირმა“ ვაჟისთვის გამოედო ხელკავი და ქვემოთკენ მიიჩქაროდნენ.

— შლიაპას გაუმარჯოს, — მიესალმა თანდილას.

„ფირმას“ ისე გაეხარდა შლიაპას გავონება, ყველა კბილი გამოაჩინა, რაც გააჩნდა. სიბრძნის კბილი აკლდა და რასაკვირველია, არც გამოჩენია.

ის კი არა, ფასადის კბილები ჩამოსაღები მოეჩვენა თანდილას, მაგრამ ამას დრო და ადგილი უნდოდა შესაფერი.

გოგონამ ხელი უბიძგა „ფირმას“, — წადი, ახლავე დაგეწევი, შლიაპას რაღაც უნდა ვუთხრაო.

— ხომ არ გწყინს, შლიაპას რმ გეძახიით?!

— არა, პირიქით, — ცოტა უკმეხად უპასუხა თანდილამ.

— ასეც ვიცოდი... ჩვენ ყველას მეტსახელს ვარქმევთ, ამ ბიჭს ბათაყვას ვეძახით, კიბისკენ აიქნია ხელი.

— მერის?!

— მერის, წუნიას.

— რატომ?

— ყველას იწუნებს, მხოლოდ შენ მოათვინიერე, დღეს მერი არ მოსულა.

— ავად ხომ არაა?!

— არა, ავად არა, ისე, ერთი რამ ვიცი, სოფელში არ გაათხოვებენ, ერთოთახიანი ბინა მაინც რომ გაყიდია სადმე, ცენტრში, თავი ქუდში გექნება.— ქულის ხსენებაზე ორივეს შლია-პა გაახსენდათ და იშვა თავი სიცილმა.

— შენთვის კარგი მინდა და მიტო გეუბნები, აბა, წავედი!— ხელი აუწია თანდილას და კისრისტეხით გამოუდგა ბათაყვას. რახან მერი იქ აღარ აღმოჩნდა, თანდილაც დაუყვა კიბეს.

— ვინაა ეს ჭუკი, — წაესმა ბათაყვას ხმა.

— სუუუ, არ გაიგონოს, სოფლელი ტიპია, მერის ეპაღბოდება მისი ჭკუით.

— ჭუკიც ვყოფლვარ, — ჩაიღუღლულა თანდილამ. კი ეწყინა, რაც გააგონეს, მაგრამ, იმ საფიქრალმა, სახლი რომ უნდა ეყიდა, ყველაფერი გადაფარა. სახლის ყიდვა ხუმრობა არ იყო, მაგრამ ამ საქმის გამოვარგებაც შეიძლებოდა, თუ ვალიკო დაუდგებოდა გვერდით, გვერდით კი არა, ვალიკოს უნდა მოეგვარებია ეს საქმე, დანარჩენს თანდილაც მიხედავდა.

თერჯოლის ავტობუსს გაჰყვა გადასახვევამდე. სამი კილომეტრი შეუმჩნევლად გაიარა, ჭიშკარი რომ შეაღო, მაშინ შეახსენა თავი დაღლამ. ვალიკოს ჭილოფი გაეფინა ნიგვზის ჩრდილში. ჩაძინებამდე, როგორც ჩანს, წიგნს კითხულობდა. წიგნის დამჭერი ხელი ცარიელი შერჩენოდა ჰაერში, მეორე თავქვეშ ამოედო და ხერინავდა ხარისხიანად. ხელიდან გავარდნილ წიგნს ქარი დაპატრონებოდა და ფურცლავდა მარცხნიდან მარჯვნივ, ხან პირიქით.

— ეს ხვრინავს ჩეროში, — უკმაყოფილოდ გააქნია თავი თანდილამ. მერე ჭილოფზე დარჩენილი ადგილი მისთვისაც საკპარისად მოეჩვენა, მიუწვა გვერდით და დაქანცული სხეული ძილს მიანება.

თითქმის ერთდროულად გაელვიდა მამა-შვილს.

— როდის მიდის, როდის მოდის, ვერ გაიგებ, — აბუზღუნდა ვალიკო, — ცოლი არ გინდა, მამააა?!

თანდილამ თმის ხარჯზე გაზრდილი შუბლი მოიფხანა, აღმაცერად გახედა ვალიკოს, ხომ არ დამცინისო, გამქირდა-ვი ვერაფერი დაიჭირა მამის მზერაში და გულახდილად გამოტყდა:

— მინდა, მამა, მინდა!!!

— თუ გინდა, სადაა... გაგიკეთე ღობე, ჭიშკარი, გზა, ამდენი ფული ჩაეყარეთ, დაგვლუპა ხალხი და კიდევ არ მოგყვება?!

— სოფელში ვერ ვიცხოვრებ, ქალაქში რომ მოგცა ბინაო...

— მერე რას ფიქრობ, მამა!

— რას ვფიქრობ... რას ვფიქრობ და გაყვილოთ ყვავილა და ერთი ძროხა, იმ ფულით ქე გავახერხებთ რამეს და იქნება დამადგეს საშველი.

— ყვავილას თუ გაყვიდით, დაგადგება საშველი ვითამ?!

— ხო, მამა.

— მერე ყანა რითი დაეხნა, შენი... — დედა ახსენა არასახარბიელო კონტექსტში მამამ.

თანდილამ ვერ უთხრა, ყვავილას გარეშე რით დახნავდნენ ყანას, მაგრამ, სხვა რამემ გააბრაზა:

— დედას რატომ მაგინებ, მამა?!

— კი არ მაგინებ, გისრულებ წამდენი ხანია, შენისთანა კიტრები ხეზე კი არ იკრიფება.

ერთი სიტყვით, მამა-შვილს შორის კატამ გაიარა. თვეზე მეტი იწვა თანდილა და მისჩერებოდა ერთ წერტილს ჭერზე.

შვილის დაჟინებულმა მზერამ ჩააფიქრა მშობლები. ყვავილა კერ გაიმეტეს, მაგრამ ძროხა, სხვა რალაცეები მიყიდ-მოყიდეს და შეიძინეს ქუთაისში ერთოთახიანი, კეთილ-კეთილმო-უწყობელი, მაგრამ მრავალიმედიანი ბინა. მოსწყვიტა თანდელამ მზერა ერთ წერტილს და როგორც გითხარით, იმედიანად გაიხედა სამი წერტილისაკენ.

ვალიკო ნაკლებ შინაარსიანად როდი იხსენიებდა უცნობი სარძლოს მშობელს, — ჯერ არ შემოსულა ეჯახში, დაგვლუპა და დაგვაქცია, რო შემოვა, მერე რას იზამს, მაგისიო... და ასე შემდეგ და ასე შემდეგ.

უსაზღვრო შეიქნა თანდილას სიხარული, სახლის გასაღები რომ ჩაუცურა კურტაკის ჯიბეში ვალიკომ. ველარ დაიძინა იმ ღამით. უხედარი ახალცხენივით დაუოკებელი ფიქრები მიეძალა. გათენებისთანავე გაფრინდა მერისკენ. დიდი სიხარულიც დაემგზავრა. გულით იმედი მიჰქონდა, ჯიბით გასაღები, — პასპარდუ გასაღები, სახლის კარის გარდა სხვა რამეების გაღებაც რომ შეეძლო.

მერის არც მისაღმებია, სახლი ვიყიდე ბალახვანშიო, მიახარა.

— რა ვიყიდეო, რა თქვი?!

სახლი.

— სახლი... ბალახვანში?!

— ჰო!

— მეზობლები გაემზდარვართ.

ოოო, როგორ ეწყინა თანდილას, მეზობლობაში რომ გადაზარდა მერიმ ის პატარა სიახლოვე, რაც აქამდე არსებობდა მათ შორის. შლიაპა გახდა, ჭუკიც, ახლა მეზობელიო, მერის თან მეზობლობა რაში აწყობდა. ნელი, ჩოჩიალა ნაბიჯებით გამობრუნდა უკან თანდილა. უპასუხოდ დატოვა ახალი „მეზობელი“, დიდი ტკივილი და გასაღები წამოჰყვა თან. „შლიაპა“ დარჩა უნივერსიტეტში, მაგრამ ბათაყვას გოგომ დააწია ქოშინით.

— რა გაწყენიეს ასე მწარედ, შლიაპააა?!

თანდილამ უაზრო მზერა მიაშტერა მერის ამხანაგს
— როგორც გითხარი, სახლი იყიდე, უნივერსიტეტში თუ
არა, ინსტიტუტში მაინც მოეწყვე და ყველაფერი რიგზე იქნე-
ბა, შლიაპას ვენაცვალე, — გააგრძელა ისევ თავისებურად იმ
გოგომ.

— თქვენი შლიაპა და თქვენი მეზობლებიც, — შეიკურთხა
თანდილამ, ჯიბეები მოიქექა, სახლის, გასაღები ამოიღო და
ზაურია კაკაბაძის კოტეჯისკენ მოისროლა, მობრუნდა და ჩქარი
ნაბიჯით დაადგა იმ გზას, აქეთობისას იმედით რომ მოუყვე-
ბოდა.

წყალწითელას ხიდი გადაიარა... გადაიარა და მიხვდა, ფე-
ხით შედგომოდა სოფლის გზას. გამობრუნდა სადგურისკენ.
რიყის ქვას გამეტებით მოუქნია ფეხი. გაბრაზებულმა კაცმა
იცის ასე. ფეხი ეტკინა. რომ ეტკინა, ეამა კიდეც. უშანგი
იაშვილის ეზოს ამოუარა, მაისის ატმები სიმწიფეში შესუ-
ლიყო. ატმების დანახვამ მთლად გადარია. ახლა მეორე ფეხი
მოუქნია უფრო მოზრდილ ქვას. ფეხის ტკივილმა სახე მოუქ-
ცია, ეს მოქცეული სახე ჩაყვა სახლში და უთქმელად მიხვდა
ყველაფერს ვალიკო. გასაღების ამბავი არ გაუმხელია თანდი-
ლას.

— უმაღლესში მოეწყვე და გამოგყვებიო, — მართალივით
შეატყუა მოგონილი პირობა მამას.

— უმაღლესი სახლზე იაფი კი არ დაჯდება, შვილო!

— თუ სახელმწიფო ინსტიტუტში შეხვალ, მეტი დაჯდება,
თან მომზადებულიც უნდა იყო, კომერციული ჯოპია, ფულს
გადაიხდი, გინდა ისწავლი, გინდა არა...

— გინდა, წახვალ, გინდა, არა, — წაეხმარა შვილს ვალიკო.

— ჰო, მამა!

— მერე მაგაში გინდათ გადაამყრევით ფულები?! ვის გა-
დაეკიდე, შე შობელძაღლო, ნელ-ნელა რო გვაძრობს სულს,
ახლა ჭიშკარიო, მერე სახლიო, ბოლოს უმაღლესიო, კაი,
ვთქვათ, მოეწყვე ინსტიტუტში და კილო გითხრა ვარი, სად
მიდიხარ მერე, რაღა გვეშველება, ზომ დაეიღუპეთ მე მაგისიო —
და გამხიარულებული კახელივით გამართული წინადადებებო
მიაყოლა ერთმანეთს გეგმაზომიერად და გულსაფხანად.

თანდილა იმ გოგოს გულისთვის არ ჩამოსულა ქუთაისში. აღარც ატმის ხეების ცქერით ერთობა და აღარც ზეინაბებს მოკლე კაბებისკენ აპარებს მზერას. ტყუილა გააკეთა ჭიშკარაც, ღობეც, ტყუილა იყიდა ქალაქში სახლი. ტყუილა ჩაყარა კომერციულ ინსტიტუტში ამერიკული ვალიუტა. დაღუპა იმ ერთმა უკან მოხედვამ.

ამასწინათ მერის ამბავი გაუგია ბათაყვას გოგოსგან: შორეულ საზღვარგარეთ გათხოვდაო, ავსტრალიელ ქართველს გაჰყოლია ცხრა მთასა და ცხრა ზღვას იქით. ზესტაფონივით ქალაქი ყოფილა ავსტრალიაში, მელბურნი, თურმე იქ ცხოვრობს წყნარი ოკეანის სანაპიროზე, საკუთარ ვილაშიო.

— მე ქე დამღუპა და ახლა სადაც უნდა იქ იცხოვროსო, — უთხრა თანდილამ იმ გოგოს და ვალიკოს ფულით ნაყიდი „დონალდოს“ დეჭვა-დეჭვით შეალაჯა კომერციულ უმაღლესში.

ცხოვრება მიღის უკავშირებით
კომანი

რომანი, „ცხოვრება მიდის ურეპეტიციოდ“ იმ ახალგაზრდების ცხოვრებას ეხება, სავალდებულო სამხედრო სამსახურს რომ გადიან. მასში გდმოცემულია მშვიდობის პერიოდში ჯარისკაცური ცხოვრების ყოველდღიურობა, სიძნელე და სიხარული, გაჭირვება და დალხინება, იმ მოვალეობის ღრმა გრძნობა, რასაც ქვეყანა ფარაჯიან ბიჭებს აკისრებს.

ნაწარმოებში მხატვრული დამაჯერებლობით და მსუბუქი იუმორითაა გადმოცემული, როგორ აწრთობს და ამზადებს ახალგაზრდებს სამხედრო სამსახური მომავალი ცხოვრებისთვის. ამასთანავე ავტორი იმ ჭრილობებზეც მოგვითხრობს, მეორე მსოფლიო ომში რომ მიაყენა ჩვენს ქვეყანას და ხალხს.

ჭიშურა გაეიარეთ. მანქანებმა ის იყო აღმართი აათავეს, რომ აკაცების ჩრდილში მღვარი ვილისი შეენიშნეთ. იქვე სამხედრო კომსარი და მეორე ნაწილის უფროსი საუბრობდნენ. მათ ნიშანზე ავტობუსები ვილისის უკან გააჩერეს.

— ჩახვალთ და ორ მწკრივად მოეწყობით, — გვეუბნება ლეიტენანტი ბობკოვი.

— ზურგჩანთებიც ჩამოიტანეთ, — ვავიგონეთ განყოფილების უფროსის ხმა, მაიორის სამხრეები რომ ჰქონდა.

პირველი ავტობუსის მგზავრები, თუ შეიძლება ასე ვუწოდოთ ჯარში მიმავალ ბიჭებს, უკვე მოწყობილიყვნენ.

— სმენა! — ბრძანა ბობკოვმა და კომისარს ახალწვეულების საბოლოო შემოწმებისათვის. მზადყოფნა უპატაკა.

— თავისუფლად! შეგიძლიათ შეამოწმოთ პირადი შემადგენლობა, — ნება დართო კომისარმა.

დაიწყეს სიის ამოკითხვა. შემდეგ ზურგჩანთები გაგვახსნიეინეს და სათითაოდ შეამოწმეს. ყველას აღმოგვაჩნდა თითო-ოროლა ბოთლი ჭაჭის არაყი.

— ეს რა გიქნიათ, — შეწუხდა კომისარი, — საცოდაობაა, მაგრამ სხვა გზა არაა!.. დააქციეთ! — ბრძანა ბოლოს.

შეგროვილ ბოთლებთან დიდი ქვა იყო, დახვრეტილი და ლამაზი, კაცის ხელით ნაცოდვილარს არ ჰგავდა, უფრო დიდი შემოქმედის ბეჭედი აჩნდა ძველისძველ ქვასასწაულს. ბობკოვი ბოთლებს ხსნიდა, ქვის ძაბრისებურ ნახვრეტში ასხამდა, მძაფრი სუნი რომ აეცილებია, ცხვირი გვერდზე გაეწია. ქვის ძაბრულაში მოხვედრილი არაყი შუაში მილიკლიკებდა, მერე სხვადასხვა ნახვრეტში ნაწილდებოდა.

— ამხანაგო პოლკოვნიკო, დომენტი ბაბუამ იმიტომ გამო-
ხადა „ჭაჭა“, ჭიშურის აყალო გვეზილა?! — იკითხა რეზომ.

— ვიცი, თქვენზე უკეთ ვიცი, რისთვისაც ხდიან არაყს...
არ შეიძლება.. ჩათვალეთ, თითქოს ომში დაღუპული, თქვენი
ტოლა ბიჭების შესანდობარი დაგელიოთ.

ჰაერი სპირტის სუნით გაიჟღინთა. მზიანი ამინდი იყო
და თვალნათლივ ჩანდა, როგორ ორბქლდებოდა არაყი.

— ხვალ აქ არაყის წვიმა მოვა, — ამბობს რეზო.

— წვიმის მოსულა არ სჯობს? ამდენი არაყი დივიზიას და-
ათრობდა, — პასუხობს ქვანყოფილების უფროსი.

ბობკოვი გასავათდა, მეორე ოფიცერიც ეხმარებოდა. ქვის
ღრუში მოხვედრილი სითხე ახლა უფრო ყრუდ ბუყბუყებდა.
დაცლილი ბოთლი უხერხულად შერჩა ლეიტენანტს, ისიც
ცარიელ ბოთლებთან დააგდო. ფეხი უბიძგა წვიპზე შემდგარ
ქვას. გაღიზიანებული კაცი ჯავრს რომ იყრის რაღაცაზე,
ისე. ჯერ ზღაზვნით გადაგორდა ქვა, დამრეცი ფერდობი რახან
თავისად დაიგულა, გამოცოცხლდა, ბოლოს ისე გადაირია,
წინ ველარაფერი დაუდგებოდა, წამიც და ყვირილას შავ
ჩქერებში მოადინა დგაფანი.

კომისარი ყველაფერს ხარბად აღევენებდა თვალს. მზერა
იმ ადგილს მიაყინა, სადაც ქვა გაუჩინარდა. კარგა ხანს იდგა
ასე, მერე ერთი ბოთლი არაყი იქ დააქცია, ქვა რომ იღო.

— მათი ხსოვნისა იყოს, — ჩაილაპარაკა ჩუმად, ჩაჯდა ვი-
ლისში და უკან გაბრუნდა.

ავტობუსში ჩავსხედით და გზა განვაგრძეთ. ფანჯრიდან
ვიყურებოდით, სულ მცირე, სამი წლით მაინც ვემშვიდობე-
ბოდით ყველაფერს, რაც ავტობუსიდან ჩანდა. ის დღე გა-
მანხსენდა, ატესტატები რომ დაგვირიგეს, დაემშვიდობეთ
სკოლას და პედაგოგებს, ეზოდან გადმოვაბიჯეთ.

— ბიჭებო, ცოტა ხნით ბაღში ჩამოვსხდეთ, გავამზილოთ,
ვინ საით აპირებს, — შემოგეთავაზა მაშინ გურამმა.

— ვინ დცის, რისი საბუთია ეს? — გვეკითხება თამაზი და
ატესტატი თავსზემთ შვათამაშა.

— სიმ-წი-ფის ა-ტეს-ტა-ტი! — ჩამომარცვლა გიულიმ, —
ესე იგი, დავმწიფდით, ნოდარი მოიხარშა, ჯუმბერი გამო-

ცხვა, ბარეორი ჯერ ისევ ცომია. ვგონებ, ადრე დაგვირიგეს ეს საბუთები. ვთქვათ, მე მეკუთვნოდა, კიდეც რამდენიმეს, მაგრამ რა დროს ლევანის სიმწიფეა ჯერ, — გაიცინა და ხელი ჩემკენ მოაშვირა.

— მაინც რას აპირებ? — მეკითხება რეზო.

— ისტორიულზე შეეიტან საბუთებს.

— მეც!

— მოიცათ, მოიცათ! საუკუნეების მიღმა რომ მიძვრებით, აქეთ რას გეიპირებთ?! — წამოიყვირა გიულიმ და თვალები დაგვიბრიალა „ისტორიკოსებს“.

— ჩვენ — აქეთაც და იქითაც, თვითონ რას პირდები ქვეყანას? — იკითხა რეზომ.

— ჯერ ავტოქარხანაში, მერე ვნახოთ! — თქვა გიულიმ.

— ვნახოთ! — გაეპასუხა რეზოც.

ჩვენ წინ ბეჭებში მოხრილი მწითური ბიჭი აისვეტა. მხრიდან შავ ნაჭერში გახვეული ყუთი ჩამოიღო, სამ ფეხზე გააბაჯაჯგინა და თვალი ჩაგვიკრა.

— გადაგვიღე, „გრაფი“! — შევეხმიანეთ.

— მაგისტვის ვდგავარ შრომის ვახტზე, — კბილები გამოაჩინა „გრაფმა“.

ატყდა ქოჩრების ზწორება, „გრაფი“ დონჯშემოყრილი გვიცდიდა, თან რაღაც მელოდიას უსტვენდა. მესურათეს კარგად ვიცნობდით. ჩვენზე უფროსი იქნებოდა. რაც გვახსოვს, სულ შეგირდი იყო. ადრე ზედმეტ სახელად „რიჟას“ ვეძახდით. გვეხვეწებოდა: მაგას — ნუ, სხვა რაც გინდათ... მეტრიკაში შალიკო მიწერია, თქვენ ფოტოგრაფი დამიძახეთ, ი, გულ რო მიხეთქამთო...

ფოტოგრაფი გრძელი მოგვეჩვენა და შევამოკლეთ. შალიკო აღარ ბრაზობდა, ახალი სახელი მოსწონდა კიდეც.

როგორც იქნა დავლაგდით. „გრაფმა“ შავ ნაჭერში შემალა „ცეცხლწაკიდებული“ თავი. იჯახირა კარგა ხანს, — არ გაინძრეთო, — გაგვაფრთხილა და მორჩა საქმეს.

ერთი კვირის შემდეგ სურათები დაგვირიგა. სურათებიდან ღიმილით გვიმზერდა ორი „ისტორიკოსი“, სამი „ექიმი“, ოთხი „ავტომშენებელი“, ერთი „ასტრონომი“, ორი „არქი-

ტექტორი“ და სამიც გაურკვეველი ხელობის ახალგაზრდა.

— აი, ვინ არი იმედი ხვალის! — ხმამაღლა წამოიძახა რეზომ და სურათი ფრთხილად შეინახა ჯიბეში.

— მარტო ხვალის? ზეგის არა?! — იკითხა გაოცებულმა „გრაფმა“.

— შენც თუ დაგვემატები, მაზეგაც არაფერი გვიჭირს, — ეუბნება თამაზი.

— ოოო!.. შამოგველეთ, — დამშვიდდა „გრაფი“, აპარატი შავ ნაჭერში გაახვია და სტვენა-სტვენით წავიდა.

— წაათრია ორფეხა ყუიმა სამფეხა ყუთი, — სიცილით ამბობს ოთარი.

— მე კი პირიქით მგონია, — შეეპასუხა თამაზ მორალიშვილი, — მაგას რა უჭირს, ჩვენ ვიკითხვით, ფშვიტინის უფლება რომ არა გვაქვს.

— ვითომ რატომ! უკვე ყველაფრის უფლება გვაქვს, — ჩაგვერია ლევან მიქაბერიძე.

— უფლება არაა საკმარისი, ძმაკაც!

— სურვილიც მაქვს, — თავისაზე იღვანო ლევანი და ეშმაკურად ილიმებოდა.

— ეგ სხვა საქმეა, თუ სურვილიც გაქვს, შეგიძლია იფშვიტინო.

მალე ლევანი ჯარში გაიწვიეს. იგი ჩვენზე უფროსი იყო. სამი წლის შემდეგ დაბრუნდა. მილიციის სამმართველოში დაიწყო მუშაობა და შეგვისრულა დანაპირები.

მე და რეზო ისტორიკოსობას ვფიქრობდით, მაგრამ მშობლებმა დაგვიჩინეს: თქვენგან შესანიშნავი ინჟინრები დადგებო. ხათრი ვერ გავუტეხეთ და პოლიტექნიკურ ინსტიტუტში შესასვლელად დავიწყეთ მზადება. გამოცდებამდე მშენებლობაზე ვმუშაობდით ქალაქის გარეუბანში.

პირველი გამოცდა მათემატიკის წერაში უნდა ყოფილიყო, როგორც წინა წლებში, მაგრამ იმ წელიწადს ხაზვით შეცვალეს. ხაზვა არაა ძნელი, თუ იცი. ჩვენ არ ვიცოდით. გამოცდაზე მაინც შევედით. დაგვირიგეს გასრიალებული ქაღალდები, მერე განმარტეს, რა თანმიმდევრობით უნდა გვემუშავნა. აქსონომეტრია, იზომეტრია, ამათ გარდა, კიდევ რამდენიმე,

ჩვენთვის უცნობი სიტყვა ახსენეს და „მიგვიშვეს ღუმელთან“. ორი ხელი მოცემული იყო, მესამე უნდა გვეპონა. დავიწყეთ ძებნა. მე ჩემი გზით წავედი, რეზომ მოკლეზე გადააჭრა.

მეორე დღეს ჩვენს ნაშრომებს ორიანები ამშვენებდა. ადგილობრივ გაზეთს ჩვენი სურათი. ქვემოთ ეწერა: „პოლიტექნიკურ ინსტიტუტში დაიწყო მისაღები გამოცდები. სურათზე: პირველი გამოცდა ხაზვაში“. მე და რეზო ყველაზე წინ ვჩანდით. ნაცნობები გვილოცავენ: გაზეთში ვნახეთო...

გამოვიტანეთ საბუთები და გავაგრძელეთ მუშაობა. ხაზვაშიც ვემზადებოდით ნაცნობ ინჟინერთან. სკოლაში ხაზვას მათემატიკოსი გვასწავლიდა, ხაზვის მაგიერ გეომეტრიის ამოცანებს გვახსნივინებდა ტრიგონომეტრიის დახმარებით, — ეს უფრო გამოგადგებათ ცხოვრებაშიო. ახლა, ხაზვაც საჭიროაო, ჩვენც მივადექით და ეხაზეთ, სანამ ნაცნობმა ინჟინერმა არ გვითხრა: „აწი მესამე ხელს ორივე ერთი გზით იპოვითო...“

მაგრამ... „მაგრამ“ რომ არ იყოს, რა გვიჭირდა. ორი თვით ადრე გამოცხადდა: შარშანდელმა ცდამ არ გაამართლა და ხაზვის გამოცდა ისევ შეიცვლება მათემატიკის წერითო. ახლა ალგებრის მაგალითები ვიყვანეთ სხვადასხვა გზით...

სექტემბერში სამხედრო კომისარიატიდან უწყებები მივიღეთ. გავიარეთ საექიმო კომისია. ათ ნომბერს რეზო უნდა წასულიყო, ოცში — მე. საბავშვო ბაღში ერთად დავდიოდით, სკოლაში ერთად, სამსახურში ერთად, ახლა კი ერთმანეთს გვაშორებდნენ. საცოდაობა იყო. ზუსტად ასე მოვახსენეთ სამხედრო კომისარს. კომისარიც შეწუხდა, თქვენი დაცილება როგორ იქნებაო. განყოფილების უფროსი მოიხბო, კაბინეტში საშუალო ტანის მაიორი შემოვიდა, კომისარმა გააცნო ჩვენი თხოვნა.

— ამხანაგო პოლკოვნიკო! ძნელი საქმე კია, მაგრამ გავახერხებ რაღაცას.

— მაინც რას?!

— ათ ნომბერს გავგზავნი ორივეს.

კომისარმა კმაყოფილება გამოგვისტუმრა. მაიორს შეეყვევით კაბინეტში.

— რომლის ნათესავია კომისარი? — იკითხა განყოფილების უფროსმა და შეგვათვალიერა.

— არცერთის!

— არცერთის?! — გაუკვირდა მაიორს, — კარგი კაცია პირდაპირ, ნამდვილი ადამიანი.

მაიორი „ლ“-ს ისე რბილად ამბობდა, შეემშინდა, საყლაპავ მილში არ გადაცდეს-მეთქი..

— ბობკოვ! — თავი მეორე ოთახისკენ მიაბრუნა მაიორმა.

— გისმენ! — მოახსენა გვერდითი ოთახიდან გამოსულმა ლეიტენანტმა.

ლეიტენანტს თვალები ცალ-ცალკე გაურბოდა. გეგონებოდათ, მაიორსაც უსმენს და ავადმყოფი სიდედრის მდგომარეობაც აწუხებსო. რომელიღაც მსახიობს მაგონებდა მისი პირისახე. კაცი რომ ყოველთვის რალაცის გაფუჭებას ფიქრობს, ისეთი გამოხედვა ჰქონდა.

მაიორმა აუხსნა საქმის ვითარება..

— არის! — გაიჭიმა ლეიტენანტი და თავის ოთახში შებრუნდა. ისევ გამოაღო კარი, თვალებს აცეცებდა, თითქოს ნაჩუქარი ჯაყვა დაჰკარგა და ეძებო. დაბნეული მოგვაჩერდა, ცალი თვალთ რეზოს უყურებდა, მეორეთი — მე.

— მოდიტ ბიჩებო ჩემტან! — გვითხრა და გაუჩინარდა.

შვევდით. ლეიტენანტმა რეზოს ფანჯრის ფარდა გადააწვეინა და შუქი ჩააქრეო, მანიშნა.

— აი ასე! — წამოიძახა „კრამაროვმა“ (როგორც იქნა გავიხსენე მსახიობის გვარი), ხომ შეიძლება ძმა იყოს მისი, — გამიელვა თავში და კინაღამ ვკითხე..

ელექტროენერგია რომ დაგვაზოგვინა, ჩვენი იქ ყოფნა დაივიწყა. ლეიტენანტი თავის ქალაქებში შეიმუდრა, ზოგი აქეთ გადმოაწყო, ზოგი — იქით. მერე ყველაფერი თავიდან გადაამოწმა. ერთი ქალაქი ამოარჩია, თავისთვის იკრუსუნა ცოტა ხანს, მერე დაჭმუჭნა და სანაგვე კალათში მოისროლა. მალე მეორე ქალაქიც მიამატა კალათს, მესამე და მეოთხე რომ დაჭმუჭნა, რალაც გაახსენდა. კალათი მაგიდაზე გადმოაპირქვავა, ქალაქები სათითაოდ გადასინჯა, ერთი დაიტოვა,

სხვები ისევ დაჰმუჭნა. ის ქალღიმილი გულდასმით გაასწორა, რომელიღაც საქმე ამოარჩია და შიგ ჩააკრა. ბოლოს, როცა საკმარისად დაამტკიცა, აქ ტყუილად როდი ვზივარო, გაგვიხსენა.

— შენი გვარი? — ხელი რეზოსკენ გაიშვირა და მე მომაჩერდა.

— ჩემი? — ვკითხე შეეჭვებულმა.

— შენი ბიჩო! — შეუყვირა რეზოს, ისევ მე მიყურებდა.

მერე მე მკითხა გვარი და ცეცხლგამძლე ყუთს მიაჩერდა. იფიქრა, იფიქრა და წამოდგა. კარადის უკნიდან დასაკეცი კიბე გამოიღო. თაროების წინ გაშალა. კიბე დამიჭირეთო, გვანიშნა, აქეთ-იქით მოეკიდეთ ხელი. „კრამაროვი“ თუ მისმა ძმამ მოსინჯა, დარწმუნდა, — კიბე კარგად უკავიათო, პირველ საფეხურზე ავიდა უკუსვლით. მეორეზეც აპირებდა ასვლას, მაგრამ გადაიფიქრა. ბოლოს ქამრის ბალთის პირდაპირ აღმოაჩინა ის ქალღიმილი, რომელსაც ეძებდა, გამოიღო და მაგიდას მიუჯდა.

— თქვენი გვარები? — იკითხა ისევ.

— გოგიაშვილი და ჯავახაძე.

— გ-გ-გ-გ! — აგრუხუნდა ლეიტენანტი, როგორც იქნა.

ამოძებნა ჩვენი საბუთები და ოც ნომბერს გასაგზავნი ჯგუფის სიაში შეიტანა.

— ესეც ასე! ოც ნომბერს, ატ საატზე, ზურგჩანტებიტა და პასპორტებიტ, არა იცო! პასპორტებიტა და ზურგჩანტებიტ გამოცხადლებიტ...

— ჩვენ ათი ნომბერისთვის შევთანხმდით, — ვუთხარი ლეიტენანტს.

— ატი, ატი, მე ვიცი რაც შევთანხმდით, — წამოდგა, მეორე ოთახში გავიდა, იქიდან მაიორის ყვირილი შემოგვესმა. „კრამაროვი“ ზურგით შემობრუნდა თავის ოთახში. წვიმაში გაწუწულს ჰკავდა. დაჯდა სკამზე და ცეცხლგამძლე ყუთს გაბრაზებული მიაჩერდა. მივხვდი, ჩემზე იყო გულმოსული.

შეიდ ნოემბერს მე და რეზო სადღესასწაულო პარადს დავესწარი. რვაში ახლობლები მოვინახულეთ. ცხრაში ზურგჩანთები ჩავალაგეთ. ათში, ათ საათზე ახალწვეულთა კლუბში კომისარი გვესაუბრა:

— არ შეარცხვინოთ ჩვენი ქალაქი, სამაგალითო დისციპლინით და საბრძოლო მომზადებით მოწინავეთა რიგებში ჩადექით, პირნათლად შეასრულეთ თქვენი ვალი სამშობლოს წინაშე.

აბა, თქვენ იცითო და გზა მშეიდობისა გვისურვა.

აქით წამოსვლამდე კომისარიატის ეზოში ორი „LIA3“-ი იდგა. სამოცამდე ახალწვეული თბილისამდე, ავტობუსებით მივდიოდით. ერთ-ერთი ავტობუსის კართან, კრამაროვს რომ მივამგვანე, ის ლეიტენანტი იდგა. სიის მიხედვით უშვებდა ზურგჩანთიან ბიჭებს ავტობუსში. მე და რეზო ნაცნობ ლეიტენანტთან მოვხვდით. ჩვენი გვარები რომ ამოიკითხა, გაელიმა.. გჟადროვა, სანამ გამცილებლები დაგვემშეიდობებოდნენ, ავტობუსში ასვლისას ვვითხრა, წინა სკამი დაიკავეთო.

ერთი სათის შემდეგ უფროსს უპატაკა:

— ქვეგანყოფი დაკომპლექტებულია, ნება მომეცით გავემგზავროთ!

ნებართვა მიიღო და მანქანა ამუშავდა.

— ხომ არ მოიცხინეტ, ბიჩებო? — შეგვეხმიანა შინაურულად, — არაფერია, მალე გაგივლიტ, — მე გამიღიმა და რეზოს მუხლზე დაჰკრა ხელი.

„ნამდვილად რაღაცაა კრამაროვის“, — ისევ გამიელვა თავში. ახლა აღარ მეუხერხულა და ვკითხე:

— ამხანაგო ლეიტენანტო! თქვენ გვარი... თუ შეიძლება.

— ბობკოვი ვარ, ვლადიმერ პარამონის ძე ბობკოვი.

— ჩვენ ერთ პიროვნებას მიგამსგავსეთ, თქვენი ახლობელი გვეგონა, გვარი არ დაემთხვა, ის კრამაროვია...

— მსახიობი? — თვალეხი გაუბრწყინდა ბობკოვს.

— ჰო, მსახიობი.

— ვიცი, შენ პირველი როდი ხარ, სხვებიც მამსგავსებენ. მაგრად ვგავარ ხომ?

— ასლი ხართ.

— ნათესავი არა, ისე ერთი მხრიდან ვართ.

— როგორ, ერთი სოფლიდან?

— ერთი სოფლიდან რომ ვიყოთ, კიდევ შეიძლება, მეზობელი მეზობელს დაემსგავსოს, — გადაიხარხარა ბობკოვმა, — იცით?! ერთხელ კრამაროვი ცნობილ რეჟისორს მიუწვევია კინოში. უფროსი მეხანძრე უნდა ეთამაშა. ამას აირწინალი არც დასჭირდებაო, უთქვამს რეჟისორის თანაშემწეს და ბობკოვი ისე ჩაბჭირდა, კინალამ გაიგუდა.

ლეიტენანტის დანახვაზე ველარც ჩვენ შევიკავეთ თავი. ბობკოვი, ბიჭები გავაცინეთ, მთლად გადაირია. სული რომ მოითქვა, გულახდილად გვითხრა:

— ისე, ჩემი არსებობა რომ სცილნოდათ, კრამაროვის რაზმში, თუ სხვა რამეზე არა, რიგით მეხანძრედ მაინც ჩამრიცხავდნენ. სიმართლე თუ გინდათ, მეხანძრეობა მირჩევნია კომისარიატის ქალაქებში ქექვას. თავიდანვე ასე მათამშებს ცხოვრება, ყოველთვის იქ გადამისვრის, სადაც ჩემი საქმე არაა. შემიკლა ქალაქებში ქექვამ. რაც მეზარება, იმას მაძალებს ბედისწერა. ტყუილა როდია ნათქვამი: Судьба играет на человеке, а человек — на трубе.

აი, ჩაგიყვანთ თბილისში და.. ალბათ, პასუხიც დამხვდება უკანდაბრუნებულს. კომისარს პატაკი დაუტოვე, იქნებ რომელიმე სამხედრო ნაწილში გადამგზავნონ. სპეციალობით არტილერიისტი ვარ. სამხედრო ნაწილი სხვა საქმეა, ჩემს სტიქიაში ვგრძნობ თავს.

— ახალწვეულებო! — მოგვმართა ბობკოვმა, — სამხედრო ცხოვრებას თავისი წესები აქვს. უნდა ავირჩიოთ კომკავშირის მდივანი, დაასახელეთ...

— მე ვიქნები! — წამოაყენა თავისი კანდიდატურა ჩვენს პირდაპირ მჯდომმა ბიჭმა, ფეხზე წამოიჭრა და ბობკოვს ისე მიაჩერდა თვალებში, მე შემრცხვა. მის მაგიერ.

ლეიტენანტმა ბიჭები შეათვალაიერა. ფეხზე წამომდგარ

ახალგაზრდას, მოლაზე შეკერილი კოსტიუმი რომ ეცვა და ფართო ჰალსტუხი გაეკეთებინა, გვარი ჰკითხა.

— კოპლატაძე — უპასუხა ჰალსტუხიანმა.

— ვინაა მომხრე კომკაეშირის მდივნად ავირჩიოთ გოგია-შვილი, — ხელი ჩემსკენ მოაშვირა ლეიტენანტმა.

ბობკოვს ყველამ მხარი დაუჭირა.

— კომკაეშირის მდივანი ავირჩიეთ! ახლა დავასახელოთ ჩემი მოადგილე კანდიდატურა.

კოპლატაძე კალავ ფეხზე წამოიჭრა.

— უფროსობისკენ გქონია მიდრეკილება — ჩაიღიმა ბობკოვმა.

ჰალსტუხიანმა დაჟინებული მზერა მიაპყრო ლეიტენანტს, თითქოს ამბობდა: მიდრეკილებაცა მაქვს და ამათთან შედარებით მეკუთვნის კიდევცო

— ჩემს მოადგილედ ვნიშნავ ჯავახაძეს! — ახლა რეზო გააცნო ბიჭებს ბობკოვმა.

კოპლატაძე გაბრაზდა, მერე ფანჯარაში იყურა კარგა ხანს.

— სხვათაშორის, მე ინსტრუქტორი ვარ! — წამოიყვირა ბოლოს.

— თუ შეიძლება გვითხარით, რისი ინსტრუქტორი ბრძანდებით? — დაინტერესდა ბობკოვი.

კოპლატაძემ პიჯაკის ჯიბიდან რაღაც საბუთი ამოიღო და ქედმაღლურად გადააწოდა, თან მზერას არ აცილებდა ლეიტენანტს, უნდოდა გაეგო, როგორ შთაბეჭდილებას მოახდენდა წითელ ყდაში ჩასმული მოწმობა.

ბობკოვმა გადაათვალიერა და უკან დაუბრუნა.

— მაგრად შეინახე, იქნებ გამოგადგეს კიდევ.

ასეთ გულგრილობას არ მოელოდა კოპლატაძე. მოწმობას, სადაც დადასტურებული იყო, სურათზე გამოსახული ახალგაზრდა კრივის ინსტრუქტორიაო, ხელში ატრიალებდა, თან ბიჭების გასაგონად ამბობდა:

— ამით მე საქმეებს დავაწევ, ნახავთ!

ბობკოვს თავიდანვე არ მოუვიდა თვალში ჰალსტუხიანი, დამცინავად გადახედა.

— მარტო მაგ საბუთის ამარა ხარ წამოსული ამხელა გზაზე? — გაუკვირდა რეზოს.

კოპლატაძემ მეორე ჯიბიდან უსიტყვოდ ამოიღო სპორტსმენის საკლასიფიკაციო ბილეთები და რეზოს გაუწოდა.

— შენ ვინ ყოფილხარ, კაცო! — ისე შეიცხადა რეზომ, ვერავენ მიხედვებოდა, მართლა ამბობდა თუ დასცინოდა წინდახედულ ახალწვეულს.

— მეორე თანრიგი კრივში, მესამე — ფარიკაობაში, მეორე ფეხბურთში, მესამე თანრიგი კალათბურთში. შენ უნდა თქვა უნივერ...

— ეგ რაა, — შეაწყვეტინა ნასიამოვნებლად „ინსტრუქტორმა“, — ველარ მოვასწარი, ზორემ ხელბურთისა და ფრენბურთის საკლასიფიკაციო ბილეთებიც მექნებოდა. მოგვიანებით, ადგილზე გამოგიზავნიო, მამაჩემმა.

— მთლად უკეთესი, იღონდ შეატყობინე, ის ბილეთები მაინც შეავსონ სხვა ხელით, ესენი ერთი კაცის შევსებულია, ვინმეს ეჭვი არ შეეპაროს რამეში, — დაარიგა რეზომ, მერე დანარჩენებსაც შეეკითხა: — სხვებსაც ხომ არაფერი საბუთი აქვთ წამოღებული?!

— საბუთი არ მაქვს, მაგრამ ჩოგბურთის ეთამაშობდი განთიადში, — წამოიძახა უკანა რიგიდან ერთმა.

— სპორტსაზოგადოება განთიადში? — იკითხა კოპლატაძემ.

— არა, ზობის რაიონში, ჩვენს კოლმეურნეობას ჰქვია განთიადი.

— ეგ არაფერი, მამაშენს მისწერე, იმ ბილეთებთან ერთად ჩოგბურთელის საკლასიფიკაციო ბილეთიც გამოგიზავნოს და ეთამაშე ბერაიას, სანამ უემბლდონის ტურნირზე მიგიწვევდნენ, — დაარიგეს კოპლატაძემ.

— მამაჩემმა იარაღი იყიდა ერთი, — წამოიწყო ბერაიამ, იშვიათი რამეა, ღურსმანსაც იღებს, სახრახინისიცაა, ნაჯახისი გიერიც, მკნეტარაც, ჩაქურიც და რა ვიცბ, რა არ ეწერა ინსტრუქციაში, ერთი სიტყვით, ყველაფერს აკეთებდა ამასავით, — თავი კოპლატაძისკენ გადააქნია, — ჩვენ ვერაფერში გამოვიყენეთ ის იარაღი, სანამ არ გადააკეთა მამაჩემმა. ყველაფრის გადაკეთება ზომ არ შეიძლება?

ამასობაში კაიხელა გზა გაგვევლო. ლიხის უღელტეხილი დაწყებულიყო. ორი საათი სრულდებოდა. ნიემბრის მზე კი ანათებდა, მაგრამ ძალა აღარ ჰქონდა. ქარი, დილით ნელ-ნელა რომ ელაქუცებოდა ხეებს, უღელტეხილის მისადგომებთან მოძლიერდა. მიყვარს ქარი... ნისლ-ბურანში გახვეულ მთის ამბავს ბარში ჩამოიტანს, ბარისას ხეში გადაჩეხს, ლაღად დათარეშობს და მუსიკის უბადლო ჯადოქრებსაც ეჯიბრება თავეისი შტვენითა და მოთქმით. უკრავს თავეის სიმფონიას ელექტრონისა და ტელეფონის მავთულებზე, ებრძვის მათ, სანამ არ დაიღლება, არ დაიქანცება. და თუ ვერაფერი მოუხერხა, თავს იკლავს ისევ იმავე მავთულებზე. ქარს პირადობის მოწმობა არა აქვს, არც სხვა რამე საბუთი, მაგრამ ვიცით რაცაა, რაც შეუძლია, მოსვლაც იცის, წასვლაც და ღმერთმა დაგვიფაროს, იმან გადარევა იცის..."

კოპლატაძე ჩემკენ შემობრუნდა, ისე მომაჩერდა, თითქოს მიხვდა, რასაც ვფიქრობდი. თვალი ავარიღე, ისევ ქარის ფრთებზე „შემოეჯექი“, ფიქრებიც მის ქროლვას ავაყოლე. დატრიალდა ქარბორბალა, მოკლეზე გადააჭრა და ჩემი სოფლის ცარგვალს შემრია. შეგეხარებოდათ, ისე კარგად ჩანს ზემოდან ყველაფერი: სათემოს ეკლესია, დავით კლდიაშვილის სახლი, ბაბუას ვენახი და მთელი სიმონეთი. ლამაზი მთა, რატომღაც მოქცეულა რომ დაურქმევიათ, უფრო ლამაზი მომეჩვენა. აგერ თეთრამიწა ფერდობი, სასრიალოს რომ ვეძახდით. დაჯდებოდით ზემოთ და კისრიტეხით მივსრიალებდით „ღელიყურამდე“, რამდენჯერ მივსულვარ სახლში გამობეულთ შარვლით. ახლაც სრიალებენ ბავშვები. ზოგიერთები შევიცანი კიდევ...

სოფლის გზაზე ლეოდინე შევნიშნე — რუსულის მასწავლებელი. სახლში ბრუნდება. უნებლიეთ საათს დავხედე. საღის ნახევარი იყო, ბოლო გაკვეთილი ჩაატარა ალბათ და... წყაროსთან შეისვენა. როგორც ყოველთვის, წყურვილს მოიკლავს, მერე აუხვევს სახლისკენ.

— ჩემს ბუჭუკას გეფიცები! — შემომესმა სატუას ქერივის, მარიამის ხმა. სიზმარს წყვებოდა მეზობელს: — შემოვიდა კირიღე, ღმერთმა გაანათლოს მისი სული და მითხრა: — შენი

ეჭყაცი, ბუჭუკა, გზაშია და მალე... სულ მალეო... ჩემს მამა-
მთილს, ხომ იცი, არ უყვარდა ტყუილი. — თვალებით მიაცივდა
სატუას ქერივი ონოფრიას ცოლს.

ოცდარი წლის წინათ წავიდა ომში ბუჭუკა. აღარ დაბ-
რუნებულა, არც წერილი მიუღია მისგან მარამს. მაინც
ელოდა შეილს. ფანჯარასთან ჯდომა უყვარდა თურმე ბუჭუ-
კას. იქიდან მთელი სოფელი ხელისგულივით ჩანდა. წასვლის
წინ დაუსურავეს ფანჯარა, ჩემს ჩამოსვლამდე არ გააღოთო,
დაუბარებია, მალე დავბრუნდებიო. მის მერე დაკარგა ძილი
და მოსვენება სატუას ქერივმა, ხანდახან თვალს თუ წაატყ-
ყუებდა, ბუჭუკა ესიზმრებოდა... ლეოძინეს ნიგოზი მორეკა
ჩემმა ბიჭმა წუხელ სიზმარშიო, ჭოგრის შემოკერაზე სეტყ-
ვასავეით ცვიოდა კაკლები, მიწაზე ყველა გერმანელებად იქ-
ცეოდა. კაი სიზმარია, გაიმარჯვა, დედუკები ენაცვალოს და
მოდისო... — თვითონვე ინუგეშებდა თავს. ოცდარი წელი გა-
ვიდა ამ ზმანებაში. ის ფანჯარა არ გაღებულა. ჩამოვა ბუჭუკა
და თვითონ გააღებს, როგორც დამპირდაო.

დახურული ფანჯრიდან შევიხედე ოთახში. მოპირდაპირე
კედლიდან ბუჭუკა მიყურებდა, ჩემი ტოლა ბუჭუკა.

— ჩიტუნა! — მომესმა ბებიას ხმა, — გეყურება?!

— რა იყო ბოშო! — შეეპასუხა ბაბუა.

— მოიტანე წყალი და ვისადილოთ, — იძახის ბუხართან
მოფუხფუსე დომნია.

ბაბუა წყაროზე მიდის. მე ეზო-გარემოს ვათვალთვლიერებ,
ნეტა, ასე ლამაზია სხვა სოფლებიც? გასახმობად გამოფენი-
ლი პილპილის აცმა, კვახები, რჩეული მტევნების აკილოები,
ქარვისფერი ჯანჯუხები.

ბაბუა წყაროდან ამობრუნდა. ბებია ფაციფუცობს, სუფ-
რას აწყობს, — მერე ჩაფიდან თუნგულაში ასხამს წყალს. ხე-
ლი გადააბანინა ჩიტუნას.

— ი ბიჭი დღეს მიდის ჯარში, — თქვა ბაბუამ.

— რას ამბობ! ზეგ მივდივარო, ასე არ თქვა?!

— ზეგ მივდივარო, გუშინწინ გვითხრა, დღესაა ის „ზეგ“.

— ღმერთო მომკალი, ხვალ მეგონა, გავაცილებ-თქვა,
ვფიქრობდი...

ი ბიჭი მე ვარ, ვერ მამჩნევენ თუ არა, იქვე გვერდით ვდგავარ და ყველაფერი მესმის. მეც ღავიბანე ხელი, როგორც ყოველთვის. ის იყო, მაგიდას უნდა მივეჯდომოდით, ავტობუსის მუხრუჭებმა დაიღრჭიალა და გამოეფხიზლდი, რიკოთზე ავსულვართ. წინა ავტობუსიც გაჩერებულიყო, ეტყობოდა, აქ ვისადილებდით, ახლა არ შეეშალათ ხელი და...

— კარგი იყო, გარეთ გვესადილა, მაგრამ ქარი წაგვიღებს, — თქვა ბობკოვმა.

ისევ ავტობუსში მოვწესრიგდით, გადავაფარეთ გაზეთები და გაიშალა პურ-მარილი.

— ყველაფერი გვაქვს ჩიტის რძისა და ჭიშურაში რომ დაგვატოვებინეს, იმის გარდა, — თქვა რეზომ.

— ისიც გვაქვს! — წამოვიძახე და ზურგჩანთაში ჩავყვინთე. ყველა მომაჩერდა. ორი ლიმონათის ბოთლი და პაწაწინა არაყის ყანწი ამოვიღე.

— მართლა არაყი შეგონა, — თქვა იმედგაცრუებულმა ბერაიამ.

— არაყია, ბიჭებო! ბაბუაჩემის გამოხდილი, ჭაჭის არაყი. ამ ბოთლებს გარედან აწერია და ახატია ლიმონი, თუ არა... ვიცოდი ჩამოგვართმევდნენ, ამიტომაც წამოვიღე „ლიმონათად“.

— მოიტა! — წამოიძახა რეზომ, ბოთლი გამომტაცა და შეანჯღღრია, — ფოცხვერს დააბამს, ისეთი ჯაჭვი აქვს, — თავსახური კბილებით მოხსნა

ბობკოვმა ბოთლი გამოართვა რეზოს, დაყნოსა, თავი გააქნია და თქვა:

— არა, ბიჩებო, არ შეიძლება.

— ამხანაგო ლეიტენანტო, სულ ორი ნახევარლიტრიანია, ოცდაათ-ოცდაათი გრამი შეგვხვდება, მაგრამ სადღეგრძელოს გვაოქმევენებს! — შევეხვეწე ბობკოვს.

— ეშმაკსაც წაუღიხართ, — ხელი ჩაიქნია და ბოთლი ისევ რეზოს დაუბრუნა.

რეზომ ყანწი გამივსო. მე ბობკოვს გავუწოდე, — „კუჩი მაკუხებსო“, — უარი მითხრა,

ისევ მე უნდა დამეწყო, მოკლედ მეთქვა და კარგად. ცოტას დაეფიქრდები-მეთქი. დაეფიქრდი და ყველაფერი ერთმანეთში აირია. ბიჭები მოვათვალიერე, მთლად დავიბენი. რაც მეტს ვფიქრობდი, უარესი იყო...

— ბიჭებო, ჩვენს სამშობლოს გაუმარჯოს და ჩვენს ძარღვებში რომ სისხლი დედს, იმას გაუმარჯოს! სამშობლოს საკეთილდღეოდ იტრიალოს სისხლმა და თუ საჭირო იქნა, ისევ სამშობლოსათვის დაედვაროთ, როგორც ამას ჩვენი წინაპრები აკეთებდნენ. — რალაცის დამატებას ვაპირებდი კიდევ, — „გაფუჭებ, ბაბუა!“ — ჩამესმა თიქოს ჩიტუნას ხმა. „ყლუპ“, და ლომის კურცხალს ჩემი კურცხალიც ჩავაყოლე.

ვინც ყანწი ჩაიგდო ხელში, ცდილობდა ლამაზი სადღეგრძელო ეთქვა.

კოპლატაძეს ზურგჩანთის მაგიერ პორტფელი წამოედო, გახსნა და ანანასის კომპოტი ამოიღო, ყანწი მიაწოდეს, მე ბოლოს ვიტყვიო და ფიქრებში ჩაიძირა, თან გოჭის ტვინს მიირთმევდა.

ლეიტენანტი აქამდე ჩუმად იყო, უსმენდა ბიჭებს და ყველაფერს უსინჯავდა გემოს, რასაც შიმშილის წამალი ერქვა. მერე ხელი ჩაიქნია და ყანწი მოთხოვა რეზოს. იმოდენა სადღეგრძელო თქვა, ლამის ყველას გადააჯობა.

კოპლატაძის რიგიც დადგა. ყანწი გაივსო და იკითხა:

— ყველამ შესვა?! მაშინ, გაუმარჯოს!... — და წავიდა კორიანტელი ბრტყელ-ბრტყელი სიტყვებისა, საქართველო, ცა, მიწა, ტრადიცია, პატრიოტიზმი, წინაპარი, ერთგულება, სინათლე, მზე, ვალი, კოლექტივი... კიდევ ვინ მოთელის, რაები აურ-დაურია, მოგვიძღვნა დასკვნითი სადღეგრძელო და გამოგვიცხადა:

— დაღვეით ვერ დავლევ, არ შეიძლება.

— მორიგედ ენიშნავ კოპლატაძეს! — ბრძანა ბობკოემა სადილის შემდეგ.

— მერედა, რა მევალება? — იკითხა გახარებულმა კოპლატაძემ.

— ყველაფერს მიაღაგებ, ქალღმერთები და ნარჩენები. სანაგვე ყუთში!

— მე ჩემი უკვე მივალაგე, — თქვა ნირწამხდარმა.

— კოპლათაძე! დაიხსომე, დღეიდან ჩემი და შენი აღარ არსებობს, არსებობს — „ჩვენი“ — და უნდა შეასრულო, რასაც დაგავალეხენ. აბა, მაჩვენე, როგორ მიალაგე „შენი?“.

კოპლათაძემ ღია ფანჯარაზე მიუთითა, საიდანაც გაზეთ-ში შეხვეული ნარჩენები გადაეყარა.

— აი, ყოჩაღ! წუთის წინ საქართველოს სადღეგრძელო მიჰქარგ-მოჰქარგე, უკვე პრაქტიკულადაც შედგომიხარ...

კოპლათაძე აირაა, აღარ იცოდა, რა ექნა, მერე ბუზღუნით შეუდგა საქმეს.

სიმღერით გავაგრძელებთ გზა. ისმოდა არეული ხმები. ადვილად მიხვდებოდა კაცი, ერთი ანსამბლის წევრები რომ არ ვიყავით. არ გამოგვივიდა სიმღერა, თანდათანობით ჩაიღველფა. მალე მთელი ავტობუსი გაიტრუნა, ერთ უზარმაზარ ფიქრად გადაიქცა. ზოგმა წაუყვინთა. კოპლათაძის კმაყოფილი გამომეტყველება ამბობდა: კარგად გეახელით, საღამომდე არაფერი მინდაო.

მე ისევ „ქარს მივენდე“, ამჯერად ქუთაისის ქარს. ქუთაისის ქარი სულ სხვაა, სულ სხვანაირად უბერავს. ამას წინათ ქარების ლექსიკონი ჩამივიარდა ხელში. ჯერ ის გამიკვირდა, ასეთი ლექსიკონი რომ არსებობს, მერე ასო „К“-ზე „Кутаисский ветер“-ო რომ ამოვიკითხე.

ჩემს უცნაურ ქალაქს ქარიც საკუთარი ჰქონია, განსხვავებული. პირველად ბაგრატიის ტაძართან შევიქროლე. ჟამთააღმწერელივით შემომეგება შუა საუკუნეები. ვტრიალებდი ტაძარში და ვუყურებდი ჩამონგრეულ გუმბათზემოდ მოწმენდილ ცას. არც ერთი კარი აღარ შერჩენია, მტერს რომ ჩაურა: ზო, მოყვარეს გაულო. გამჭოლი ქარი დაძრწის დიდი ხანია ხავსიან კედლებში. ნეტა მერამდენე ზამთარს ხვდება ასე თავ-შიშველი, დაგლეჯილი პერანგით?.. უნებლიედ ის ქვა გამახსენდა, არაყის ცრემლებად ატირებული ქვა, ყვირილაში რომ დაიხრჩო თავი. ტაძრის კედლიდან ჩიტი აფრინდა. შურდულივით გაეარდა. თვალი მომტაცა. თითქოს გელათის მონასტრისკენ მიაშურა. ერთი მტკაველი მომეჩვენა ეს მანძილი. მალე ათი საუკუნე გახდება, ასე დგანან ერთმანეთის პირისპირ, ასე ქუდ-

მოხდელი ესალმება ჯვარგუმბათოვან სალოცავს ქუთაისიდან
ბაგრატიის ტაძარი.

ნახვამდის!..

გალახულივით დავეში ზემოდან. ნაკადულის გზას დავა-
დექი, გავევერ-გამოვევერი და რიონის ნაპირას აღმოვჩნდი.
ნახვამდის, ჩემო სანატრელო. ქართველი ხარ შენი კალაპო-
ტიან-პასპორტიანად, ასე რომ არ იყოს, ქუთაისს ვინ გაგა-
ყოფიებდა ორად. შენი იმედი რომ არ გვეკონდეს, ვინ გაგიშ-
ვებდა ფოთში. ვიცი, არ გინდა ქუთაისიდან წასვლა, სულ
თეთრ ქვებზე უხათქუნებ თავს, მაგრამ ძალა აღმართს ხნავს.
მიღიხარ შენი გზით, სადაც გაივლი, ყველგან სინათლეს ტო-
ვებ. თეთრ ხილთან მობანავე ბიჭებში ლაზღანდარობას არა-
ფერი გირჩევნია. თითქოს შეჩერდები კიდეც, აბანოს თავიდან
გადმომხტარ ბიჭს ჩაიხუტებ და ისევ შენს გზას აგრძელებ.
ბოლოს, თეთრ ქვებზე ნახათქუნებ თავს შავ ზღვაში „იხრ-
ჩობ“.

ნახვამდის, ჩემო სანატრელო!

ბალახვანში ჩვენებთან შევიქროლე. აღარ მახსოვს, რო-
გორ დავტოვე იქაურობა. მეზობლის ბიჭები სკოლიდან ბრუნ-
დებიან, როინას ბებია სახლის წინ, სახელდახელოდ გაკეთე-
ბულ სკამზე ჩამომჯდარა, წინდებს ქსოვს, თან თვალს ადევ-
ნებს, რა ხდება ირგვლივ. დედაჩემი ეზოს ხვეტავს (ნოემ-
ბერში ხეებს ფოთოლი ცვივა). ხვეტავს ეზოს, მაგრამ ფიქ-
რით სადღაც სხვაგანაა. ნეტა ვიცოდე, რაზე ფიქრობს? არა-
ფერი იჯავრო, სამი წელი თვალსა და ხელშუა გაფრინდება,
მალე დაებრუნდება.

ნახვამდის, დედა!

მშენებლობასაც დავხედე, სადაც ვმუშაობდი. ოსტატს ერ-
თი აგური მივაწოდე.

არ მოიწყინო, ოსტატო!..

საფიჩხიაზე მივიხედ-მოვიხედე. მეტი დრო აღარ მქონდა,
გამოვუდექი ავტობუსს, გორში დავეწიე ბიჭებს.

ჩემს ადგილზე, ავტობუსში დედაჩემი დამხვდა. ეზოსაც
ხვეტავს და ჩემთანაცაა, აგერ, თბილისამდე წაგაცილებ, მერე

იქაც გამოგყვები, დაგაბინავებ საიმედოდ და გამოვბრუნდებო
უკანო. ვიცი, ტყუის, მაინც ჩემთან დარჩება.

მთვლემარე ავტობუსი თანდათან გამოფხიზლდა. ყველა
ალაპარაკდა.

— ამხანაგო ლეიტენანტო, რამდენი წლისა ხართ?! — ვე-
კითხები ბობკოს.

— ოცდარვისა.

— ომიანობის წლები გემახსოვრებათ.

— მემახსოვრება რომელია, პირდაპირ ომის ხახაში მოვხვდი
და სანამ იქიდან თავს დავაღწევდი, ჯოჯოხეთში გამოვიარე.
იცი, რ: არის ჯოჯოხეთი? — მკიიხა და მომაჩერდა.

— არა, საიდან.

— ნეტა არც მე მცოდნოდა, — ამოიხუნეშა ლეიტენანტმა,
თავი ჩაჰკიდა, მერე ფანჯარაში ვზის მეორე ნაპირს მიაღვენა
თვალი, ქანდაკებას დაემსგავსა, თითქოს სუნთქვაც შეწყვიტა.

— ჯოჯოხეთში ხუთი წლისა მოვხვდი, — ალაპარაკდა „ქან-
დაკება“, — კურსკში ვცხოვრობდით. რა დამავიწყებს იმ დღეს,
ენაჩვარდნილ, შეგროვილ ხალხს. რადიოს ხმა ისმოდა მხო-
ლოდ, ის ხმა ახლაც მაქვს ყურებში. პატარა ვიყავი, მაინც
მივხვდი: შიშით შებოჭილებს, რაღაც, ყველაფერზე საშინელი
რამ გააგებინა რადიომ.

სილაში თამაშს თავი მივანებე, მშობლებს დაუწყე ძე-
ნა... იმ არეულობაში როგორ ვიპოვიდი... ავღრიალდი. ყური
არავინ მათხოვა, ყველას თავისი ფიქრი და დარღუბალა შე-
მოსწოლიდა, ტირილს ვუმატე. საიდანღაც მამაჩემი მოვარდა,
ხელში ამიტაცა, ჩამიხუტა, ისე მიმიყვანა სახლამდე. ჩემს
ტოლა გოგო-ბიჭებს თავმომწონედ და ამაყად ვუყურებდი,
შემომხედეთ, როგორი ძლიერი მამა მყავს, ლამაზი, ახოვანი-
მეთქი. ახლაც მახსოვს მისი უბის სითბო, მისი ომახიანი ხმა.
მამაჩემი ყველაზე ღონიერი მეგონა მაშინ. სხვა დროსაც ავუყ-
ვანივარ ხელში, მაგრამ... იმ დღეს რა დამავიწყებს!..

მერე ის მახსოვს: მამა გავაცილეთ, ზღვა ხალხი ირეოდა.
გამცილებელთა ქვითინი ისმოდა ირგვლივ. ქვითინებდა დე-
დაჩემიც. ზარს შემოჰკრეს. ეს თურმე მამაჩემთან დაცილების
ნიშანი იყო. აჩოქოლდა ხალხი. ქვითინი ზღუქუნში გადაა-

ზარდა. დედ-მამას ცოტა ხნით ჩემი არსებობა დაავიწყდა. ვიდექი სხვისი შეილივით და ვერ გამეგო, რა აწუხებდა ამ ხალხს. ომი დაიწყო, იმ დღეს მოკვარი ყური და მაშინვე ყველაფერი შეიცვალა.

მამამ ხელში ამიტაცა, მაკოცა, ჩემი ვაჟაკი, თქვა, კიდევ მაკოცა სამჯერ, თავს გაუფრთხილდითო, — დაგვიბარა, დაძრული ვაგონის კიბეზე შეხტა და...

მატარებელი ნელ-ნელა მიიზღახნებოდა, თანდათან უმატა სინქარეს. ბოლო ვაგონზე წითელი ნათურა ენთო. ხალხი ამ ნათურას მისჩერებოდა, თითქოს ყველას იმედოდ აშუქებდა. ნათურა თანდათან დაპატარავდა, ბოლოს „ყველას იმედი“ წერტილად გადაიქცა. წერტილი რაა, მაგრამ იმედია მაინც, ეს წერტილიც გაქრა და... ხალხი უხმოდ გაიკრიფა.

— მამა სად წავიდა? — ვკითხე დედას.

— ომში!

— როდის დაბრუნდება?

— არ ვიცი.

— იქ რა უნდა აკეთოს?

— უნდა იბრძოლოს.

— რატომ?

— დამანებე, შვილო, თავი! — ამოიოხრა დედამ.

გავიტრუნე, ჩემს შეკითხვას პირველად უპასუხეს ცივად. ნეტა რა მოხდა? მამა სხვა დროსაც წასულა ასე, ზურგჩანთით. დედა მეუბნებოდა, სათევზაოდაა, ძალე დაბრუნდებაო, ახლა ომშია, უნდა იბრძოლოსო; იბრძოლებს კიდეც. მასა მომრევი ვინ იქნება, „მამაჩემი ღონიერია, ყოფას უტირებს ყველას და უკან დაბრუნდება“. ბოლო სიტყვები ხმამაღლა ვსაქევი. დედამ თავზე გადამისვა ხელი და ისევ ამოიოხრა.

იმ დღიდან მოყოლებული დაზაფრული უსმენდა ხალხი რადიოს, ეტყობოდა, ცუდად მიდიოდა საქმე.

ერთ დღეს დედამ პატარა ფუთაში რაღაც-რაღაცეები შეახვია, ხელი მტაცა, ძირს ჩამარბენინა. ქუჩაში ხალხის ტალღას შეეუერთდით. ყველა ჩქარობდა. უმეტესად მოხუცები, ქალები და ბავშვები იყვნენ. მივდიოდით და მივდიოდით. გზის დასასრული არ ჩანდა. დავიღალეთ, მაინც მივდიოდით. სიარუ-

ლი ველარ შევსელი, ხელში ამიყვანა დედამ. შევატყვე, დედაც დაიღალა, ფეხებს ძლივს მიათრევდა. — ჩამიშვი-მეთქი, — შემეცოდა. არ შემეძლო, თორემ მეც ავიყვანდი ხელში და ვატარებდი ასე, სანამ არ მეტყოდა: დამსვი, ჩემო ბიჭო, უკვე სამშვიდობოს ვართო.

რამდენიმე ასეულ მეტრზე მიიზღაზნებოდა ლტოლვილთა კოლონა, გეგინებოდათ, გზა გაცოცხლდა, ფეხი აიდგა და თვითონვე მიდის თავისი გზითო. ამ დროს გაისმა ვიღაცის შემზარავი სმა:

— ჰაერი! ჰაერი!..

— ყველაფერი აირია: წივილ-კივილი, ღრიალი, ბავშვების ტირილი, ამას თვითმფრინავების ღმუილი შეუერთდა, ღმუილს ვინ დაეკებს, რაც ღმუილს მოჰყვა, სწორედ იმას ჰქვია ჯოჯოხეთი. ჯოჯოხეთი რამდენიმე წუთს გაგრძელდა, ბევრისთვის იქვე დასრულდა. ჩემთვის დღესაც გრძელდება. დედამ ხელში ამიტაცა, გულში ჩამიკრა, ტყისკენ გამაქანა, რაღაცას ფეხი წამოჰკრა, წაიქცა და ველარ წამოდგა. მე გადამეფარა, „არ გაინძრეო“, იმეორებდა, აცახცახებული, მერე ერთი ძალუმად შეტოკდა და მთელი სხეულით დამაწვა. აღარ მაფრთხილებდა, არ გაინძრეო და უფრო და უფრო ვერძნობდი მის სიმძიმეს. მეტის მოთმენა ველარ შევსელი. ვიწილე, რაც შემეძლო. ვიღაც ქალი მომეშველა, დედაჩემი გულაღმა დააწვინა. მისი ღიად დარჩენილი, ცისფერი თვალები თითქოს რაღაცას მისჩერებოდა. შიში იყო იმ თვალებში ჩაბუდებული, შიში და სიკედილი. რამხელა თვალები ჰქონია სიკედილს. დედას გულში ჩავესკვენი, ტირილით ვებვეწებოდი: — ადექი, წავიდეთ აქედან-მეთქი, არ მახსოვს, რამდენ ხანს ვებვეწე, ბოლოს იმ ქალმა ძალით მომწყვიტა დედის მკერდს. ბედნიერია დედაშენიო, ცრემლად იღვრებოდა ახალგაზრდა ქალი. ცალ ხელში ჩვილი ბავშვი ეჭირა, მეორეთი მუ მუქაჩებოდა, — წავიდეთო. დედაჩემის ხელჩანთა აიღო, კისერზე ჩამომაცვა და ძალისძალიად წამიყვანა. სულ უკან-უკან ვიხედებოდი, ან აგერ წამომეწევა დედა, ან აგერ-მეთქი, მაგრამ არა, — მისი თვალები წამომყვა მხოლოდ. დიდრონი, ცისფერი თვალები, შიში და სიკედილი რომ იყო შიგ ჩაბუ-

ღებული, — ბობკოვმა ამოიხვნეშა, — ყველაფერს ვერც მოჰყვება
კაცი, — ისევ ქანდაკებას დაემსგავსა.

ლეიტენანტი აღარ 'ჰგაედა „კრამაროვს“.

ხუთი წლის ბიჭებს რამდენჯერ გვითამაშია ომობანა.
ხუთი წლის ბობკოვს უკვე აღარ ეცალა სათამაშოდ, უკვე
იცოდა, ომიდან შეიძლება ვეღარ დაბრუნდე, ომის დროს სიკ-
ვდილმა შეიძლება ყველგან მოგაგნოს.

— იმ ქალს, მე რომ წამომიყვანა, გვერდიდან არ მოეუ-
ცლებივარ. ირჯერ გამოსტაცა ჩემი თავი სიკვდილს, — გა-
ნაგრძო ბობკოვმა, — ახლაც ერთად ეცხოვრობთ. ორმოცდა-
ჩვიდმეტი წლის ქალია პოლინა ვასილის ასული. შესაშური
დედა-შვილობა გვაქვს. ანატოლი მაქსიმეს ძე, — პოლინას
მეუღლე, ომიდან კონტუზირებული დაბრუნდა, კარგი კაცი
იყო. ორი წლის წინათ დავასაფლავეთ. მზრუნველობას არც
ის მაკლებდა.

პოლინა ვასილიევნამ დედის მკერდიდან რომ ამაგლიჯა,
თავისი ჩვილი მკვდარი ჰყოლია. ეეკუირებამდე ფილტვების
ანთებით გახდომია ავად, ხელში ჩაკედომია. იმ დღეს დამერქვა
ვალოდია, გარდაცვლილი ბავშვის სახელი. მანამ, მახსოვს,
ვასიას მეძახდნენ. გვარი საკუთარი დამრჩა, დედისეულ ხელ-
ნანთაში საბუთები ვიპოვეთ, ჩემი დაბადების მოწმობა და
დედის პასპორტი. მამაჩემის ასავალ-დასავალს ვეღარ მივაკ-
ვლიეთ. არაფერი ვიცი, არც ნაწილი, არც საბრძოლო გზის
დასაწყისი. სახელი და მამის სახელი დედაჩემის 'პასპორტის
საშუალებით გავიგე, — პარამონ ნიკიტას ძე ბობკოვი, მკვდა-
რია თუ ცოცხალი, არაფერი ვიცი.

ლეიტენანტი წამოდგა, უკანა კართან გადაჯდა, თამბაქო
გააპოლა.

— სადა ვართ? — იკითხა 'ვილაცამ.

— მცხეთაში შევდივართ, — თქვა კოპლატაძემ, მერე ლამა-
ზი შენობისკენ გაგვახედა, — პირველი კლასის რესტორანია,
თბილისელები აქ ჩამოდიან საქეიფოდ, მებუფეტე რაჭველი
კაცია, კარგად ვიცნობ. აი, იქ, იმისთანა ქაბაბს აკეთებენ,
თითებს მიატან, — ახლა მეორე მხარეს გაახედა ბიჭები, —
გვერდით სახინკლეა...

— ეგ რა ნაგებობაა, თუ იცი? — ჰკითხა რეზომ და სვეტიცხოვლის ტაძარი დაანახა.

— ეს? ეს ეკლესიაა, — არ დაიბნა კოპლატაძე.

— რომელი ეკლესია?

— რომელი და ჭრელი, ეკლესია ეკლესიაა.

— „დიდოსტატის მარჯვენა თუ წაგვიკითხავს? — არ მოეშვა რეზო.

— დიდოსტატის არც მარჯვენა წამიკითხავს და არც მარცხენა.

— ეგ რომ წაგვიკითხა, სხვა რამეზე ილაპარაკებდი!

3

ხუთი საათი სრულდებოდა, გამანაწილებელ პუნქტში რომ მიგვიყვანეს. ბობკოვმა ჩვენი საბუთები ტანმალალ კაპიტანს გადააბარა. მან სია ამოიკითხა.

— აქ დამიცადეთ, ამ წუთში დავბრუნდები, — გვითხრა კაპიტანმა და კიბე აირბინა.

— აბა, კეთილი გზა! — დაგვემშვიდობა ბობკოვი. მე და რეზოს ხელი ჩამოგვართვა და წავიდა.

ჭიშკართან დავეწიე:

— ამხანაგო ლეიტენანტო! თქვენი მისამართი თუ შეიძლება, წერილებს მოგწერთ.

ბობკოვს გაეცინა.

— სიამოვნებით გიპასუხებ, — მისამართი ჩამაწერინა და კიდევ ერთხელ ჩამომართვა ხელი.

— შეხედეთ, — ჩაიქირჩიქა კოპლატაძემ, — ჩვენი ყოფილი უფროსობა ემშვიდობება ერთმანეთს.

არაეინ გამოხმაურებია. იუხერხულა, ჯერ აქეთ მიდგა, მერე იქით, თითქოს ვიღაცას ეძებოს.

ამასობაში კაპიტანი დაბრუნდა. დიდ ყაზარმაში შეგვიძღვა, ერთი კუთხე გვიჩვენა, „აქედან აქამდე დაიკაუებთო“ — გვითხრა. ეს გახლდათ ფიცრით შეჭვდილი, გრძელი ტახტი, რომელიც ყაზარმის კედელს თავიდან ბოლომდე გასდევდა ორ წყებად.

— ლამეს ამ ფიცრებზე გავათევთ? — იკითხა კოპლატაძემ.

— დიახ, ლუდოვიკოს დროინდელი საძინებლის გასაღები დაგვეკარგა, — მოუბოდიშა კაპიტანმა და გარეთ გადმოფენილი პალსტუხი პიჯაკს შიგნით ჩაუტნია.

— ამხანაგო კაპიტანო! სერგო თუ მუშაობს, სერგო... ჯიბიდან ორად გაკეცილი ქალაღი ამოიღო, — სერგო კოპლატაძე.

— არ ვიცი, არ ვიცნობ, — უპასუხა კაპიტანმა.

— წერილი მაქვს მასთან და...

— არ ვიცი! მეორე სართულზე ოცდაშვიდ ნომერში იკითხე. კოპლატაძე ნახევარი საათის შემდეგ დაბრუნდა. ვერ იყო ჩასიათხო.

— რა ცხვირ-პირი ჩამოგტირის, ბიჭო, ხომ მშვიდობაა? — ჰკითხა მურთაზ მახარაძემ, რომელსაც თვალებში ეშმაკები ჩასახლებოდა.

— სერგო პენსიაზე გაუშვიაო, ტელეფონი მომცეს, სახლში დარეკეო, პენსიაზე გასული კაცის გაკეთებული საქმის დედა ვატირე!..

— მაინც, რა საქმე უნდა გაეკეთებინა შენს სერგოს? — იკითხა რეზომ.

— რა და, სადმე, კარგ ადგილზე გამიშვებდა. თქვენ შეიძლება დილა-საღამოს თეთრ დათვებს მიესალმოთ, მე კი რომელიმე სპორტდარბაზში გამამწესებენ, თბილ ადგილზე.

— რაღა გეშველება!

— არაფერია, მეორეს მოვსინჯავ, — სერგოს წერილი დაინაკუნა, ჯიბიდან მეორე წერილი ამოიღო, ახლა იოსებ ბოხოხიძის ძებნა დაიწყო. ამჯერად გახარებული დაბრუნდა, პორტფელი წაიღო, იოსებთან მიეღივარო, დაიბარა და წავიდა.

პირველი ღამე გავათიე ასეთ საწოლზე. თავქვეშ ზურგჩანთა მედო. დაღლილი ვიყავი და მაინც ტკბილად მიმეძინა. დღლით გვერდები მტკიოდა. ხის ტახტს შეჩვევა უნდა. ბიჭებმაც გაიღვიძეს, სიცივისგან ვკანკალებდით.

— ცოტა სირბილი, ცოტა ვარჯიში და გაგვივლის, — თქვა დანელიამ.

მაღალი იყო დანელია, მაღალი და სუსტი. საცივეს ძლიერ შეეწუხებინა, კბილს კბილზე აცემინებდა, ადვილზე ტლინკაობდა, ჭაშურაში დღვრილი არაყიც გაისხენა, ას-ასი გრამი მოგენათლავდაო.

სამი წრე დავარტყით ყაზარმებს. პატარა წავევარჯიშეო და მოვითქვით სული.

ცხრა საათზე კოპლატაძე დაგვიბრუნდა, ვიღაც დარბაისელ კაცს ახლდა. არც მოგესალმებია, ეტყობოდა, კარაქიანი პური და მურაბიანი ჩაი ჰქონდა მირთმეული. ხან ერთი ოთახის კარი შეაღო იმ კაცმა, ხან მეორესი. ათ საათზე მოვარ, ვიღაცაზე უთხრეს ზოლოს.

„ესაა ალბათ იოსები“, — გავიფიქრე, თვალს არ ვაცილებდი უცნობს, ხელები ზურგს უკან რომ შემოეწყო და ბოლთას სცემდა შეკრეჭილი ბუჩქნარის გასწვრივ. კოპლატაძე ადიუტანტით დააცილებდა აქეთ-იქით. მობრუნდა უცებ ბატონი იოსები და აჩქარებული ნაბიჯით საპირფარეოსკენ გაემართლა. კოპლატაძეც აედევნა, ერთხანს ფეხსალაგის წინ იწრიალა, მერე ალბათ, ხათრი ვეღარ გაუტეხა და შიგ შეყვა. უკანვე გამობრუნდა, პორტფელი ხას შებუღილ ტოტზე ჩამოჰკიდა, ისევ შეაღო საპირფარეოს კარი. იქიდან კმაყოფილი გამოვიდა. კარგა ხანს იცადა, მერე პორტფელი ისევ ხეზე ჩამოჰკიდა და ამბის გასაგებად შეაკითხა იოსებს. ამჯერად მალე გამოვიდნენ. იოსებსაც კმაყოფილი გამოიმეტყველება ჰქონდა.

ათ საათზე „ის“ კაცი ჩახეს. რაღაც ისაუბრეს. თავი დააქნია იმ კაცმა. იოსები დაემშვიდობა კოპლატაძეს, ხელი ჩამოართვა და წავიდა.

ჭიშკრამდე მიაცილა კოპლატაძემ. ჭიშკრის იქით აღარ გადაუშვეს და მობრუნდა უკან.

— სულ მეფხანება ხელები მაგის გასალახავად, — თქვა დარნელიამ.

— რაო, იმ კაცს კუჭი ხომ არ ჰქონდა აშლილი? — ჰკითხა კოპლატაძეს, როცა ის მოგვიახლოვდა.

— იმ კაცს ყველაფერი რიგზე აქვს. გაკვაჭა საქმე. უკვე ვიცი, სადაც წამიყვანენ.

— მაინც სად?

— სამხედრო საიდუმლოებაა.

— მაგრად შეინახე. არა, მეფხანება ხელები და რა კენა! — ისევ წამოიყვირა დანელიამ.

კოპლატაძე აზრზე არ იყო, რატომ ეფხანებოდა ხელები დანელიას.

— მოხერხება არ უნდა? ფეხსალახში გააკეთა ამხელა საქმე, ჭიშკარს იქით რომ გადაეშეო, მაშინ გენახათ თქვენ! — ენასაც იფხანდა დანელია.

4

თორმეტი საათისთვის ორ რიგად მოგაწყვეს. ჩვენს კაპიტანს ცისფერსამხრეებიანი მაიორი ახლდა.

— ამ წუთიდან თქვენი უფროსი იქნება მაიორი ლუკიანჩენკო! — გამოგვიცხადა კაპიტანმა.

ლუკიანჩენკოს ჰუსარივით აწყკილი უღვაშები ჰქონდა. წარმოსადეგი ოფიცერი სამხედრო ტანსაცმელში ისე კოხტად იყო გამოწყობილი, გრეკოვის დახატული გევონებოდაო.

კაპიტანი წავიდა, ლუკიანჩენკომ შეევათვალაიერა, სია ამოიკითხა. ჩვენი თანამგზავრებიდან სიაში მხოლოდ ათნილა მოეხვდით. დანარჩენები სხვაგან გადაანაწილეს. მაიორის განკარგულებაში სულ ოცდარჩეიდეტი ახალწვეული იყო. მე და რეზო აქაც ერთად დავრჩით. ნაცნობი ბიჭებიდან ჩვენთან მოდიოდნენ: ჯავახაძე, ბერაია, კოპლატაძე, დანელია, მახარაძე, გორგოძე, გვეტაძე და კიდევ ოთხი ქუთაისელი. დანარჩენები დასავლეთ საქართველოს სხვადასხვა რაიონიდან იყვნენ.

— კი მაგრამ, მე არც ფეხსალაგში შევსულვარ, არც საბუთი მაქვს რამე, რაფერაა, შენთან რომ მოეხვდი? — იკითხა გაკვირვებულმა დანელიამ და კოპლატაძეს უკანალზე უჩქმიტა. კოპლატაძემ მხრები აიჩეჩა. თვითონაც უკვირდა.

ორ საათზე ჩვენი ეშელონი მზად იყო გასასვლელად. ვაგონის ფანჯრებთან ვიყავით შერჩხხულნი. უცებ დაბარბაცდა თბილისის ვაგზალი, სერე ნელ-ნელა წასრიალდა უკანა ვაგონებისკენ. ყველაფერს, რაც ფანჯრიდან ჩანდა, თითქოხ

ფეხი აედგა და უკან გაქცეულ ვაგზლის შენობას ასდევნებოდა. მალე მთაწმინდა, ქართელის დედა, ნარიყალა... მიეფარა თვალს და...

ნახვამდის, თბილისო!!!

„ნეტაე სად არი ლიდევ ცა!“... — წამოიწყო რეზომ...

„თბილისოოო!..“ — ავეყვით დანარჩენები.

მეორე სტროფის სოლო ნაწილი ლუკიანჩენკომ ჩამოართვა რეზოს, ტექსტს რუსულად მღეროდა, შვენოდა ყველაფერი, იფიქრებდი, ნახატი ამღერდაო.

სიმღერის შემდეგ მაიორი თითქოს ჩარჩოდან გადმოვიდა, მოგვიახლოვდა. ყველანი ერთად შევეგროვდით. ერთმანეთის გულისცემა გვესმოდა. დღეიდან ერთმანეთის პატრონები ვიქნებით. ჩვენი საერთო პატრონიც აქაა — ლუკიანჩენკო.

მაიორმა ჯერ დღის წესრიგ რწავიკითხა, შემდეგ ჩვენი უფლება-მოვალეობა გაგვაცნო, ბოლოს გვითხრა: „კომკავშირის მდივანი ავირჩიოთ“.

— რად უნდა აირჩევა, არჩეულია და ესაა! — წამოიძახა დანელიამ.

კომკავშირის მდივნად ასევე მე დამტოვეს.

— ახლა ავირჩიოთ მამასახლისი...

— მე ვიქნები! — შეაწყვეტინა კოპლატაძემ.

— რატომაც არა! გვარი?

— კოპლატაძე, ამხანაგო მაიორიო.

მაიორმა ქაღალდზე დაბეჭდილი დღის წესრიგი გადმომცა, — ვაკონში გააკარიო, კოპლატაძეს მორიგეობის სიის შედგენა დაავალა.

დღის წესრიგი ვაკუკარი:

6 ს. — ადგომა;

6—8 ს. — ტუალეტი;

8—9 ს. — საუზმე;

9—13 ს. — თავისუფალი დრო;

13—14 ს. — სადილი;

14—19 ს. — თავისუფალი დრო;

19—20 ს. — რახშამი;

20-22 ს. — თავისუფალი დრო;

22 ს. — გასაყრისი.

ბიჭები დღის წესრიგს გაეცვინენ. დღის ექვს საათზე ადგომა ყველას ემწუთხა.

— საბავშვო ბაღის მერე ამდენი თავისუფალი დრო არ მქონია, ჯარი კი არა, სამოთხე ყოფილა, — თქვა ბერაიამ, საათს დახედა, — თუ არ ვცდები, განრიგის მიხედვით ახლაც თავისუფალი დრო გვაქვს; წამოგორლა ზედა საწოლზე, ამოდო თავქვეშ ხელები და ჭერზე, ნათურის გვერდით, ჰაერგამნიავებელი ნახვრეტების თვლა დაიწყო. დანელია ფანჯარაში იყურებოდა, თან ვაგონის კედელზე რიტმულად უბრაბუნებდა ხელებს, რეზონანსის პირველ ფურცელს ავსებდა. ყველა თავისებურად იყენებდა თავისუფალ დროს.

ვაგონის გამცილებელმა ბიჭებს ლეიბები დაურიგა. სულ ბოლოს ჭიათურელმა სხირტლაძემ მიაკითხა.

— ოცდაათობმეტი გავეცი, მეტი არა მაქვს, — უარი უთხრა გამცილებელმა.

— ყველამ დაირიგეთ და მე არ მინდა მატრასაი?! — აჭუჭყუნდა ჭიათურელი.

— მიდი მაიორთან და უთხარი, — დაარიგა ბერაიამ.

— მერე, სადა აქვს იმას მატრასაი!

— რაღაცას მაინც მოგიხერხებს.

— აქანა კი არა, სახლში ვერაფერს ვაგნებდი, რა მეშველება! — უმატა ჭუჭყუნს სხირტლაძემ.

— წამოდი, მე ვეტყვი მაიორს, — ხელი მოჰხვია დანელიამ. სხირტლაძე ობოლივით გაჰყვა.

— რა შიამა სიკმე? — იკითხა ლუკიანჩენკომ, რომელიც რეზონანსის ჭადრაკს იკამაშებოდა.

— მატრასაი არ მაქვს, მატრასაი მინდა მე, — თითქმის ტირილით მოახსენა ჭიათურელმა.

— გვარი?

— სხირტლაძე, ამხანაგო მაიორო! მატრასაი მინდა, მატრასაი, — ფინიასავით შეუყეფა ისევ.

— რაო, რას თხოულობს?! — იკითხა მაიორმა და დანელიას გადახედა, იქნებ ამან ამიხსნას სხირტლაძის სატკივარიო.

— გამცილებელმა ყველას დაურიგა ლეიბები, სხირტლაძე ლეიბის გარეშე დარჩა...

— რაო? — ისევე რუსულად იკითხა მაიორმა.

— ბიჭო, ეგი ყრუა თუ არ იცის ქართული?! — ჰკითხა დანელიამ რეზოს.

— ქართული საიდან ეცოდინება.

— აბა, მე და ლუკიანჩენკო ვერ ვისაუბრებთ?

— ისაუბრებთ, მაგრამ ვერ გაუგებთ ერთმანეთს.

პირღია დარჩენილი სხირტლაძე ხან რეზოს მისჩერებოდა, ხან მაიორს, ხანაც დანელიას.

— რაიო, არ მაქ მატრასაიო?

— ჯერ რუსული უნდა ვისწავლოთო.

— მე რომ რუსულს ვისწავლი, რაღათ მინდა მატრასაი.

ბოლოს რეზომ აუხსნა მაიორს, რაც სხირტლაძეს აწუხებდა.

— ამ მაღალს რა უნდა?

— ამას სხირტლაძე ეცოდება და მის დახმარებას ცდილობს.

მაიორი სიცილს ძლივს აკავებდა, წამოდგა.

— ახლავე გავარკვეე რაშია საქმე.

— გამცლებელთან შევიდა, მერე სხირტლაძეს უთხრა, — ყველა დაურიგებიაო...

— რაიო, ბიჭო, არ არი მატრასაიო?! — რეზოს ჩაეკითხა სხირტლაძე.

— რაღაცას მოგიხერხებო.

— მაგი რას მომიხერხებს, მამაჩემმა ვერაფერი მომიხერხა მე.

მაიორმა კოპლატაძეს მოუხმო და დაავალა, მორიგეებთან ერთად ვაგონი ჩამოეველო, დაეძებნა, ხომ არსად იყო მიგდებული ზედმეტი ლეიბი.

— მორიგეები გორგოძე და დანელია ჩემთან! — ისე ბრძანა კოპლატაძემ, თითქოს ლეიბის კი არა, ახალი ქვეყნის აღმოსაჩენად მიდიხო.

მეოთხე კუბეში, ზედა საწოლზე დანელიამ ზეწარი გადასწია და წამოენტო: ზეწარს ქვეშ ორი ლეიბი ეგო.

— ვისია ეს საწოლი! — იყვირა გაბრაზებულმა.

— ვისია ეს საწოლი? — წამოიძახა სახეაჭარხალებულმა კოპლატაძემაც.

— ვისია და შენია, ამხანაგო კოპლატაძე, — ნახერეტების თვლას დროებით თავი მიანება ბერაიამ.

— ჩემი?! — გაუკვირდა კოპლატაძეს, — მე ერთი დაეაგე და...

— ვხედავთ, რამდენიც დააგე, — კბილებში გამოსცრა დანელიამ, — არა, მეფხანება ხელები და მოვიფხან კიდევ.

ამჯერად მიუხვდა კოპლატაძე.

— რაღაც ხშირად გეფხანება ხელები, რატომ?

— შენისთანა პითეკანტროპის დანახვაზე, — მიახალა დანელიამ.

კოპლატაძე ვერ მიხვდა, რა უწოდეს, ის კი იაზრა, პითეკანტროპი რაღაც მაჯლაჯუნას თუ პქეიაო.

— აბა, აბა, ენა დაიმოკლე, თორემ მაიორს მოეახსენებ!

— მოახსენე მერე... — დანელიამ თითებგაჩაჩხული მარჯვენა ნერვიულად ჩამოუსვა კოპლატაძის პირისახეს, პალსტუხი ჩაბლუჯა და ისე მოქაჩა, თითქოს კისრიანად უნდა ჩამოგლიჯოსო. ძლივს გააშვებინეს ხელი.

კოპლატაძემ გაფუყული პალსტუხით მიირბინა მაიორსთან.

— ამხანაგო მაიორო, — კვლავ შეაწყვეტინა ჭადრაკის რამაში ლუკიანჩენკოს, — დანელია ხელით შემეხო!

— აქეთ მეფე მყავს დასაცავი, იქით კოპლატაძე, — ჩაილაპარაკა მაიორმა, — დაუძახეთ დანელიას!

დანელია მივიდა.

— მომახსენე, რაშია საქმე? — იკითხა ლუკიანჩენკომ.

— რაშია და ამ ბედოვლათს, თავისი პალსტუხით მივახრჩობ და გავათავისუფლებ ქვეყანას.

— დანელია! — ხმას აუწია ლუკიანჩენკომ, — კოპლატაძე დანიშნულია თქვენს უფროსად და სანამ არ გადაურჩევიათ, მისი სიტყვა კანონია თქვენთვის.

— რაო, ბიჭო?! — რეზოს მიაჩერდა დანელია.

რეზომ გადაუქართულა.

— მიტომაა კარგად საქმე, მაგი რომაა უფროსი.

— დანელია, ერთი რიგგარეშე მორიგეობა! — თქვა ლუკიან-ჩენკომ და 'ეტლი ააფარა მეფეს.

— წააგებ მასე! — ჩაიციხა დანელიამ, ეტლი უკანვე დააბრუნა და მეფე პაიკს ამოაფარა.

მაიორს გაელიმა, სწორი ხარო, ჩაილაპარაკა.

— რაიო?! — ისევე რეზოს მიაჩერდა დანელია.

— სად ისწავლენ თამაშიო.

— ხუმრობთ ორივე და ერთობით, ამასობაში კოპლატაძე უფროსობას მიეჩვია, რალა გეიჭირს მაგის სიტყვა თუ იქნა კანონი.

— რა ვქნა ახლა მე? — იკითხა სხირტლაძემ.

— რა და, მოკიდე ხელი კოპლატაძის ლეიბს და გადაიტანე, რომ ვააჭირვე საქმე, — შეუყვირა დანელიამ.

— ორივე?!

— ერთი არ გეყოფა, შენმა მზემ?

— ოჲა არ მეყოფა, აქამდე სულ არ მქონდა. — სხირტლაძემ მოსინჯა, რომელი ლეიბი სჯობსო, აარჩია, უკეთესი თავის საწოლზე დააგო, გადააფარა თეთრეული და გახდას შეუღბ...

— უკვე წვები? — ჰკითხა დანელამ.

— რაჲა?!

— დღის წესრიგი თუ წაიკითხე?

— რაო, რა წერია?

— ოც საათზე ვახშამია და ზეცდლორზე ძილი.

— ისე მაგრად ვისადილე, ხვალ დილამდე არაფერი მინდა. დაღლილი ვარ და მივეგლები ძილად. — პიჯაკი უკვე გაეხადა, ბამბაზიის პერანგს იხდიდა, პერანგს შიგნით მეორე პერანგი ეცვა, მეორეს შიგნით მესამე პერანგის საყელო მოუჩანდა.

— მეტი არაფერი გქონდა, რომ ჩაგეცვა?

— რაჲა არა, მქონდა, მარა დიღები აღარ შეიკრა.

— ამდენი პერანგი რად გინდოდა?

— რაჲა რად მინდოდა, შე კაცო, ერთი ყველას აცვია, თუ

ჩაცმა, ქე უნდა ჩაიცვა. რა ვიცი, სად მივდივართ, სადაც არ უნდა ჩავიდეთ, ერთბაშად ნავარძეთის ამინდები არ დამხედეს იქ.

სხირტლაძე ზედა საწოლზე ახტა.

დანელია ლუკიანჩენკოს კუპეში შევიდა.

— შეიძლება, ამხანაგო მაიორო?!

— რატომაც არა, ჩამოჯექი.

— რაიო ბიჭო?! — რეზოს მიაჩერდა დანელია.

— შეიძლებოა, — უპასუხა რეზომ და ლაზიერი ისეთ ადვილზე დადო, ლუკიანჩენკომ მეტი რომ ვერაფერი მოახერხა, თავისი მეფე წააქცია.

— არ გრცხვენია, ბიჭო, უფროსს მოუგე? — შეუტია დანელიამ.

— რას ამბობს?

— კი მივდივართ მაგრამ, თუ საიდუმლო არაა, საით მივდივართ, რა ნაწილში მოგვიხდება სამსახურიო, აინტერესებს.

— სამხედრო საქმეში საიდუმლო ბევრი რამაა, მაგრამ ამის გამხელა შეიძლება.

— რაო?! — ახლა დანელია მიაჩერდა რეზოს.

— არაფრის თქმა არ შეიძლება, მაგრამ დანელიას ხათრით გეტყვითო.

— საჰაერო-სადესანტო ნაწილში იმსახურებთ უკრაინაში, — მშვიდად ამბობს მაიორი.

— მერე ჩვენც უნდა ვიხტუნაოთ პარაშუტით? — ახლა რეზომ იკითხა შეშინებული ხმით.

— რა თქმა უნდა, საშიში არაფერია, მიეჩვევით.

— რა?! — ნახევრად ყვირილით იკითხა უყურადღებოდ მიტოვებულმა დანელიამ.

— შენზე ვკითხე, ესეც უნდა გადახტეს პარაშუტით-მეთქი? რა თქმა უნდაო.

— მაგას დედაჩემი რომ გაიგებს, ის უნდა ნახო შენ, მეექვსე სართულიდან გადმოხტება უპარაშუტოდ.

— რას ამბობს? — ლუკიანჩენკომ დანელიაზე ანიშნა რეზოს.

— არაფერი, ახალგაზრდობაში დედაჩემიც პარაშუტისტი იყოო.

— ოპო, ოჯახური ტრადიცია გრძელდება! — გაიცინა ლუკიანჩენკომ.

— რა უხარია, გამაგებინა, კითხე ერთი, სული თუ დაგყვევა ძირს.

— კი დაგყვებათო, სული და სეული ნიფხავები დაგყვებათო, პირველ ხანებში, მერე და მერე ყველაფერი შეგაშრებათო.

დანელია თავისი საწოლისკენ გაბრუნდა. ბერაიას ნახვრეტების თელა მოეთავებინა, ახლა ფანჯარაში იყურებოდა და ელექტრონის ბოძებს ითვლიდა. აქ რა ახლო-ახლო დაუსვიათო, უკვირდა, ჩვენთან ორმოცდაათ-ორმოცდაათ მეტრში ასობენ, ალბათ, გვერდზე ყიდის ბოძებს გალდავა მაიმუნით.

— დაანებე თავი ბოძებს და ყველაფერს, რაც მიწაზეა, — უთხრა დანელიამ.

— რაა, რა მოხდა?

— ვირჩევნია ცაში თვალო ვარსკვლავები.

— დღე სადაა ვარსკვლავები, დამით მაგასაც ვითვლი, განთიადში დათვლილი მაქვს უკვე.

— დღეც გათვლევინებენ, დამიჯერე და, შეიძლება ცაში ანგელოზებსაც ეარშიყო, ისე გვაქვს საქმე.

— რა მოხდა, მითხარი პირდაპირ.

— რა და ერთი თვის მერე გაგკოჭავენ პარაშუტით და გისვრიან იქიდან, — ხელი ცისკენ აიქნია დანელიამ.

— რა ნაწილში მოვხვდით? — იკითხა შემფრთხებულმა კოპლატაძემ.

— შენ ეგ თბილისში იცოდი, მე მეკითხები?

— თბილსში ასე შევთანხმდით, რიგის მახლობლად სპორტულ ნაწილში მოხვდებო.

— ალბათ, იურმალაში შეგპირდნენ. ამ გზას ბალტიისპირეთისკენ არ მივყავართ კუპლეტაძე, — განგებ დაუმახინჯა გვარი დანელიამ.

კოპლატაძემ მუშტი ვაგონის კედელს დაჰკრა და ვიდაცას ავ-კარგი აუგად მოიხსენია.

— მატრასაი მინდა, მატრასაი, — წამოაბოდა ძილში სხირტლაძეს.

ბერაიამ შეანჯღრია, შემკრთალმა სხირტლაძემ თავი წამოჰყო.

— ღირიჟაბლი არ გინდა, ძმაკაც?

— არ მინდა, ხომ გითხარით, ნასადილარი ვარ. ძილი მინდა, ძილი.

— რა დროს ძილია, ადექი! — შეუღრინა კოპლატაძემ.

— რაეა, გათენდა?

— გათენდა, გათენდა!

— რა ჩამოვა ახლა აქიდან!

— პარაშუტი ხომ არ გინდა, ბიჭო!

— პარაშუტი რად მინდა.

— რა იცი, რომ დაგჭირდეს.

— თუ დამჭირდა, მაგასაც მაშოვიებთ, მატრასა მაშოვიემ და...

— ჩათვალე, რომ ნაშოენი გაქვს, — დააიმედეს სხირტლაძე.

სხირტლაძემ გაიღიმა, მერე ჩამოხტა ძირს და ვაგონის ბოლოსკენ მოუსვა, თან ხვანჯარს იხსნიდა გზაში. კარი დაკეტილი დახვდა, ჩვენს შტერს, იმას სახე შეექნა. საპირფარეშოდან კოპლატაძე გამოვიდა.

— პარაშუტის ხსენებაზე ამასაც ატეხია ფალარათი, — ჩაიქირქილა დანელიამ.

სხირტლაძე მოგვიანებით დაბრუნდა თავის კუბეში.

— ეინ წაიღო ჩემი მატრასაი! — შემოგვესმა კვლავ. ხან აქეთ ეცა, ხან იქით, მერე ისევ კოპლატაძეს მიადგა, — მოწყეცი ჩემი მატრასაი.

— მომწყელი თავიდან, -- შეუღრინა კოპლატაძემ.

ექვსი დღე ვიმოგზაურეთ მატარებლით. ექვსივე დღეს საძებარი ჰქონდა „მატრასაი“ სხირტლაძეს. ჩვენც ვერთობოდით და ისიც. ბოლოს ზედმეტ სახელად „მატრასა“ დავარქვით (სამი წელი ჩვენ ვეძახდით, თავის ნაფარძეთშიც ჩამყოლია და ახლაც „მატრასას“ ეძახის მთელი სოფელი).

ექვსი დღე ერთად ყოფნა, ერთ ჭერქვეშ, ცოტა არაა. ერთმანეთს კარგად გავეცანით. მზიარული ბიჭები იყვნენ, განსხვავებული ხასიათისანი, მაგრამ ბევრი საერთოც გვექონდა.

ეს საერთო მუშტად გვკრავდა ერთ ბედქვეშ მოხვედრილ ბი-
ჭებს, ყველას თავისი გადასახედი ქქონდა ცხოვრებაში, ყვე-
ლას თავისებურად ესახებოდა მოძავალი.

ბერაია ყველაფერს ითვლიდა — მდინარეებს, ხიდებს,
გვირაბებს, ქარხნებს... ჩეექვსე ღღეს გამოაცხადა:

— არა, ძმაო, დიდ ქვეყანაში ვცხოვრობთ, ამოდენა ქვეყანას
ქარგი მოვლა უნდა.

— ქარგი დაცვა არ უნდა? — იკითხა „მატრასამ“.

— მაგას ვამბობ, დაცვა რომ უნდა, მაგიტომ გადაჭხოტ-
რეს ეგ ნამყენი თავი, მაგრამ მიკვირს, როგორ უნდა დაიცვა,
ექვსი ღღეა ლეიბს ექებ, რომელიც არ დაგკარგვია.

— თქვერისთანა ოხრების ხელში თავი რომ შემრჩა, იმაზეც
მადლობელი ვარ.

— მასეთი თავი გინდ გქონია და გინდ არა.

— რატომ, თმა არ ამომივა, ვითომ?

— ასე თუ გააგრძელე, რა ამოგივა, ეგეც საკითხავია.

— შენს ბუღალტერიას მიხედე, თორემ ისეთს გლეწავ...

— შეუტია ბერაიას დანელიამ, მატრასას დამცველი და ქომაგი
რომ იყო.

ბერაია უსიტყვოდ შებრუნდა.

მახარაძეს სამი შეყვარებული დაეტოვებინა ქუთაისში და
სამივეზე გული წყდებოდა. სამივე მიყვარსო, მითხრა. ერთ-
მანეთსაც იცნობენ, თვითეულ მათგანს ორი დანარჩენი
ჩემი ბიძაშვილ-დეიდაშვილი ჰგონია, აქეთ წამოსვლისას
სამივემ გამომაცილაო. ავტობუსის ფანჯრიდან ვუყურებდი,
რომელი ჯობია-მეთქი, ვადარებდი. ისინი მეც შეკეკლუსე-
ბოდნენ და ერთმანეთსაც. მათ გვერდით ჩემი ნამდვილი ბი-
ძაშვილები ტრიალებდნენ, ოთხივე ვაჟი ჩემზე უფროსია,
ოთხივე საეჭვოდ უჭუჭუნებდნენ თვალებს იმ სამს! იმათგან
ერთ-ერთი ჩე უნდა ამერჩია. ახლა მთელი გზა ვფიქრობ მათზე,
რომელზეც მეტს ვიფიქრებ, ის უფრო მყვარებია ალბათ.
რას იტყვი შენ? — მკითხა.

გამოცდილი კაცის გამომეტყველება მივიღე და ცოტა
ხნის ფიქრის მერე ვუთხარი:

— შენი ლაპარაკიდან ჩანს, არც ერთი არ გყვარებია, თუ ალლო არ მღალატობს, უკვე აღარც მათ უყვარხარ, ისინი იმ დღესვე გაარკვევდნენ ვინ ვისი დეიდაშვილია. ამას რაც მოჰყვება, ალბათ, კარგად გესმის. შენ სამივე მალე დაგავიწყდება, როგორც კი უფრო ახლოს მეოთხე გოგონა გამოჩნდება. აგერ, რეზოს მაგალითს გეტყვი. მასაც ჰყავს შეყვარებული, მაგრამ თუ სხვა ქალიშვილი გამოჩნდა, დროებით ავიწყდება ის, ყველაზე უფრო რომ უყვარს. ამიტომ არც ერთს რეზო არ გამოუცილებია. ამას ისე ვამბობდი, მაჩარაძეს ლაპარაკის მადე წაუხდა. ფანჯარასთან მივიდა, არყის ხეებს მიაშტერდა, მერე დაბალ ხმაზე დაიწყო:

შეყვარებული ვის არ ჰყოლია, დელია,
მაგრამ საფლავში ვინ ჩაყოლია, დელია...

მომიბრუნდა, გამიღიმა და წითხრა:

— სწორია, საფლავში ჩაყოლია რა საჭიროა, ისე, კარგი გოგო გულს არ ემეტება თუ არა... გოგოების მეტი რაა აჩხელა ქვეყანაში, — ხელი არყის ხეებისკენ აიქნია.

რეზო ახლაც ჭადრაკს ეთამაშებოდა ლუკიანჩენკოს. ახალ კომბინაციაზეც ფიქრობდა, ჩვენც გვისმენდა თურმე.

— არ გამომაცილეს, თორემ დაკვებენი გზას, ჭკუა და მოხერხება თუ გაქვს კაცს, ყველაფერი შენი გეგმით წავა. ეს ცხოვრებაც ჭადრაკივითაა, იცი თამაში, გაიმარჯვებ! მეფე აიღე ოუ გინდა, ყველაზე დინჯია, ნაბიჯ-ნაბიჯ დაბრძანდება თავის საუფლოში. ამიტომაც სხვა ფიგურებზე დიდხანს ცოცხლობს. პაიკი სულ სხვაა, თამაშის დაწყებისთანავე წინ ილტვის. ხშირად თავისივე სულსწრაფობა ღუპავს. ასეა ყველა, ვინც იჩქარებს. ცხოვრებას დინჯად უნდა მიჰყვე, თუ გინდა დამში გახვიდე. აგერ მთელი კვირაა მეთამაშება ჩვენი უფროსი, ერთი ხელი არ მოუგია. დასაწყისში უპირატესობა აქვს. ახლაც, დასაწყისშივე წამართვა ცხენები. ჩემს ტაქტიკას არ ვუღალატე და ქე მყავს მიმწყვედელი. ორ სულაში შამათი იქნება.

— შახ! — თქვა ლუკიანჩენკომ და ეტლი დაუმიზნა მეფეს.

— სხვა მეფეების არ იყოს, რეზოს მეფეც დინჯი აღმოჩნდა, ერთი მოკლე ნაბიჯი გააკეთა გვერდზე. ლუკიანჩენკომ მხედრით გადაუჭრა გზა. თეთრი მეფის საქმე შავად იყო.

— ამ ქარტიას აღარაფერი ეშველება, — წაილულულა რეზომ და ლუკიანჩენკოს მტყუანივით გაუცინა.

5

— ნახევარი საათის მერე ჩავდივართ, — გამოაცხადა მაიორმა.

ატყდა ერთი ჩოჩქოლი. ათ წუთში მზად ვიყავით. ბიჭები ფანჯრებს მიაწყდნენ. თვალსა და ხელშუა წამოიჩინა ქალაქი.

— ორასოცდათვრამეტი; — ჩაიბარა ბერაიამ ბოლო სადგურიც და ზურგნანთის თასმებში ზელები გაუყარა.

მატარებლიდან ჩამოვედით. სადღა იყო გრძელი ეშელონი. რომელიღაც სამგზავრო მატარებელზე მხოლოდ ჩვენი ვაგონი მიებათ ბოლოში.

ლუკიანჩენკომ ადგილი მიგვიჩინა. თვითონ ნაწილში დარეკა. მანქანის მოსვლამდე სახლებში დეპეშები გავგზავნეთ.

სამხედრო ნაწილი, სადაც ჩვენ მიგვიყვანეს, ქალაქის მეორე ბოლოში იყო, ერთ-ერთი შენობის წინ ჩავვამწყრივეს.

— ქუდები მოიხადეთ! — გვიბრძანა ლუკიანჩენკომ, — ვისაც თავი არ აქვს გადაპარსული, გაქყვება ზემდეგ ჩევერნოჟენკოს.

ულვაშებგადაფურჩქნილი ზემდეგი სარკეებიან ოთახში შევევიძღვა.

— საიდან იქნებით? — შეგვეკითხა ჩევერნოჟენკო.

— საქართველოდან, — უპასუხა კოპლატაძემ.

— რაო, თქვენთან დალაქები არ არიან?

— რამდენიც გნებავთ, მაგრამ ჩემი დალაქი ისვენებდა იმ დღეს.

— როგორ, საკუთარი დალაქი გყავთ?!

— არა, ნაცნობ დალაქთან ვიკრბჭებით.

— კეთილი, ახლა მე გაგკრიჭავთ, როგორც საჭიროა. პირველწლიანებისთვის ერთი ვარცხნილობა მაქვს შერჩეული,

„დაე, მუდამ იყოს მზე!“ მეორე წელს „გოგობო, ჩემკენ...“ მესამე წელს კი „გამარჯობა, დედა!“ მესამე ვარცხნილობამდე კაიძალი „სახნაე-სათისი“ გექნებათ. მანამ კი ვარცხნილობა ნომერ პირველი!

— დაჯექი! — სკამი შესთავაზა კოპლატაძეს.

— მე არა, ჯერ სხვა! — დაგვითმო კოპლატაძემ.

— რაც იქნება, იქნება! — თქვა რეზომ და სარკის წინ დაჯდა.

ჩვეერნოჟენკომ წარბებს ზემოდან დაიწყო პარსვა. მიჰყვა და ხერხემლის მალებამდე ისე ჩაღრუჭ-ღრუჭ-ღრუჭუნდა, არ დაუსვენია.

— ამხანაგო ზემდეგო, თქვენი სახელი და მამის სახელი, თუ შეიძლება?!

— მიკოლას მეძახიან, მამაჩემს ოლექსო ჰქვიაოდა, ღმერთო, გაანათლე მისი სული.

— მიკოლა ოლექსოს ძე, მწიწკნის თქვენი მექანიკური ხელსაწყო, ამადრო თავის ქალა.

— შეუძლებელია, წინა კვირას დავლესე დანები, ასამდე კაცი გაეპარსე, არავის უთქვამს საყვედური. — მერე სარკეში ჩაიხედა, ყურისძირთან გაფურჩხილ-თმას დაადო საპარსი და შეჰყვა ზემოთ. ცალი უღვაშის აწვევ-ჩამოწვევაზე მიუხვდი, პატრონსაც წიწკნიდა საპარსი.

— მოიცა, მოიცა! — წამოიძახა და ახლა მეორე მხარეს დაიწყო ცდის ჩატარება. რეზოს დანახვას ხომ არაფერი სჯობდა, მიკოლა ოლექსოს ძე უკეთესად გამოიყურებოდა.

— ამხანაგო ზემდეგო, ეგ, ალბათ, მეორე ნომერი ვარცხნილობაა, თქვენ რომ გაიკეთეთ?! — ეკითხება რეზო.

— არა, ამას ნომერი არა აქვს, ცოლი დღენიადავ მაფრთხილებს, სისულელეებს თავი დაანებეო, მაგრამ ჩვეულება რჯულზე უმტკიცესია.

ზემდეგმა საპარსი დაშალა, დანების ლესვა დაიწყო.

— მოძველდა ჩემი მანქანა, ორმოცდასამ წელში ბრიგადენფიურერი ფოგელი გამიპარსავს, რამდენი სხვაც, ვინ მოთვლის, დიდ-დიდი ჩინებიც, უბრალო ესესელებიც.

— გერმანელებთან მსახურობდი? — ერთდროულად ვიკიტუჩეო ბიჭებმა.

— ჰო, ისე იყო საჭირო, ჩემს თავზე სინჯვა-სინჯვას მაშინ მივეჩვიე. გერმანელები სიცილით იჭაჭებოდნენ, ამას რომ უყურებდნენ.

საპარსი ისევ ააწყო და სამ წუთში გაათავისუფლა რეზო. ახლა დანელია დაჯდა სარკის წინ. ოთახში სერჟანტმა შემოიხედა.

— ამხანაგო ზემდეგო! მაიორი ფირსოვი გიხმობს, — უთხრა ჩევერნოჟენკოს.

მიკოლა ოლექსოს ძემ საპარსი მახარაძეს გადააწოდა, ჩემი მეოოდით გააგრძელე, მალე მოვალო.

მახარაძემ საპარსი აამუშავა.

— რას შეები, მურთაზ მიხეილიჩ, მწიწკნის! — წამოიყვირა დანელიამ.

მურთაზმა თავის თავზე გასინჯა და შეუყვირა:

— ნუ 'სიმულიანტობ!..

გაიპარსა დანელია, გორგოძე, გვეტაძე, მახარაძე... კოპლატაძე ვერ იქნა და ვერ დასვეს სარკის წინ, სხვებს უთმობდა რიგს.

ყველა გაიპარსა, კოპლატაძის უარდა.

— დაბრძანდიო, — შეეპატიჟა მახარაძე და სკამზე მიუთითა.

— მერე!

— მერე, — მახარაძემ საპარსი აამუშავა კაერში.

— შენ?!

-- დიას!

— ახალი ამბავი!

— დავეკი, ბიჭო! — შეუყვირა დანელიამ და საპარსი ჩამოართვა მახარაძეს.

— მანამ არაფერი ჭამე, სანამ ჩემი თავი არ ჩაგიგდო ხელში საჯიჯგნად.

— აბა, მირუცადე შენს დალაქს და ჩამოგაკითხავს ქუთაისიდან.

ვერც ერთ ჩვენგანს ვერ ენდო. ისევე მოგვიანებით დაბრუნებულმა ჩვეერნოფენკომ „გაანათა“ კოპლატაძის თავი. ოხილის კაკლისოდენა კოპი ჰქონდა თავზე ახლად გაპარსულს.

— ეს რაა?! — იკითხა დანელიამ და ცერი დააჭირა კოპზე.

კოპლატაძემ უხეშად მოიშორა დანელიას ხელი.

— ეს დაბადებიდან დამყვა, — თქვა ამაყად, — ბესარიონ კოპლატაძესაც აქვს, ზუსტად ამ ადგილას. ახლა ფოთში მუშაობს.

— რას აკეთებს იქ? — დამცინავი ღიმილით ეკითხება მახარაძე:

— პორტის უფროსის პირველი მოადგილეა.

— აინშტაინსაც ჰქონია კოპალი, — ისევე მოიფხანა. ენა დანელიამ.

ჩვეერნოფენკომ შეგვათვალეირა.

— ოოოი ბატუშკი, როგორ ერსმანეთს ჰგავხართ ჩასამკვავებელი კიტრებივით! თმებით კიდევე გაგარჩევლათ კაცი. ეს კი სუფთა გერმანელია, ქართულად რომ არ ჭიხვინებდეს, — დანელიაზე მიგვითითა ზემდეგმა, — ასეთივე ქერა და ცისფერთვალეა იყო ფოგელის ადიუტანტი, რამდენჯერ გამიპარსავს ის აყლაყუდა. ახლაც გამახსენდა ერთი ეპიზოდი. ცოტა გრძელი ამბავია... მოკლედ გეტყვით...

— მაიორი ლუკიანჩენკო გეძახით, აბანოში მივდივართ! — შეგვაცყობინა „მატრასამ“.

— მაშ მიდიხართ? კარგი, სხვა დროს მოგიყვებით, — დაგვიპირდა ზემდეგი.

მანქანა გვიცდიდა. ავედით ძარაზე თუ არა, დაიძრა კიდეც. აბანოში რიგი იყო, სანამ შეგვიშვებდნენ, მახარაძეს გაზრეთის გამყიდველი გოგონა გაეცნო და შაბათს ცეკვებზე შევხვდეთო, დაეთანხმებინა.

— ამხანაგო მაიორო! ხომ ვერ მტყვით, სად მღებარეობს ჩერნიახოვსკის საჩუღობის კულტურის სასახლე? — კითხულობს მურთაზი.

— შენ რა, უკვე ქალაქის გაცნობას შეუღექი? — კითხვაზე კითხვით უპასუხა ლუკიანჩენკომ.

— არა, ერთი გოგო დამპირდა, შაბათს იქ შეგხვდებიო, ისეთი გოგოა, სიტყვას ვერ გაუტეხავ...

ლუკიანჩენკოს სიცილი აუტყდა.

— სასასლეს მიგასწავლი, მაგრამ ვეჭვობ პაემანი შედგეს. შაბათს არ გეცლება საცეკვაოდ, სხვა საქმით იქნები დაკავებული.

მრავალდღიანი მოგზაურობის შემდეგ შხაპი მისწრება იყო. აბანოდან სამხედრო ფორმით გამოვედით. სამხრეებილა გვაკლდა.

— სამხრეებს მოგვიანებით დაგირიგებენ, — დაგვამშვიდა ლუკიანჩენკომ.

მატრასას ყველაზე გრძელი შინელი აერჩია.

— გრძელი გაქვს შინელი, ვერ უყურებ?! — ეუბნება დანელია.

— რა ვუყო მერე, ორმოცდარვა ზომა ვუთხარი და ორმოცდარვა აწერია ზედ. შემოგჭრი და ჩექმებს მაინც გაეწმენდ ხანდახან.

ოთხი დღე თავისუფლად ვიყავით. არაერთად განრიგი არ გვქონდა. ბალტიისპირეთიდან შევსებას ელოდნენ, მანამ არც ჩვენ გვამეცადინებდნენ.

მატრასას შინელი თვალსა და ხელშუა დამოკლდა. ახლა მუხლებს ზემოთ ჰქონდა ქულაჯასავით. ერთი მტკაველი, როგორც ამბობდა; თვითონ შემოჭრა, ქვეყანას შეატყობინა, შინელის ნაჭერი მისწრებაა ჩექმების ასაპრიალეblადო. მესამე დღეს მატრასას შინელს სამი მტკაველი აკლდა, ბიჭების ჩექმები კი სარკესავით პრიალეblა.

შემდეგი ზაინჩენკო, რომელიც დროებით ჩვენს უფროსად დანიშნეს, მატრასას ჩაცმულობაზე გადაირია. მატრასა ქართულად ეჭუჭყურებოდა რაღაცას. საქმეში რეზო ჩაერია.

— სამ დღეში ასე დამიპაწიავდა, ერთ კვირაში ალბათ საყელო დამრჩება. მარტოო, — უთარგმნა რეზომ ზემდეგს.

— გადაეცი, თავის ტანსაცმელს ყურადღება მიაქციოს. ამჯერად სამზარეულოში ვაგზავნი კარტოფილის სათლელაო.

სხირტლაძე ჭუჭყური-ჭუჭყურით წავიდა სამზარეულოში. მეორე დღით ყაზარმაში ძველი ქუდით დაბრუნდა.

— რას დაგიმგვანებია ქული, იატაკი წმინდე? — ჰკითხა დანელიამ.

— არა, ერთმა მომხალა, მეორეს ვადასცა, მეორემ შესამეს და ასე გამიქერეს ცხვირწინ. ვეძიე და ვეძიე, ველარ უნახე, უქულიდ ხომ არ დაებრუნდებოდი, მოვსტაცე იმ ბიჭს თავისა ქული და გამოვიქეცი აქეთ.

— კარგად მოგიფიქრებია! — ახითხითდა მახარაძე.

დანელიამ ხელი მოხვია მატრასას.

— წამოდი, მაჩვენე ის ბიჭი, პატარა ჯკუას დაუარიგებ თუ არა, ერთ კვირაში საცვლების ამარა დაგტოვებენ, შე გაჭირვებულო.

— დაანებე თავი, ხარივით ბიჭია, არაფერი მოგწიოს! — აფრთხილებდა სხირტლაძე.

— ნუ გეშინია, შენ დამანახე, დანარჩენი მე ვიცი.

მატრასა სამზარეულოსკენ გაჰყვა დანელიას.

— ის ბიჭია, ქვაბს რომ მიათრევს.

— ჟიიიტა მაგის ქული, — დანელიამ მომენტი შეარჩია, სანამ თეთრხალათიანი ქვაბს ლუმელზე შედგამდა, ახალი ქულის ნაცვლად ისევ თავისი, გაქონილი ძველი ქული ეხურა.

— ვის უბედავ!.. სალაგა!.. — ძლივს გამოძვრა თვალებზე ჩამოფხატული ქულიდან თეთრხალათიანი.

— მკელტაციობას მოეშვი, თუ არა!.. — უღრიალა დანელიამ და მუშტი მოუღირა.

თეთრხალათიანი უკან მიაწედა.

— წამოდი, ბიჭო! — სხირტლაძის ვასაგონად თქვა დანელიამ და ქამარი შეისწორა.

მატრასას ორივე ხელით ჩაებლუჯა: ქული, დანელიას აედევსა, თვალები უკან რჩებოდა, თეთრხალათიანისკენ.

6

შაბათ საღამოს. მასარაძე თხოვნით მივიდა ზემდეგ ზაიჩენკოსთან.

— შეიძლება, ამხანაგო ზემდეგო?

— შეიძლება!

— ამხანაგო ზემდეგო! დღეს საღამოს, ცოტა ხნით გამიშვით კულტურის სასახლეში, საქმე მაქვს, ოღონდაც გამიშვით, ყველაფერი რიგზე იქნება, კომკავშირულ სიტყვას გაძლევთ.

— კულტურის სასახლის გარეშე ვერ ძლებ, გეტყობა, მაინც რა საქმე უნდა გქონდეს იქ?

— გოგო მყავს დაბარებული ერთი, დავჭირდი, შაბათს მოვალ-მეთქი.

— უკვე მოასწარი? გადამრევს ეს ხალხი. სამხრეების გარეშე გინდა წახვიდე?

— რაუა, რა უჭირს, აქამდე სულ სამხრეების გარეშე არ დავდიოდი? — გაუკვირდა მახარაძეს.

— აქამდე როგორ დავდიოდი, ცოტა ხნით დაივიწყე. კარანტინის დამთავრებამდე ფეხსაც ვერ გაადგამ ამ შემოღობილიდან, არ შეიძლება! გესმის?

მახარაძემ ყურები ჩამოჰყარა. წელმოწყვეტილივით გამობრუნდა უკან. თავის ოთახში ფანჯრის რაფას ჩამოეყრდნო და გზას გახელდა ჭიშკრის იქით. — იმ ჭიშკრიდან უსაბუთოდ არავინ გაგიშვებს, სხვა ჭიშკარი აქაურობას არა აქვს, ხომ არ გადავიპარო? — დაეკითხა საკუთარ თავს. მაცდური ფიქრი რომ აეცილებინა, დაჯდა და წერილი მისწერა ერთ-ერთ შეყვარებულს იმ სამიდან. ცოტა წაიტრაბახა, ასე ვარ და ისეო, სიტყვა არ დასცდენია, პირველი ჰაემანი ჩამიფლავდაო. შენს წერილს მოუთმენლად ველიო. დრო მაინც კაიძალი დარჩა. მარინამ და სოფამ რა დააშავაო და იმათი წერილებიც ჩაახლათო. შინაარსი თითქმის ერთნაირი იყო.

როგორც კი წერილები ყუთში ჩაუშვა, მაშინვე ახალგაცნობილი ოლგა დაუდგა თვალწინ. ალბათ, კულტურის სახლთან უცდის ახლა. ოთახში ველარ გაჩერდა. გალიაში გამომწყვდეულივით დაიწყო წინ და უკან სიარული. ღობესთან მიიბრინა, იპოვა პატარა გასაძრომი, ღურთა თავი და ცოტა ხნის მერე ქუჩაში აღმოჩნდა.

— ქალაქის ცენტრში როგორ მოვხვდები? — ჰკითხა ერთ

ქალიშვილს, რომელიც ოლგაზე ნაკლები არაფრით იყო. ყოველ შემთხვევაში; ასე მოეჩვენა მურთაზს.

— პირდაპირ იარე! — მოკლედ უპასუხა გოგონამ.

უკან მოუხედა. ისე კონტად მიპაკუნობდა, იფიქრებდით, რკინიგზის ლიანდაგზე შპალებს ითვლისო. გულის ნაწილი იმ გოგოსაც გაატანა მიხარაძემ.

— მოგეწონა? — შინაურულად დაეკითხა ახალგაზრდა ლეიტენანტი. მას ორი წითელარმიელი ახლდა. სამივეს წითელი სამკლაურები ეკეთათ. „პატრულ“ — ამოიკითხა მახარაძემ ოფიცრის მკლავზე.

— ისე რა! — უპასუხა კითხვაზე და წასვლა დააპირა.

— მოიცა! — არ გაუშვა ლეიტენანტმა, — საით მიდიხარ?

— კარგად არც მე ვიცი, სადღაც ჩერნიახოვსკის სახელობის კულტურის სასახლე ყოფილა.

— ძალიან კარგი, ერთი გზა გვექონია, მანქანით წავიდეთ, უფრო ჩქარა მივალთ.

მურთაზი არ გაძალიანებია, ძარაზე ახტა იმ ბიჭებთან ერთად, ლეიტენანტს რომ ახლდნენ. ლეიტენანტი კაბინაში ჩაჯდა. ;

„მშვენიერ ქალაქში მოვხვდი, პატარაა, მაგრამ ლამაზი“, — ფიქრობდა არხეინად.

— თქვენ საიდან ხართ? — იკითხა მურთაზმა.

— იქიდან! — უთხრა ერთ-ერთმა და მაღალი შენობა დაანახა.

— მე სადაურობა გკითხე, შე ბოთე.

— აი, მიგიყვანთ, იქ დავაკმაყოფილებთ შენს ცნობის-წადილს! — ახლა მეორემ ამოიღო ხმა.

მანქანა მოედანზე გაჩერდა, სინათლეებით გაჩახჩახებული შენობის წინ.

— მოვედით? — იკითხა მურთაზმა და გადმოსასვლელად მოემზადა.

— ჯერ არა, შეეგროვდებით და მერე, — ხელით შეაჩარა ერთმა.

მეორე გადმოხტა და ლეიტენანტს შეჰყვა შენობაში, დი-

დი ასოებით რომ ეწერა: ჩერნიახოვსკის სახელობის კულტურის სასახლე.

ქუჩაში ახალგაზრდები დასეირნობდნენ. მურთაზი თვალს ადევნებდა, რა კარგი გოგონებიაო, ფიქრობდა, ერთმანეთზე უკეთესები. ეს მუტრუკი არ მიშვებს თუ არა, ეგერ იმ გოგოს, ხუთ წუთში ეცოდინება საქართველოს ისტორია, როგორ მოჰყავთ ჩაი, რატომ ჰქვია ჩვენთან გამოშვებულ ავტომანქანებს „კოლხიდა“, რომელ ნომერ ბუცებს იცვამენ ჩვენი სახელგანთქმული ფეხბურთელები მესხი და მეტრეველი.

ლექტენანტმა ათი წუთის შემდეგ ორი წითელარმიელი მოიყვანა, ერთს ეტყობოდა ნასვამიც იყო. მურთაზის დანახვაზე გადაიხარხარა, მის ახლოს მოკალათდა, მხარზე დაქრა ხელი და უთხრა:

— კაცო, ჯერ სამხრეებიც არ გაქვს და უკვე გაები?

— გავები არა იხვის ტოლმა, — წაიბუზღუნა მურთაზმა.

კომენდატურაში წითელყდიანი ჟურნალი გაშალეს და სამივე დამრღვევის გვარი შიგ შეიტანეს.

— აწი არაფერი გვიჭირს, წითელ წიგნში მოვხვდიო. ჩვენზე ნადირობა უკვე აღარ შეიძლება, — ისევ გადაიხარხარა იმ ბიჭმა, ნასვამი რომ იყო და ხის გრძელ სკამზე წამოწოლა დააპირა.

არ დაანებეს, ისევ კუთხეში მიიყუჭა.

ნაწილის წომერი ჰკითხეს მურთაზს.

— არც ნომერი ვიცი და არც გზა, ფეხით რომ გამიშვათ, ველარც მივაგნებ.

ტელეფონზე იწვალა მორიგე ოფიცერმა, როგორც იქნა დაუკავშირდა ნაწილს.

ცოტა ხნის შემდეგ ზემდეგი ზაიჩენკო შემოვიდა.

— მე ხომ უარი გითხარი! — შეუყვირა მურთაზს.

— მიტომაც გამოვიპარე! — უტეხად უპასუხა მახარაძემ.

— კარგი, გასწავლი როგორ უნდა უპაგონოდ და უპრაგონოდ სიარული, გამოადგი ფეხი!

ნაწილში მიყვანისთანავე სამზარეულოში გაამწესა:

— ძილის ნაცვლად მთელი ღამე მზარეულებს მიეხმარები, შემდეგ ვნახოთ.

სამზარეულოში დანა მისცეს ხელში, კარტოფილი თაღო. ასე იღბლიანად დაიწყო მახარაძემ სავალდებულო სამხედრო სამსახური.

„კოხტად რომ მიჰაკუნობდა, სულ იმ გოგოს ბრალია, — ფიქრობდა მურთაზი, — უკან მივუხედე, გავერთვე და შეუმნენველად წამომადგნენ ის ბემურასები. კაცმა რომ თქვას, იმის ბრალიც არაა. პირდაპირ იარეო, დამარიგა. მე პირი დავაღე და... ახლა კარტოფილს ვთლი აგერ. „მატრასა“ შუა ძილში იქნება, კოპლატაძე, ალბათ, შუა სიზმარში. კარტოფილიც ხომ. უნდა გათალოს ვიღაცამ. დილით ბერაია გაიღვიძებს, არ უნდა საჭმელი? რა მოხდა, დღეს მე გაეთლი, ხვალ სხვა და გავა დრო“.

ამ ფიქრებში იყო, რომ ჩასთვლიმა, ხელში ნახევრად გათლილი კარტოფილი და წვერწატეხილი დანა შერჩა. ასე ფეხაკრეფით შეფაჩუნდა ძილში, ძილიდან სიზმარში. სიზმარი იქიდან დაიწყო, გოგოს რომ მოუხედა უკან, შოლტივით გოგოს. ჩამოსხმული ტან-ფეხი ჰქონდა, იმ მამაძაღლს. უკან დაედგენა. ახლა დაუკვირდა, წითელი კაბა, წითელი ფეხსაცმელები ეცვა, წითელი ქუდი ეხურა. ეს ხომ წითელქუდაა?! ბავშვობიდან ვიცნობ. ხელზე სამკლავურიც აქვს, „პატრულ“, — აწერია სამკლავურს. გზა დამთავრდა. ტყეში ვიწრო ბილიკით შევიდა „წითელქუდა“. მურთაზიც შეჰყვება ხვეულებში.

„სად მიდიხარ?“ — ჰკითხა ბოლის.

„ბებიასთან მივდივარ!“

„ვიცი, რაცხა ბებიასთან მიდიხარ, — მაინც გაჰყვება, — სახელი რა გქვია?“

„გალია მქვია“, — უპასუხა და მაცდური ღიმილი მოეფინა პირსახეზე.

არც სახელი მოეწონა, არც სამკლავური, მაინც მიჰყვებოდა ტყეში.

„ბებიასთან არ უნდა მიდიოდე, გოგო, შენ!“ — დაეჭვდა მურთაზი.

„შენს თავს ვფიცავარ, ბებიასთან მივდივარ!“ — გადაიკისკისა „წითელქუდამ“.

მე ღამიფიცაო და გაღაირია მახარაძე, კინაღამ „წითელ-ქუდასაც“ გადაასწრო.

როგორც იქნა, მიღწიეს ბებიას ქოხამდე. თბილ ლოგინში იწვა ბებია. დიდრონი თვალები ეჭვვიანად დაამტერა მურთაზს.

„ეს შავტუხა საიდან გაჩნდა აქ?“ — იკითხა ბოლოს.

„ჩემი ძველი ნაცნობია“, — უპასუხა „წითელქუდამ“.

„უსამხრეებოდ როგორ გაბედე ჩემი კუდრაჭას გვერდით გავლა!“ — შეუბღვირა მურთაზს.

კარგად დაუკვირდა ბებიას, იმ ლეიტენანტის სახეს მიამსგავსა, კომენდატურაში რომ წაიყვანა. ღუმელზე, დიდ ქვაბში, რაღაც იხარშებოდა.

„გაუმასპინძლდი სტუმარს!“ — მიმართა „წითელქუდას“ ბებიამ, ახლა ქალაქის კომენდატს რომ დაძსგავსებოდა.

„წითელქუდამ“ გადმოიღო ქვაბი. იქიდან მოხარშული კარტოფილების ამოლაგება დაიწყო. ალაგებდა და ალაგებდა. მაინც რამდენი ყოფილა, მაგიდაზე კარტოფილების პირამიდა აღშენდა. აღარც ბებია ჩანდა, აღარც „წითელქუდა“. მათ მაგივრად ზემდეგი ზაიჩენკო ჯადგომოდა თავზე.

„გათენებამდე ყველას გაფცქვნი, გესმის?!“

„ყველას! ყველას! ყველას!“ — გაიმეორა მთელმა ტყემ.

ნელ-ნელა გაიფანტა ბურუსი, ასევე ნელ-ნელა დააღწია თავი სიზმრიდას.

შეფ-მზარეული წამოდგომოდა თავზე.

— რას შევბი, ძმობილო! სიზმარში გათლილი კარტოფილით აპირებ პოლკის დაპურებას?

„რა იცის ამ გაბერილმა, სიზმარშიც რომ კარტოფილს კთლიდი?“ — გაუკვირდა ნამძინარეე მახარაძეს.

ისევე კარტოფილის თლა გააგრძელა.

„ნეტა მართლა რა ჰქვია იმ გოგოს?!“ — ფიქრობდა თან.

ცოტა ხნის მერე რამდენიმე ახალბედა შემოუსხდა ვეებერთელა ქვაბს, რომელშიც გათლილ კარტოფილს ყრიდნენ.

ოთხი დღის შემდეგ ბალტიისპირეთიდან შეესება მოვიდა, სამივე რესპუბლიკა მაღალ-მაღალი თეთრი ბიჭებით წარ-
 ლოდა სამხედრო სამსახურში. ისინი იმ დღესვე გამოაწყვეის
 ფორმის ტანსაცმელში და იმ დღესვე დაანაწილეს შენობებში.
 ჩამოაყალიბეს ქვეგანაყოფები. ჩვენი, ოცდაცამეტკაციანი ჯგუფი,
 სხვადასხვა ქვეგანაყოფში დაგვანაწილეს. მახარაძე, გორგოძე,
 გვეტაძე და ბერაია ჩემთან ერთად მოხვდნენ.

გავეცანით კარანტინის დღის წესრიგსაც, წუთებიც ისე
 იყო გამოთვლილი, თავის მოსაფხანნი დრო აღარ გვრჩებოდა.

პირველ რიგში სამხრეები დაგვირიგეს, გიმნასტურაზე,
 სადღესასწაულო მუნდირსა და შინელზე ჩვენივე ხელით და-
 ვაკერეთ, როგორც სერჟანტმა აკალადამ გვასწავლა. სამხ-
 რეებზე საპაერო დესანტის ოქროსფერი ემბლემები აბრჭყვი-
 ალდა. სხივიც სხვა მიეცა ჩვენს ტანსაცმელს. ახლავა და-
 ვემსგავსეთ ნამდვილ ჯარისკაცებს.

— სამი თვე კარანტინში ვიქნებით, — გამოგვიცხადა აკა-
 ლადამ, სამხრეები წესრიგში რომ მოვიყვანეთ, — ასეულის
 მეთაური იქნება კაპიტანი გერშალოვი, გერშალოვს მიეხმა-
 რებიან სერჟანტები: ჩაპლია, ანტოპოვი და მე.

ამ დროს ყაზარმაში საშუალო ტანის კაპიტანი შემოვიდა.

— სმენა! — იჭექა აკალადამ, მერე სამწყობრო ნაბიჯებით
 მიუახლოვდა მოსულს, ხელი მარჯვენა წარბს ზემოთ მიი-
 ტანა და მოახსენა: — ამხანაგო კაპიტან, ასეული მზადაა თეო-
 რიული მეცადინეობის ჩასატარებლად.

— გამარჯობათ ამხანაგებო! — მოგვესალმა კაპიტანი.

— გაგიმარჯოთ, ამხანაგო კაპიტანო! — ერთხმად ვიხუე-
 ლეთ ჩვენც.

— კარგად მპასუხობთ! — შეგვაქო კაპიტანმა.

— ვემსახურებით საბჭოთა კავშირს! — ისევ ერთხმად ვუ-
 პასუხეთ, როგორც აკალადამ გვასწავლა.

— თავისუფლად!

— თავისუფლად! — გაიმეორა აკალადამაც.

— ამხანაგო ჯარისკაცებო, მე გახლავართ კაპიტანი გერ-

შალოვი. ხელმძღვანელობამ დამავალა: სამი თვის მანძილზე კარანტინში ვიმსახურო თქვენთან ერთად. ვიმეცადინებთ, როგორც თეორიულად, ასევე პრაქტიკულადაც. ვუხელმძღვანელებ განაწესების შესწავლას, ფიზიკურ მომზადებას, სამწყობრო მომზადებას, პარაშუტის ნაწილების შესწავლას და მის მომზადებას საბრძოლო ხტომებისათვის, — კაპიტანი შუბლშექმუხნილი ლაპარაკობდა, წარბიც არ შეუხრია, მის თვალებში უზომო სევდა იყო ჩალვრილი.

გერშალოვისადმი მაშინვე თანაგრძნობით განვიმსჭვალე; თუმცა არ ვიცოდი, რატომ.

— მარჯენისა-კენ! — ბრძანა გერშალოვმა.

ზოგი მარცხნივ შებრუნდა, ზოგი მარჯვნივ, იქვე დავამტკიცეთ ახალბედები რომ ვიყავით.

— სასწავლო კორპუსისკენ ნაბიჯით იარრ!

სამი წუთის შემდეგ სასწავლო კორპუსში მერხებს ვუსხედით.

ოთხი პატარა ზომის ნაცრისფერყდიანი წიგნი გვიჩვენა გერშალოვმა.

— აი, ოთხი განაწესი, ყოველი ფეხის ნაბიჯზე რომ უნდა გვახსოვდეს, უნდა დაიცვას ყველამ, ვისაც საბჭოთა სამხედრო მოსამსახურის ფორმა აცვია. ჯარისკაცია თუ გენერალი, მფრინავე თუ მეზღვაური, სულ ერთია. მცირე გადახვევაც სამხედრო წესდების დარღვევაა, დამნაშავე პასუხს აგებს დანაშულის სიმძიმის მიხედვით.

პირველი წიგნია შინაგანაწესი;

მეორე — დისციპლინარული სამსახურის წესდება;

მესამე — საგარნიზონო და საყარაულო სამსახურის წესდება;

მეოთხე — სამწყობრო სამსახურის წესდება.

თვითეულმა თქვენგანმა ზეპირად უნდა იცოდეს ყველა თავი, ყველა მუხლი განაწესებისა, მიღშიაც რომ გკითხონ, მაშინაც.

ამის ძერე კაპიტანმა ყოველ ოთხ ჯარისკაცს წესდებების თითო კომპლექტი ჩამოურიგა, — ხვალისთვის პირველი თა-

ვების გამოკითხვა გექნებათ, — გაგვაფრთხილა და ათწუთიანდ შესვენება გამოაცხადა.

მოსაწევ ოთახში სიგარეტები გავაბოლეთ, ბერაიამ ფურცელ-ფურცელ გადათვალა ხვალისდელი დავალება.

— ამას რა მასწავლის ხვალამდე. რვა წელი ვსწავლობდა სკოლაში რუსულს, „სტრეკოზა და მურავეის“ მეტი არაფერი მახსოვს, იმასაც ჩვენი კოლმეურნეობის გუნდში გვამღერებდა ძუკუ ლოტბარი, „რესპუბლიკურ კონკურსზე უეჭველად გავიმარჯვებთ და სამოსკოვოდ ერთი სიმღერა მაინც ხომ უნდა გვექონდეს მზად, მარტო მეგრულ სიმღერებს ვინ მოუსმენს იქო“. — მართლა მაგრად მოვამზადეთ სიმღერა. შავი პიჯაკები შეგვიკერეს — კრეპის. შარვლებზე ფული აღარ ეყოთ. „არცაა საჭიროო“, დაგვაიმედეს. წილს ქვევით მაინც ზეჩონგურე ქალების გრძელი კაბები დაგფარავთო.

— ბოლო-ბოლო იმღერეთ მოსკოვში? — დაინტერესდა მახარაძე.

— მოსკოვში აღარ გაგვიშვეს. ნახევარი ქულით გადაგვისწრო წალენჯიხამ და შევერჩა შავი პიჯაკები. ჩემმა მეზობელმა შარვალიც შეიკერა შავი და იმ კოსტუმში მოიყვანა ცოლი. მეც მიჩნეედა, შეიკერე შარვალიო, მარა ჯარში გამიწვიეს და აგერ ვარ ახლა.

— სიმღერით ისწავლე და უფრო ადვილად მოერევი, აქაც ხომ შეგიკერეს შინელი, — გავეხუმრე ბერაიას.

— სიმღერა გვაკლია ჩვენ? დილას, შუადღეზე და საღამოს ვმღერით. სულ იმას გვარიგებდა ძუკუ ლოტბარი: „ბევრი არ იმღეროთ, ხმა არ გადაღალოთ“, ეს რომ იცოდეს, ამდენს მამღერებენ აქ, გადაირევა, არ უნდა დაპარაკი.

— კარგი კაცი ყოფილა ძუკუ.

— ეუუუუ!.. რაიონული ფესტივალების ლაურეატია მრავალგზის. სამი გოგო ჰყავს, სამივე ერთმანეთს სჯობია. უმცროსი... რაღა დაგიმალოთ, ძმები ვართ უკვე და... მისი ხათრით მოვხვდი გუნდში, თუ არა, სად მქონდა ხმა. კლუბში რომ მივედი, პირველი ხარ თუ მეორეო, მკითხა ლოტბარმა. ყველა მე მომჩერებოდა. ძუკუს გოგოც მიყურებდა. დავიბენი მთლად, ისიც ვერ გავიგე, რა მკითხეს. შემატყვი ძუკუმ და

უფრო გასაგებად ამიხსნა. რომელ ხმას მღერი, წერილ ხმას თუ მსხვილსო. მე ვუთხარი: გუნდში მიმიღეთ და რომელსაც გინდათ იმას ვიმღერებ-მეთქი. მაშინ მეორე ხმა მიჭირსო და მარჯვენა მხარეს დამაყენა. კიდევ კარგი, პირველი არ უჭირდა, თორემ დავიღუპებოდი. მეორეს მღეროდა ძუკუს გოგოც, ჩემს წინ იდგა, სულ ახლოს, მე და შენ რო ვართ ასე, თავს რომ გააქნევდა, მისი ნაწნავები ცხვირში მხვდებოდა სულ. მაშინ მივხვდი, რა ძალაც ჰქონია სიყვარულს. თავის დღეში არ მიმღერია, სიმღერა რომ ჰქვია. ახლა დავაკოკო-ჭინე მარა, რა გამოვიდა, რომ იცოდეთ. „ვილაცამ აუწიაო“, ცალყურმოდარაჯებული ამბობდა ძუკუ. აუწიე კი არა, მთლად რომ არ გავსკდი, რატომ არ გაუკვირდა ნეტა. მე არაფერ შუაში ვიყავი, სიყვარულს სცოდნია სიმღერა ასე. ხუთი წელია მიყვარს. სკოლიდან დაიწყო ყველაფერი.

ერთხელ სახლში ვბრუნდებოდიტ გაკვეთილების შემდეგ. ხიდი დაგვხვდა წყლისგან წაღებული. ქვებზე ხტუნვა-ხტუნვით უნდა გადავსულიყავით ფონს, მაშინ იყო, ხელი გაუწოდე ძუკუს გოგოს. მივეშველე გადასვლაში. გადავიყვანე როგორც იქნა. ელექტრონივით დამიარა მთელ სხეულში რაღაცამ. ვიფიქრე: ახლა მეც ლამაზად გადავბტები, ცოტა თავს მოვაწონებ ამ ანგელოზს-მეთქი და შევირცხვინე ბიჭობა, ფეხი დამიცდა სველ ქვაზე, წყალში მოვადინე ტყაპანი. მის მერე ვაგდივარ წყალში ანთებული მუგუზალივით, არც დავიწვი და არც წყალი ანელებს იმ ცეცხლს, გულში რომ გამიჩნდა.

— გოგოს თუ უყვარხარ? — იკითხა რეზომ.

— ძუკუს გოგომ არაფერი იცის, მგონი. ვითომ რაღაცეებს კი ხვდებოდა, მაგრამ, რა ვიცი... ერთხელ ცუდად გავხდი სკოლაში, რა გჭირსო; მეკითხება ალგებრის მასწავლებელი, რინოს ბალათურია. არ ვიციმეთქი, მხრები ავიჩიჩე. გვერდით მელუას გოგო მეჯდა, ეშმაკის ფეხი, შუბლზე ხელი დამადო და იყვირა, ტემპერატურა აქვს მაღალიო. ვინ ცხოვრობს ბერაიას მეზობლად, რომ გააცილოს? — იკითხა ალგებრამ. მეო, — წამოხტა ძუკუს გოგო. მაგას თუ გავატანთ, სახლში მისვლამდე აუწივს სიცხეო, — მელუას რა ვუთხარი, იმან წამოიძახა. გაკვეთილი არ იცოდა, ალბათ, თუ არა აღარ გა-

წომევენოდა, მისი ხასიათი რომ ვიცი. ერთი სიტყვა არ უთქვამს გზაზე. იმ დღიდან შეიცვალა ძუკუს გოგო, მგონი კიდევ გამიძროდა, თვალებში ველარ ვუყურებდით ერთმანეთს, მკლუას რა ვუთხარი. ველარ გამოეუტყდი. ბევრჯერ დავაპირე, მაგრამ, აზრიც მეკარგებოდა, ხმაც და სითამამეც, მაგ დროს რომ სჭირდება ჩემისთანა ბოთეს. დედაჩემს მოუყუყვი ყველაფერი: ძუკუს გოგო მიყვარს და იმიტომაა ძილიც დაეკარგე და მოსვენებაც-მეთქი. რომელიო, მკითხა, ხალიანი რომაა, ის-მეთქი.

— ხალიანია თუ ჩონგურიანი, კარგად დაუკვირდი, თუ არა, სიმღერამ სხვა რამედ იცის გადაკეთება, — გამაფრთხილა დედამ.

ახლა ვფიქრობ, წერილი გავუგზავნი, თუ მოვახერხე დაწერა.

ოთხი თეორიული საათის შემდეგ ფიზმომზადება ჩაკვიტარდა. ადვილად დავძლიეთ ყველაფერი. ლიტველ იგაუნისს გაუჭირდა მხოლოდ. მაღალი იყო, ორ მეტრს სამი თითისდადება უკლდა. ვერაფრით ვერ შეგზავნა კაპიტანმა ორბელზე. დაიჟინა, გადმოვეარდებო.

— ვცადოთ, მეც დაგეხმარები! — დაპირდა გერშალოვი.

— არა, — წაგრძელებული თავი გააქნია იგაუნისმა, — ერთხელ ვცადე, თავი მივარტყი, მის მერე მაზრიალებს ორბელის დანახვაზე.

— რიგითო იგაუნის, სმენა! — ხმას აუწია გერშალოვმა. იგაუნისი გაიჭიმა, გრძელი, დაკენკილი პირისახე ჰქონდა, შიში და მორჩილება ეწერა ზედ.

— ორბელთან! — ბრძანა კაპიტანმა.

იგაუნისი იარაღს მიუახლოვდა. ბევრი იწვალა გერშალოვმა, ბოლოს, როგორც იქნა, ჩააყენა ორბელის ლარტყებს შორის.

— დაიწყე! — მოთმინებას ჰკარგავდა გერშალოვი.

იგაუნისი ლარტყებს ჩაეჭიდა, ფეხის წვერებით უხერხულად უბიძგა ტანს, ვერ აზიდა და უმწეოდ მიაჩერდა გერშალოვს.

— რამდენი კილო ხარ? — იკითხა კაპიტანმა.

— მსუბუქი ვარ.

— ყოფაქცევას არ გეკითხები, წონა მაინტერესებს! ას კილოზე მეტი?

— არა, არა, გაცილებით მსუბუქი.

მიხვდა გერშალოვი, იგაუნისს უნდოდა ეთქვა — გაცილებით მძიმე.

— სულ ერთია, მაინც უნდა დავიპყროთ ეს სიმაღლე, — ორბელზე ანიშნა, — როგორი პარაშუტისტი უნდა გამოვიდეს შენგან, თუ...

— პარაშუტით ახლავე გადმოვხტები, ამხანაგო კაპიტანო!
— სახე გაუნათდა იგაუნისს.

— ჯერ ორბელზე ახტი! — იჭეკა გერშალოვმა.

იგაუნისი კიდეც ერთხელ შეეჭიდა სიმაღლეს, როგორც იქნა აბობლდა, ფეხები გადაატარა ლარტყებზე.

— აი ასე, გაგიჭირდა, მაგრამ მაინც გააკეთე, შემდგომში ივარჯიშებ და... გადმოხტი, რაღას უცდი! — შეუძახა გერშალოვმა.

— არ შემიძლია! — ახლა გადმოხტომაზე გაიღო თავპატიჟი.

— სცადე, ისე, როგორც ახტომა სცადე.

არც ბრძანებით, არც ხვეწნით არაფერი გამოვიდა, ბოლოს გერშალოვმა და აკალადამ ძლივს ჩამოიღეს გაჩაჩხული იგაუნისი ორბელიდან.

— სერჟანტო აკალადა! სადილის შემდეგ მანამ ავარჯიშებ, სანამ ყველაფერს 'თავისუფლად არ გააკეთებს.

— არის, ამხანაგო კაპიტანო!

გაჩენის საათს მშობლიურ ენაზე მიაწყველა იგაუნისმა და მწყობრისკენ წაბორძიკდა.

— საწყალი, მართლა მინარტყამი აქვს თავი თუ არა, ასე ოთხკუთხედი არ ექნებოდა დასაწყისში, — შეიცოდა ბერაიამ იგაუნისი, — შენ მითხარი, „უსტავს“ რა ისწავლის რუსულად, თორემ, ორბელზე მეგრულადაც რომ ვივარჯიშო, რას მიხვდება გერშალოვი.

სამწყობრო მომზადებისას ისევ იგაუნისი იყო პროგრამაში. მარცხენა ფეხის გადადგმაზე მარცხენა ხელსაც იქნევდა წინ

ლა ცირკას მასხარას ჰგავდა, ყველაფერს ხალხის გასართობად და დროს გასაყვანად რომ სჩადის.

სადილის შემდეგ სასწავლო კორპუსში ვაჯიქით და წესდებებს ვსწავლობდით. ჩვენთან ერთად სერჟანტები, ჩაპლია და ანტიპოვი იყვნენ, ისინი მაგალითებით ავსებდნენ თეორიულ მასალას.

— ავაშენათ ღმერთმა, — გაუხარდა ბერაიას, — რად უნდა ამას დაზებირება, თუ ისე შევეასრულებთ, როგორც ჩაპლიამ გვითხრა. საინტერესო კია, სადაურია ეგ ბიჭი. გვარი მეგრელს უგავს, შავიცაა, ჩვენებური არ აღმოჩნდეს, მეგრულად არ აქედურტულდეს თუ არა გადავირევი პირდაპირ. კითხე, თუ არ გეზარება, ჩემს მაგიერ.

— ამხანაგო სერჟანტო, სადაური ხართ?! — ვკითხე ჩაპლიას.

— ხმელნიცკის რაიონიდან, რად გაინტერესებს?

— მე არა, ბერაიას მეგრელი ეგონე.

— ეგლა მაკლია, — თქვა ჩაპლიამ და გადაიხარხარა.

რვა საათზე ვივანშმეთ. შემდეგ თავისუფალი დრო გვექონდა. ამ დროს უმრავლესობა წერილების საწერად იყენებს. სანამ ძილის საათი მოაწევს, სამ-ოთხ წერილს ასწრებს ზოგი. ბერაია, ალბათ, ძუკუს გოგოს სწერდა წერილს. იგაუნისი თავის გაჭირვებას ატყობინებს შინაურებს ბირჟაში. მახარაძე სამივე შეყვარებულს ეფიცება, ძალსედ მოიმენატრეთო. რიგელ გოლიათს — ტულიშს, ერთი ჰექტარი ენა გადმოუგდია და კონვერტს თაფლივით ლოკავს.

— გამარჯობა, გალკა! — დაიწყო ნოვიკოვი. მერე კარგა ხანს სიტყვა ვედარ მიამატა რომ დამეწყო წერილის წერა, ალბათ ასე მომივიდოდა მეც, დავწერდი ერთი გოგოს სახელს და ჩავევინთავდი ფიქრებში. ამიტომაც არ დამიწყოია წერა. ისედაც ბევრი საქმე ექნება ხვალ ფოსტმაისტერს ამათი გადამკიდე.

— საღამოს გასეირნებისთვის მოეწყ-ვეთ! — გასცა ბრძანება ანტიპოვი.

ზოგს შუაზე გაუწყდა ფრაზა. ზოგმა დაუმთავრებელი წერილი ჯიბეში შეინახა.

ერო წუთში ორ მწკრივად მოწყობილი ასეული გასასვლელისკენ დაიძრა. ასეა განრიგით, ძილის წინ თხუთმეტწუთიანი გასეირნება გვაქვს სუფთა ჰაერზე.

— სიმღერა! — ბრძანა სერჟანტმა.

Безусые комбаты
Ведут своих орлят,
Когда поют солдаты,
Спокойно дети спят.

წამოიწყო ნოვიკოვმა.

Когда поют солдаты,
Спокойно дети спят.

აყევით დანარჩენები.

— ძილის წინ, ალბათ, მარგებელია სიმღერა, — წამჩურჩულა ბერაიამ.

— ლაპარაკი წყობილებაში! — შეუწყრა ანტიპოვი.

ოცდარო საათზე ჯარისკაცები იძინებენ; გამონაკლისები მხოლოდ გუშაგები და მორიგეები არიან, ისინი ფხიზლად უნდა იდგნენ სადარაჯოზე. კარანტინში მყოფი ახალბედებისათვისაც ოცდარო საათზეა ძილი. თუ ასეულში ურევია ისეთი ჯარისკაცი, როგორც იგაუნისია, შეიძლება ეს დრო ერთი-ორი საათით გადაუადღეს. ვისაც ამ ამბავზე ბუნდოვანი წარმოდგენა გაქვთ, მინდა მიგიწვიოთ გასაყრისის ერთ საღამოზე.

საძილე სათავსოს შესასვლელში, ტუმბოსთან მდგომი მორიგე, ოცდარო საათზე ბრძანებას იძლევა.

— ასეულო, მოეწყევო საღამოს შემოწმებისათვის!

ყველა ეწყობა ერთ მწკრივად. სერჟანტი იწყებს სიის ამოკითხვას.

— რიგითი აფანასიევი!

— ვარ!

— რიგითი ბონდარევი!

— ვარ!

— რიგითი გოგიაშვილი!

— ვარ!..

შემდეგ სერჟანტი პატაკს აბარებს ასეულის უფროსს და მისგან ლებულობს ნებართვას გასცეს გასაყრისის ბრძანება. ჯარისკაცები დგებიან თავთავიანთი საწოლის წინ. სერჟანტს, ბრძანებას რომ იძლევა, ხელში წამმზომი უჭირავს. ტანსაცმლის გახდა და ლოგინში ჩაწოლა თვითუღმა უნდა მოასწროს ორმოცდახუთი წამის განმავლობაში, საკმარისია, რომელიმე თუნდაც ერთი წამით დაიგვიანოს, ყველასათვის ყველაფერი თავიდან იწყება.

იგაუნისმა პირველ ცდაზე ქამრისა და გიმნასტურის ღილე-ბის შეხსნა მოასწრო მხოლოდ. უკვე ერთი წუთი იყო გასული და აკალდას მისჩერებოდა, გავავრძელო გახდა თუ აღარაა საჭირო, მაინც ხელახლა ჩასაცმელი მაქვსო. ყველას მოესწრო დაწოლა. მარტო ტულიში იღვა თეთრი საცვლების ამარა. ისიც იგაუნისივით ფიქრობდა, შეგორებულიყო ლოგინში თუ ისევ ჩაცმა დაეწყო.

— დასტოვეთ! — ისმის სერჟანტის ხმა.

ბრძანებისთანავე ყველანი უნდა აღგნენ, ისევ ჩაიცვან და ყველაფერი ხელახლა გაიმეორონ. ამ დროს იგაუნისზე და ტულიშზე ცუდ მდგომარეობაში სხვები ვარდებოდნენ. სინქარეში გახდილი ტანსაცმელი ერთმანეთისაში ერეოდათ. ქუდი, ქამარი, ჩექმები, ყველას საძებარი ჰქონდა. სანამ დანარჩენები გაარკვევდნენ სხვისას და თავისას, იგაუნისი და ტულიში ერთმანეთს ესაუბრებოდნენ.

— სადმე რომ გვეჩქარებოდეს, სხვაა, გაიხადე ნელა, ვინ მოგდექს... ორმოცდახუთ წამშიო, დაუყინიათ, ცეცხლი გვიკიდია თუ რა... ზააჭირეს საქმე, — ამბობდა ტულიში.

იგაუნისი თავს უქნევდა, ამასაც ძალიან ნელა აკეთებდა. როგორც იქნა, ყველამ ჩაიცვა.

— შეხედეთ ვოვერსს, ორი მარჯვენა ფეხი აქვს, — გიცინა ტულიშმა.

— ისე, როგორც შენ გაქვს ორი მარცხენა, — იქვე გააწყვეტინა სიცილი აკალადამ.

— მართლაც ცალ-ცალი ჩამიცვამს, — აბურდლუნდა ნირწამხდარი.

— ასე იქნება ყოველთვის, სანამ ჩვენს სერჟანტს წამმზომი ექნება ხელში, — ორი სიტყვა თავისთვის ჩაიღრუჩუნა იგაუნისმა.

— „ანტიბოი!“ — გასცა ბრძანება ანტიბოვმა.

ატყდა ერთი აურზაური, თითქოს მიწა ინძრავო. აქა-იქ აწვევტილი დიღების კახა-კუსიცი ისმოდა. ახალწვეულები დასაძინებლად ემზადებოდნენ, ოთხი მომღიმარი სერჟანტი არსეინად აღეცნებდა თვალს სანახაობას.

— დასტოვეთ! — კვლავ გაისმა ბრძანება.

ტულიში პირვანდელ მდგომარეობაში დარჩა, იგაუნისს კი, შარვლის ცალი ტოტიდან ჰქონდა ფეხი გამოღებული, ბრძანება რომ შემოესმა, ტყვიანაკრავით შეხტა.

— სად ეჩქარებათ, ცეცხლი რომ გვეკიდოს, გასაგებია, — უკვე მერაღღენედ ამბობდა ტულიში იგაუნისის გასაგონად, თან ისეთი სახე ჰქონდა, გეგონებოდათ, იგაუნისს სამძიმარს ეუბნება, შარვლის გახდას დროზე რომ ვერ ახერხებსო.

იგაუნისმა ჩექმები გაიხადა და შარვლიან-გიმნასტურიანად შეგორდა ლოგინში.

— რიგითო იგაუნის, აღექი! — დაიყვირა ანტიბოვმა.

იგაუნისი არც განძრეულა. ასტიბოვმა გაიმეორა ბრძანება. იგაუნისი ხმას არ იღებდა.

— ეტყობა, დაემდურა ანტიბოვს, — შეწუხდა ბერაია.

ანტიბოვი იგაუნისის საწაოლთას ძივიდა, საბანი გადააძრო, შესამედ გაუმეორა ბრძანება, იგაუნისი თვალგახელილი მიცვალებულივით იწვა და ჭერს მისჩერებოდა.

— იგაუნის, დიდხანს იქნები ასე?!

— აბა, რა ვქნა, ვერ ვასწრებ, ხვალ დილით ადგომაზეც ერთ ამბავს დამიწვეთ, მირჩენია, ასე დავწვე, გამოწყობილი.

— ეგ შეუძლებელია! უნდა ივარჯიშო, სანამ დროში არ ჩაეტყვი. ამჯერად აღექი! მოიპებნე ტაშტი და ტილო, დერეფანს მოწმენდ!

იგაუნისი წაპოღვა. თითქოს გაუხარდა კიდევ, ასე იოლად რომ გადარჩა.

— არ მეგონა, თუ მორიგდებოდნენ! — უკვირდა ბერაიას.

ასეთი ვარჯიშის შემდეგ ყველა მკვდარივით იძინებს.

დილით, ექვს საათზე, მორიგე სინათლეს აანთებს, ადექითო, გასცემს განკარგულებას, უნდა წამოხტე და სასწრაფოდ ჩაიცივა.

— მაინც რა ჩქარა თენდება, ეს ოხერი? — ჯავრობდა ბერაია ყოველ დილით.

— განთიადში უფრო ნელა თენდება? — კითხულობს გორგოძემ.

— განთიადში ორ-სამ ჰიზმარს ენახულობდი, აქ ერთიას ნახვასაც ვერ ვასწრებ, ძუკუს გოგო მყავდა პაემანზე დაბარებული გაბისონიას მანდარინებში, ადექითო, იღრიალა მამაძაღლმა ვოვერსმა და ისე გამომიყვანა სიზმრიდან, ვეღარ მოასწრო მოსვლა ძუკუს გოგომ, — თან მეგრულად დაუმატა ვოვერსის მისამართით, — მუ ოღვარაფუნს თე უმინჯურს!*

ცხრა საათამდე უნდა მოგვესწრო პირის გაპარსვა, გინასტურაზე თეთრი საყელოს გამოიკერება, აწყვეტილი ღილების დაკერება, საუზმე.

ცხრაზე მეცადინეობა იწყებოდა სასწავლო კორპუსში.

პირველი საათი შინაგანაწესის გამოკითხვა იყო. კაპიტანი გერშალოვი პირწმინდად მოჰყვა ყველას და წესდების პირველ მუხლს იბარებდა ხან ლიტვურ, ხანაც ესტონურ კილოკავზე.

გერშალოვმა მთელემარე ბერაია შენიშნა.

— რიგითო მახარაძე, გააღვიძე შენი მეზობელი!

მახარაძემ ბერაია შეანჯღრია.

— რა მოხდა, ბიჭო, რომ დამეტაკე სულთამხუთავივით.

— ახლაც გაბისონიას მანდარინებში ხომ არ იყავი? — ჩურჩულით იკითხა მახარაძემ.

— მანდარინებში არ ვიყავი, მაგრამ, სადაც ვიყავი, იქ მირჩევნოდა ნამდვილად.

— ლაპარაკი, — გააწყვეტინა კაპიტანმა, — რიგითო ბერაია! გამოფხიზლდი?

— მთლიანად, ამხანაგო კაპიტანო!

— მაშ მიპასუხე, რას გვასწავლის შინაგანაწესის პირველი მუხლი?

* რა აღრიალებს ამ უპატრონოს.

ბერაია წ. მოსოზინდა.

— თუ ემა ხარ, მიკარნახე დაწყება, — წასჩურჩულა მახარაძეს. გერშალოვს მისჩერებოდა, მახარაძეს უსმენდა, სიტყვიდან სიტყვამდე კაიხელა შესვენებას აკეთებდა, რომ მახარაძის მიერ ნაკარნახევი ასალი სიტყვა დაეჭირა. ბერაიას ლაპარაკზე გერშალოვს ეღიმებოდა, ალბათ პირველად ისმენდა შინაგანაწესს მეგრულ კილოკავზე. როგორც იქნა, დავინახე გაღიმებული გერშალოვი. თვალები მაინც სევდიანი ჰქონდა. „ნეტა რა აწუხებს ამ კაცს?“ ვფიქრობდი ჩემთვის.

მეორე საღამოს, ძილის წინ, აკალაღამ წამმზომი რომ მოიმარჯვა, იგაუნისმა მწყობრი მიატოვა და გასასვლელისკენ დააღირა თავი.

— საით, რიგითო იგაუნის?

— ტაშტისა და ტილოს მოსატანად, ბოლოს მაინც ამით დავამთავრებ, დროზე მირჩევნია შოვრჩე საქმეს.

— დადექი რიგში! — ბრძანა აკალაღამ.

ოთხჯერ გავიხადეთ და ჩავიცვიით იგაუნისის გამო, უკე-ოესობა ეტყობოდა, მაგრამ იმ ღღესაც მოაწმენდინეს ღერე-ფანი და იმ კვირაშიც წმენდდა სულ. ბოლოს იგაუნისიც ჩაეტიო დროში, ბერაია როგორც იქნა შეხვდა ძუკუს გოგოს გაბისონიას მანდარინებში, შუალაპეზე წამოაბოლებდა ხოლმე, „გაბისონიამ სამანდარინეს გეშეებხედათ, ძლაბი“* — და ჩაწყნარდებოდა.

3

ჯერ არ არსებობს ისეთი სასწორი, იმ სიხარულის აწონა შეეძლოს, ჯარისკაცი წერილთან ერთად რომ ღებულობს. პირველი წერილის ფასს ვერ გაიგებ, თუ თვითონ არ მივიღია. პირველი წერილები დედებისგან მივიღეთ. შინაარსი თითქმის ერთნაირი იყო: „როგორ ხარ? ხომ არ გცივა? ხომ არ გშია? ხომ არ გწყურია?“ ზოგ-ზოგებს დედის წერილი არ

* გაბისონიას მანდარინებში შეეხვდეთ, გოგო.

მიუღიათ და ასე მეგონა, მათ მოსწყურდებოდათ, შეცივდებოდათ, მოშივდებოდათ...

ჯარისკაცი, წერილების დასტა რომ უჭირავს, სასწაულ-მოქმედებით დგას გარშემორტყმულ ბიჭებში და იბოლი მარგალიტით არიგებს ბარათებს. ტულიშმა მიღებისთანავე გახსნა კონვერტი და „შოგ ჩაძერა“. სალასპილსელი ვალტერსი წაზარმის თავისუფალ კუთხეში მიიყუთა. სხვა კუთხეებიც დაეკავენინათ უკვე და ვარუგალისმა რომ წერილი მოიგდო ხელში, მეხუთე კუთხის ძებნა დაიწყო. ვოვერსმა ბარათი ჩაბლუჯა და მოსაწევი ლოთახისკენ მოქკურცხლა.

ერთ დღეს მე ვარიგებდი ბარათებს. ბერაიას წერილი ბოლოში ამოვდე. ყველა დანარჩენი ადრესატს ჩავებარე. ბოლო წერილი კი, რომელიც ჩემს ირგვლივ შეგროვილ ოცამდე ბიჭის იმედად შემორჩა, გავკეცე და ჯიბეში შევინახე.

— ესეც მე! — ვთქვი ხშიადაბლა.

* ოცივეს თვალეებში აბრწყინებული იმედის პატარა ნაპერწყალი ბარათს ჩაჰყვა ჯიბეში, ბერაიაც იმ ბიჭებში ერია.

— ვიხუმრე, ომარ, ეს ბოლო წერილი შენია, აჰა! — გავუწოდე.

გადამეხვია. გულჯიბიდან მეორე ბარათი ამოიღო, გაუხსნელი ბარათი. ახალი მიღებული მის ადგილზე შეინახა.

— ეგ წერილი როდის მიიღე? — ვეკითხები გაკვირვებული.

— ეს? — იქით კვირაში. ასე ვიცი სულ, მიღებისთანავე რომ წავიკიოხხო, ახლის მიღებამდე ხომ გამისკდა გული. ამიტომ ვინახავ და სანამ მეორეს მივიღებდე, ამით ვსუნთქავ, წაუკითხავი ბარათი რომ მიღევს ჯიბეში. ახლა ამას წავიკიოხავ და მეორე აგერ ჩაქვს, მესამეს მიღებამდე გამაძლებინებს ალბათ.

— ძუკუს გოგოს წერილი რომ მიიღო, იმასაც წაუკითხავს შეინახავ?

— მეეჭვება, მივიღო მისი წერილი. თუ მივიღე, იმასაც დიდხანს შევინახავ.

— რა მოგათმენიებს.

— რა ვიცი, რას მომწერს და იმ წუთში გულისწყვეტას ის მირჩევნია, იმედად ვატარო.

ერთ დილით კაპიტანი გერშალოვი მეცადინეობაზე ავტომატით შემოვიდა. დაფასთან ავტომატის ნახაზიც ჩამოაკიდა და გვითხრა:

— დღეს გავეცნობით კალაშნიკოვის ავტომატს.

ყველაფერს ვიწერდით, გვიჩვენა კიდეც, როგორ იშლება ავტომატი, როგორი თანმიმდევრობით უნდა დალაგდეს, რომ აწყობის დროს არ შეგეშალოს.

სადილობის შემდეგ სერჟანტების დახმარებით ყველა კარგად გაეცნო ავტომატს. ვინც ორმოცდახუთ წამში ააწყობდა, ხუთი ეწერებოდა, ორმოცდაათ წამში — ოთხი, ორმოცდათხუთმეტში — სამი, წუთს ვინც გადააცილებდა, ორიანის გამოსწორებამდე უნდა ევარჯიშნა.

იგაუნისმა სამი მიიღო, ტულიშმა ოთხი, ბერაია ვერ იქნა და ვერ ჩაეტია დროში. სწრაფად იწყებდა წყობას, მაგრამ ან თანმიმდევრობა შეეშლებოდა, ან ხელები დაებორკებოდა. წუხდა, მალე გადის წუთითო. „დასაკრავი ინსტრუმენტი რომ იყოს, ხელათ ავაწყობდი. ამაზე გული არ მიმდის“, — თავს იმართლებდა ოფლში გახვითქული და საკეტს უკულმა ტენიდა ბუდეში.

— ეხ, სო რექ მუაჩქიმი, მუშენ ვაუჯინექ ჩქიმ გაჭივრებას!*
 * — ვის უხმობ ასე მწარედ? — ეკითხება მასარაძე.

— მამაჩემს, ბიჭო, მამაჩემს! იარაღი უყვარს ძალიან, ერთ სიტყვას მაინც წამაშველებდა, რომ მიყურებდეს, ავტომატს ვი არა, საათს ამაწყობინებს.

— რა მოხელე-ნაჩაღნიკია მამაშენი? — დაინტერესდა გორგობე.

— მეწისქვილედ მუშაობს განთიადში. წყლის წისქვილი აქვს, თავის ხელით ააწყო სულ.

— წისქვილი თუ ააწყო, საათს რა დიდი ამბავი უნდა, შე კაცო.

* საღ ხარ მამაჩემო, ჩემს გაჭირვებას რომ არ უყურებ!

— ახლა თქვენ არ გაიცინოთ და მამაჩემი ჭკვიანი კაცია მართლა. დიდი ხანია მეწისქვილედ მეშაობს, სიმინდს რომ ჩაცლიდა, ჩამოფეკვამდე კაიძალი დრო რჩებოდა, პოდა, ის დრო ტყუილა არასდროს გაუცდენია. სულ რაღაცეებს ფიქრობდა, რაღაცეებს ამარტივებდა. მაგალითად, გამომრთველი რომაა სინათლის, დაშალა, თერამეტი ნაწილი დაითვალა შიგ. ახლა თქვენ ვაგიკვირდებათ, მაგრამ ასეა, თერამეტი ნაწილიდან სამად სამი დატოვა და მაინც იმუშავა. ისმება კითხვა: რაღა საჭიროა დანარჩენი თხუთმეტი? დროისა და მასალის ხარჯვაა მხოლოდ. ახლაც ის გამომრთველი აქვს წისქვილში. მართალია, სინათლეს აღარ აქრობს, მაგრამ დღეღამე საჭიროა სინათლე, რად უნდა გამორთვა.

— წისქვილში უნდა იფექვილებოდეს ამისთანა თაყი? — გაიცინა — მახარაძემ.

— შენ იცინე და გადაირია პერტენავა — ჩვენი გეოგრაფიის მასწავლებელი, რესპუბლიკის გამომგონებელთა საბჭოში გაგზავნე, ბევრ ფულსაც მოგცემენ, ბევრსაც შეგპირდებიანო. თვითონ დააწერია ყველაფერი.

— გაგზავნეს? — ისევ დაინტერესდა მახარაძე.

— არ მოასვენა და გაგზავნა ბილოს.

— აბა, პრემიას მიიღებდა.

— არა, კაცო, არც ფული მიუციათ და არც შეჰპირდებიან ისე მგონი წარმოებაში კი ჩაუშვეს მამაჩემის წინადადება, ხობის რაიონში არ გამოაჩინეს თუ არა, ყველგან მიუღიათ ისეთი გამომრთველები, სინათლეს რომ არ აქრობდა. ვიღაცამ მიითვისა ალბათ მამაჩემის აზრი. ხომ იცით, ნაცნობი უნდა გყავდეს ვინმე, დღეს ისე ვერაფერს გააკეთებ. ეგ კი არა, ტელევიზორში ნახევარი ნაწილები ამოიღო, ხელს უშლის მუშაობაშიო, მშვენივრად აჩვენებს მაინც, მართალია, დიქტორს ორი თაყი აქვს, მაგრამ გამოსახულება ზღაპრულია.

— ყოველთვის ორთავიანი მოჩანს? — დაინტერესდა მახარაძე.

— ყოველთვის არა, როცა ჩართულია.

ბერაიამ ავტომატი დაშალა, დააწყო თანმიმდევრობით და მანიშნა წამმზომი ჩართვით.

— ტკაპ! — ჩაერთე.

„მოკურცხლა“ ბერაიამ, ოც წამში ააწყო ნახეყარი აეტრომატი, მერე ისევ უკულმა მიაწვა საკეტს და შემოეხარჯა წუთი.

— არა, უნდა მივწერო ვალიკო ბერაიას ისევ. აიღებს კალამნიკოვის აეტრომატს, გაამარტივებს, გაანხევრებს ნაწილებს და ნახეთ, 'თუ არ ჩავეტევი დროში.

ბიჭებმა გადაიხარხარეს.

— რა გაცინებთ, სროლით მაინც ისერის და მეტს ესეც არაფერს აკეთებს, აგერ რომ ყრია დაშლილი.

— კიდევ კარგი; მამაშენს ნაცნობი რომ არა ჰყავს, თუ არა, ვინ მოთვლის რამდენ რამეს დაშლიდა, — ეუთხარი ბერაიას.

— ააწყოლდა კიდევ, — შემომიტია ბერაიამ.

10

პარაშუტის ძირითად ნაწილებს და მის დაკეცვას ესწავლობდით. სხვადასხვა სავარჯიშო იარაღებზე გაედოდიო წვრთნას. ერთ იარაღს ეშმაკის ბორბალი შეეარქვით. შიგამრავლების ნიშანივით გაჩაჩხულს ხელ-ფეხი მაგრად უნდა გქონოდა, თორემ გაყოფის ჩნიშანს დაემსგავსებოდი. უნდა გებრუნა, რამდენსაც შეძლებდი, მერე კი, მწყობრში დამდგარიყავი ფეხის აურეველად, ვგონებ, ადვილად მოყევი. საქმით უფრო ძნელია, განსაკუთრებით პირველ ხანებში.

ჩვენს გასაოცრად იგაუნისი უყოყმანოდ გაემართა იარაღისკენ. დიდხანს ატრიალა ბორბალი, გააჩერა, გადმოვიდა, ისე დადგა მწყობრში, ვითომ აქაც არაფერი, ჩემმა რიგმაც მოაწია. წალმა დავაბრუნე ბორბალი. ჯერ ნელა, მერე ცოტა ავაჩქარე. სიამოვნება ვიგრძენი დასაწყისში, მერე და მერე გაჭირდა საქმე. ცა, სტადიონი, მიწა, შტაბის კორპუსი, ისევ და ისევ სტადიონი, მიწა... მიწა... მიწა... თავბრუ დამესხა და ყველაფერი გაქრა. ცოტა ხნის მერე თვალები გავახილე, მაგრამ ვერაფერს ვხედავდი. 'გაჩერდა ბორბალი.

— გადმოდი! — მესმის გერშალოვის ხმა.

— როგორ გადმოვიდე?!

— ნუ გეშინია! — წამაქეზა ისევ.

პირველად ხელი გავუშვი თუ ფეხი გადმოვიდე, აღარ მახსოვს. ძირს კი მოვადინე ზღართანი. ყველაფერი ბრუნავდა, ფეხზე დადგომას შევეცადე, ისევ აყვირავდი. ვილაყამ ხელი შემაშველა, წამომამყენა და მწყობრისკენ წამიყვანა. თანდათან მოვედი გუნებაზე, ახლა გაეარჩიე, გერშალოვი ყოფილა.

— როგორაა საქმე? — მკითხა კაპიტანმა.

— ახლა კარგად, წელან კი დავეთანხმე გალილეისაც, ჯორდანოს ბრუნოსაც, კოპერნიკსაც და ყველას, ვინც ამტკიცებდა დედამიწა ბრუნავსო. დედამიწა მართლაც ბრუნავს, ამხანაგო კაპიტანო.

— ბრუნავს, გოგიაშვილო, ბრუნავს და ჩვენც იმიტომ ვართ აქ, რომ დედამიწამ იბრუნოს, წალმა იბრუნოს. — ხმადაბლა ჩაილაპარაკა გერშალოვმა და სევდიანი მზერა თვალსაწიერს გაუშტერა. ჩვენკენ არ მოუხედავს, ისე ბრძანა:

— შეისვენეთ! ნაშუადღევს პარაშუტის დაკეცვაზე ვივარჯიშებთ.

მოსაწევ ადგილს მივაშურეთ. სერჟანტებიც ჩვენთან ერთად იყვნენ. სავარჯიშო მოედნისკენ გავიხედე. გერშალოვი ისევ იქ იდგა. ღერძს ორივე ხელით ჩამოყრდნობოდა და მიწას ჩასჩერებოდა.

— ამხანაგო სერჟანტო! — მივმართე აკალადას, — იქნებ იცი, რა აწუხებს კაპიტანს, ყოველთვის გულჩათხრობილა რომაა?

— მაგას თუ არა, მაშ, ვის აწუხებს, — აკალადამ სივარეტი მოქაჩა, ლაპარაკი შეწყვიტა, ეტყობოდა, გააგრძელებდა, მხოლოდ იმას ფიქრობდა, როგორ და საიდან დაეწყო.

— შარშანდელი ამბავია, გერშალოვი მორიგე იყო შტაბში. დღის ორი საათი იქნებოდა, პოლიტნაწილის უფროსი, პოლკოვნიკი კულიკოვი მოვდა.

გერშალოვმა მოახსენა:

— ამხანაგო პოლკოვნიკო, ჩემი მორიგეობის დროს ნაწილის შტაბში სრული წესრიგია!

— თავისუფლად, თავისუფლად, ამხანაგო კაპიტანო ნა-
წილში სრული წესრიგია, — გაიმეორა კულიკოვმა, ნაიარევი
ხელით შუბლი მოისრისა, თითქოს რაღაც გაახსენდაო, თქვა:
— ამხანგო კაპიტანო, მორტიგეობას მაიორ ფირსოვს გადააბარებ,
შინ გელოდებიან, მორტიგე მანქანა წაიყვანე.

გერშალოვი აფორიქადა.

„რა ამბავიაო“ — ძლივძლივობით ამოდერდა, მაგრამ კუ-
ლიკოვი უკვე ვილისში ჯდებოდა.

გერშალოვს შინ ცუდი ამბავი დახვდა. შვილი აღარ ჰყავ-
და, მეხუთეკლასელი კოლია. ორ თანატოლთან ერთად მდინა-
რის ნაპირზე ჩასულიყო მანქანის რადიატორის ამოსატანად.
ჯართს აგროვებდნენ თურმე პიონერები. ძვრა ვერ უყვეს,
მავთულები ჩაუბამთ, ერთად მოუწევიათ, ამას აფეთქება
მოჰყოლია და სამივე... მას მერე ასე დადის, ცოცხალ-მკვდა-
რი. ერთ წელიწადში განახვერდა კაცი. ოცი წლის წინათ
გერშალოვის უფროსი ძმა გამარჯვების დღეს ბერლინში
ბრმა ტყვიით განგმირულა. ოცი წლის შემდეგ ბრმა შემთხ-
ვევამ დაღუპა ისევე.

სამივე ბავშვი ძმათა სასაფლაოზე დამარხეს. მშობლებიც
ზეზეულად დამარხულებს ჰგვანან მას შემდეგ. გერშალოვი
მოუსვენარი კაცი იყო, კარგი სპორტსმენი, კარგი მომღერა-
ლი, ენაკეიმატი... ყველაფერი პატარა კოლიამ მოსტაცა, დარ-
ჩა ასე, — თავი გადააქნია გერშალოვისკენ აკალადამ.

ბიჭებმა იქით გაიხედეს. კაპიტანმა თითქოს იგრძნო, ჩვენ-
კენ მობრუნდა, გვიყურა კარგა ხანს, მერე შინელი გაისწორა
და შტაბის შენობისკენ წავიდა.

ერთი კვირის შემდეგ კარანტინი მთავრდებოდა. ნელ-ნელა
გაზოზინდა სამი თვე. ბიჭებმა ყველაფერი კარგად აითვისეს.
აკაუნის თავისუფლად ვარჯიშობდა ორძელზე. ბერაიას აღარ
დასჭირვებია ავტომატის გამარტივება. მეც შევეჩვიე იმ სა-
ვარჯიშო იარაღს, „საშრობს“ რომ ეძახდნენ ზედმეტ სახელად.

სერჟანტი აკალადა შტაბში გამოიძახეს. მალე უკანვე დაბრუნდა, ერთ მწკრივად მოგვაწყო და გვითხრა:

— პოლკოვნიკ ფომინცევის ეს ნივთი გდამოვარდნია, — აკალადამ მაგიდის კალენდარის გატეხილი ხის სადგარი დაგვანახა, — რომელიმე თქვენგანს ხომ არ შეუძლია შეაკეთოს?

ცოტა შევიცადე, რომ არაეინ გამოეხმაურა, ნაბიჯი წინ წავდგი.

— შეაკეთებ? — დამეკითხა სერჟანტი.

— თუ საჭიროა, გახალსაც გავაკეთებ.

ამის მერე სერჟანტმა დიდხანს მავარჯიშა, როგორ შევსულიყავი შტაბის უფროსთან სამწყობრო ნაბიჯებით, მიმეცა სამხედრო სალამი და მომეხსენებინა: „ამხანაგო პოლკოვნიკო, რიგითი გოგიაშვილი თქვენი ბრძანების თანახმად გამოცხადდა!“ მერე შტაბის შენობისკენ შემებრუნა, მხარზე ხელი დამკრა და მითხრა:

— აბა, შენ იცი!

შტაბის უფროსის კაბინეტის რბილ კარზე ვერც დავაკაუნე, ვერც ისე შევალე და უხერხულ სიარულს მოვეყვი დერეფანში წინ და უკან. მოპირდაპირე ოთახიდან ქერათმიანი ჯარისკაცი გამოვიდა, ამხედ-დამხედა, მაგრძნობინა — აქ შენზე შინაური ვარო.

— ვისთან ხარ? — მკითხა ქედმაღლურად.

— შტაბის უფროსთან.

— მარჯვნიდან მეორე კაბინეტი.

— დაკეტილია, — ვიცრუე.

— არა მგონია, — კართან მივიდა, თამამად შეაღო, — ამხანაგო პოლკოვნიკო! თქვენთან ახალბედაა ერთი.

— შემოვიდეს! — შეეხშიანა დახვეწილი ბარიტონი.

საკმაოდ სრული ოთახის ბოლოში, ფანჯარასთან, საწერ მაგიდას უჯდა სასიამოვნო შესახედაობის შუახნის ოფიცერი. სამწყობრო ნაბიჯებით გავემართე შტაბის უფროსისკენ. პოლკოვნიკი წამოდგა, სახეზე ღიმილმა გადაურბინა. მისგან სამ ნაბიჯზე ფეხი ფეხს მივადგი და ხმამაღლა დავიწყე:

— ამხანაგო პოლკოვნიკო!..

— საიდან ხარ? — შემაწყვეტინა.

— საქართველოდან!

— გვარი?

— გოგიაშვილი!

— საოცარი დამთხვევაა, ისიც ქართველი იყო, ემზარს ეძახდნენ, მისი გაკეთებულია ეგ სუვენირი... სულ თვალწინ მიდგას...

დემობილიზაციამდე ერთი თველა ჰქონდა დარჩენილი. ნაწილში ცნობა მოვიდა, დანაღმული ველის უენებელყოფას გუთხოვდნენ. სალიკვიდაციო ჯგუფს ემზარიც გააყოლეს თურმე. ასეთ საქმეებში გამოცდილი იყო. იმ დღესვე შევიტყვეთ: სხვების გადასარჩენად გაუწირავს თავი. ნაღმს ემზარი დაუფლეთა მხოლოდ... ჰოდა, თუ შეგიძლია, გამიმთელე ეს ნივთი.

— ამხანაგო პოლკოვნიკო! ხვალ საღამოსვე დაგიბრუნებთ შეკეთებულ დაფას. ნება მომეცით წავიდე!

— წადით!

რაც კი დამჭირდა, მასალა თუ იარაღი, ყველაფრით აკალადა მამარაგებდა.

მეორე დღეს უფრო თავისუფლად შევალე შტაბის უფროსის კაბინეტის კარი. დაფას ქალღი შემოვსხენი, საწერ მაგიდაზე დადე. ფომინცევს თვალეზი გაუბრწყინდა.

— ერთ კვირაში კარანტინი მთავრდება, ახალბედებს დივიზიონებში ვავზაენით ქვეგანყოფების შესავსებად. შენ, თუ გსურს, აქ დაგტოვებთ, შტაბში.

— როგორც გენებოთ.

— რაო, პოლკოვნიკმა, მოგიწონა ნამუშევარი? — მკითხა აკალადამ უკან დაბრუნებისთანავე.

— მომიწონა, შტაბში მტოვებს სამსახურის გასაგრძელებლად.

— დაგტოვებს, აბა, არ დაგტოვებს? აუცილებლად, ხვალ...

— ხვალ რატიომ, კარანტინის შემდეგ დაგტოვებო.

— იმედი იგაქვს? კარგია! — ჩაიცინა სერჟანტმა.

მახარაძე უგუნებოდ დამხვდა.

— რა მოვივიდა, შენს ცხვირს კიდევ ჩამოშვება უნდა? —
ვეკითხები მურთაზს.

— გამომიჭირეს, ვირთხასავით გამომიჭირეს...

— რა მოხდა, გამაგებინე!

— მაგი რას გაგაგებინებს ახლა, სადაა ხასიათზე, კედელ-
ზე გადიოდა წედან, მაგრამ არ ვაგუშვი, — ჩაგვერია ბერაია.

— რა მოხდა, იმარ, შენ მაინც მითხარი?!

— წერილი მიიღო სამშობლოდან.

— რა წერილია ასეთი, ხომ მშვიდობაა, ბიჭო! — ისევ
მურთაზს მივაშტერდი.

მურთაზმა ბალიშის ქვემოდან დაკუჭული წერილი გამოი-
ღო და მესროლა. სანამ გავშლიდი და წავეკითხავდი, თით-
ქმის მივხვდი, რაშიც იქნებოდა საქმე.

წერილი მოკლე იყო. სასიამოვნოდ იწყებოდა:

„ჩვენო საყვარელო მურთაზ!

სამივეს ძლიერ გვიყვარხართ, შენ რომ ჯარში გაგაცი-
ლეთ, იმ დღეს უფრო ახლოს გავიცანით ერთმანეთი, დაე-
მეცობრდით კიდევ. კარგი ჩიტი ყოფილხარ. შენგან მიღებულ
წერილებს ერთმანეთს ვუკითხავთ. ეს რა ზრდილობაა, მაგრამ
სსუანაირად ვერ მოვახერხეთ, სოფიკოს წერილი ნანას კონ-
ვერტში იყო, ნანასი — მარინას კონვერტში. ეს ღრაფერი,
ადრეც ვხვდებოდით, არეული რომ გქონდა მისამართი. შენ
არც აწი დაებნევი გზას.

წერილებს მოგწერდით, მაგრამ ერთმანეთის გვრცხვენია.

შენგან პასუხებს აღარ ველით!

ნანა, სოფიკო, მარინა“.

„ჩვენ უნდა ვდიოთ აწი სხვა ვარსკვლავს“, — წაუღექსა
ბერაიამ.

— სხვა ვარსკვლავებს, — შეეუსწორე.

— თქვენ არხეინად იყავით, ეკ არაფერი. — აქეთ დაგვამ-
მშვიდა მახარაძემ და მეორე ბარათი გამოგვიწოდა, წერილს
სურჯთიც ახლდა. ემხიანი გოვონა გვიყურებდა სურათიდან.

— ვინაა, ბიჭო, ეს ანგელოზი?!

— უმტროსი და ყოფილა რიგითი ვოვერსის, — ისევ ბე-
რაიამ დაასწრო მურთაზს.

— მისამართი მაინც ვინ მოვცა?

— რიგითმა ვოვერსმა, — გამოაჯავრა ბერაიას მახარაძემ,
— ვოვერსმა მითხრა: ჩემს დას ძლიერ მოსწონს შავი ბიჭე-
ბიო. მივწერე წერილი, შენი გაცნობა მსურს-მეთქი და ა, ბა-
ტონო, პასუხიც.

„ძვირფასო მურთაზ!..“

ასე იწყებდა წერილს ვოვერსის და, ბალტიისპირელი ქე-
რა მზეთუნახავი, სკაიდრიტე. ვილნიუსში პოლიტექნიკურ
ინსტიტუტში ვსწავლობო, ზაფხულის არდადეგებზე ძმასთან
ჩამოვალ და ვნახავ აუცილებლადო. გაცნობით გავეცანით
ერთმანეთს, აწი გავაღრმავოთ ნაცნობობაო.

— გავაღრმავოთ, გავაღრმავოთ! — სმამაღლა გაიმეორა მა-
ხარაძემ და ვოვერსს დის სურათი დაანახვა.

ვოვერსი მოგვიახლოვდა, სურათს დახედა.

— სკაიდრიტემ გამოგიგზავნა? — ღიმილით ჰკითხა მურ-
თაზს, პასუხი რომ მიიღო, გადაიხარხარა, მერე სურათი ლიტ-
ველებს აჩვენა და იმათაც კარგა ხანს იცინეს.

— რა გაცინებთ? — იკითხა დაბნეულმა მახარაძემ.

— არაფერი, ზაფხულზე ჩამოვა და გავაცნობ! — სურათი
დაუბრუნა ვოვერსმა.

— შენ რაღა გიხარია, — ვკითხე ბერაიას, — მოუსვენრობა
რომ შევნიშნე.

— მეც მივიღე ბარათი, აქა მაქვს, — ხელი გულზე დაირ-
ტყა.

— ძუკუს გოგომ მოგწერა, თუ?!

— მომწერა, მომწერა, ლევანს ვენაცვალე, ნახე რა ხელი
აქვს, ხატავს პირდაპირ, — კონვერტი მაჩვენა ბერაიამ.

— ჯერ არ წაგიკითხავს?

— ჯერ არა!
— გადამრევს ეს კაცი!
— ახლა რა წამაკითხებს, მაცალეთ სიხარულის მონე-
ლება.

— რამდენ ხანში მოინელებ, მაინც?

— ენახოთ.

ორი დღე ინელებდა ბერაია სიხარულს, კიდევ აპირებდა გაძინებლას, მაგრამ მე და მახარაძემ ვეღარ ძოვიოპინეთ, დავიჭირეთ და ძალით ამოვუღეთ ჯიბიდან წერილი.

— შენს სიცოცხლეში ვეღარ წაიკითხავ იმ გოგს წერილს, შე ბრიყვო, — უთხრა მახარაძემ და ოთახიდან გაეარდა.

— გამიშვი თუ არა, ეგ დამოხვეული მარცხი დამიკარ-
ცავს წერილს, მობრუნდი, ბიჭო, წაეიკითხავ, მოდი!

აღრინდულ გუნებაზე ვეღარ დარჩა ბერაია წერილის წა-
კითხვის შერე.

— რაო, რას გწერს ძუკუს გოგო ამნაირს.

— არაფერს, ყველაფერი კარგად არისო, მეც კარგად ვა-
რო, ჯერ არ მოუთოვიაო, უცხო ენაში ვეშაადებიო, უნივერ-
სიტეტში უნდა ჩავაბაროო. პერტენავა, გეოგრაფიის მასწავ-
ლებელი, ძალიან ავადააო.

— მეტს არაფერს გწერს?

— მეტს რას მომწერდა, რასაც ვეკითხებოდი, ყველა-
ფერზე გამცა სრული პასუხი.

— კი მაგრამ, იმოდენა წერილი მისწერე და სულ ამას
ეკითხებოდი, გეოგრაფიის მასწავლებელი როგორააო?

ბერაიას არაფერი უპასუხნია, გვერდზე გაიხედა.

— დაჯექი ახლა და მისწერე წერილი, ყველაფერი პირდა-
პირ მისწერე, მასწავლებლებს თავი დაანებე, თუ არა, დარ-
ჩები მშრალზე, — დაარიგა მახარაძემ.

— წერილის წერას ვერ მასწავლი შენ, პირდაპირ მისწერ
და პირდაპირ მოგწერს ისეთს, ჭამის მადა დაგეკარგება, შე-
პარვით უნდა შეაჩვიო, ნელ-ნელა. მე ის მაფიქრებს, რა
შიარბენინებს თბილისში. დაეცადა ცოტა, ერთად წავიდოდით
ბარემ. ჩავა მარტოლმარტო ამოდენა ქალაქში, მილიონზე მე-
ტი ცხოვრობს თურმე ახლა. მილიონიდან მილიონს მოეწო-

ნება, ისეთი გოგოა ძუკუს გოგო. ვიღაცა დამღუპავს, ვატყობ. სოფლიდანაც რომ იყოს ჩათრეული, მაინც თბილისელივით გაუღიძვებს. გოგო შტერია, ისიც გაუტყინებს. მერე იმ თამამ ბიჭს მღულარე რომ გადაასხას, მაინც ვერ მოიცილებს. სასელსაც ათქმევიანებს, მისამართსაც, დაუწყებს გაცილებ-გამოცილებას. ამ დროს მე აგერ ვიქნები, შუაგულ უკრაინაში, პარაშუტის საწყობის ყარაულად. ან ქაერში გამოვეკიდები იგივე პარაშუტით და დელამიწის მიზიდულობას ვანდობ თავს. ძუკუს გოგოს თბილისი იზიდავს, იმ ბიჭს, თამამი რომაა, ძუკუს გოგო. ხომ გაგიგონიათ, ნიუტონს რომ უთქვამს: „ორი სხეული ერთმანეთს იზიდავს“, რად უნდა ამას ნიუტონი. რა მიაბენინებს თბილისში, რომელი უცხო ენა სჯობია მეგრულს, დაეტიოს მშობლიურ განთიადში და აგერ ვარ მეორე სხეული.

— აგერ რომ ხარ, ამაშია საქმე, — ცეცხლს ნავთი მიასხა მახარაქემ.

— ეგაა სწორედ, შორიდან რომ მიზიდავს, — თქვა ბერაიამ და საცოდავად მოიბუზა.

13

თებერვლის ერთ დღეს საპარადო მუნდირებში გამოვეწყვეთ. ფიცს ვღებულობდით ახალბელები. ავტომატასხმულები, ითხ მწკრივად დაწყობილები ვავემართეთ ძმათა სასაფლაოსკენ. იქ უნდა გვეთქვა ფიცი.

ერთნაირი, უბრალო საფლავეები იყო ჩარიგებული. გვარები და ინიციალები იკითხებოდა პატარა ზომის მართიკეთობა ქვის ფილებზე დაბადების და გარდაცვალების თარიღებთან ერთად. ჩვენი ტოლა ბიჭების ერთნაირად დამთავრებული სიცოცხლეები იყო ჩვენს წინ. მათ საპატივცემულოდ ობელისკი აღემართათ, ცოცხალი ყვავილები ეწყო ბრინჯაოს მეგრძოლის ფერხთით.

სასაფლაოზე მოსული ხალხის თანდასწრებით რიგითმა აფანასიევმა მკვეთრი ხმით დაიწყო:

Я, гражданин Союза Советских Социалистических Республик, вступая в ряды Вооруженных Сил СССР, принимаю присягу и торжественно клянусь быть честным, храбрым, дисциплинированным, бдительным воином, строго хранить военную и государственную тайну, соблюдать Конституцию СССР и Советские законы, беспрекословно выполнять все воинские уставы и приказы командиров и начальников...

აფანასიევი ბონდარევა შესცვალა.

Я клянусь добросовестно изучать военное дело, всемерно беречь военное и народное имущество и до последнего дыхания быть преданным своему народу, всей Советской Родине и Советскому правительству...

ბონდარევის შემდეგ ვარეგალისმა დაიწყო.

Я всегда готов по приказу Советского правительства выступить на защиту моей Родины — Союза Советских Социалистических Республик...

ვარეგალისის შემდეგ ჩემი რიგი დადგა, ვეფიცებოდი ყველას, ვინც მიყურებდა და ჯარ. მიყურებდა, ვეფიცებოდი იმ საფლაევებს, რომლის წინაც ვიდექი, ვეფიცებოდი მარიამის ბუჭუკას, ბობკოვის დედას, გერშალოვის ძმას, მის პატარა ბიჭუნას — კოლიას, ვეფიცებოდი ეშვარს და ათასობით თაღხ-თავსაფრიან დედას, გერშალოვის თვალებს:

...и, как воин Вооруженных Сил СССР, я клянусь защищать ее мужественно, умело, с достоинством и честью, не щадя своей крови и самой жизни для достижения полной победы над врагами.

Если же я нарушу эту мою торжественную присягу, то пусть меня постигнет суровая кара советского закона, всеобщая ненависть и презрение советского народа.

დავამთავრე ფიცი, შვებით ამოვისუნთქე, ისეე მწყობრში დავდექი. საზეიმო ფიცი ყველამ მიიღო, გერშალოვმა მოგვილოცა ეს მნიშვნელოვანი დღე. ბოლოს პოლიტნაწილის უფროსი — პოლკოვნიკი კულიკოვი მოგვესალმა. შუბლზე ნიარევი აჩნდა, მკაცრი კაცის გამომეტყველებას კმატებდა.

მალალი, ხმელ-ხმელი კაცი იყო კულიკოვი, მომეჩვენა, თითქოს ბაგეების ნაცულად ჭრილობამ გახსნა პირი და ალაპარაკდა. თებერვლის მზემ ძლივს დააღწია თავი ღრუბლის ტყვეობას და პოლკოვნიკის დაღარულ სახეს ნათელი მოჰფინა. ისევ მომეჩვენა, თითქოს ჭრილობამაც გაიღიმა შუბლზე.

— საზეიმო თარიღთან დაკავშირებით ნებას გაძლევთ სადილის შემდეგ მოაწყოთ გასეირნება. — გვითხრა კულიკოვმა ბოლოს.

ჩვენს სიხარულს საზღვარი არ ჰქონდა. სამთვიანი კარანტინის შემდეგ დღეს პირველი გამოსვლა იქნებოდა ნაწილის ტერიტორიიდან.

დავბრუნდით ნაწილში. იარაღი ჩავაბარეთ, ვისადილეთ და გასეირნების გეგმაც შევადგინეთ. პირველ რიგში გადავიღებდით ფოტოსურათს, შემდეგ დავათვალიერებდით ქალაქის ტყეპარკს, „სოფიეევკას“, რომელიც თურმე სილამაზით მეტოქეობას უწევს ევროპის საუკეთესო პარკებს.

სადამოს ბიბლიოთეკაში ახალ გაზეთებს გადავხედე. ადგილობრივ გაზეთში ერთმა სურათმა მიიქცია ყურადღება. შუახანს გადაცილებული ჭარმაგი მამაკაცი მეცნაურა. პიონერები ეხვია გარს. ნეტა საიდან მეცნობა?.. „შაქრის ქარხნის მთავარი ინჟინერი, ომის ვეტერანი, თადარიგის კაპიტანი პ. ნ. ბობკოვი მეორე საშუალო სკოლის წითელკვალმადიებლებთან“, — წავიკითხე სურათზე მინაწერი.

— ბობკოვი... პ. ნ. ბობკოვი, ესე იგი, პარამონ ნიკიტას ძე! — ვიყვირე შეშლილივით, გაზეთს ხელი დავავლე და ბიჭებს დაუწყე ძებნა. ბერაია, მახარაძე, გორგოძე და გვეტაძე მოვძებნე.

— პარამონ ნიკიტას ძე ბობკოვი ცოცხალია, ბიჭებო, ცოცხალი! — ვყვიროდი და გაზეთს თავს ზემოთ ვაფრიალებდი.

მაშინვე დავწერე წერილი. ბობკოვის მისამართი ამოვძებნე და კონვერტი ყუთში ჩავუშვი. შაქრის ქარხნის მისამართზე მეორე ბარათი გავგზავნე:

„ძვირფასო პარამონ ნიკიტას ძეკ!

გწერთ ქუთაისელი ჯარისკაცი ლევან გოგიაშვილი. მე თქვენს ქალაქში ვმსახურობ. თქვენი შვილის საშუალებით გიცნობთ. იგი საქართველოში ცხოვრობს. ალბათ, თქვენც ეძებდით თქვენს ოჯახს. ვლადიმერ პარამონის ძესაც არ დაუკლია ცდა. გაზეთში გამოქვეყნებულმა წერილმა და ფოტომ მიმაგნებია თქვენს კვალს. მადლობა პარამონ ნიკიტას ძევ. ცოცხალი რომ ხართ!

თქვენი ვაჟის მისამართია: საქართველო, ქალაქი ქუთაისი, დავით აღმაშენებლის პროსპექტი № 16. ვალოდია ქუთაისში სამხედრო კომისარიატში მუშაობს.

ნახვამდის!

პატივისცემით ლევან გოგიაშვილი“.

14

მეორე დღეს ჩვენთან მაღალ-მაღალი ზემდეგი შემოვიდა, სერჟანტ აკალადას რაღაც უთხრა.

— რიგითო გოგიაშვილო, აკრიბავ შენს ავლა-დიდებას და გაპყვები ზემდეგ ჟიეოგლიადს! ამიერიდან მის ქვევანაყოფში გადადიხარ.

აკალადა დარცხვენილი მელაპარაკებოდა, თითქოს მაშინდელი ირონია უკან მიაქვსო.

ორი წუთის შემდეგ ჩემი ბარგი-ბარხანით ჟიეოგლიადს მივყვებოდი. შტაბის კორპუსში, პირველ სართულზე, გრძელი დერეფანი გავიარეთ, ბოლო ოთახში შევედიო.

— ამ ადგილს დაიკავებ! — კუთხის საწოლი მაჩვენა ზემდეგმა.

ჩემი ნივთები კარადაში შევინახე. ქვეშაგებელს ახალი თეთრეული გადავაფარე. ის იყო მოვრჩი ყველაფერს, ჟღალ-თმიანი, პატარა ტანის ჯარისკაცი შემოვიდა.

— აქ რა დაგიკარგავს, „სალაგა?!“ — ვარიკასავით აკაკანდა შემოსული.

— არაფერი არ დამიკარგავს, უბრალოდ, აქ გადმომასახლეს.

— სასიამოვნოა, სასიამოვნო, ცვლა მოდის, ესე იგი. რამდენი ხანია ფორმა გაცვია?

— სამი თვე.

— მოთმინება გმართებს, ძმობილო, მოთმინება! მოდი აქ! — ფანჯარასთან მიმიხმო, — ხელავ იმ მაღალ სახლებს? აი, წინა სახლის თავზე ამჩნევ რამეს?

— ვერაფერს?!

— მეც გეკითხები... შენ რას შეამჩნევ. იქ, სახურავზე დემობილიზაცია ჩამომჯდარა ჩემოდანზე და ხელს მიქნევს. შენი დემობილიზაცია ჯერ შორსაა. მესამე წელს შენიშნო იქნებ. შენს დემობილიზაციას ჯერ ჩემოდანი არა აქვს. ჩემი გამზადებული მოდის. ერთი თვის მერე, აი, აქ შემოვა, ხელში დონის როსტოვის ბილეთს მომცემს... წავა და აღარ გამოჩნდება კაი ხანს. ერთი წლის მერე მოვა ხელახლა... ბიცურას, მაღარაშს, პეტროსიანს, უტიშკალიევს, კოზარეზოვს ჩამოურიგებს ჩემოდნებს. შენსას სამი წლის მერე მოიტანს. იცი, მანამდე, რამდენი ქაშაყი უნდა ჭამო, სივრძეზე რომ წააწყო?

— რამდენი?

— სამი კილომეტრი.

— მერე რა?

— მერე ის, რომ შენ აწი გაქვს გასავლელი ყველაფერი.

— არა უშავს, შენ გაიარე? თავს არც მე შევირცხვენ. ამა-სობაში ის ჩემოდნიანი დემობილიზაციაც მოვა.

როსტოველი ფანჯრის რაფაზე ჩამოჯდა. ფიქრებში გაერთო, ხან გაეღიმა, ხანაც წარბები შეჰყარა. ეტყობოდა, იმ წუთში, სადღაც დონის ნაპირებზე დააბოტებდა.

— რა გქვია „ჩემოდნიანი?“ — კვლავ კუბრიკში დავაბრუნე „ცხრა მთას იქით გადაკარგული“.

— ჯარში სახელები მოდაში არაა, — დამცინავად გადმომხედა, — შენი სახელი კარგა ხნის დაწეოთილი და შენახული უნდა გქონდეს, რომ არ დაგეჟანგოს.

— აბა, ისე გამეცანი, როგორც მიღებულა.

— ეფრეიტორი კუროჩკა!

— რიგითი გოგიაშვილი!

— რიგითო გოგიაშვილო, გაასწორე საწოლი, როგორც წესია, თორემ შემოვა ჟივოგლიადი და...

ოთახში მართლაც შემოიხედა ჟივოგლიადმა.

— ეფრეიტორო კუროჩკა, რა წესია, ფანჯრის რაფაზე ჯდომა, თანაც ახალწვეულის დასანახად! — კუროჩკა ჩამოხტა, მერე რა მოხდაო, წაიბუზღუნა.

— ახლავე გაჩვენებ, რაც მოხდა! — გაცეცხლდა ჟივოგლიადი, — აიღე ცოცხი, გადი ეზოში, ჭიშკრიდან შტაბის შემოსასვლელამდე მოხვეტავ და ერთ საათში მომახსენებ შესრულების შესახებ!

— არის! — გაიჯგინა კუროჩკა, მერე ცოცხი მოძებნა და სანამ დემობილიზაცია ჩემოდანს მოუტანდა, დაგვას შეუდგა.

ვახშმობამდე ჩვენი პატარა კუბრიკის ყველა ბინადარი გავიცანი. ოთხი ჩემსავით ახალბედა აღმოჩნდა, სამი კუროჩკასავით — წიკპზე იყო, დანარჩენებს კილომეტრნახევარი „სელი-ოღკა“ ჰქონდათ შესაჭმელი.

ჩემი საწოლის გვერდით მალახოვის საწოლი იდგა. ოსიც ახალბედა იყო. მალე გავეშინაურდით. მოსაწევ ოთახში გავედით, სიგარეტებს მოუუკიდეთ, სადაურობა ვკითხე.

— მოსკოველი ვარ, შენა?

— ქუთაისელი.

— სადაური?!

— ქუთაისელი, ბიჭო, ბალახვანი არ გაგიგონია?

— არ გამიგონია, სად არ ცხოვრობს ხალხი? — ჩაილაპარაკა თავისთვის.

— სადაც ვცხოვრობთ, სილამაზეც იქიდან იწყება.

— სასწაულები ხართ ქართველები, — თქვა მალახოვმა და მსუბუქი წყენა სიგარეტის ბოლში გაახვია.

— ტყუილა კამათობთ! თქვენ არ გინახავთ, რა ლამაზად ჩადის ჩვენთან მზე, — თქვა იშმურატოვმა.

— სად თქვენთან? — ვკითხე ირონიულად.

— უზბეკსტანში, — მომიგო ამაყად.

— რომელი სოფელი? — არ მოვეუწვი.

— რომელი და უზბეკსტანი.

— კი მაგრამ, თქვენს უზბეკსტანში მზე არ ამოდის?

— რა ვიცი, მე რომ ვდგებოდი, ამოსული მხვდებოდა, — და ისე გაიცინა, გეგონებოდათ შინელი გაიხაო.

— ხეიხეინს თავი დაანებე და მითხარი, საერთოდ თუ გინახავს მზის ამოსვლა?

— პირველად შარშან ვნახე, აქ, დილის ექვს საათზე, გამამხნევებელ ვარჯიშზე პირდაპირ სიზმრიდან გამიყვანეს, მის მერე დღე არ ვამიციდენია, — და ისევ გაიხა შინელი. — ჭკვიანი კაცია იშმურატი, მეუბნებოდა, „ჯარში მოგარჯულებენ, იქ დაფერთხავენ შენგან სიზარმაცის ვირუსებსო“...

— იშმურატი ვინლაა?

— მამაა ჩემი.

— ჭკვიანი ყოფილა მამაშენი, ჭკვიანი, — ჩაგვერია ლაპარაკში კუროჩკა, — შვილის სიკეთე თუ გინდა, შუადღემდე უნდა აძინო. ხომ გავიგონიათ: „ბავშვი ძილში იზრდებაო“.

იშმურატოვის ხმამალალი ხეიხეინი შეეფხვნა მოსაწევი ოთახის კედლებს. სიცილის დროს, ისედაც ვიწრო თვალების ადგილას, ორი შავი ხაზი რჩებოდა. იფიქრებდით: ძილში იცინის იშმურატის იმედით.

თამბაქოს მოსაწევი ოთახი თანდათან შეცარიელდა. მე და მალახოვი შემოვრჩით.

— შეეჩვიე სამხედრო ცხოვრებას? — შევეკითხე.

— ვეჩვევი ნელ-ნელა.

— ჩვენი უშუალო უფროსი ვინაა?

— უშუალო — ჟივოგლიადი, ისე ყველა, ვინც მოისურვებს, ეფრეიტორი კუროჩკაც ჩვენს უფროსად ითვლება.

• — ჟივოგლიადი როგორი კაცია!

— ჟივოგლიადი ზემდეგია ჩვენი. მის წყენინებას გერჩივნოს, ღმერთს აწყენინო.

• — ვთქვით და ვაწყენინე, მერე?!

— მერე არაფერი, ცოცხსა და ტილოს ჩაგახუტებს და იატაკს გაწმენდინებს.

მეორე დღეს, საუზმის შემდეგ, ჟივოგლიადმა პირველი დავალება მომცა:

— როგორც გავიგე, ხის საქმეების ოსტატი ყოფილხარ. ხე-დაე ავტობარკთან გარღვეულ ღობეს?

ვხედავ!

— ჰოდა, სადილობამდე გაამრთელებ, რომ ზოგიერთმა თავნებამ მისდა უნებურად ქალაქში არ ამოჰყოს თავი.

გაბრუნებამდე გამახსენდა: ღობის შეკეთებას შიშველი ხელებით ვერ შევძლებდი.

— შეკითხვა თუ შეიძლება? — მივმართე ჟივოგლიადს.

— შეიძლება.

— მასალისა და იარაღის გარეშე ხომ ვერ გავაკეთებ ღობეს?

— რასაკვირველია, — დამემოწმა ღიმილით.

— მერედა, სადაა ფიცრები?

— შენს საქციელს ჩვენს ენაზე ზედმეტი ტლიკინი ჰქვია. ფიცრები სადაა, არც მე ვიცი. ბრძანება მიიღე? შეასრულე კიდეც, აი, რა ვიცი მე. აქ არმიაა და არა საშენი მასალის საწყობი... ფიცრები, ფიცრები გინდა დაბადე, გინდა იმას-ქენი... გააჩინე კი! — თანდათან აუწია ხმას ჟივოგლიადმა, მერე იჭექა: — სმენა! ზურგისა-კენ, ნაბიჯით იარარ!..

აბა, როგორ ფიქრობდი, რიგითო გოგიაშვილო, რასაც გიბრძანებენ, უნდა შეასრულო. ორი ფიცარი აკლია ხის ღობეს, ასე პატარა საქმისთვის არ ღირს ჟივოგლიადის გაბრაზება.

მანქანების შემკეთებელ სახელოსნოში შევედი.

— რა გნებაეს? — მეკითხება საცხში ამოსვრილი კურონიკა.

— მშვიდობა!..

— მეტი არაფერი?!

— კიდეც ჩაქუჩი.

— მშვიდობა ნუ მოგიშალოს, ჩაქუჩი მე მჭირდება.

— ჟივოგლიადმა, ჩაქუჩს კურონიკა გამოგატანსო.

— ააა!!! თუ ჟივოგლიადმა — სხვა საქმეა.

იარაღის ყუთიდან ჩაქუჩი ავიღე. ახლა ფიცრები უნდა მეშონა. მთელი ეზო მოვიარე, ფიცრისნაირი ვერ ვიპოვე, სხვა რომ ვერაფერი მოვიფიქრე, მორღვეული ღობის საპირისპირო მხარეს ორი ფიცარი ავაძერე და ავტოპარკთან ისე მივაჭედე, კაციშვილი კი არა, გზააბნეული ქარშოშინაც ვერ გაიპარებოდა. ყივოგლიადს დავალების შესრულება ვუპატაკე, ზემდეგი ავტოპარკისკენ შებრუნდა, მერე მე შემომხედა, ბოლოს საათი მიიტანა ყურთან, მუშაობსო, დარწმუნდა, ისევ მე მომაპყრო მზერა.

— კაიძალი დრო დაგრჩენია, გინაცვალე, ტყუილა ხომ არ გაჩერდები, ისევ ცეცხლფარეში ბიცურა ნახე, ნახშირის დახარისხებაში მიეხმარე.

— ნახშირის?! — გავიკვირე.

— ნახშირის, ნახშირის, აბა, პეჩენიას ყველა გადაარჩევს, და საერთოდ, რიგითო გოგიაშვილო, ჩვენ უფრო ვიცით, რა გადაარჩიონ უმცროსებმა. სჯობს, ენა დაიმოკლო და ხელი გაანძრიო. დაიხსომე: „მეთაურის ბრძანება კანონია მისი ხელქვეითისთვის“. შენ ვის გავზარ ასეთი წუწუნა, მსახურობდნენ ჩემთან შენი თანამემამულეები, იცი, რა ბიჭები?.. კურტანიძე, გეწაძე, დვალიშვილი... ერთბაშად მათ არ ჰგავდე... აი, ბიჭები!.. მთელი სამი წელი საბრძოლო და პოლიტიკური მომზადების წარჩინებულები იყვნენ.

მეორე დღეს ნაწილის დროშას ვყარაულობდი. დილის ცხრა საათიდან თერთმეტამდე მიწვედა დგომა.

ნაწილის უფროსი პოლკოვნიკი ლაზარევი ცხრაზე მოვიდა. მორიგემ უპატაკა:

— ამხანაგო პოლკოვნიკო, თქვენი არყოფნის დროს ნაწილში მნიშვნელოვანი არაფერი მომხდარა!

— თავისუფლად! — ბრძანა პოლკოვნიკმა და კიბეს ამოუყვა.

უნებლიეთ ნაბიჯების თვლა დავიწყე, როცა სხვა რამეზე გადაგაქვს ფიქრი, შეუმჩნევლად მიიპარება დრო. პირველად ვიდექი დროშის ქვეშ და ორი საათი საუკუნედ მომეჩ-

ვენ. ეიდი, რვა, ცხრა... კაცმა რომ თქვას, რა ჩემი საქ-
მეა პოლკოვნიკის ნაბიჯების თვლა... მაგრამ თვლაში დრო
ვადის. თითო ნაბიჯი თითო წამია... ცამეტი, თოთხმეტი,
თხუთმეტი... გაიღო კარი და შემოვიდა ლაზარევი. თურმე
როგორი ყოფილა ნაწილის უფროსი... მაღალი, ვაჟკაცური,
ოდნავ კუშტი შესახედაობის. თავისუფალი დგომიდან სმე-
ნაზე გადავედი. ლაზარევი დროშას მხედრულად მიესალმა
და კბინეტისკენ გაემართა. სამი, ოთხი, ხუთი... თოთხმეტი...
თხუთმეტი... გასაღები გაჩნაკუნდა. კიბის თხუთმეტი საფე-
ხური, თხუთმეტი წამი, კარიდან კაბინეტამდე, თხუთმეტი ნა-
ბიჯი. ოცდაათი...

— ნაწილის მორიგე ჩემთან! — იჭეკა ლაზარევი.

წელანდელზე სწრაფად ამოირბინეს თხუთმეტი საფეხური.

— ამხანაგო პოლკოვნიკო!

— სადაა ჟივოგლიადი?! — შეაწყვეტინა ლაზარევი.

— საწყობშია, ინვენტარს ანაწილებს.

— ახლავე მოვიდეს, დავაყენებ ხალიჩაზე!

— არის!

კაპიტანი კოზადაევი გამეტებით დაეშვა კიბეზე, მე-
თერთმეტე საფეხურზე წაიოფრხილა, ეტყობა, მშვიდობით
გადარჩა. ორმოცი თვლის მერე, ნალებიანი ჩექმები რვაჯერ
შეესო კიბეს. კარი გაიღო და გაოფლილი ჟივოგლიადი გამო-
ჩნდა. გიმნასტურას და ქამარს გზაში ისწორებდა.

— ამხანაგო პოლკოვნიკო! ნაწილის ზემდეგი, ბაზის ზემ-
დეგი, ზემდეგი ჟივოგლადი თქვენი ბრძანების თანახმად გამო-
ცხადდა!

— თანამდებობების ჩამოთვლაში მაგარი ხარ, საქმე გვერ-
დზე გრჩება!

— დამნაშავე ვარ, ამხანაგო პოლკოვნიკო!

— გადაიხედე ფანჯრიდან!

— ვიხედები, ამხანაგო პოლკოვნიკო!

— ვერაფერს ამჩნევ?

— ვერაფერს, ამხანაგო პოლკოვნიკო!

— ზემდეგო, დურბინდი მოვატანინო თუ ისე მიხედები, რა-
ტომ გაპყავი თავი ფანჯარაში?!

— ღურბინდი აღარაა საჭირო, დავინახე, ამხანაგო პოლკოვნიკო! ისევ გაურღვევიათ!.. ისევ... ჰმ!

— არა გაქვს დისციპლინა, აკლებ თვალსა და ყურს, ღღეს ღობე გაარღვიეს, ხვალ გაგეპარებიან, ზეგ არაყის ბოთლში ჩაიხედავენ, გოგოებში გაეჩვევიან, შენ კი... არავითარი სუბორდინაცია! არავითარი... უკანასკნელად გაფრთხილებ, იცოდე... შეგიძლია წახვიდე.

— არის!

ლაზარევისკენ მიმავალ ყივოგლიადს აღარ ჰგავდა უკან გამობრუნებული ზემდეგი. კარამღე ძლივს მილასლასდა. „არავითარი სუბორდინაცია!“ — ჩაილაპარაკა, მხრები აიჩენა და კარი გაიხურა. ნალიანი ჩექმები აკაკუნდა კიბეზე. ცალ ჩექმას აძრობაზე ჰქონდა ნალი. ისეთ დღეში იყო, ნალისთვის არ ეცალა ყივოგლიადს.

17

ხუთშაბათობით მეცადინეობის დღე გვექონდა. პოლიტმეცადინეობისა და სამწყობრო მომზადების შემდეგ ფიზმომზადებას ყივოგლიადი გვიტარებდა. პირველი ვარჯიშში კარგად შევასრულეთ. სიმაღლის მიხედვით ღერძთან მისვლა იშმურატოვს უწევდა ბოლოს. იგი სამწყობრო ნაბიჯებით მიუახლოვდა სავარჯიშო მოედანს.

— იარაღთან არის რიგითი იშმურატოვი! — გვამცნო ხმამაღლა, დადგა ღერძის ქვეშ, მერე ისე ახედა, სიკვდილმისჯილი რომ ახედავს, ალბათ, სახრჩობელას ყულფს. გააკეთა ყუნცი, მოსწყდა მიწას და გასატყავებელი მოზვერევით ჩამოეკიდა ღერძს. ის იყო ფეხები და უკანალი გაჭირვებით გაატარა ხელებშუა, რომ ჩექმები წაძვრა და მიწაზე მანამ ღაცვივდა, სანამ პატრონი ჩამობრუნდებოდა.

— იშმურატოვ, სხვისი ჩექმები გაცვია თუ?..

— ჩემი ჩექმები, ამხანაგო ზემდეგო!

— მაშინ, რატომ გაქვს ასე ფაყვედ?!

— ჭკვიანი კაცია იშმურატი...

— კონკრეტული პასუხი, რასაც გეკითხები!

— იშმურატი აქით რომ მიშვებდა, ჩექმები ორი ნომრით დიდი ჩაიცვიო, დამარიგა. ორ ფეხსახვევში აღარ შეგცივდებაო.

— არავეითარი სუბორდინაცია!.. არავეითარი!.. გასწავლი ჭკუას!.. დღეს წაისულელებ, ხვალ ხეზე გახვალ, ზეგ, ვინ იცის, რას მოიმოქმედებ. მეცადინეობის შემდეგ შემოხვალ ჩემთან, დაგაყენებ ხალიჩაზე. დადექი რიგში! მასე არა! ჩაიცვი ჩექმები!

იშმურატოვმა ჩექმებში ფოსტლებივით გაუყარა ფეხები და მწყობრისკენ წაჩლატუნდა.

სადილის შემდეგ ჟივოგლიადმა ისევ ღობის შეკეთება დამავალა. ბევრი აღარ მიფიქრია. ორი ფიტარი თვალში ნაკლებად საცემ ადვილზე ავაძვრე და საქმესაც მოვრჩი.

18

ბობკოვებთან წერილების დაგზავნიდან ერთი კვირა გავიდა. პასუხები არ მომსვლია. მიკვირდა, თუ ქუთაისში არ მიუღიათ წერილი, უმანში მაინც მიიღებდა პარამონ ნიკიტას ძე. თუ მიიღო, რატომ არ გამოეხმაურა-მეთქი? ამ ფიქრებში ვიყავი გართული, რომ ნაწილის მორიგე მაიორ დარბინიანის ხმა გავიგონე:

— გოგიაშვილი, ტელეფონთან!

სულმოუთქმელად მივირბინე, „ნეტა ვინ უნდა იყოს?“

— რიგითი გოგიაშვილი გისმენთ! გა... გაგიმარჯვოთ, პარამონ ნიკიტინ! — ისე ვიყვირე, მაიორი დარბინიანი კინალამ სკამიდან გადმოვარდა. — დიახ, დიახ, — ახლავე პარამონ ნიკიტინ, მოვდივარ! — ყურმილი დავდე.

— რიგითო გოგიაშვილო! — შემომესმა ჟივოგლიადის ხმა. შემოვბრუნდი.

— სად გარბიხარ ასე თავქუდმოგლეჯილი?

— იქ... გასასვლელში მიცდის, ჩემთან მოსულა... ამხანაგო ზემდეგო!

— ბოლოს და ბოლოს გასაგებად მითხარი, რა მოხდა!

„ასე ადვილად ვერ დავეფხჩვენები ხელიდან“, გამიელვა თავში და სწრაფად აუხსენი საქმის ვითარება.

— მერედა, უნებართვოდ გარბიხარ? სად გგონია თავი?! — აუწია ხმას ზემდეგმა.

— დამნაშავე ვარ, ამხანაგო ზემდეგო!

— დამნაშავე, დამნაშავე! გაიქეცი საწყობში, მანქანას დაატვირთვინებ ბოროვიკს.

— ამხანაგო ზემდეგო!..

— სიტყვა არ გავიგონო! — შემაწყვეტინა ჟივოგლიადმა, — შენს სტუმარს მე მივხედავ.

საწყობისკენ წავედი.

— გოგიაშვილო, ჟივოგლიადი ვიხმობს გასასვლელში, — გავიგონე რომელიღაც ჯარისკაცის ხმა.

ტვირთი მანქანაზე მოვისროლე და გავიქეცი.

ჟივოგლიადს ეზოში შემოეყვანა სტუმარი. მოსაწევ ადგილზე მიწყობილ გრძელ ფიცრის სკამზე ჩამომსხდარიყვნენ. ბობკოვს ფეხებშუა ყავარჯენი დაებიჯგებია და ორივე ხელე-ბი ზედ ჩამოეყრდნო. ჩემი ფიქრით, ორმოცდათხუთმეტ წლამდე უნდა ყოფილიყო, მაგრამ თეთრი თმა და ჭალარა უღვაშე-ბი გაცილებით მეტის შესახედაობას აძლევდა. დიდი სხვაობა იყო, მაინც იტყოდით: ეს ჭარმაგი კაცი ლეიტენანტ ბობკოვის ახლობელიაო.

ზემდეგს გაყვითლებული ფოტოსურათი ეჭირა ხელში. როცა მოსაუბრეებთან ახლოს მივედი, პარამონ ნიკიტას ძე ფეხზე წამოიჭრა, ხელები გაშალა და გულში ჩამიკრა. ასე ვყავდი ჩაბლუჯული კარგა ხანს, ალბათ, ასე ხვდებიან ერთ-მანეთს დიდი ხნის უნახავი მამა-შვილი. ბოლოს გვერდით მომიხევა, ჟივოგლიადს სურათი გამოართვა.

— ნახე ჩემი ვასია მეუღლესთან ერთად.

პატარა ბობკოვი დათვის ბელივით ჰყავდათ გამოწყობილი.

— ისაა, ნამდვილად ის! — ვიყვირე.

— არაფრით არ შეიძლება, შვილო, — მეუბნება პარამონ ნიკიტას ძე და თვალი ამარიდა, — ჩემს ვაჟს ეასილი ჰქვი-ოდა, ეგ, ალბათ, სხვაა, მეგვარე, მეტი არაფერი.

— არა, თქვენს შვილს ვლადიმერი ჰქვია, ვლადიმერ პარამონის ძე და ამაში ახლავე დაგარწმუნებთ.

შევატყვე, პარამონ ნიკიტას ძე იმიტომ მოსულიყო, ეთქვა, რომ მე შეეცდი. ამან უფრო გამახარა, რადგან ახლავე გავხდებოდი მოწმე და მონაწილე ჯოჯოხეთგამოვლილი კაცის უსაზღვრო სიხარულისა.

— პარამონ ნიკიტიჩ, დამშვიდდით და მომისმინეთ.

— გისმენ, შვილო, გისმენ!

— თქვენ კურსკში ცხოვრობდით, ზომ მართალია?!

— მართალია!

— თქვენი მეუღლის სახელი იყო ვერა, შვილისა — ვასია.

— მართალია, — თვალები გაუფართოვდა პარამონს. გაფაციცებით მისმენდა. სკამიდანაც კი წამოიწია, თითქოს გასაფრენად გამზადებულ ჩიტს უნდა წაეტანოსო.

რაც ვიცოდი, ყველაფერი ვუამბე. სტუმრისთვის ყოველბევ ნათელი გახდა.

— აი, სასწაული, — თქვა პარამონ ნიკიტას ძემ და კვლავ მისი მკლავების მარწუხებში მოვხვდი.

ჟივოგლიადი წამომდგარიყო, დაბნეული უსმენდა ყველაფერს, თვალები მასაც სველი ჰქონდა, მერე შენობისკენ წავიდა, სანამ შენობის კედელს მიეფარებოდა, მოგვიბრუნდა.

— რიგითო გოგიაშვილო! ტანსაცმელი გამოიცვალე, ოცდაორ საათამდე გათავისუფლებ, შეგიძლია გაჰყვე სტუმარს, ოღონდ ჭკვიანად.

— გმადლობთ, ამხანაგო ზემდეგო, ყველაფერი რიგზე იქნება! — მივაძახეთ ორივემ.

ფეხით გავუყევეთ ქუჩას, კარგა ხანს უხმოდ მივდიოდით. პარამონს ფეხის ტკივილიც კი დაავიწყდა, ყავარჯენი ისე მიჰქონდა, არ იბიჯებდა. ბობკოვზე ნაკლებ ბელნიერი არც მე ვიყავი.

— ეებს, ლიოვა! — ამოიხვნეშა პარამონმა და მხარზე ხელი ჩამომაყრდნო, რაც თავს გაჭირვება გადამხდენია, ენაც ვერ იტყვის აღვილად. გახსენებაც არ მინდა. ბოლოს ყველაფერი დასრულდა. ცაში ვისროლეთ ქუდები, მივეცით გამარჯვების ზალპი, მაგრამ ძვირი დაგვიჯდა ყველაფერი. ახლა მითხარი,

როგორ მიდის სამსახური არმიაში, ხომ არ გიჭირს, პირველ ხანებში ძნელია, შეჩვევა უნდა.

— არა, პარამონ ნიკიტინ, ყველაფერი რიგზეა, ზემდეგი ეივოგლიადი კარგი კაცია.

— აბა, კარგად მომიყუევი ჩემი ვასიას ამბავი, წერილიდან ვიცი, ქუთაისში ცხოვრობს და კოისარიატში მუშაობს. სხვა რა შეგიძლია მითხრა?

— სხვა რა გითხრათ, დედობილთან ერთად ცხოვრობს. ცოლი ჯერ არ შეურთავს, სამხედრო ნაწილში აპირებდა გადასვლას, ვერ შეეგუა კომისარიატის საკანცელარიო საქმეებს. საარტილერიო სასწავლებელი აქვს დამთავრებული თბილისში.

— ლამაზია თქვენი ქალაქი, სამი წლის წინათ ვიყავი წყალტუბოში. თითქმის ყოველ მეორე დღეს ჩავდიოდი ქუთაისში. რა ვიცოდი, თუ ჩემი ვასია იქ იყო, აი ბედი, ჭკუაზე შეიშლები კაცი... ხვალიდან შვეებულებაში ვარ, ისევე წყალტუბოში მივდივარ. წერილსაც არ გაუვგზავნი, მოულოდნელად დაეადგები თავზე ვასიუხას. ეივი! რა სიხარული იქნება, ბიჭოოკ! შენ რას იტყვი, ლევან!

— რაღა თქმა უნდა, თითქოს ყველაფერს ვხედავდე, ისე მაქვს წარმოდგენილი თქვენი შეხვედრა. მენანება, რომ ვერ დავესწრები. პარამონ ნიკიტინ, ჩვენებთანაც შეიარეთ, იქვე ახლდა ჩემი სახლი, მშობლებს ძალზე გაუხარდებათ თქვენი სტუმრობა, ორიოდე სიტყვასაც მივწერ.

— სიამოვნებით, ჩემო კარგო, როგორ დაგზარდები, შენ ოღონდ მითხარი, რა გსურს, აწი მოვალეც ვარ შეგისრულო ყველაფერი.

ამ საუბარში კაიხელა გზაც გაგვევლო. ბობკოვმა ჭიშკარი გააღო. ეზოში პატარა, კოხტა სახლი იდგა. ორი სკოლამდელი ასაკის გოგონა სილაში თამაშობდა. დაგვინახეს თუ არა, ჩვენსკენ გამოიქცნენ.

— ბაბუა მოვიდა, ბაბუა!

მობუცმა ორთავე ხელში აიყვანა და ჩაიხუტა. ბავშვების ხმაზე ორი ქალი გამოვიდა სახლიდან, ერთი — ხნიერი, მეორე — ახალგაზრდა. ორთავეს პირისახეზე მოუთმენლობა ეხა-

ტა. ბობკოვმა ბავშვები ძირს ჩამოსვა და ახლა ქალებს გადა-
ეხვია.

— მომილოცეთ, ძვირფასებო, ჩემი ვასიუტკა ვიპოვე, ჩემი
ვაჟკაცი!—სამივე იცრემლებოდა.

პატარა გოგონები ერთმანეთს ეკამათებოდნენ. ერთი ამბობ-
და ჩემზე გენერალიაო, მეორე — ჯარისკაციო.

— არა, კულრაჭებო, მე ჯარისკაცი ვარ და გენერლობაზე
ფიქრობ!

ორივე კმაყოფილი დარჩა.

მოგვიანებით გავახსენდი ბობკოვს. მაპატიეო, მომიბოდიშა
და ქალებს მიმართა:

— გაიცანით, ლევან გოგიაშვილი, ამას უნდა ვუმაღლოდე
მთელი სიცოცხლის მანძილზე!

ქალებმა ხელი ჩამომართვეს.

ნატალია ვასილიენა! — თქვა უფროსმა.

— ირა! — შინაურულად მითხრა ახალგაზრდამ.

სახლში შემიწვიეს. სამთავე ცდილობდა ჩემთვის ესიამოვ-
ნებინათ. ზედმეტმა ყურადღებამ უხერხულობაში ჩამავლო. ქა-
ლები სამზარეულოში დაფაცურდნენ, ბობკოვმა სურათების
ალბომი გადმოიღო. დიდხანს ეძება, ბოლოს იპოვა, როგორც
იქნა.

— ლევან, დაუკვირდი, ამ სამთაგან ერთი მე ვარ, ერთიც შე-
ნი თანამემამულე, ვარლამ ჭკუასელი, — მითხრა ბობკოვმა, —
და გაყვითლებული სურათი გამომიწოდა, — ბევრი რომ არ გა-
ვავრძელო, ქართველებს ჩემს ცხოვრებაში დიდი ღვაწლი მიგი-
ძღვით. ჭკუასელმა სიკვდილს გადამარჩინა, ტყვეობიდან დამი-
ხსნა, შენ კიდევ იმოდენა სიხარული მიმანიჭე!.. მაღლობა, ჩე-
მო ძვირფასებო...

ვარლამის ამბავი ვკითხე მოკრძალებით.

— ომის მიწურულს, საბრძოლო დავალებიდან დაზიანებული
თვითმფრინავით დაბრუნებულა. რაღაც წამები აღარ ეყო. დაჯ-
დომამდე თვითმფრინავი მთლად გამოსულა მწყობრიდან. ვარ-
ლამი ცოცხალ-მკედარი ამოუყვანიათ. ექიმებს უთქვამთ, არ
გადარჩებაო. მეტი ვერაფერი შევიტყვე მასზე. ვინ იცის, იქნებ
ცოცხალიცაა...

ეთხოვე, ყველაყ მოკთსრო ჭკუასელი; შესახებ.

— არ შემიძლია გახსენება, არ ნანდა გე ასევე დღევანდელი სიხარული, სხვა დროს, როგორმე სხვა დროს მოგიყვები.

ქალებმა სუფრა გააწყვეს. ოთახში სამოქალაქო ავიაციის ტანსაცმელში გამოწყობილი ახალგაზრდა შემოვიდა.

— ოოო, დროულად მოხვედი, დროულად! გაიცანი ჩემი სიძე, ეს კიდევ ლევან გოგიაშვილი, წერილი რომ გამომიგზავნა.

მფრინაემა ხელი გამომიწოდა.

— ვადიმი მქვია, — თქვა და გაიღიმა.

გემრიელი ვახშამი მოემზადებიათ ქალებს. ახალი თევზი პარამონ ნიკიტას ძეს დაეჭირა დილით.

— ასეთ შემთხვევას დალევაც მოუხდება, — თქვა ოჯახის უფროსმა და ჭიქები შეავსო. ჩემი ჭიქა არ გაუვსია.

— „ტერპი, კახაკ, ატამანომ ბუდეშ“, — მითხრა ღიმილით და თვალი ჩამიკრა. ნატალია ვასილიევნამ სავსე ჭიქა აატალა, — პაშა, არ შეიძლება, ხომ იცი, შენთვის საწამლაჟია.

— ახლავე რომ გავფშიკო ფეხები, ერთს მაინც დავლევ, — თქვა და ჭიქა ჩამოართვა ცოლს, — დმერთმა ქნას, ყველა ასეთი ბედნიერი იყოს, როგორც მე ვარ დღეს!

ვადიმს ერთი მანამ შეესვა, სანამ ბობკოვი დალევდა. ებსადღეგრძელო არ მითქვამსო, და მეორედ შეივსო ჭიქა.

ვადიმს ირა ეცა ხელში.

— ამ ქალაქში როგორღა მოსუდით, — ვკითხე ბობკოვს.

— ეგეც ბედია, ლევან, ბრმა ბედისწერა. ჩვენს ქვეყანაში სადაც ვისურვებდი, იქ შემემლო მეცხოვრა, რახან ომის კლანჭებს დაეუსხლტი, მაგრამ ცხოვრებასაც თავისი ლოგიკა აქვს. ორმოცდაოთხში მძიმედ დავიჭერი ფეხში, ორი თვე ვიწექი ლაზარეთში. ჩემი ოცნება ბერლინში შესვლა იყო, მინდოდა, მეც დამედგა ფეხი მათ მიწაზე, მაგრამ ბრძოლის ველის მიტოვება ომის დამთავრებამდე მომიხდა. ფეხზე გავლა რომ შევძელი, ჩვენი მიწიდან უკვე განდევნილნი იყვნენ გერმანელები.

კურსკში გავემგზავრე. დავაბოტებდი გადაბუგულ ქალაქში, ოთხი წლის წინათ თვალდახუჭულს რომ შემემლო სია-

რული, ახლა, ნურას უკაცრავად. ფხიზლად უნდა ყოფილიყავი, სადმე ორმოში არ ჩავარდნილიყავი, ან რაღაც სასწაულით შერჩენილი კედლის ნატეხი, ბეწვი რომ ამაგრებდა, არ დაგცემოდა თავში და ზღვას გადარჩენილი წვეთს არ დაეხრჩვე. ჩვენი ქუჩა სადღა იყო. ხუთსართულიანი სახლი, სადაც ვცხოვრობდი, მეორე სართულზე მთავრდებოდა, თვალთ მოვზომე ის სივრცე, მესამე სართულზე, ჩვენი ბინა რომ იყო ოდესღაც. გავიხსენე ცოლ-შვილი, ბინის მიღება, ისიც — უსაზღვრო სიხარული მწუხარების უფსკრულმა რომ შესცვალა... იმ დაწყვეტილ დღეს დავტოვე ოჯახი და... გამოვბრუნდი გულდათუთქული... ცოლ-შვილის ამბავი ვიკითხე. ევაკუაციის დროს დაბომბვაში მოხვდნენ...

კურსკიდან კრასნოდარის მხარეში გავემგზავრე, მშობლიურ სოფელში, — ოტრადნა-ოლგინსკაიაში. იქნებ ჩემი მოხუცები მაინც ვნახო-მეთქი. გავერანებულ ეზოში ნანგრევებიღა დამხვდა ნასახლარზე. მამა პარტიზანებთან წასულიყო, ერთ-ერთი ოპერაციის დროს დაღუპულა, დედა ძროხას წველიდა თურმე... გერმანელები ბოსელში შეჭრილან, ძროხა წაუყვანიათ, წინ გადადგომია, უბედური: ავტომტის ჯერით დაუცხრილავთ. შემდეგ ცეცხლი მიუციათ სახლისთვის. აღარც ცრემლი მქონდა, აღარც აზრი.

საიდან დამეწყო, ან რა დამეწყო, აღარ ვიცოდი. ვიდექი ასე გაშტერებული კროპოტკინოს სადგურზე და ვუცდიდი მატარებელს, რომ შიგ ჩავმჯდარიყავი. სულ ერთი იყო, საითაც წავიდოდი. გაზეთის ნახევში მახორკა შევახვებე და ცეცხლი მოუუკიდე... მატარებლების განრიგი არ არსებობდა, არც ის ვიცოდი, საიდან მოვიდოდა, არც ის, გააჩერებდა თუ არა კროპოტკინოში.

ჩემს პირდაპირ ქალი იჯდა ფუთაზე. მეორე ფუთაზე პატარა გოგონა იდგა მუხლებით და რაღაცას ეტიტინებოდა ქალს. ქალი ხან ერთ მხარეს გაიხედავდა, ხან — მეორე მხარეს, — ხომ არაფერი მოდისო. ცოტა მოშორებით მოხუცი იჯდა. მასაც პატარა ბიჭი ახლდა. გოგონამ დედას თავა დაანება და თანატოლ ბიჭს სახელი ჰკითხა.

— ვიტალიკ, — მედიდურად უთხრა ბიჭმა. — მას კაცის პი-

ჯაკი ეცვა, ხელები არც უჩანდა გრძელ სახელოებში. გოგონამ ვიტალი აიყვლია ლაპარაკში. სიტყვაძვირი არც ბიჭი აღმოჩნდა, ეგ კი არადა, გოგონას სულაც აღარ აღაპარაკებდა.

— გერმანელებს კუდით ქვა ვასროლინეთ, მამანემი ასლაც მისნდევს გაქვეულებს. ისეთი ღონიერია, ცალსელა მთერევა ყველას. წერილი მოგვწერა, მალე გავუსწორდებით მტერს და ჩამოვალთ! ხომ მოგვწერა, ბაბუ, ხომ მოგვწერა?! — მოხუციის მუხლებს წაებოტინა ბიჭი.

— მოგვწერა, შეილო, მოგვწერა, — თვალი აარიდა მოხუცმა.

— ოოო! შენ ვეგონა, გატყუებდი?

— მეც მყავს მამა, გგონია, მარტო შენ გყავს? მამანემი შენს მამაზე ღონიერია.

ახლა ფუთაზე ჩამომჯდარმა ქალმა აიფარა თვალებზე ხელი.

— თუ გყავს, სად არის, მე ვიცი, მამანემი ახლა ჩეხოსლოვაკიაშია. მამაშენი?

— მამანემი? მამანემი... — ირგვლივ მიმოიხედა გოგონამ, აი, მამანემი, — ხელი ჩემკენ მოაშვირა და გამოიქცა, — მამა! მამიკო! უთხარი ვიტკას, რომ ჩემი მამა ხარ, ხომ ხარ ჩემი მამა? — მეტიტინებოდა თვალცრემლიანი, მუსლებზე ამობობლდა, ხელებს გაუპარსავ ლოყებზე მითააუნებდა, მემუდარებოდა, მეტქვა ვიტალისთვის... ისე შემომციტინებდა, იმ თვალებს უარს მაინც ვერ ეტყოდი, ქვა რომ გქონოდა გულში. არადა, ქვა მქონდა გულში, თავში, სულში. არაფრის აზრი და ფიქრი, პაპიროსი თითებს რომ მიმაწვავდა, ახალს ვახვევდი. ამ გოგონამ კი გააღზო ყინული, აადულა ქვა... გულში ჩავიკარი, ვკოცნიდი და ვერხურჩულებოდი:

— დაწყნარდი, ჩემო გოგონა, დაწყნარდი.

ქალი, ფუთაზე რომ იჯდა, აწრიალდა, რა ექნა, აღარ იცოდა, ცოტა ხნის მერე მოგვიანლოვდა, ისე, ჩუმად მოყურადებულ ბიჭუნას რომ არ გაეგონა, ბოღიში მომიზადა.

— უკაცრავად, განერვიულდა, ასე იცის ხოლმე, აიკვიატებს რამეს და თვითონვე იჯერებს თავისსავე გამოგონილს.

— იროჩკა, ნუ აწუხებ ძიას, წამოდი!

— იყოს, ქალბატონო, რა შეწუხებაა, ნეტა ამის მეტი...

ვითაღი მიბუზულიყო და შურით მისჩერებოდა „მამის“ კალათში ტკბილად მიძინებულ გოგონას.

ის გოგონა, ჩემო ლევან, ამ პატარა გოგონების დედა გახლავით, ისე აიკვირებოდა მაშინ მამა ხარო, მეც დამაჯერა და ნატალია ვასილიეენაც. ამ ქალაქში ვასილიეენას მშობლები ცხოვრობდნენ. აქით მოდიოდნენ თურმე დედა-შვილი. სახლის ფარღალა კედლები დაგვხვდა მხოლოდ. მას მერე აქა ვართ. სასიფლო-სამეურნეო ინსტიტუტი დაეამთავრე და შენც იცი, შაქრის ქარხანაში ვმუშაობ ახლა.

უკვე ოცი წელი გავიდა. ყველაფერი თავიდან ავაშენეთ. წავშალეთ მტრის ნაკვალევი. ცხოვრებაც თავიდან დაიწყო. თითქოს გუშინ იყო ეს ქარ-ცეცხლი. დაეაბიჯებ მიწაზე, სხეებთან ერთად სისხლით და ოფლით რომ მაქვს დაცული. მიუწოდებ ჩემს თავს და ყველას: ვიყოთ ჯურადლებით! გაუფრთხილდეთ მშვიდობას!

— სანამ მე ჯარში გეგულებით, ყველაფერი რიგზე იქნება, პარამონ ნიკიტინი, ამასობაში, ავერ, გოგონების საქმროები წამოიზრდებიან და მშვიდობაც საიმედო ხელში გადაინაცვლებს, — სიცილით ეთქვი და პატარა გოგონებს ვაშლები ჩამოვურივე.

ბობკოვმა აიღო ვაზიდან ვაშლი. ცოტა ხანს ხელში ატრიალა...

— ვაშლმა გამახსენა. ვარლამის ამბავსაც მოგიყვები ბარემ... ისე დაიწყო პარამონმა, მე არაფერი მითხონია.

1943 წლის ივნისი იყო. ტყვეთა ბანაკში ვარლამ ჭკუასელი ახალ ჯგუფთან ერთად მოიყვანეს. ჩემს ზემოთ მიუჩინეს საწოლი. მალე დავმეგობრდით. გულღია ბიჭი იყო და იმედიანი. დროებით ვართ ასეო, ამბობდა, მერე დაუმატებდა: ამქვეყნად ყველაფერი დროებითიაო. უნდა გავიქცეთო, — გამენლო ერთ დღეს.

— გაქცევა უფრო ადრე ვიფიქრე, მაგრამ მაღალი ძაბვა, ძალღი და კაცი ყველა ჩვენ გედარაჯობს-მეთქი. „ერთი ძილი მდინარესაც ეძინება, დროს უნდა შერჩევას“, — მითხრა.

აეროდრომს გვაშენებინებდნენ. მძიმეწონიანი თვითმფრინა-

ვების დასაჯდომ ზოლს აკეთებდნენ. ეჩქარებოდათ მამაძალ-
ლებს, 14 — 16 საათს გვამუშავებდნენ, გვერდით მოქმედი
აერიოდრომი ჰქონდათ, „მესერშმიტები“ იყო ჩარიგებული,
ჭკუასელი შეწყვეტდა ხოლმე მუშაობას და მიაშტერდებოდა
თვითმფრინავებს. ერთ დღეს წამჩურჩულა:

— „იმ თვითმფრინავში რომ ჩაგვაჯინა?!“

„მერე?“ — ვკითხე სხვათა შორის.

„არაფერი, გაფრინდებოდით... მფრინავი ვარ, ბიჭო, მფრი-
ნავი! გერმანელებს რაღაც აერიათ, თორემ ჩემი აქ გამოგზავნა
არ შეიძლებოდა“.

გაკვირვებისგან პირი დავაღე.

„მართალს ვამბობ, დედას გეფიცები. თუ აქედან არ მო-
გიტაცო, ეს უღვაში მომპარსე. 107 საჰაერო ბრძოლა მაქვს
მოგებული. 108-ემ არ გამიმართლა. ამიტომაც დღე და ღამე
ვფიქრობ 109-ეზე. 109-ე გერმანული თვითმფრინავით უნდა
შევასრულოო“.

ეს ყველაფერი ზღაპარს ჰგავდა. — ილაპარაკოს, გულს მო-
იოხებს და გაჩერდება-მეთქი, ვფიქრობდი ჩემთვის.

ერთ დღეს ბანაკის ახლოს, ეკლიანი მავთულხლართის გას-
წვრივ, შავგერმანმა გოგომ ჩაიარა. ხელში პატარა, ნა-
ჭერში გამოკრული რაღაც ეჭირა. ფეხი შეანელა. პირველად
ჭკუასელმა შეამჩნია ჩვენსკენ კისერმოქცეული გოგო.

„გამარჯობა, ნადია!“ — დაუძახა და ხელი დაუქნია.

„ჩემი სახელი საიდან იცი?“ — გაუკვირდა გოგონას.

მორიგე გერმანელმა რაღაც იღრიალა, ნადიამაც გზა გა-
ნაგრძო.

„მართლა ნადია რქმევია, — გაუკვირდა ჭკუასელს. —
ჩოხატაურში მყავს ერთი შავი გოგო, იმედა ჰქვია, იმედა
თქვენებურად ნადეჟდაა, მისი სახელი დაუძახე და არ გამი-
მართლაო?!“

„ლაპარაკი!“ — ისევ იღრიალეს გერმანულად.

იმ დღის შემდეგ, თითქმის ყოველდღე ჩაუვლიდა ის გოგო
ბანაკს. ეკლიანი მავთულხლართები გვეოფდა ერთმანეთისაგან.
გაგვიღიმებდა, პატარ-პატარა იმედსა და სითბოს დაგვიტოვებ-

და ყველას და მიდიოდა. იმავე წუთიდან დაწყებული მეორე დილას ველიოდით, როდის ჩამოივლიდა შავვეკრემანი ნადეჟდა.

ზღაპრული დილა გათენდა იმ დღეს. კრიალა ცაზე ფთილა ღრუბელიც არსად ჩანდა. სიო ევლებოდა თავს ბანაკს იქით წამოსულ ბალახს. ბალახში გამორეულ ყაყაჩოებს წითლად მოეჩითათ მწვანე ველი. ჩვენთვის კარგი და ცუდი ამინდი არ არსებობდა. არსებობდა ერთსიტყვიანი ბრძანება: „იმუშავეთ!“

გამოჩნდა ნადია, ხელში ახლაც პატარა შეკრულა ეჭირა. მოდიოდა თეთრ კაბაში გამოწყობილი, წითელი ყვავილებით მოქარგულ სიმწვანეში. ნადია ჩვენს პირდაპირ შედგა, ღიმილი შემოგვაგება. შეკრულიდან დიდი ვაშლი ამოიღო და ჩვენსკენ ისროლა. მერე ყაყაჩო მოწყვიტა ნადიამ, ისიც ჩვენსკენ ისროლა და წკრიალა ხმით მოაყოლა:

— სამი დღის შემდეგ, შუადღი...

ავტომატის მოკლე ჯერმა დაკენკა დილა. ნადია შეტორტმანდა. მისგან ნასროლი ყაყაჩო უმწეოდ გადაეკიდა ეკლიან მავთულზე. ორივე ყვავილი ერთად გამოესალმა სიცოცხლეს. თეთრი კაბაც ყაყაჩოსფრად შეიღება. სისხლი გაგვეყინა ძარღვებში. ჭკუასელს ვაშლი ჩაებლუჯა. ზედამხედველები მოცვიდნენ.

— იმუშავეთ! იმუშავეთ! — აყეფდნენ ერთხმად.

გერმანელები ძლივს აკავებდნენ ძაღლებს. რაღას ვიზამდით, მუშაობა გავაგრძელებთ.

მეორე დილით იმ ადგილზე სისხლში ამოსვრილი პატარა ფუთა ეგდო.

მესერშმიტები ცალკე შელობილში იყო. ზოგჯერ მფრინავებთან ტყვეები მიჰყავდათ შავი სამუშაოების შესასრულებლად, „ერთხელაც ვერ მოვხვდი თვითმფრინავებთანო“, — ჯავრობდა ჭკუასელი.

ბოლოს და ბოლოს მოგვიწია თვითმფრინავებთან ახლოს მუშაობა.

ჭკუასელი გულდასმით ათვალეერებდა გერმანულ მანქანებს.

„ერთი რომ შიგაც ჩამახვდა!“ — ინატრა თავისთვის.

გერმანელი მფრინავი მოგვიახლოვდა, ეტყობოდა, ზომაზე მეტი გადაეყლუნწა.

— ხოროხო, რუს?! — ჰკითხა ჭკუასელს და თვითმფრინავზე ანიშნა.

— გუთ, გუთ! — ცერი ამართა- ჭკუასელმა.

გერმანელი ფრთაზე აბობლდა, კაბინაში მოკალათდა. მერე ჩვენც გეანიშნა, ამოდითო. ჭკუასელი თითქოს ამას ელოდა, თვალისდახამხამებაში ფრთაზე გაჩნდა. სამართავ მოწყობილობას და შკალებს დაუწყო თვალღებება, „როგორ ეშვება, ბარემ ისიც მაჩვენე და სხვა ჩემზე იყოსო“, ჩემს გასაგონად თქვა ჭკუასელმა.

გერმანელი თითქოს ვარლამის გულში იჯდა. ღილაკებს ტკაცა-ტკუცი აუტეხა და ძრავის ყრუ გუგუნიც გაისმა. ჯერნელი გაზი მისცა, მერე მოუმატა. ჭკუასელმა ეითომ ვერ გაუძლო ჰაერის მოძალებულ ნაკადს და ფრთიდან გადავარდა. გერმანელის სიხარულს საზღვარი არ ჰქონდა. ძრავა გამორთო და ისევ დაგვიქნია ხელი, ზევით ამოდითო.

ვარლამი შემეხვეწა:

— ვეთამაშოთ, სანამ არ მოწყინდებო.

ჭკუასელი ორმოცდასამის გაზაფხულზე ჩავარდნილა ტყვედ. უთანასწორო საჰაერო ბრძოლა მიუღიათ. ერთ-ერთ მოწინააღმდეგეს ზევიდან მოექცა თურმე და ცეცხლი გაუჩინა, მეორეს ტყვიამფრქვევით სტაბილიზატორი და კილი დაუზიანა. ნაფოტივით ათამაშდა „მესერშმიტტი“. ჭკუასელის მანქანაც აყირავდა თურმე, თვითმფრინავის საჭე აღარ დაემორჩილა. მანქანის მართვა ან მისი დასმა წარმოუდგენელი გამხდარა. სიმაღლეს კარგავდა. უკანასკნელი გამოჩავეალი გადმოხტომა შექნილა. ყინავდა თურმე. ყველაფერი თოვლით ყოფილა დაფარული. ქვევით პატარა სოფელი მოჩანდა, დასახლებულ ადგილს მოერიდა, ტყისკენ მიეძალა, ტყე ზშირი არ იყო, მაგრამ ვერც იმდენს მოახერხებდა, ისე დაშვებულყო, პარაშუტი არაფერს წამოცმოდან... პირველმა ტოტმა ვერ გაუძლო, მეორეზე ჩამოეკიდა. დარჩა თურმე ჰაერში. სხვა გზა არ იყო, გამოჭრა პარაშუტი და თორმეტ-თოთხმეტი მეტრიდან ქვასავით მოწყვეტილა ხიდან. დიდი თოვლი ყოფილა, თორემ სული არ დაჰყვებოდა. ხეზე პარაშუტის დატოვება არ იქნებოდა. ად-

გილზე დარჩენაც არ შეიძლებოდა. ბინდდებოდა თურმე, უნდა წასულიყო, თორემ გაიყინებოდა. თოვლი მუხლებამდე ყოფილა, ადგილ-ადგილ მეტიც. საითაც უფრო თავისუფალი მოეჩვენა ვზა, იქით წასულა. უკვალავ თოვლში სიარული როგორია, ფეხზეც მძიმე ვუნტები სცმია. მიდიოდა გაჭირვებით. სწრაფად უნდოდა ევლო, ფიქრობდა, დაბნელებამდე დაეყენებია საშველი. * ძაღლების ყფის ხმა მისწვდა თურმე. მიხვდა, არც ისე შორს იყო, მაგრამ ვისგან? ან რისგან? არაფერი იცოდა. მიდიოდა და ისიც ვერ გაეგო, უახლოვდებოდა თუ შორდებოდა ამ ხმას. ყინვამ იმატა, მაინც ოფლში გაიღვარა, არაქათი გამოეცალა, დასვენებაც არ შეიძლებოდა. ძალისძალად ადგამდა ნაბიჯებს. ათიოდე მეტრში რაღაც ფიცრული შენიშნა. იმედმოცემულ კაცს ძალაც ემატება. სირბილით ვერა, მაგრამ ჩქარა კი გაუტია იქითკენ თურმე. როგორც იქნა, მოღწია. ნაკვალევზე ეტყობოდა, ვილაც ახალი ნამყოფი ყოფილა შიგ. „იქნებ ახლაც შიგაა?“ — გაიფიქრა და გაყინული ხელით პისტოლეტი მოსინჯა. მონადირის ქონს წააგავდა. კარი ნახევარზე გამოულია, მეტი არც იღებოდა. ისე ყოფილა მოყინული. ძლივძლივობით შეეტია შიგ. ყველაფერი მოათვალიერა. ცარიელი მოსჩვენებია იქაურობა, თანდათან შეაჩვია თვალი სიბნელეს. უკანა კედელთან ღუმელისმაგვარი რაღაც შენიშნა. შეშაც ვყარა იქვე. ხის ნატეხით ნაცარი გადაჩხრიკა. აქა-იქ ნაკვერცხლებიც გამოკრთა თურმე. სიღრმეში კაიხელა ნაკვერცხალი გამოჩინქნა. შეშა შეუმატა და სული მანამ უბერა, სანამ ცეცხლის აღმა ქონორი არ შეატრუსა. განათდა იქაურობა. ხის ტახტი იდგა კუთხეში. კედელზე მიკიდებული ძველი საწვიმარი ლაბადაც შეუმჩნევია. ხის უბადრუკ მაგიდაზე ჭრაქის ლამპა იღო. მოსინჯა, ნავთი არ აღმოჩნდა. დაღლილი იყო, აღარაფერი შეეძლო. ტახტს ხელი ჩასჭიდა, ღუმელთან მივაჩორებო, მიჭედებული აღმოჩნდა. ხელი ჩაიქნია, შეშა მიამატა და ტახტზე წავორდა თურმე.

„ეი, ხლოპეც, გაიღვიძე! კესმის? გაიღვიძე!“ — ანჯღრევდა ვილაც.

თვალი გაუხელია, ახსოვდა სადაც იყო და პისტოლეტზე უსტაცია ხელი.

„გამარჯობა“, — მისალმებია დაბამბულ კურტკაში და ყურებიან ქუდში შემკვერალი, შუახანს გადაცილებული კაცი.

„სადა ვარ? ვინა ხარ!“

„იქიდან?“ — ხელი ცისკენ აუქნევია მოსულს.

თავი დაუქნია თურმე.

„რამდენი ხანია გძინავს?“ — შეკითხვია ისევ.

„არ ვიცი“.

„ოი, ძმობილო, მთელი თვრამეტი საათი გძინებია. მე დაგინახე, მაშინ არ შეცალა, პარაშუტი დღეს ჩამოვხსენი, აგერ დაეწვი ღუმელში. მშვიერიც იქნებოი“. — უკითხავს.

ისევ დაუქნევია თავი.

„ომამდე მეტყევე ვიყავი, ახლა პარტიზანებთან ვარ მეკავშირედ, სტეპკოს მეძახიან, — უთქვამს მოსულს, — სოფელი გერმანელებითაა საესე, როგორმე პარტიზანებთან უნდა გაგიყვანო. მეორე დღეა დაძრწიან, ალბათ, შენ გეძებენ, საღამომდე უნდა გაუძლო, საღამოს მოვალ და ვცადოთ ბედიო“.

დაღამებულა. სტეპკო არ გამოიჩენილა. მთელი ღამე თვალი არ მიუხუჭავს. ელოდა თურმე. „სიფხიზლეა საჭირო, არ ჩაგეძინოს, ბიჭო!“ — იმხნევებდა თავს. რამდენჯერმე გარეთაც გასულა, პირსახეზე თოვლს იყრიდა, იფხიზლებდა პილისკენ წაჩუმათებულ თვალებს. გამთენიისას მაინც ჩასძინებია თურმე. ავტომატმომარჯვებული ორი გერმანელი წადგომია თავზე მძინარეს. ერთი ვარლამის პისტოლეტს ატრიალებდა ხელში. წინ გაიგდეს, თვითონ თხილამურებით მოჰყვებოდნენ.

მოედანზე სახრჩობელასთან ჩაარონიეს. ფეხშიშველა კაცის სხეულს აქანავებდა სუსხიანი ქარი. კისერზე გერმანული წარწერა ჰქონდა ჩამოკიდებული, — „პარტიზან“. „როგორ თბილად ეცვა წინა ღამით სტეპკოს“, — გააკანკალა თურმე ჭკუასელს.

იმ საღამოს ობერლეიტენანტმა დაჰკითხა. სიტყვა ვერ დააცდენინა, მეორე დღეს ორმა ჯარისკაცმა უფრო მაღალ ჩინთან შეაცილა.

კისერშეხვეული, ხნიერი გენერალი ისე მიაჩერდა, როგორც ბავშვი უყურებს მობეზრებულ სათამაშოს.

„გშია?“ — ჰკითხა გენერალმა.

„მრცხენია!“

„რისი?!“

„ჩემს მიწაზე შემოჭრილი მტრის წინ რომ ედგაეარ და ტყვე მქვია“, უპასუხნია ვარლამს.

„თუ ჭკუით არ იქნები, გვამი დაგერქმევა“.

„ეგ ვიცი!“

გერმანელმა გაიღიმა თურმე.

„სასმელ-საჭმელის საქმე როგორ გაქვთ არმიაში?“

„კარგად. არც არასდროს შემოგვეკლებია“.

„თვითმფრინავები თუ გყოფნით?“

„ერთი რომ დავალებაზე მივდივართ, უკან მობრუნებულეებს, მეორე გამზადებული გვხვდება“.

„რას ამბობენ შენი მეთაურები, ომი როდის დამთავრდებაო?“

„როცა გავიმარჯვებთო“.

გენერალი გაცხარებულა, შეაეტომატეებს ანიშნა თურმე, გაიყვანეთო. ვინ მოთვლის რამდენი ტანჯვა გამოიარა მის მერე. ორ თვეში ტყვეთა ოთხი ბანაკი გამოაცვლევინეს.

ბობკოვმა საათს დახედა. დრო კიდევ გვაქვსო, თქვა, წაალი მოსვა, სიგარეტი გააბოლა და განაგრძო:

— ნადიას სიკვდილის შემდეგ გერმანელები უფრო დაფაცურდნენ. მაღალი ჩინები ჩამოდიოდნენ, მშენებლობას ამოწყობდნენ. მიწის სამუშაოებს რომ მოვრჩებოდით, მერე თვით გერმანელები აბეტონებდნენ.

პირველი რიგის სამუშაოები უკვე დამთავრებული ჰქონდათ. ერთ კვირაში გამოცდას ატარებნენ, ასე გამოვიდა ხმა.

ოცდახუთ იენისს შუადღისას ბანაკის რადიო აღრიცხდა:

— ახტუნგ! ახტუნგ!..— შემდეგი სიტყვები საქაერო განგაშის ზმუილში ჩაიკარგა.

— ხელები თაწზე, ყველანი ბანაკში, სირბილით, სირბილით!.. — ყვიროდნენ ზედამხედველები და მიგვერეკებოდნენ.

ბანაკამდე კილომეტრზე მეტი იყო. ასი მეტრიც არ გაგვერბინა, რომ ცაში გუგუნი გაისმა.

— ხმაზე ვცნობ, ჩვენებია! — მომამახა ჭკუასელმა, — რაღაც უჭირთ, ამათი...

გერმანელი მფრინავები „მესერშმიტებისკენ“ გაიქცნენ. სანამ თვითმფრინავებამდე მიაღწევდნენ, მანამ დაიწყო ბომბარდირება. რამდენიმე თვითმფრინავი ცეცხლში გაეხვია. გერმანელები მიწაზე დაცივიდნენ. ტყეები დაიფანტნენ. ეკლიანი მავთულები მხოლოდ ალაგ-ალაგ შემორჩენილიყო. მე და ვარლამი თვითმფრინავებისკენ გავიქეციით. ჩვენთვის აღარავის ეცალა.

„თუ გავძვერით, გაძვერით, ამაზე უკეთესი შემთხვევა აღარ გვექნება“, — ყვიროდა ჭკუასელი.

თვითმფრინავებამდე მისვლას თითქმის აღარაფერი გვიკლდა, ის „მესერშმიტი“, ჩაჯდომას რომ ვაპირებდით, აფეთქდა. თვითმფრინავების ახლოს მიწასაც ეკიდა ცეცხლი. სხვების აფეთქებაც ყოველწამიერად იყო მოსალოდნელი. გაუუსხლტით ცეცხლსაც, ყუმბარებსაც და სულ განაპირა თვითმფრინავთან გაეჩნდით. ძლივს ავბობდით თვითმფრინავზე.

— ახლავე თუ არ აფრინდით, ჩვენც ცეცხლში გამოვიხრუკებით, — იძახის ჭკუასელი. საჭეს ჩააფრინდა, მერე ღილაკებს ეცა. პუჟ-პუჟ-პუჟ! — ჩართო ერთმანეთის მიყოლებით. არაფერი გამოვიდა ცეცხლი კი რიგრიგობით აფეთქებს თვითმფრინავებს. ღილაკები თავიდან „ჩამოირბინა“ ჭკუასელმა, ძრავა არა და არ გაეშვა. გული ბაგა-ბუგით ითვლიდა წამებს. სისხლი მოაწვა თვალებში. ცივი ოფლით დაეცვარა შუბლი. გამწარებულმა მუშტები დაუშინა ღილაკებს. მოხდა სასწაული, ძრავა ჩაირთო. ახლა ადგილიდან ვედარ დაძრა, მხრებში ჩავაფრინდი და შევანჯღრიე.

— დამშვიდდი, — ყურში ჩავძახე თავგზააბნეულ ჭკუასელს ხმის კანკალით.

როგორც იქნა სამართავ მექანიზმსაც აულო ალლო, ბენზინის ავზის ონკანიც გახსნა და მანქანაც წინ გაგორდა.

ჩვენი თვითმფრინავები აღარსად ჩანდნენ. ჭკუასელმა „მესერშმიტი“ ასაფრენი ზოლისკენ მოაბრუნა, გერმანელები

რომ გონს მოვიდნენ, ყვირილ-ყვირილით და სროლით გამოიქცნენ. მაგრამ საკმაოდ შორს ვიყავით.

რალაც სიმღერა წამოიწყო მაშინ ჭკუასელმა. მომეჩვენა, ერთი კი არა, მთელი გუნდი მღერისო, მერე ისე ჩაგრიხა-ჩაახვია მისამღერი, მსგავსი არაფერი გამიგონია. მეც მომიყვანა სიმღერის ხასიათზე და ისეთი ხმით დავიწყე, „ეი უხნებ“, თვითმფრინავის ძრავის ხმა გადაეფარე.

ჭკუასელი თავისაბ მღეროდა, მე ჩემსას.

„აქ უკვე ჩვენებია, ეტყობა!“ — დასაჯდომი ადგილი დამანახა ვარლამმა. თანდათან მიუუახლოვდით მიწას. ჭკუასელმა ფრთების ათამაშებით ანიშნა დამხედურთ სამტროდ არ მოესულვართო. გადმოვხტით თვითმფრინავიდან. ჩვენკენ მომართული ავტომატები და გაკვირვებული სახეები შევნიშნეთ.

მე და ჭკუასელმა ხელი-ხელს გადავხვიეთ. ისევ სიმღერა წამოვიწყეთ და როცა გერმანელთა ტყვეობიდან გამოქცეულები, ჩვენი მეზობლების „ტყვეობაში“ მოვხვდით, ვარლამმა ხმის ჩაწვეტამდე იყვირა:

— ჩვენ უკვე სახლში ვართ, პარამოლონი!!!

სულ მალე, მართლა დავიჯერეთ, რომ ეს ყველაფერი ცხადში მოხდა...

სლამოსათვის შტაბის უფროსთან დაგვიბარეს ორთავე. გამოსაცვლელი ტანსაცმელი მოგვცეს, ტბაზე გავიქეციით დასაბანად. გავიძვრეთ ზოლიანი ხალათები და იმ წუთში ჩვენზე ბედნიერი ალბათ არავინ იყო. დღევანდელივით მახსოვს, ჭკუასელის გაბადრულ სახეს უცებ შეეყინა დიმილი.

— ეს რა მოგსვლია, პარამონ! — მკითხა შემკრთალმა. — ეს რა მოგსვლია, პარამონ! ეს რა მოგსვლია, ბიჭო!

— რა მოხდა, აღარ იტყვი?!

ხელი ჩამავლო, შტაბში წამიყვანა და სარკეში ჩამახედა.

ერთ საათში გავთეთრებულვარ, ღერი თმა აღარ მქონდა შავი.

— არ შემიძლია იმის გაფიქრებაც კი, რომ ჭკუასელი აღარაა, — გააგრძელა ბობკოვმა ცოტა ხნის შემდეგ, — ისეთი რწმენა ჰქონდა, რასაც ამბობდა, თითქოს კანონი იყო. ჩოხა-

ტაურში ვიქეიფოთო, მპირღებოდა, მეც გაღმომეღო მისი რწმენა და სამჯერ გავიმარჯვე სიკვდილზე, დღეს აგერ ეზივარ თქვენთან ერთად.

ჩემი წასელის დრო მოვიდა. ქუჩამდე გამომაცილეს. ნაწილში დროზე- დავბრუნდი.

დიღით ზემდეგი ჟივოგლიადი მეკითხება:

— აბა მომიყევი, საიღან გამოჩხრიკე უმანელი მთავარი ინჟინერი?!

— ის კურსკელი გახლავთ, ამხანაგო ზემდეგო, ცოტა გრძელი ამბავია, მე კი კუბრიკი მაქვს დასალაგებელი და მოსაწმენდი.

— იშმურატოვ! — დაიძახა ჟივოგლიადმა.

— გისმენთ, ამხანაგო ზემდეგო!

— კუბრიკს დალაგებ!

— არის!

მე მუშტი მომიღერა, თან თავს ისე აქნეედა, აქეთ-იქით უვარღებოდა ქუდი, მგონი, ქუდიც ორი ნომრით დიდი ჰქონდა იშმურატოვს.

ჟივოგლიადმა თავის ოთახში შემიყვანა, საუზმემდე გამიყიზოგე სალაპარაკო.

— საუზმისთვის მოეწყვეთ! — გავიგონე სერჟანტ კოზარეზოვის ხმა.

წასასვლელად მოვემზადე.

— მოიცა, — შემაჩერა ჟივოგლიადმა, მგონი სასადილოშიც იშმურატოვის გაგზავნა. უნდოდა ჩემს მაგიერ, — საუზმის შემდეგ გავაგრძელოთ, — გამაფრთხილა და გამიშვა.

19.

ახალწვეულებისთვის პირველი ხტომები იყო დანიშნული. ყველა დელავდა. რაღა დაგიმალოთ და, მეც გულის კანკალი მქონდა ატეხილი.

ექვს. მარტს დიღიღანვე შევუღექით მზადებას. ოცღაათი

ახალწვეული სპორტდარბაზში შევიკრიბეთ. ერთ მწკრივად მოგვაწყვეს, პირველ-მეორეზე გავითვალეთ. ჩვენ-ჩვენი პარაშუტები გავშალეთ, რომ გადმოხტომის წინ ხელახლა დაგვეკეცა. პარაშუტის დაკეცვაში ერთმანეთს მე და მალახოვი ვეხმარებოდით.

დავკეცეთ გუმბათები. ჩამოიარა ინსტრუქტორმა და ყველას პარაშუტი შეამოწმა. მერე შევკეცეთ თოკები, მკერდისა და ფეხის თასები. ინსტრუქტორმა კვლავ შეამოწმა. ასეთივე თანმიმდევრობით დავკეცეთ სათადარიგო პარაშუტებიც. საქმეს რომ მოვრჩით, შევავესეთ პარაშუტის პასპორტები:

დაკეცვის თარიღი — 6/III—64 წ.

№ 1-ის (ვისაც პარაშუტი ეკუთვნის) ლევან გოგიაშვილი. ხელმოწერა

№ 2-ის (ვინც დაკეცვაში მიეხმარა) ოლეგ მალახოვი. ხელმოწერა.

პარაშუტი საბოლოოდ შეამოწმა ინსტრუქტორმა, მანაც მოაწერა ხელი და პასპორტები შევინახეთ პარაშუტის ჯიბაკებში.

მხოლოდ ამის მერე ითვლება პარაშუტი მზად ხტომისათვის. თუ ეს ხტომა პირველია, საბრძოლოს ვერ დაარქმევ. პირველს გაჭირვების ხტომა ჰქვია — სხვა გზა რომ არ გაქვს და უნდა გადმოეშვა. ძნელი გასაბედია, ისიც დამეთანხმება, ვინც გადმომხტარა და ისიც, ვინც არ გადმომხტარა.

მარტი მშრალი ამინდებით დაიწყო. ჰაერის ტემპერატურა ათიდან თხუთმეტ გრადუსამდე მერყეობდა. დამით წაუყინავდა კიდეც. დილდილობით თოვლს ზრამა-ხრუში გაქქონდა. გაზაფხულის სუნთქვა მაინც იგრძნობოდა. შეღვიძებული ბუნება სიცოცხლეს იწყებდა. ამ დროს ახალბედები პირველ ნაბიჯს ვაკეთებდით ჰაერნაოსნობაში.

პარაშუტები ავისხით. ორ მანქანაში მოვთავსდით და საწვრთნელი აეროდრომისკენ გავემართეთ. ყველას ენა გადაეყლაპა. იმპურატოვი ზოგჯერ ძილშიც ლაპარაკობდა, ახლა

მკერდზე მიმაგრებულ თასებზე დაეკრიფა ხელები და ფიქრებში ჩაძირულიყო. სერჟანტი აკალადა მიხვდა სიჩუმის მიზეზს.

— სიმღერა წამოიწყეთ! — ბრძანა აკალადამ.

Забота у нас такая,
Забота наша простая,
Была бы страна родная
И нету других забот.

წამოიწყო მალახოვმა. თავიდან სიმღერას ვერ დაარქმევდით... პირველი ხტომის მოლოდინში მეტ-ნაკლებად ყველას შეპარვოდა შიში.

И в снег, и в ветер,
И в звезд ночной полет,
Меня мое сердце
В тревожную даль зовет.

აყევით ბიჭები. სიმღერა ვერ იქნა და ვერ დაეამგვანეთ სიმღერას. მეორე სტროფი თვითონ აკალადამ დაიწყო, მისამღერიც უკეთ გამოგვივიდა. იშშურატოვი მაინც ისე მღეროდა, შეგვეცოდებოდა კაცს. საწვრთნელი ბაზისკენ გადაუხვეით. ჰაერზე მოტივტივე დირიჟაბლი პირველ ეკიპაჟს ელოდა.

ორი ინსტრუქტორი, ლეიტენანტები კრილოვი და ტრეტიაკოვი ადგილზე დაგეხვდნენ.

დირიჟაბლის ახლოს ვილისი გაჩერდა. მწყობრისკენ პოლიტნაწილის უფროსი პოლკოვნიკი კულიკოვი გამოემართა.

— სმენა! — ბრძანა ლეიტენანტმა ტრეტიაკოვმა და პოლკოვნიკს საწვრთნელი ხტომების დასაწყებად მზადყოფნა უპატაკა.

პოლიტნაწილის უფროსი მოგვესალმა:

— გამარჯობათ, ამხანაგო ჯარისკაცებო!

ისე რიხიანად მივესალმეთ, დირიჟაბლი შეტორტმანდა. პოლკოვნიკს მაიორი კოლესნიკოვი და ლეიტენანტი ლაბადა ახლდნენ.

ლაბადამ ბიჭებს ჩამოუარა, გვარიგებდა, გვამხნევებდა, პარაშუტებს გვიმოწმებდა.

პირველი სასინჯი ხტიომა გამოცდილებს უნდა ეჩვენებინათ. ღირიჟაბლის გოდოლში ინსტრუქტორი კრილოვი ავიდა, აკა-
ლადა და ანტიპოვი შეჰყვნენ.

— ერთ-ერთი ახალწვეულიც გავაყოლოთ, — თქვა კული-
კოვმა და მწყობრს არწივის მზერით ჩამოურბინა. მომიახ-
ლოვდა, ჩემს წინ გაჩერდა.

— რიგითი გოგიაშვილი! — მოვახსენე.

— ეს ისაა? — ლაბადას დაეკითხა პოლკოვნიკი.

— ისაა, ამხანაგო პოლკოვნიკო.

— ყოჩაღ, გოგიაშვილო! შენს შესახებ მესაუბრა ზემდეგი
ჟივოგლიადი, ალბათ ეროდ მოგიწევთ მუშაობა. ახლა კი პირ-
ველი გადმოხტომის უფლება შენ გერგო.

— არის გადმოვხტე პირველი! — ეუპასუხე და გოდოლი! —
კენ გავემართე, „რალა მე ამომირნია? — ვფიქრობდი, — ისე,
სულ ერთი არაა, მაინც უნდა გადმოვხტე და ბოლოს
გადმოხტომას პირველად გადმოხტომა სჯობს“...

გოდოლში შევედი. ლეიტენანტმა კრილოვმა კარი ჩარაზა
და ღირიჟაბლის აშეება ბრძანა.

მიწაზე ტრეტიაკოვი დარჩა მბრძანებლად. ცაში კრილოვი
მომყვებოდა.

— რამდენ მეტრზე უნდა ავიდვთ? — ვკითხე კრილოვს.

— ოთხმოცი ათას სანტიმეტრზე, — ღიმილით მიპასუხა
კრილოვმა.

„ისე იყურება, ესეც იგავ-არაკებს წერს, მგონი,“ — გავი-
ფიქრე ჩემთვის.

დაბნეული ვიყავი, ოთხმოცი ათასი სანტიმეტრი ვერაფ-
რით ვერ გადავიყვანე მეტრებში. ჩვენსა და მიწაზე დარჩე-
ნილებს შორის ნელ-ნელა იზრდებოდა მანძილი, უკვე სამოც
მეტრზე ვიქნებოდით მიწიდან. გარკვევით ვუყურებდი მომ-
ღიმარ პოლკოვნიკს, მაიორ. კოლესნიკოვს, უფროს ლეიტე-
ნანტ ლაბადას, მალახოვს, ივანცოვს, იმშურატოვს და მთელ
მწყობრს.

აკალადა რალაც ანეკლოტს ჰყვება, ერთი სიტყვა არ
მესმის მისი. მე სულ სხვაგან ვარ ახლა. სასიამოვნო კი
არის ზევით-ზევით რომ მიიწივ, თანდათან რომ პატარაედე-

ბიან მიწაზე დარჩენილები, თითქოს მათ ხარჯზე ჩვენ ვიზრდებოდით. შემეცოდნენ კიდეც, ისე დაპატარავდნენ. თანამებუარების ხარხარი მესმის, ალბათ სასაცილო ანეკდოტს მოჰყვა აკალადა. ამათთვის პარაშუტი ჩვეულებრივი ამბავია. პირველი ნაბიჯი სხვაა, პირველი ნაბიჯი მიწაზეც ძნელი გასაკეთებელია.

— სიმაღლე რეაასი მეტრი, — თქვა ინსტრუქტორმა, — პირველად გადახტება აკალადა!

აკალადამ პარაშუტის რგოლი ფოლადის გვარლზე ჩამოაცვა. კრილოვმა გოდოლის კარი გამოაღო.

— წავიდა! — დაიძახა აკალადამ.

წამიც და აქანაგებულ გოდოლში სამილა დავრჩით. ცოტა ხნის შემდეგ ანტიპოვმა დაიძახა ნახვამდისო და მიჰყვა აკალადას. დადგა ჩემი რიგი, რგოლი ტროსზე ჩამოვაცვი, რაზე ვფიქრობდი იმ წუთში, ვერ გეტყვით, მგონი არაფერზე და ყველაფერზე. კრილოვი მარაგებდა, სიტყვები მესწოდა მხოლოდ, აზრი არა, ქვემოთ გადმოვხედე „ტრეტიაკოვის გამოფენას“. ერთ წუთში იმათთან ვიქნები, მიწაზე, ამის გაფიქრება და თავისუფალი ვარდნის შიში და სიამოვნება ერთდროულად ვიგრძენი. წამის მეათედში, მომეჩვენა თითქოს, ნახევარი მანძილი ვიფრიხე. ქვემოთ დატოვებული „კაცუნები“ თვალსა და ხელს შუა წამოიჩიტნენ. რაღაცამ ესევე უკან დამქაჩა და დირიჟაბლისკენ ამისრილა. პარაშუტი გაიშალა ალბათ, ჩემლაუნებურად ხარხარი ამიტყდა. ვხარხარებდი ცაში, სადაც ჩემს გარდა არაეინ იყო. არასოდეს გამიცინი ამ სიმაღლეზე, ვუახლოვდები მიწას, რაც უფრო ვუახლოვდები, მით უფრო იმედიანი ვხდები. გერშალოვის მიერ ნასწავლი დამიწების წესები გამახსენდა, პარაშუტი ჩემკენ დაექაჩე, ტანი ავიმჩატე და ჰოოპ! ასეე! ჩაეჯექი თოვლში.

ხუთი წუთის შემდეგ პოლკოვნიკმა მწყობრის წინ მომილოცა პირველი ნახტომის შესრულება, შაბათს ქალაქში სერიზობის უფლება მომცა და სათანადოდ შევსებული საბუთი გამომიწოდა. მწყობრიდან ორი ნაბიჯი წინ გადავდგი.

„—ვემსახურები საბჭოთა კავშირს!“ — ვთქვი ეველას გასაგონად.

ღირიებალი ახალ ეკიპაჟს ელოდა.

— ეინც მოხალისედ ჩაჯდება, გოგიაშვილივით დავაჯილდოვებ, — თქვა პოლკოვნიკმა.

მალახოვი გაემართა პირველი. მას ივანცოვი მიჰყვა. კიდევ ორის ადგილი იყო დარჩენილი. მოხალისეები აღარ აღმოჩნდნენ.

— ტრიტიაკოვ, გააგრძელე დაკომპლექტება! — ბრძანა კულიკოვმა.

ინსტრუქტორმა მალენკინსა და ვარგვალისს უბრძანა ჩაჯდომა.

— ჩემით მაინც წავსულიყავი, — წუხდა მალენკინი.

ღირიებალი ნელ-ნელა ატივტივდა ჰაერში. მზის ნელთბილ სხივებს იხლელტდა შემღვალი თოვლი. ასეთმა ამინდმა იცის თოვლქვეშიდან ყვავილების ამოტყუება. ორი დღის მერე მუსიკალურ სასწავლებელში ვართ მიწვეულები სარვამარტო ზეიმზე, ყვავილებით დაიმშვენებდა კაცი ხელს.

— გოგიაშვილო, თვალები თუ დახუჭე გადმოხტომისას? — შეკითხება იშმურატოვი.

— არ მახსოვს, მგონი არა.

— აბა, ისე როგორ გადმოხტი?!

— უბრალოდ, ავიწიე და გადმოვხტი.

— რას გრძნობ გადმოხტომისას? — ახლა ლიტველმა სლავინსკასმა გააგრძელა „დაკითხვა“.

— თითქოს დგახარ დედისობილა და მდულარეში ჩახტომას გაძალბებენ.

— მერე!

— მერე, გადმოვხტი მაინც, ეს რა ვქენი-მეთქი, გავიფიქროე, მაგრამ უკან შეხტომა ვეღარ მოვახერხე და ახლა აგერ ვარ თქვენთან.

— გული თუ ავიფანცქალდა, — დაინტერესდა იშმურატოვი.

— გულიც ამიფანცქალდა და სხვა რამეც, ისე, საშიში არაფერია, პირიქით, თავისუფალი ვარდნა ასეთი სასიამოვნოა.

მოენოა, პარაშუტს არც გახსნიდა კაცი, თვითონ რომ არ იხსნებოდეს.

— რა დამწვარი ბედი მაქვს, ამისგან სიმართლეს ვერ გაიგებ, იშმურატი კი შორსაა აქედან, ჰკუა დამარიგოს. ზის ალბათ ფესმორთხმული თავის „ნამუშევარში“ (ასე იხსენიებდა თერთმეტ და-ძმას) არხეინად და შეექცევა ჩაის. მე აკადემიაში კაპეარ გაგზავნილი. ჯარი ცხოვრების აკადემიააო, მარბგებდა. ვთქვამთ, არ გაიშალა ეს ტომარი, ზურგზე რომ მაქვს, ხომ დავასკდი მიწას ნესვივით. იშმურატის აქლემი მჯობია ახლა მე, ორი კუზი აქვს და არცერთის დარდი არ აწუხებს.

— ოუ არ ვცდები, იშმურატს მეორე აქლემიც ჰყავს. ერთ-კუზიანი, დღე და ღამე ეს კუზი აწუხებს! — ვთქვი და იშმურატოვის პარაშუტს ხელი მოვუთათუნე.

— ენა რომ არ გქონდეს, ზევით წაგიღებდა პარაშუტი, ქვევით კი არა.

მეორე ოთხეულიც კარგად გადმოხტა. იშმურატოვს რომ შიშისგან მართლა კუზები არ წამოსხმოდა, მესამე ეკიპაჟში ჩართეს.

გადმოხტა ერთი, მეორე, მესამე, მეოთხეს ცოტა შეაგვიანდა, ბოლოს ის მეოთხეც გამოიყო დირიჟაბლს. ისე უხერხულად აღმოჩნდა ჰაერში, გეგონებოდათ, უბიძგესო. პარაშუტს გაშლისთანავე ორი შავი რაღაც გამოიყო.

— რა არის ეს? — იკითხა შემფოთებულმა კულიკოვმა.

— ოუ არ ვცდები, იშმურატოვი გადმოხტა, ამხანაგო პოლკოვნიკო. — მოვახსენე პოლიტნაწილის უფროსს, — ის ორი შავი ნაწილაკი მისი ჩექმები იქნება, ორი ნომრით დიდი აქვს და წამძვრა ალბათ ჰაერში.

კულიკოვს გაეღიმა.

იშმურატოვს მიწაზე ფეხის შეხება გაუხარდა, მაგრამ ეს სიხარული მალე გაუცივდა ფეხებთან ერთად. ცალი ჩექმა ნახა, მეორე დიდხანს ეძია.

— ამხანაგო პოლკოვნიკო! ნება მომეცით მოვაძებნინო! — ვთხოვე კულიკოვს.

— არა, თვითონ მოძებნოს, შემდეგისთვის ეცოლინება თავისი ჩექმის ნომერი.

მეორე ჩექმაც ნახა იშმურატოვმა. უზბეკურად ბუზღუნებ-
და რაღაცას. მივხვდი, იშმურატი იყო ისევ პროგრამაში.

— რას ერჩი მამაშენს? — ჰკითხა აკალადამ.

— როგორ თუ რას ვერჩი, — ორი ნომრით დიდი ჩექმები
ჩაიცვი და ფეხები ბუხარივით თბილად გექნებაო, ბუხარივით
კი არა, ეგვიპტის მუმია უფრო თბილი იქნება ახლა... — და
ისევ უზბეკურად გააგრძელა იშმურატოვმა.

— ის კი ზის თავის „ნამუშევარში“ და მეთე ჭიქა ჩაის
შეექცევა ალბათ, — ეუთხარი თანაგრძნობით იშმურატოვს.

— აბა, მოკეტე! — თვალები „დამიბრიალა“ იშმურატის
ნაბილარამ, — ესაა მდულარე? გავიყინე კაცი!

პირველი ნათლობა მივიღეთ. პარაშუტები ხელახლა დაე-
კეცეთ, ნაწილში დაებრუნდათ. ყველაფერი საწყობს ჩავაბა-
რეთ და მოსაწევ ოთახში სიგარეტები გავაბოლეთ. ახლა სულ
სხვა გემო ჰქონდა თუთუნს. ხიფათგავლილი კაცი რომ გააბო-
ლებს გემრიელად, ისეთი.

20

ჯარში გაწვევამდე რა მოვახსენით და, ვიმნასტურის გა-
დაცმისთანავე კი დავრწმუნდი, მზარეულობაზე გემრიელი
პროფესია არ არსებობს. მოგშივდება თუ არა, თვალწინ და-
გიდგება ქვაბებთან მოფუსფუსე, თეთრჩაჩიანი „ლეთიური“
სახე. ფოსტალიონი?! ფოსტალიონი მზარეულზე მაღლა დვას.
მზარეული მაგარ მოშიებულზე თავისუფლად შეიძლება შეადა-
რო სახმელეთო ჯარების პოლკოვნიკს. ფოსტალიონი კი ზოგ-
ჯერ გენერალიცაა და აღმირალიც:

ჩვენი ნაწილის ფოსტალიონი თავიდან კუროჩკა იყო. ყო-
ველდღიურად პირველ საათზე, დიდი პორტფელით მიყუნცუ-
ლობდა ფოსტისკენ. ალბათ ასეთი სიარულის გამო შეარქვეს
„კენგურუ“. სანამ ჭიშკარს გასცდებოდა, ათასნაირ დაკვეთებს
აძლევდნენ. ზოგი დედის წერილს აბარებდა, ზოგი შეყვარებუ-
ლის წერილს, ზოგსაც ტკბილეულით სავსე ამანათის მიღება
ერჩინა. კუროჩკა ყველას თავს უქნევდა, ვნახოთო.

ახლაც დავინახეთ თავისი განუყრელი ჩანთით, ფოსტისკენ მიიჩქაროდა. ჩვენთვის, ხანდახან, ღმერთი იყო, თვითონ კი ამბობდა: მზის შვილი ვარო. მზის კალენდრით ვმუშაობ, ჩემი მფარველი პლანეტა მზე არისო და მზეს იფიცებდა, როცა ძალზე სურდა მისი ჩათქვამი დაგვეჯერებინა.

მიდიოდა ფოსტისკენ „კენგურუ“ და ყოველი ნაბიჯის გადადგმაზე ერთი მტკაველით მაინც უახლოვდებოდა მზეს. ყველა იმედით აყოლებდა თვალს ჭიშკრის იქით წამიდან-წამზე გამოჩენილ ქუდს, ხან რომ ასცილდებოდა ჭიშკარს და ხან ჩაიკარგებოდა.

მაღახოვიც უთქალთვალედან მიმავალ კუროჩკას. რამდენი გამოჩნდებოდა. მწერსო იტყოდა, ჩაიკარგებოდა ქუდი და, არ მწერსო. თითქოს ხელში გვირილა ეჭურა და ოცნების პეპლებად აქუსმაცებდა ყვავილს.

— დღეს წერილს მომიტანს „ჩანთოსანი“, — თქვა მაღახოვმა.

— თუ მოსკოვის ერთ-ერთ სკოლაში ხუთი დღის წინათ საკონტროლო წერა ჰქონდათ, რა თქმა უნდა, მოგიტანს, წერილი წითელი მელნით იქნება დაწერილი, — ვუთხარი მაღახოვს.

— საკონტროლო რა შუაშია, მაინც მივიღებ.

მაღახოვისგან ყველაფერი ვიცოდი: მოსკოვის სკოლაში. რუსულ ენასა და ლიტერატურას ასწავლიდა მისი ტოლა გოგონა — გუტია. ინსტიტუტი ერთად დაუმთავრებიათ. ორი წლის შემდეგ, როგორც კი ოლეგი სამხედრო სამსახურს დაამთავრებდა, იქორწინებდნენ კიდეც. ზოგჯერ მაღახოვს გუტიას წერილიც წაუკითხავს ჩემთვის. მართლაც ღამაში ენით წერდა გუტია და თუ ასევე უყვარდა, როგორც წერდა, ოლეგს თავი ქუდში ჰქონდა. რა თქმა უნდა, სამხედრო ფორმის ქუდში და სანამ იმ ქუდს არ მოიხდიდა, მანამ წითელი მელნით აჭრელებულ წერილებს უნდა დაეპურებია.

უკან დაბრუნებულმა კუროჩკამ წერილები ჩამოარია. მაღახოვს მართლაც გაუმართლა—წერილი წითელი მელნით იყო დაწერილი.

ოლეგს წერილის კითხვა სადილობისას უყვარდა. კითხუ-

ლობდა, თან წვნიანს მიირთმევდა. ისე გაიტაცებდა ხოლმე წერილი, საჭმელი ავიწყდებოდა, კოვზი პაერში უშეშდებოდა. მის მაგიდასთან ვიჯექი და ჩემს წინ გამოშკერილ მაღახოვის კოვზს, თითქოს რაღაცის დამატებას რომ ელოდა, გულგრილად ვერ ვუყურებდი, მარილს ვაყრიდი და ვუთვალთვალედი. ის კი, აქაც არაფერიო, ჩვეულებრივად აგრძელებდა, არც ხმას იღებდა, არც პირისახეზე იმჩნევდა რამეს. ამ ამბავს ისე შევეჩვიე, უკვე მოვალეობად ვთვლიდი, კოვზზე მარილი დამემატებინა და იმით გათამამებული, რომ მაღახოვი არაფერს ამბობდა, თანდათან ვზრდიდი ღიზას.

21

ორი კვირა იყო გასული, ბობკოვებისგან არაფერი ისმოდა. შუადღისას კუროჩკამ ორი წერილი მიმცა. ერთი ჩემივე გაგზავნილი აღმოჩნდა. „ადრესატი ამ მისამართზე აღარ ცხოვრობს“, ეწერა კონვერტზე გაკრული ხელით. მეორე პარამონ ბობკოვის გამოგზავნილი იყო. მამას ველარ ჩაესწრო შვილისთვის. „ვალოდია კომისარიატში აღარ მუშაობს, რომელიღაც ნაწილში გაუგზავნიათ სამსახურის გასაგრძელებლად“, — იწერებოდა პარამონ ნიკიტას ძე. ჩვენებთან შეუვლია, კარგად შემხვდნენო. კომისარიატში შეპირებიან, დავადგენთ მისამართს და აუცილებლად გაცნობებთო. ცოტა ხანს კიდევ მოვიცდი, იქნებ კომისარიატის პასუხმაც მომისწროსო.

ცხრა მაისს ოცი წელი სრულდებოდა ფაშისტურ გერმანიაზე გამარჯვებიდან. კიდევ მრავალი ობელისკი წამოიმართა ომში თავდადებული ბიჭების ხსოვნის უკვდავსაყოფად. საზეიმო საღამოს მოსაწყობად ჩვენი ნაწილიც ემზადებოდა. ამ საღამოს გექონდა ჩაფიქრებული, ყველა მოსამსახურისთვის გვეჩვენებინა ოცდახუთი წლის უნახავი მამა-შვილის—ბობკოვების შეხვედრა. მთავარი იყო უმცროსი ბობკოვის მისამართი დაგვედგინა. დანარჩენს პოლკოვნიკი კულიკოვი შეგეპირდა, მოგიხერხებთო.

წერილის მიღებიდან ერთი კვირის შემდეგ პარამონ ბობკოვი უძანში დაბრუნდა. ნაწილში მომაკითხა. შინიდან გა-

მოგზაენილი ჟურნალ-გაზეთები და რაღაც რაღაცეები მომიტანა.

— კომისარიატს ჯერჯერობით პასუსი არ მიუღია, აქაური მისამართი დაუუტოვე და წამოვედი, — სინანულით ამბობდა მიხუცი.

— პარამონ ნიკიტას ძევ, ერთ რამეზე შევთანხმდეთ, უნდა მოთმინებით აღიჭურვოთ. თქვენს ვაჟს რვა მაისს, საზეიმო საღამოზე შეგახვედრებთ.

— რა მომათმენინებს, შვილო, ორი თვეა დარჩენილი.

— უარესისთვის გაგიძლიათ და...

22

ჩვენს სამხედრო ნაწილსა და ქალაქის მუსიკალურ სასწავლებელს დიდი ხნის მეგობრობა აკავშირებდათ. მუსიკალური სასწავლებლის სტუდენტები ხშირად საშეფო კონცერტებს მართავდნენ ჩვენი ნაწილის ჯარისკაცებისთვის. ტრადიცია გრძელდებოდა. რვა მარტს მიწვეული ვიყავით სასწავლებელში, ქალთა დღისადმი მიძღვნილ საზეიმო საღამოზე. თორმეტ ჯარისკაცს შორის, რომლებიც საღამოზე უნდა წასულიყვნენ, მე და მალახოვიც მოვხვდით. დილით ზემდეგ ვივოგლიადს ვთხოვეთ: ერთი საათით ნაწილის მახლობლად ტყეში გავეშვით ყვავილების მოსაკრეფად. ზემდეგმა ნება დაგერთო და ტყისკენ მოვკურცხლეთ.

ტყეში სიარული ბავშვობიდანვე მიყვარდა. ფეხი-ფეხზე მქონდა დაეღილი სიმონეთის მახლობლად „მოქცეულა“, „ყორნელა“, „შინდოვანი“, „სამანიშვილის გორა“. ტყეში წასულს არც საჭმელი მახსოვდა, არც სასმელი. იქ ბევრი რამაა ისეთი, ქალაქელი ბიჭის ყურადღების მიქცევა რომ შეუძლია. თუნდაც მთელი დღე მეხეტიალნა, დალლას არ ვიგრძნობდი. ახლაც სიამოვნებით შევედი ტყეში. ტყეში მალახოვიც შინაურულად გრძნობდა თურმე თავს. მას დედა ბელორუსი ჰყოლია, გრიდნოს მახლობელი სოფლიდან.

— ტყეზე რომ ჩამოვარდება სიტყვა, შენ გაჩერდი, — გამა-

ფრთხილა ილევმა, — ტყეში არ დავბადებულვარ, თორემ ტყეში გავიზარდე.

— სულ მინდოდა, მეკითხა...

— რა უნდა გეკითხა? — თვალბში მომაჩერდა მალახოვი.

— ტყეში ხომ არ ხარ გაზრდილი-მეთქი.

— ვითომ რატომ? — დამცინავად გადმოხედა.

— გორკის ქუჩაზე მოსეირნე ბიჭის სიარულს არ ჰგავს შენი ბაჯბაჯი, როცა გიყურებ, ყოველთვის მგონია, გუტიას ტყეში ყავხარ გაგზავნილი სოკოზე.

მალახოვმა გაიცინა. სხვა დროს ასეთ ხუმრობაზე წამოენტებოდა ხოლმე, ახლა წინ ჩამოყრილი თმა ხელით გადაივარცხნა და ღიმილით გაბადრულ პირისახეზე თითქოს შეყვარებული ბიჭის გულმაც გამოიგაზაფხულა.

— გუტიას მიღებული ექნება ჩემი მისალოცი ბარათი ალბათ, — ჩაილაპარაკა თავისთვის.

არყის ხეები ერთმანეთს გასჯიბრებოდნენ სილამაზეში. იდგნენ მორცხვი გოგონებივით ტანაყრილები, თითქოს ელოდნენ, როდის გაიწვევდნენ საცეკვაოდ. მარტის თოვლი ალაგ-ალაგ დიდი ხნის ნახმარი ფარდაგივით დაცრეცილიყო ტყეში, უკვე სიმწვანე ერეოდა თეთრ ფერს. ენძელებს ამოებეთქათ მიწაც, თოვლიც და თითქოს კაბებს ქვეშიდან შესჩერებოდნენ არყის ხეებს.

ტყემ ღრმად შეგვიტყუა. ის-ის იყო უკან გამობრუნებას ვაპირებდით, რომ ჩვენს წინ, ორმოცდაათი-სამოცი მეტრის სიგრძეზე ოდნავ შესამჩნევად შემალღებული ბორცვი დავინახეთ. თავში პატარა, ობელისკისმაგვარი ბეტონის სვეტი იდგა. „1944 წელი, 12 თებერვალი“, ეწერა ლითონის პატარა დაფაზე. ობელისკთან მხრებში მოხრილი, თეთრთმიანი კაცი იდგა. სამი მიხაკი დაედო შეზურგულეულ მიწაზე. მე და მალახოვმა უსიტყვოდ გადავხედეთ ერთმანეთს, მხრები ავიჩეჩეთ, ნელა მიუუახლოვდით მოხუცს. თაიგულები მიხაკებთან დავაწყვეთ და გვერდით დაუდექით. მოხუცს არ გაკვირვებია ჩვენი მისვლა, თითქოს ყველაფერი ასე უნდა მომხდარიყო. შეგვათველიარა. მივესალმეთ.

უხმოდ დაგვიქნია თავი.

— უკაცრავად, აქაური ბრძანდებით? — შეეკითხა მალასოვი კარგა ხნის შემდეგ.

— არა, ამჟამად ლვოვში ვცხოვრობ, — ჩახლჩილი ხმით გვიპასუხა უცნობმა.

— რას ნიშნავს ყოველივე ეს? — ახლა მე შევეკითხე.

— აქ ასოცდაცხრა უდანაშაულო ადამიანის საფლავია, ასოცდამეათე მე ვიყავი, შემთხვევით გადავრჩი.

ტანზე ბუსუსები ამეშალა.

— ეს როგორ?! — წამომცლა უნებურად.

— როგორ და ხელი დამრჩენოდა მიწის ზემოთ. მეორე დღეს ჩვენებმა აიღეს ქალაქი. ჩემი გმინვა ისმოდა თურმე მიწიდან. სანიტარი გოგონა დაბნეულა, მებრძოლები დახმარებიან შეშინებულს.

ჩემი გადარჩენა საეჭვო ყოფილა. მძიმე ჭრილობა მქონდა მკერდის არეში, მაგრამ... როგორც ზედაეთ... დავით ფურმანი ვარო, გვითხრა. აქ ჩემი ცოლი და ორი ვაჟია და... მარხული, ასოცდაცხრავე ებრაელები ვიყავით, ოჯახებით ჩაგვეკლიტეს ჩვენივე ხელით გათხრილ ორმოებში. ახლა ოცდაორი წლის ვარ. დასაფლავებიდან მეორე დღეს დავიბადე. რაც მოხდა, ყველაფერი საზარელ სიზმრად ჩავთვალე. ხელახლა დავიწყე ცხოვრება. ომმა ყველაფერი მომტაცა. სულისა და ხორცის მეტი აღარაფერი შემრჩა. აქ ველარ გავჩერდი... ყოველწლიურად ჩამოვდივარ. რვა მარტს ჩემი ცოლის დაბადების დღეა... ძნელია აქ სამი ყვავილის დაღება... — გვითხრა ფურმანმა და წყლიანი თვალებით მოგვაჩერდა. ამ თვალებს ახლაც ეშინოდა რაღაცის, ახლაც გერმანელების ტყვეთა ბანაკში მოხვედრილი ტუსადი გვიყურებდა თავისი ხელით გათხრილი სამარის წინ, ახლაც მისკენ მიშვერილი ავტომატის ლულაში იყურებოდა ეს შიშნაჭამი თვალები თითქოს. შეგვატყო, გვეჩქარებოდა. წადითო, გვითხრა, ცოტა ხანს კიდევ დავრჩებიო.

ვივოვლიადთან ხელცარიელი დავბრუნდით, დაგვიცაცხანა, ყველაფერი დაწვრილებით მოეუყევით და გაჩერდა.

— ვიცნობდი მაგ კაცს, — ჩაილაპარაკა ზემდეგმა, — კარგი ექიმი იყო, ცოცხალი აღარ მეგონა, — ბავშვობიდან აქ

ვცხოვრობ და ებრაელთა საფლავის ამბავი პირველად მესმის, მერე ავტოპარკისკენ შებრუნდა, ჩემს მაგივრად გტოვებო, გასძახა სერჟანტ აკალადას.

— აბა მიჩვენეთ ეგ საფლავი, — და ჭიშკრისკენ გაემართა. ნახევარი საათის მერე იმ ადგილზე ვიყავით. ფურმანი ისევ ისე, თავდახრილი დაგვხვდა ჟივოგლიადი მიესალმა. მოხუცმა ამოხვდა. როგორც წელან, ახლაც უხმოდ დააქნია თავი. ნელა წამოდგა. მუხლებმა ტკაცანი გაიღეს, სახე დაემანჭა ფურმანს. იქაურობა მოათვალიერა, ჟივოგლიადს მიაჩერდა ბოლოს. რაღაცის თქმა უნდოდა. უსიტყვოდ შებრუნდა მაინც. ნელა გაუყვა თოვლში დატოვებულ თავის ნაკვალევს. გაუნძრევლად დავრჩით. ვიდექით და ვუყურებდით ფურმანის ზურგს, იგი ნელ-ნელა გვემორღებოდა. თვალს მიეფარა და მაინც მეგონა, თითქოს ჩვენ წინ იდგა. იდგა და გვიყურებდა დაფეთებული თვალებით.

ნეტა რაღასი უნდა შინებოდა ფურმანს?..

— როგორ შეცვლილა! — ჩაილაპარაკა ჟივოგლიადმა, მერე საფლავი მოათვალიერა, — შეამჩნევდით ალბათ, რაღაცის თქმას აპირებდა მოხუცი. საჭიროდ აღარ ჩათვალა ეთქვა, ისე გაბრუნდა. თუ მისვდით, რა უნდოდა ეთხოვა ფურმანს? — გვკითხა ჟივოგლიადმა.

მხრები ავიჩჩეთ.

— აი რა: ნაწილში დაბრუნებისთანავე შეხვალთ კომკავშირის მდივანთან და მოუყვებით ყველაფერს. თხოვეთ, რომ გსურთ ამ საფლავის მოვლა-პატრონობა იკისროთ. ვფიქრობ, უფროსი ლეიტენანტი ლაბადა წინააღმდეგი არ იქნება...

ლაბადა თავის ოთახში დაგვხვდა. რაღაცას წერდა. კარი რომ შევალეთ, ხელი დაგვიქნია.

— შემოდით, შემოდით! შენ გეძებდი გოგიაშვილო, ჩვენი წერილის პასუხია ქუთაისიდან. ვლადიმერ ბობკოვის ახალ მისამართს გვატყობინებენ კომისარიატიდან. პატარა ქალაქი, სადაც ბობკოვი მსახურობდა თურმე, უმანიდანაც ახლოს იყო. მისამართის გადასაწერად მოვემზადე. არაო, შემაჩერა ლაბადამ. არაფრის მიწერა არ შეიძლება. პოლკოვნიკი კულიკოვი გზავ-

ნის ოფიციალურ მიითხოვნას მის გამოსაშვებად. იგი ჩვენს ქალაქში ჩამოვა რვა მაისს, არც ადრე, არც გვიან. სადგურზე შენ დახვდები და საიუბილეო საღამოს დაწყებამდე შეიქცევი. ექვსი საათისთვის დარბაზში შემოიყვან და.. მანამ ორი ოვეა, ჯერჯერობით ადრეა ამაზე ლაპარაკი. ახლა რამ შეგაწუხათ, რისთვის მოსულხართ?

დაწვრილებით მოვუთხრეთ მისვლის მიზეზი.

— ყოჩაღ, ბიჭებო! მომწონს თქვენი წინადადება — წამოდგა, ხელი ჩამოგვართვა ორთავეს, მერე სუფთა ქალაღი აიღო, ჩვენი გვარები დაწერა პირველად, ათი სხვა გვარი მიუმატა და თავი ასწია:

— ხვალვე, საუზმის შემდეგ ავიღებთ საჭირო სამუშაო იარაღებს და წაგვიძღვებით წინ. ერთი წუთით აქ დამელოდეთ, პოლკოვნიკ კულიკოვს ნებართვას ვთხოვ.

ცოტა ხნის შემდეგ ლაბადამ კულიკოვის მიერ ხელმოწერილი სია გადმომცა.

23

საკრამარტო საღამოზე წამსვლელები ფაცი-ფუცით ემზადებოდნენ, მუნდირებზე თეთრ საყელოებს ცვლიდნენ, პირს იპარსავდნენ, ღილებსა და ქამრების ბალთებს ასილოლის ხსნარით აპრიალებდნენ, აუთოებდნენ შარველებს, იწმენდნენ ჩექმებს.

ხუთი საათისთვის ზემდეგმა ჟივოგლიადმა შეამოწმა, როგორ ემზადებოდნენ ბიჭები.

— ყველაფერი კარგი, მაგრამ ჩექმებს მაინც სხვანაირად უნდა გაპრიალება. ისე უნდა გაწმინდოთ, სარკესავით კრიალელებდეს. ცეკვის დროს კაბის ქვეშ რომ შეაცურებ, ყველაფერი უნდა გამოჩნდეს, რასაც ასე გულდასმით მალავენ მათი პატრონები. აბა, გაიქეციოთ! ათ წუთში მზად იყავით, უკვე წასვლის დროა.

ატყდა ჩექმების ხელახალი წმენდა, ყველაზე დიდხანს იშმურატოვი აპრიალებდა. წასასვლელად მოვეწყვეთ. იშმურატოვმა ჟივოგლიადის დასანახად ქუდი მოიხადა. სავარცხე-

ლი ამოიღო, ჩექმისკენ დაიხარა და ქოჩორი გადაივარცხნა. ჩემს გვერდით მდგომ მალახოვს რაღაც წაეჩურჩულე, ოლეგ-მა გაიღიმა, ვითომ უცაბედად მოუვიდა, ფეხი დააბიჯა იშ-მურატოვის ჩექმას და თავისი ჩექმის ლანჩა მიაბეჭდა.

— ბოდიში, იშმურატოვ, უცაბედად მომივიდა! — ღიმილს ვერ იკავებდა მალახოვი.

— აქლემი! — შეუღრინა იშმურატოვმა.

ჟივოგლიადი ყველაფერს ხედავდა, იმასაც მიხვდა, რომ მალახოვმა ეს შეგნებულად გააკეთა.

— იშმურატოვ, რა ნომერია შენი ჩექმა? — იკითხა ზემ-დეგმა.

— ფეხი ორმოცი ნომერი მაქვს, მაგრამ ჩექმები...

— ორი ნომრით დიდი, — წაეშველა ჟივოგლიადი.

— სწორედ ასეა!

— მალახოვ, შენი ჩექმები რა ნომერია? — ახლა ოლეგს მიუბრუნდა ჟივოგლიადი.

— ორმოცდაერთი, ამხანაგო ზემდეგო!

— ორივეს თითო ნომრით დიდი გექნებათ, ახლავე გაუცვა-ლე იშმურატოვს!

იშმურატოვმა მალახოვის ჩექმები ჩაიცვა.

— სულაც არ არის ცუდი, — ჩაილაპარაკა თავისთვის.

— გასასვლელისკენ ნაბიჯით იარ! — ბრძანა ჟივოგლი-ადმა.

— ღონისძიებას უფროსი ლეიტენანტი ლაბადა ხელმძღვა-ნელობდა.

მუსიკალური სასწავლებელი ქალაქის ცენტრში იყო. ექვსი საათისთვის საზეიმოდ მორთულ შენობაში შევედით. საკონ-ცერტო დარბაზში ყველაფერი ისე ლამაზად და გემოვნებით მოეწყობო, იგრძნობოდა, ქალთა დღესასწაული რომ იყო.

ღირექტორმა გაგვაცნო სასწავლებლის მოკლე ისტორია, თუ რომელ წელს დაარსდა, რომ მათი კურსდამთავრებულები მთელს კავშირში, საბავშვო ბაგა-ბაღებში არიან მიმოფან-ტულნი. ახლანდელი მსმენელები ანუ თქვენი მასპინძლები, ყველანი უკრაინელებია, წარმატებით ეუფლებიან პედაგოგ-მუ-

სიკოსის სპეციალობას. გაუთხოვრები არიან და ფიქრობენ გათხოვებაზე.

დარბაზში სიცილ-კისკისმა გადაირბინა. ყველა რომ მიწყნარდა, იმპურატოვის ხეივანი შემორჩა ბოლოს.

— რა გაცინებს, — გადაუჩურჩულა ლაბადამ.

— არაფერი, არაფერი, — სიცილს ძლივს იკავებდა იმპურატოვი, — მრავალცოლიანობა აღარ შეიძლება და ამდენ გოგონებს რა დაათხოვებს.

დამსწრეთ ლაბადამაც გააცნო ჩვენი ნაწილის საბრძოლო გზა დიდ სამამულო ომში. ჩამოთვალა ომის გმირები და საბრძოლო დიდების სამივე ხარისხის ორდენების მფლობელები ჩვენი ნაწილი ახლაც დგას მშვიდობის სადარაჯოზე და ამზადებს ახალგაზრდა კადრებსო, მათგან ერთი ჯგუფი დღეს თქვენივე მოწვევით თქვენთანაა. აქაა რუსი, უკრაინელი, უზბეკი, ქართველი, ლიტველი, ესტონელი... ყველანი საბრძოლო და პოლიტიკური მომზადების წარჩინებულები არიანო.

— ოჯახური მდგომარეობა, ამხანაგო ლეიტენანტო! — წამოიძახა ვიღაცამ უკანა რიგებიდან.

— ცოლიანი ვარ!

— გილოცავთ, კარგად გამყოფოთ, მაგრამ ბიჭებზე გეკითხებით, — ახლა შუა რიგებიდან იკითხეს ყველას მაგიერ.

— ააა! ბიჭები უცოლოებია.

— მაშინ, შეგვიყვარონ ჩვენ!

— ეს ამათი საქმეა, — თავი ჩვენკენ მოაბრუნა ლაბადამ.

— თქვენ უბრძანეთ, გესმით, უბრძანეთ, რომ ჩვენ შეგვიყვარონ.

— არ შემიძლია!

— განა ასე მნელია?..

— სიყვარულთან ბრძანებით ვერაფერს გააწყობთ, — სხვაგვარად მიუდგა საკითხს ლეიტენანტი და სანამ კვლავ რაიმეს შეეკითხებოდნენ, დაასწრო, — მოგესალმებათ მოსკოველი მაღალხოვი! — თქვა და დაჯდა.

მაღალხოვი წამოდგა. ორიოდე სიტყვით მიულოცა ქალებს გაზაფხულის ეს ნათელი და შინაარსიანი დღესასწაული.

მაღალხოვის შემდეგ იმპურატოვი მიესალმა მუსიკოსებს.

ვიწრო თვალეში იმდენი ეშმაკი ჩასახლებოდა, ვერ დაითვლი-
დით.

— პირველ რიგში რვა მარტს გილოცავთ, — დაიწყო იშ-
მურატოვმა, — ამაზე უკეთესი რაღა იქნება, ვუყურებ გაჭ-
რილ საზამთროსავით ავარდისფერებულ თქვენს პირისახეებს,
მაშინ როცა ბუნება იღვიძებს და ყველაფერი საზამთროსავით
მწვანდება. გაზაფხულზე ახალი ძალით იღვიძებს სიყვარული.
ახლა ჩემშიაც გაიღვიძა ამ კეთილშობილმა გრძნობამ. ბრძანე-
ბა რა საჭიროა, ბრძანების გარეშე მიყვარხართ ყველა, უზბე-
კეთში თერთმეტი და-ძმა მყავს, აქ კიდევ დები შევიძინე, სა-
ზამთროსავით გემრიელ ცხოვრებას გისურვებთ, ძვირფასებო.

ჩემი რიგიც დადგა, ჯერ ქართულად მივულოცე რვა მარ-
ტი. ვერაფერი გაიგეს. მერე უკრაინულად შევეცადე. ჩემს უკ-
რაინულზე იმდენი იცინეს, შემეცოდა დარბაზი. ბოლოს მოვ-
ყევი ენძელების საკრეფად რომ წავედით ტყეში, ისიც ვუთხა-
რი, ფერმანის ცოლი რვა მარტს ყოფილა დაბადებული-მეთქი.
ომში დაღუპული ქალების საპატივცემულოდ დარბაზი ფეხზე
დადგა და წუთიერი ღუმილით პატივი მიაგეს მათ ხსოვნას.
ყველანი რომ დასხდნენ, გაეავრძელე: საზამთრო საქართველო-
შიაც მოდის, მაგრამ იშმურატოვმა იმდენი ილაპარაკა, უღამა-
ზოა შევეცილო. ამიტომ გისურვებთ ზვანჯარა ღვინოსავით
ტკბილები და მათროთლები იყვეთ მუდამ.

როიალის ხმა გაისმა. რევან ლალიძის „თბილისომ“ ჭერამ-
დე აავსო დარბაზი. მომღერალ გოგონებს შეეუერთიდა. ისინი
რუსულად მღეროდნენ, მე ქართულად, მაინც კარგად გამოგვი-
ვიდა. უფროსი ბობკოვი და ჭკუასელი გამახსენდა: გამოტაცე-
ბულ გერმანულ თვითმფრინაეში ქართულ-რუსულად რომ
მღეროდნენ, ჩამოხეულ ზოლიან ტანსაცმელში, ზურგზე დიდი
შავი სამიზნე წრით, თმაგაბურძგნულები. ჭუჭყიანები, გაძვალ-
ტყავებულები, სალამანდრებივით უნებებლნი რომ გამოიძვრნენ
ცეცხლიდან. ამ ორ სიმღერას შორის დიდი სხვაობა იყო. ახ-
ლა, ამ დარბაზში მეც მომინდა რაღაც დიდი საქმე გამეკეთები-
ნა. ვაჟკაცობად ჩაეთვალათ ჩემი თავგანწირვა. ვმღერი, თან
მეჩვენება, თითქოს დარბაზი ზღვაში მოტიეტივე ხომალდი
იყოს, იქ მსხდომნი კი დასაღუპად განწირული მგზავრები.

რამდენიმე ასეული წყვილი თვალი მომჩერებოდა, თითქოს, შეელას მთხოვდნენ, მე კომპასდაკარგული კაპიტანივით არ ვიცოდი, როგორ გამეყვანა გემი ნაპირზე... ამ გაწამაწიაში ვიყავი, რომ გოგონებს სიმღერა დაემთავრებიათ, მე კი მესამედ ვიმეორებდი მისამღერს, ჩემი ხომალდი სიცილის ზღვაში ჩაიღუპა, ვერ გავიყვანე გემი სამშვიდობოს. სამაგიეროდ, როიალს რომ უჯდა და სიმღერა წაშოიწყო, იმ ქალიშვილს მოვკიდე ხელი და ის გავიყვანე საცეკვაოდ. მინდოდა, რაღაც მეთქვა, ვერაფერი მოვახერხე. თვალები ჩვენს უკითხავად დაეშმაკობდნენ, ცეკვის დროს პაემანის დაუნიშნავად ხვდებოდნენ და ქურდობაში წასწრებულებით გაურბოდნენ კიდევ ერთმანეთს.

— რა გქვია, ქართველო! — დამასწრო გოგონამ.

— ლევანი, რიგითი ლევან გოგიაშვილი.

— ოჰო, კარგი სახელია! ლევან! — გაიმეორა გაპრანჭულ ხმა-კილოზე, — ასეთი სახელი კაპიტანსაც დაშვენდებოდა, — და ისე შემომხედა, თითქოს განაჩენი გამოიტანა და მისი შეცვლა აღარ შეიძლებაო.

— ახლა, ამ წუთში, მართლაც კაპიტანი ვარ, — ხმამაღლა წამომცდა ფიქრი.

— თქვენ, კაპიტანი?!

— ჰო, გემის კაპიტანი, თანაც კომპასდაკარგული, ყველაფერი კი თქვენი ბრალია.

— ჩემი?

— თქვენი, თქვენი!

— უკომპასოდ რომ დარჩით?

— დიახ, უკომპასოდ!

— ნუ გეშინიათ, კაპიტანო, ფარ-ხმალი არ დაყაროთ, მღელვარე ზღვაში არ დაგტოვებთ, — როიალისკენ წამიყვანა, კუნძულებით რომ ჩანდა მოცეკვავეთა შორის.

— რა ჰქვია ჩემს პოსეიდონს? — ვკითხე და კომპასის ძებნას შევეუდექი.

— ლუსია კუპრი, — თქვა და გაიცინა.

— სიცილი ყველას უხდება, მაგრამ ლუსიას განსაკუთრებით.

მუსიკა შეწყდა, გამხიარულებულ ბიჭებს გადაეხედე. ყველას ეტყობოდა, პირველი ცეკვის შემდეგ თითო სახელი ესწავლათ და ახლა მოუთმენლად ელოდნენ მეორე ცეკვას.

— ქალთა ცეკვა! — გამოაცხადეს დარბაზში.

თვალსა და ხელსშუა დაიტაცეს ბიჭები. მთელი დარბაზი ტრიალებდა. ცეკვაუნდნენ ლაბადა, ჟივოგლიადი, მალახოვი, იშმურატოვი — ყველა, ზოგიერთი ქალიშვილის გარდა. მე ვინც საცეკვაოდ გამიწვია, მხიარული გოგონა აღმოჩნდა.

— ჩვენთან წაბლის ლამაზი ხეივანიაო, — მითხრა და მომაჩერდა, რა შთაბეჭდილებას მოახდენდა ჩემზე წაბლის ხეივანი.

— ძალიან კარგი, — ვუპასუხე, ისე, სხვათაშორის.

— იცი, როგორ ჰყვავის წაბლი? რა სურნელი იფრქვევა ირგვლივ? თქვენთან, საქართველოში თუ იზრდება წაბლი?

— როგორ არა, არის!

ლუსია შევნიშნე, როიალს ჩამოყრდნობილი ჩვენსკენ იეუ-რებოდა. გაუღიმიე. ღიმილითვე მიპასუხა. როგორ უხდებოდა ღიმილი...

— რა ჰქვია წაბლს ქართულად? — ჰკითხა ლოყებაწითლებულმა გოგონამ და მეღუზისფერი თვალებით ისე დამაკვირდა, როგორც რაიმე ნივთს აკვირდებიან ყიდვის წინ.

ვუთხარი.

— ცაბლი, ცაბლი, ცაბლი! — იმეორებდა გოგონა და უხაროდა ქართულის სწავლა ამ სიტყვით რომ დაიწყო.

ცეკვის შემდეგ გოგონებმა უკრაინული სახუმარო სიმღერა წამოიწყეს.

ტიჟ მენე პიდმანულა,
ტიჟ მენე პიდველა,
ტიჟე მენე მოლოდოგო,
სუმა რაზუმ ნი ზველა..

მღეროდა ლუსია და საჩვენებელ თითს ნაწყენივით უქნევდა დარბაზს. არ ვიცი, მომეჩვენა თუ რა, ლუსია თითს დარბაზს კი არა, მე მიქნევდა გაბუტული.

სახუმარო სიმღერა ახალი რიტმით შეიცვალა. კვლავ აცეკვდა სტუმარ-მასპინძელი. ლუსიასთან მივედი. ცეკვა არც ერთს არ გვინდოდა. იშმურატოვს მასზე მაღალი გოგონა დაეწულკავებინა და თავდახრილი დაშტერებოდა მალახოვის ჩექმებს. სიცილი ამიტყდა. ლუსია მიზეხს ჩაეძია, რატომ

იციინო. მოუყევი ჩექმების ამბავს და მისი კისკისიც ზამბარასავით შეხუჭუჭდა საერთო ხმაურში. იციინოდა მთელი კრსებით. ლუსიას თვალებში ჩემი თავი დავინახე. ისე პატარა ვიყავი, გრძელი წამწამებით შემოსაზღვრულ ზღვისფერ სარკებს ალბათ ვეღარც დავალწევდი თავს.

ცეკვის შემდეგ მალახოვი მოგვიახლოედა, ქერა გოგონა ახლდა.

— გაიცანი, ჩემი მეგობარი ლიდა, — მითხრა ღიმილით.

ასეთი კარგი გოგონას გაცნობა სასიამოვნოა და ასევე მოვახსენე ყველას, ვინც მისმენდა, მერე ლუსია წარუდგინე მალახოვს.

ლუსია და ლიდა მეგობრები აღმოჩნდნენ, ერთ კურსზე სწავლობდნენ და საერთო საცხოვრებელშიც ერთ ოთახში ცხოვრობდნენ თურმე.

საღამო დასრულდა. ჩვენი წასვლის დროც დადგა. გოგონებმა ეზოში გამოგვაცილეს. მასპინძლები გაცილებით მეტნი იყვნენ. ორ მწკრივად მოვეწყვეთ და ერთხმად ჩავაგრუხუნეთ:

— ნახ-ვამ-დის! ჩვენ ისევ შევ-ხვდე-ბით!

— ნახვამდის!—ერთხმად გვიპასუხეს გოგონებმაც.

— ნაბიჯით იარარ!! — ბრძანა ჟივოგლიადმა და რიტმული ნაბიჯების ექომ მუსიკალური სასწავლებლის ფანჯრები შეაზანზარა.

წინ მივდიოდით და უკან ვიხედებოდით. გოგონები ხელების ქნევით გვემშვიდობებოდნენ.

— ნახეთ რამდენი არიან, რა დაათხოვებთ ამათ, — წუხდა იმპურატოვი და მალახოვის ჩექმებს გამეტებით უბათქუნებდა ქვაფენილზე.

— სიმღერა! — ბრძანა ჟივოგლიადმა.

ასე კარგად არასდროს გამოგვსვლია. ჩვენს სიმღერას გოგონების ხმაც შემოუერთდა, არც ისინი მღეროდნენ ცუდად. მათი ხმა თანდათან შესუსტდა, ბოლოს სულ მიწყდა, თითქმის ყველამ მივიხედეთ უკან. აღარც მუსიკალური სასწავლებელი ჩანდა, აღარც გოგონები, აღარც მათი სიმღერა ისმოდა.

მეორე დღით ლაბადა აღრე მოვიდა. ვისაუზმეთ თუ არა, ტყისკენ გავემართეთ. მშვენიერი დილა იყო. კარგმა ამინდმა ხასიათის აყოლიებაც იცის. ჩიტების ჭიკჭიკი მიგვაცილებდა. თოვლი გუშინს აქეთ თვალსა და ხელს შუა გაპარულიყო. მიწას ახალი ბალახი ამოეგზავნა გაზაფხულის მოციქულად ასეთი დილაა ალბათ, ახალ სიმღერას რომ გათქმევინებს. ლექსს დაგაწერინებს, ზღაპარს დაგახატვინებს და ყველაფერში დიდ სიყვარულს გაგარევიანებს. ტყეს წლის ყველა დროს აქვს თავისი ანდამატი. გაზაფხულის ტყის სიმფონია მაინც შეუღარებელია-მეთქი, — ვფიქრობდი ჩემთვის და ბარებითა და თოხებით შეიარაღებულ ბიჭებს მიუუძღლოდი. არცერთი ხმას არ იღებდა. ალბათ ყველა მათგანი ჩემსავით ეპარებოდა ჩასაფრებულ გაზაფხულს, ხვალ თუ ზეგ ფეხზე რომ წამოიჭრებოდა, კუდით ქვას ასროლინებდა ზამთარს და ციხარტყელას ფერებით გადაიტკარცალებდა, გაუხედნავი კვიცივით გადაიჭიხვანებდა თვალსაწიერს.

იმ ადგილს მიუვახლოვდით. ჯერ კიდევ არ ჩახდა საფლავი. ხმა შემოგვესმა, თითქოს ტყის სიღრმეში რაღაცას ჩეხდნენ. ცოტაც და ყველაფერი ნათელი გახდა. საფლავთან თეთრთმიანი მოხუცი იდგა ბარით, უხერხულად ჩინქნიდა მიწას. მივხვდით, ბარი მისთვის შეუჩვეველი იარაღი იყო. გავიტრუნეთ. მოხუცმა ბარი მიწაზე დააგდო. საფლავთან ჩაეცუცქდა. მაპატიეთო, იხვეწებოდა ჩახლერილი ხმით. ყველანი მჯობიხართ, მომიტყვეთ, რომ მე უბადრუკი, ცოცხალა დავრჩი, სანამ შემეძლო, საფლავს მაინც ვწმენდდი, ახლა აღარც ეგ შემეძლია. მაპატიეთ, ჩემო ბიჭებო, ჩემო სოფა.— მოხუცს მხრები აუთახთახდა, აქვითინდა დავით ფურმანი. სადღაც კოდალამ სამჯერ დააკაკუნა ხეზე, თითქოს სამი წერტილი დაუსვა ფურმანის გოდებას...

— დილა მშვიდობისა! — ერთხმად მივესალმეთ მოხუცს.

დაბნეული ფურმანი ფეხზე წამოდგა, დამფრთხალი თვალებით მოგვაჩერდა; თითქოს რაღაცას იხსენებდო, წამიერმა ღიმილმა მოიტაცა მისი პირისახე, თითქოს ღრუბლების ტყვეობიდან თავდაღწეულმა მზემ გამოანათათაო.

უფროსი ლეიტენანტი ლაბადა ჯერ მხედრულად მიესალ-
მა, შემდეგ ხელი ჩამოართვა ფურმანს, გააცნო ჩვენი ნაწი-
ლის მებრძოლთა გადაწყვეტილება. მოხუცს თვალები ხელახლა
გაევესო ცრემლებით.

— მაღლობის მეტი რა მეტქმის!— ჩურჩულით თქვა. მე და
შალახოვს მოგვანერდა, გვაგრძნობინა, გიცანითო. ოფელს,
შუბლზე და სახეზე რომ ასხდა წვეთებად, თვალებიდან გად-
მოგორებული ცრემლები შერეოდა. ორივე სიმწრისა იყო,
ორივე ნაღდი იყო და მთელი თავისი ცხოვრება ორივესთან
ერთად გაეჯახირებია ფურმანს. მოხუცმა აქეთ-იქით მიიხედ-
მოიხედა, მერე ხელჩანთა აიღო, ბარი და თოხი მხარზე გა-
იღო, თქვენს წასვლამდე დაებრუნდებო, თქვა და ნელა გაუყ-
ვა ქალაქისკენ.

მუშაობას შევუდექით. საფლავის ბორცვს უფრო მისძა-
ლებოდა ბალახი. საქმე თითქმის დამთავრებული გვექონდა,
ფურმანი რომ დაბრუნდა. სავსე ხელჩანთა და ყვავილების
თაიგული მოიტანა. იქვე ახლოს ჩამოჯდა. მძიმედ სუნთქავ-
და. ცოტა ხანს გვათვალეირა. კარგი ხალხი ხართო, ჩაილა-
პარაკა. თქვენი ღონე და ჯანმრთელობა ყველაფერზე დიდი
სიმდიერეაო. თქვენი იმედი გვაქვს, ახალგაზრდებო. მჯერა,
ბედნიერად იცხოვრებთ. ეს ბედნიერება თვითონ უნდა გამო-
ჭედოთ, თქვენი მარჯვენით და თქვენი აზრითო.

იშმურატოვი მოხუცის წინ გაჩერებულიყო, მარცხენა
ხელით ბარი ეჭირა, მასზე ფეხიც ჩამოესვენებია. მარ-
ჯვენა, რომლითაც, ფურმანის თქმით, ბედნიერება უნდა გა-
მოეჭედა, ჯიბეში ეღო და უსმენდა სვენებ-სვენებით მო-
ლაპარაკე მოხუცს. ფურმანს ეტყობოდა, ყველაფერს ამას
თავისთვის ლაპარაკობდა, მის წინ იშმურატოვი შენიშნა, ისე
მიაჩერდა, თითქოს იცნო და ვერც იცნო.

— იშმურატოვ! — თავისთან მიიხმო ჟივოგილადმა.

— გისმენთ, ამხანაგო ზემდეგო!

— ნემსი და ძაფი გაქვს?

— მაქვს, ამხანაგო ზემდეგო!

— ახლავე ამოკერავ ჯიბეს, რომელშიც ხელი გქონდა;

ხუთ წუთში მომახსენებ, — ისე დაბალ ხმაზე უთხრა, ფურ-
მანს არაფერი გაუგონია.

— არის, ამხანაგო ზემდეგო! — წაიბუზღუნა იშმურატოვ-
მა. გულჯიბის შიგნიდან ნემსი და ძაფი გამოაძრო, იქვე
ყუმბარისაგან ამოთხრილ ორმოში ჩაჯდა და საქმეს შეუდგა.

— რა კაცია ჩვენი ზემდეგი, მამაჩემს გაასწრებს უცნაუ-
რობაში. რას არ მოიგონებს, რა უნდა, ჯიბეს რომ ეცა, — გა-
ნაგრძობდა ბუზღუნს.

— მამაშენიც ასეთი უცნაურია? — ვეკითხები იშმურატოვს.

არ მელოდა, ისე შეუძმნევლად მივეპარე, შეხტა კიდეც,
უხერხულობიდან თავდასაღწევად იშმურატის ამბავი დაიწყო:

— ერთხელ ვზივარ სახლში ცეცხლისპირას. ზამთარია. შე-
შა იყო შემოსატანი. მამაჩემმა ბათირს დაავალა, უფროს ძმას,
ადე, შეშა შემოიტანეო. ვის უხარია თბილი სახლიდან სიცივე-
ში გასვლა. ბათირსაც შეეზარა და კომარს უთხრა, მომდევნი
ძმას, შეშა შემოიტანეო, კომარმა აიღინს გადააბარა ბრძა-
ნება, აიღინმა — საბირს. უფროს-უმცროსობით იმდენი იარა-
თხოვნამ-თუ ბრძანებამ, სანამ ყველაზე უმცროსამდე, ანუ
ჩემამდე არ მოაღწია. ჩემზე უმცროსი აღარავინ იყო. ვიჯექი
ჩემთვის, ვითომ არც გამიგონია. ძმებიც არხეინად მისჩერე-
ბოდნენ ცეცხლს. ხანდახან თუ გავაპარებდით იშმურატისკენ
მზერას, ვის დაატყდებოდა მისი რისხვა, არ ვიცოდით. იშმუ-
რატმა ჩიბუხი გულდასმით ამოასუფთავა, ამას იმდენხანს მო-
უნდა, კინალამ წამოვდექი და შეშის მოსატანად გავიქეცი, მაგ-
რამ ძმების ჯინაზე მაინც ადგილზე დაჭედებულივით დავრჩი.
იშმურატმა, როგორც იქნა, შეინახა ჩიბუხი. ფეხზე წამოვდგა.
გასასვლელისკენ გაემართა. ყველას თავი ისე შებრუნდა, იშმუ-
რატის ზურგი დაენახათ. კართან მისული მამა უცებ შეჩერ-
და. მისკენ მიპყრობილ თორმეტ წყვილ თვალს ცალ-ცალ-
კე გაუსწორა მზერა, ისევე ცეცხლს ჩავაშტერდით. ფეხის ხმა-
ზე მივხვდით, გარეთ კი არ გასულა, ჩვენკენ შემობრუნდა. აი,
მოვა ახლა და ბათირს დღეს დააყრის?! — ვფიქრობდი ჩემ-
თვის. მაინც რამდენ ხანს მოუნდა მოსვლას. ბათირს ურჩევნია
ახლავე გაიქცეს და შეშა მოიტანოს... ამ ფიქრებში ვიყავი...
ჩემი ყური იმ ნათურისკენ აქაჩეს, ჭერზე რომ ეკიდა. სანამ შევ-

ძელი, ავეყვი ყურს, მერე გაეჩერდი, ეს უფრო მტკივნეული აღმოჩნდა, მოვალე პირი. იშმურატმა მანამ არ გამიშვა ხელი, სანამ კარგად არ ამიხსნა: „უმცროსისთვის უფროსის სიტყვა კანონიაო“. მერე ყურით წამიყვანა. კარი გამოაღო და მიმართულება პანდურით მომცა. ვერც მაშინ მივხვდი, რატომ დამსაჯეს მაინც და მაინც მე. ახლაც მიკვირს, რა უნდოდა ჩემთან ჟივოგლიადს. ჯიბე ამოიკერეო, მერედა, სადღა შევინახო რამე. ჯიბე იმიტომ აქვს ტანსაცმელს, საჭიროა ალბათ. არა, ამოიკერეო, მერე რა, ხელს რომ ვიყოფ ჯიბეში, ვისაც აქვს ჯიბე, ყველა იყოფს ხელს. არაფერიც რომ არ გქონდეს შიგ, მაინც წაგცდება ხანდახან ხელი, მიჩვევაა უბრალოდ. რამდენი დიდი კაცის სურათი მინახავს, ჯიბეები აქვთ. ჯიბე ისეთი რამაა, ყველას სჭირდება. საინტერესო კია, როდის დაიკერა ადამიანმა ჯიბე, რატომ დაიკერა. თუმცა ამას რა მიხვედრა უნდა, დაჭირდა და დაიკერა... — იჯდა იშმურატოვი ორბოში ნახევრად გამოჩეკილი წიწილივით და ჯავრობდა ჯიბეზე, რომელიც ეს ესაა, საკუთარი ხელით ამოაკერინეს.

საფლაკი გაიწმინდა. ყველანი ფურმანის მახლობლად ჩამოსხდნენ. მოხუცმა ხელჩანთა გახსნა, ფორთოხლები ჩამოარიგა.

— გემის კაპიტანი მყავს მეგობარი, მან მომიკითხა, გასინჯეთ!...

იშმურატოვმა პირი დააღო.

— ამოდენა ფორთოხლები, სიმართლე გითხრათ, არც მინახავს. ნესებში იზრდება ჩვენთან ამოდენები.

ფორთოხალს ხელში ათამაშებდა, ჰაერში აისროდა, ტაშს შემოჰკრავდა, დაიჭერდა, ისევ აისროდა: ამ ცელქობაში იყო, რომ ცხვირის მარცხენა ნახევარზე და თვალის უპეს ქვეშ ჩიტის თეთრყვითელა სკინტლი ჩამოეთხლაწა. ცივწყალგადასხმულივით გაშეშდა. ბიჭები სიცილს ვეღარ იკავენდნენ. იშმურატოვმა ფორთოხალი ამოკერილ ჯიბეზე გაისვა, თავი გააქნია მწარედ, მეორე ჯიბეში ვერაფრით ვერ ჩაატია, მერე მიწაზე მოისროლა, კვლავ რაღაცას დაუწყო ძებნა ჯიბეში. ხელი ჩაიქნია და სწორედ იმ ჩაქნეული ხელისგულით მოიწმინდა პირისახე.

- იშმურატოვ, ცხვირსახოცი არა გაქვს?
- არა, ამხანაგო ზემდგო! მას მერე ვერ ვიტან, მაგის გულისთვის დეზდემონა რომ დაახრჩვეს.
- მიმუნობას თავი დაანებე! — გაბრაზდა ჟივოგლიადი.
- მაქვს, მაგრამ შენახულია საიმედოდ.
- როდისთვის?
- სანამ სირაქლემა არ ჩაასკინტლავს, — იხუმრა მალახოვმა,
- ამოკერილ ჯიბეში დამრჩენია, — ამოიხვნეშა იშმურატოვმა და ახლად ამოსულ ბალახზე შეიწმინდა ხელი, — ჯიბე ამოუკერავი აქვს ყველას, მე რა დავაშავე?
- ნუ ჯავრობ, სკინტლი ბედნიერების ნიშანია. ახლა კი გაარღვიე ჯიბე და... — ნება დართო ჟივოგლიადმა.
- ჯიბე მქონდეს და ყველა ბედნიერება თქვენთვის დამითმია.
- ამ ამბავმა ფურმანსაც მოჰგეარა ღიმილი. ხელჩანთიდან კიდევ ერთი ფორთოხალი ამოიღო და იშმურატოვს გაუწოდა.

25

მუსიკალური სასწავლებლიდან სეტყვასავით წამოუშინეს წერილები. ერთი მეც მივიღე. იმ გოგონასაგან, წაბლის ხეივანზე რომ მელაარაკა. ამჯერად ჩემს ჯანმრთელობასთან ერთად ხვანჭკარას სხვა თვისებებითაც დაინტერესებულა, საუბარში შეყოლიების ეს ძველი მეთოდი არ მიმეწონა. ვითომ ვერაფერს მიუზხვდი.

„კაცი რომ ღვინის თვისებებით დაინტერესდება, მისი ჯანმრთელობა საკითხავი აღარ უნდა იყოს, — ვწერდი საპასუხოდ, — ხვანჭკარა შესანიშნავი სუფრის ღვინია, მზადდება დასავლეთ საქართველოს მთიან ზონაში (სოფელი ხვანჭკარა, ამბროლაურის რაიონი). ყურძნის ჯიშებია ალექსანდროული და მუჯურეთული. საუცხოო არომატი, ჰარმონიული გემო და ხავერდოვანი ტონი ამ ღვინის მთავარი კომპონენტებია: შეიცავს 10,5—12,0 ალკოჰოლს, ხვანჭკარას ზომიერად უნდა სმა, თუ ჭარბად მიეძალე, გემოს ვერ გაუგებ. კარგი შენახვა და ხელისწყობა უნდა, თორემ მოძ-

მარებაც იცის. სხვა შემთხვევაში, შემძლია ასეთივე ზოგადი ინფორმაცია მოგაწოდოთ. ციციქინა ლობიოზე, იაპონურ ზღმარტლზე და სხვა ბალახ-ბულახზე.

მოკითხვა გადაეცი ლუსიას!"

ის იყო და ის, მისგან წერილი აღარ მიმიღია. ვიფიქრე, ბოტანიკას თავი დაანება და სხვა მეცნიერებით დაინტერესდამეთქი, მაგრამ შევცდი. ერთი თვის შემდეგ შეღია დიმიტუკმა მიიღო წერილი, სალამ-ქალამის მერე ორ ფორცელზე ისევ წაბლის ირგვლივ იყო საუბარი. წაბლი ძალიან მიყვარსო, გამოუტყდა დიმიტუკი პოდრებს და შემდეგ შაბათს ქალაქში სეირნობის დროს ლოყებლაჟდაჟა გოგონა რომ გააცნო ძმებს, პოდრებმაც დაიჟინეს, - წაბლი ჩვენც გვიყვარსო. ძმები, როგორც იშმურატოვი ამბობდა, აქლემივით ჰკვანდნენ ერთმანეთს. ხმელნიცკის რაიონიდან იყვნენ ტყუპები. ერთმანეთის ფასი არაფერი ჰყავდათ, მაინც კინკლაობდნენ დღენიდაღა. როგორც ლეკვების თამაშით ერთობა კაცი, ჩვენც ასე ვერთობოდით პოდრების კამათით. ერთ-ერთი ქუდს მოისდიდა, მეორეს ესროდა, მეორეც ვალში არ რჩებოდა. ბოლოს ნიკოლოზი ივანეს ქუდს დაიზურავდა, ივანე ნიკოლოზის ქუდს და სხვადასხვა მხარეს წავიდოდნენ ბუზღუნ-ბუზღუნით, რომ ცოტა ხნის მერე ისევ ერთმანეთი მოეძებნათ.

სიმართლე თუ გინდათ, სახელით და გვარით ვერ ვარჩევდით, თუკი ვინმე მაინც ანსხვავებდა მათ, ალბათ თვითონ ძმები იყვნენ. ერთხელ სამხედრო ბილეთზე წაკინკლავდნენ. ორივე იჟინებდა, ნიკოლოზ პოდრაზე შევსებული ბილეთი ჩემიაო. მაშინ შემეპარა ეჭვი: თვითონაც ხომ არ ეშლებათ-მეთქი.

ერთ დღეს მორიგე ვიყავი. ღამის სამ საათამდე უნდა მეფხიზლა.

— ნიკალაი! — დაუძახე პოდრას, თუმცა დარწმუნებული არ ვიყავი, მართლა ნიკოლაი იყო თუ მისი ძმა ვანია. შევატყვევადამინება ვერ მოეხერხებია.

— რა გინდა?! — გამაგონა.

— ასე რომ ჰგავხართ ერთმანეთს, სახლში როგორღა ვარჩევდნენ შინაურები?

— ეგ პრობლემა დედ-მამამ ადვილად გადაწყვიტა. ივანეს მთლად ხოტრავენენ თავს, მე პატარა ქუსუს მიტოვებდნენ წინ. პირველ ხანებში გვანსხვავებდნენ, მერე იმიტაც ავიწყდებოდათ, რომელი იყო ქორიანი და...

— ამხანაგები? მეგობრები? თანაკლასელები?!

— მაგაზე რა მოვახსენიოთ. ეს კია, ამხანაგები მე უფრო ბევრი მყავდა. ვანია წიგნებს უჯდა სახლში. სათამაშოდ სად ეცალა. წერით დავალებებს ორ-ორ ცალად ასრულებდა ყოველთვის. ჯერ ჩემს მაგივრად ჩააწკრივებდა. მამამ დაგვარება ერთხელ: „ნამდვილი ძმობა თუ გინდათ, ეგაა, ჯერ ძმად ჩემო, მერე თავო ჩემო“. მაშინვე უკულმა დალაგებულად მომეჩვენა მამის ნათქვამი. ვანია კი მის მერეა ცულ დღეში. სკოლაში საკონტროლო წერას ჯერ ჩემს მაგივრად დაწერდა, თავისი ან დაუმთავრებელი რჩებოდა, ან მიახუთშაბათებდა. მე კარგ ნიშნებს ვღებულობდი, ჩემი ძამია სამს ან... ეს, როცა ვერ ამთავრებდა.

ზეპირში მიჭირდა შედარებით. მასწავლებლები ერთდროულად გვიძახებდნენ დაფასთან. ვანია რომ მოჰყვებოდა გაკვეთილს, თუ მოვახერხებდით, ადგილებს შევცვლიდით და ისევ მეორედ ყვებოდა იგივეს, თუ არა და ერთ-ერთი ორიანს ვღებულობდით. თქმა არ უნდა, ყოველთვის მე მეკუთვნოდა ორიანი, მაგრამ ხშირად ვანიას ეწერებოდა.

„შენი სახელიო“ — მკითხავდა ისტორიის მასწავლებელი. ვანია-მეთქი, ვეტყვოდი უტეხად. მეოთხედის ბოლოს, თითქმის ყველა საგანში ჰქონდა ჩემს ძამიას ნიშანი გამოსასწორებელი. სულ მარიგებდნენ: „საეშმაკოდ და სათამაშოდ რომ უჭირავს თვალი, გვერდით მოისუვი და ცოტა მაინც ამეცადინეო“. თავს ვიმართლებდი: „ჩემი კა არა, მამა-ჩემის არაფერი სჯერა, ცემით მემუქრება და რა ექნა-მეთქი“. ვანია უხმოდ გვისმენდა. ასე წამებაში დავამთავრეთ საშუალო. მე რა, ვანიამ დაამთავრა. თანაც ორმაგად ისწავლა. ორი უმაღლესი დაამთავრაო, აზობენ ზოგიერთებზე. ორი საშუალო სკოლა: დავამთავრებინოს, ასეთი არც იქნება ვანიას მეტი. ჭკვიანი ბიჭია. თუ ეს ტვინი შერჩა, შორს წავა. გაკვეთილების გარდა სხვა წიგნებსაც კითხულობდა. ორი

წიგნი წაიკითხა ისეთი, თითო ფუთი მაინც იქნებოდა თითო. იმისთანა ჭკვიანური დაწერილია, რაც არ უნდა იკითხო, ვერაფერს გაიგებო, მითხრა. შორს წავა-მეთქი, რომ ვამბობ, ტყუილია? მაგისთანებს უმართლებთ დღეს ცხოვრება.

ნიკოლოზის საწოლი მაღახოვის საწოლის გვერდით იდგა, მის იქით, კუთხეში ვანია იძინებდა. ძმებს სექტემბერში დემობილიზაცია უწევდათ. ნიკოლოზისთვის რომ გეკითხათ, უკვე ხელავდა დემობილიზაციას, გამზადებული ჩემოდნით რომ მოდიოდა მისკენ.

— უძილობა დამჩემდა, რაც სახლში წასვლის დრო მოახლოვდა. ამას ძინავს ტკბილად, — ძმისკენ გამახვდა ნიკოლოზმა. ვანიას საწოლს მიუახლოვდა, დაიხარა ძმის ყურთან და დამტკბარი ხმით დაუწყო: — ვანიას უნდა ფისი-ფისი, აბა, ვანია, თავი არ შეირცხვინო, ვანია, საწოლში არაფერი გაგეპაროს, ვანია. აი ასე, ტუალეტში გავიდეთ, ხელი ჩამჭიდე. აი ასე, ფისი-ფისი უნდა ვანიას, აბა რაღას უცდი, აი, ყოჩაღ. გამობრუნდა ნიკოლოზი. შეგორდა ლოგინში და კმაყოფილი ხითხითებდა.

ვანია საწოლში ახვანცალდა, — რამდენჯერ გითხარი, შე უღმერთო, დაანებე თავი ამ სისულელეს-მეთქი! — ბუზღუნებდა ძილ-ღვიძილში, სულ მალე გამოფხიზლდა, ჩაიცვა და საწოლზე ჩამოჯდა.

— რატომ გაწვალებს? — ჩურჩულით ვკითხე ვანიას.

— რას გაიგებ, ეგ ხომ ადამიანი არაა, — საწოლიდან წამოდგა, ხელი ჩაიქნია და მომიახლოვდა, — მაგისი პირველი მზაკვრობა ეგაა: ხუთი წუთით რომ მომასწრო ამქვეყნად მობრძანება. ოცდარვა თებერვალს, ღამის თორმეტ საათს სამი წუთი უკლდა თურმე, ეგ რომ დაბადებულა. ოცდაცხრა თებერვალს პირველის ორ წუთზე გაეჩენილვარ მე. არ გავჩენილიყავი ნეტა. ნიკალაის ყოველწლიურად ულოცავდნენ დაბადების დღეს. მე ოცდამეერთე წელში ვარ და ხუთჯერ მქონდა სულ. კიდევ იტყვიან, ხუთი წუთი არაფერიაო. ეგ ხუთი წუთია, რომ მომინელა. მიკვირს, ცხრა თვეს როგორ გავძელი მაგასთან ერთად. ჩემი ძმის წყალობით ბავშვობაც მომხამული მქონდა. ვინმეს რამეს გაუფუჭებდა, მერე თვი-

თონ ერიდებოდა მასზე გაბრაზებულს, ნიკალაის მაგიერ ყველა ჩემს ყურებზე ვარჯიშობდა. რამდენჯერ ეთქვი, ჩემი ძმა იქნებოდა-მეთქი, პანლურსაც მიმატებდნენ. მერე ვისწავლე ჭკუა, ხმას აღარ ვიღებდი. შედარება არ იყო, უფრო იოლად გამოვდიოდი. სახლში ტირილ-ტირილით ვბრუნდებოდი, შემომხვდებოდა ეგ „მაიმუნი“ და თანაგრძნობით მკითხავდა:

— ტიმოხამ გაგლახა, ძამია?

ბრაზისგან ტირილს ვუმატებდი. ეგ კი მარიგებდა:

— არავის არ უნდა მიეკარო, ოხერი ხალხი ცხოვრობს ამ ქვეყნად, ყველას ეფხანება ხელები. ამ დილით ოწინარის ვედრო ჩამივარდა მაგის ჭაში, შემპირდა, ყურებს დაგახევო, არ აუსრულებია მაგ მათხოვარს?

ხან ვილაცის ძაღლს მოიტეხდა ფეხს, ხანაც სხვის ბაღში გადაიპარებოდა, ხან რას ჩაიდენდა, ხან რას, პასუხისმგებელი ყოველთვის მე ვიყავი. ყურები აწითლებული მქონდა სულ.

სკოლაში იყო და დამტანჯა. კითხვა არ იცის წესიერად. ასობებს ძლივს არჩევს, თავის სახელს და გვარს თუ მოახლაფორთებს გაჭირვებით. ხშირად უთქვამს: კიდევ კარგი, ჟივოგლიადი რომ არ ვარ, თორემ მაგ სიგრძე გვარს დაწერა არ უნდაო. მეცოდება, როგორ უნდა იცხოვროს ამ ქვეყნად მაგ საწყალმა, ყოველთვის სად ვეყოლები. ორჯერ მოხედა ქაუპტუახტში ათ-ათი დღით, ორივეჯერ მე მომახდევინა სასჯელი.

ერთ გოგონასთან ემეგობრობდი ჯარში წამოსვლამდე. კათია ბაშკო მიყვარს-მეთქი, გამოვუტყდი. არაა ცუდი გოგო, შე ეშმაკოო, მითხრა და თვალი ჩამიკრა. ამ ამბის მერე მდინარის პირას დავასეირნებ კატიას, შორი-ახლო მიყვები, ჩემთვის ვნატრობ, ნეტა ხელი ვადამახვევინა მხარზე და ასე გვატარა მთელი ღამე-მეთქი. მაშინ შევამჩნიე, რა ლამაზი და მშვენიერი იყო იქაურობა — მდინარის ხმაც, ხეების შრიალიც, ცაზე გაბნეული ფთილა ღრუბლებიც, აღრიანად ამოსულ მთვარეს რომ ეფარებოდნენ ხანდახან.

— დღეს როგორი მორცხვი ხარ, ვანია, — თითქოს თავისთვის წაიჩურჩულა კატკამ.

— რა ვქნა, ასეთი ვარ, — მთლად მოვისაწყყლე თავი.

— რა ვქნა, ასეთი ვარ, — გამომაჯავრა შეთამამებულმა გო-

გომ და კაბის საყელო გადასწია. კისრისა და მხარის ზღვარზე ჩალურჯებული ნაკოცნი მთვარემაც დაინახა, — დედამ შემნიშნა, აღრიანად დაგიწყია სიყვარულის თამაშიო.

მთვარე გადაყვლაპე მეგონა, თითქოს კასერში გამეჩხირა ამ ამბის უნებლიე მოწმე. აღარც სიტყვა მფოყნიდა, აღარც ჰაერი.

— გუშინ სულ სხვა იყავით, ვაჟბატონო, — მომესმა ქალის ხმა, რომელშიაც გამოსჭვიოდა, გუშინ რომ იყავი, სწორედ ისეთი უნდა იყო, თუ ხარ... ალბათ ამან წამაქეზა, კატკას ხელი მოეხვიე, გულში ჩავიკარი და ნიკალაის ტუჩების ნაკვალევს დავეწაფე.

იმ ღამეს არ მიძინია. სულ იმას ვფიქრობდი, წინა დღით ჭარხლის ასაღებად საკოლმეურნეო ნაკვეთზე სამუშაოდ გასვლა როგორ მოხერხებულად აიცილა. თურმე კატკასთან ერთად ყოფილა მთელი დღე ბატების ფერმაში. საღამოს დაქანცული დავბრუნდი ნაკვეთიდან. ნიკალაი არ დამხვედრია სახლში, მოგვიანებით შემობორიალდა. არაყით იყო გამობრუული. კატკა კარგი გოგოა და ითხოვეო. რად მინდოდა მისი თქმა, უკვე გადაწყვეტილი მქონდა, ჯარში წასვლამდე ვიქორწინებ-მეთქი. დაიძინე, ბიჭო! — ვუთხარი და ლოგინი გავუშალე. მოვეფერე, ვაკოცე ნასიამოვნებმა. უზემად მომიცილა, ქალი ხომ არ ვარო და საწოლზე გაიშოტა.

„თურმე ვის ვკოცნიდი წუხელ“, — ვფიქრობდი გულზე გასივებული. იმ დღის შემდეგ გადაწყვიტე, კატკას აღარ ვითხოვ-მეთქი. ახლა ვფიქრობ, გოგო რა შუაშია, ესაა ტუტუცი, მთელი ორი წელია წერილებს მწერს, შენს ჩამოსვლას მოუთმენლად ველიო. სურათიც გამომიგზავნა, ბატთან ერთად იყო გადაღებული. კარგად იყო გამოსული, სულ იმას ვფიქრობ, ბატთან რატომ გადაიღო სურათი. დემობილიზაციის შემდეგ ალბათ ცოლად შევირთავ.

ვუსმენდი და მეცოდებოდა ხუთი წუთით უმცროსი პოდრა. ბევრი ისეთი სალაპარაკო დაგროვებოდა, ძმასთან ვერ გაამხელდა და იმის ნაცვლად, რომ მშვიდად სძინებოდა, იღვა ჩემს გვერდით და თუთუნის კვამლში ახვევდა გულისნადებს, ბოღმასაც ინელებდა, თანდათან თავისუფლდებოდა.

ერთ დღეს ჟივოგლადის საკუჭნაოში კაპიტანი შელიაევი შევიდა, — ნამწვი ურნაში მოისროლა და გააგრძელა პოდრამ, — მეორე ოთახში ვმუშაობდი, მგონი კედელს ვათეთრებდი, ტიხარი ხისაა, მოლაპარაკეს ვერ შეხედავდი, ისე ყველაფერი ისმოდა.

— ერთი ჯარისკაცი მჭირდება საწყობში, — ამბობს შელიაევი. — ფიზიკურადაც და გონებრივადაც განვითარებული, მეკუჭნავედ იმუშავენ ჩემთან. სასურველია, პირველწლიანი შემირჩიო.

— ასარჩევი სადაა, — ჩაიცინა ჟივოგლიადმა, — ყველა დასაქმებულია, მხოლოდ ორი ჯარისკაცი მყავს — პოდრები.

ჩვენი გვარები რომ გავიგონე, უფრო გულმოდგინედ მიუუბნე ყური.

— ვიცი, ვიცი, ტყუპები, კვასებივით გვანან ერთმანეთს, როგორ ფიქრობ, შეძლებენ ჩემთან მუშაობას?

— ორივე ძმას სამი ცხენის ძალა მაინც ექნება.

— თავში თუ აქვთ რამე?

სმენა დაეძაბე, ჟივოგლიადს უნდა ეთქვა, მქონდა თუ არა რამე თავში.

— რა ვიცი, ორივეს სამოცდაორი ნომერი ქუდები ახურავთ, ამოდენა გოგრებში რაღაც ექნებათ.

ნელა მოვიქექე ის ადგილი, რომელზეც ჩემს უფროსებს საუბარი ჰქონდათ.

— უფრო სანდო რომელი მიგაჩნია?

— ერთი გარეწარია, მეორე — პირიქით, ზედმიწევნით მართალი, კაცმა რომ თქვას, რომელი რომელია — ვერ ვარჩევ.

— არცერთი არ მაწყობს, ერთი ზერელე იქნება, მეორე — საწყალი. ორივესთან აუტანელი იქნება მუშაობა, მაგრამ, რახან სხვა არჩევანი არაა, ისევ ის მეორე იყოს.

— არის, ამხანაგო კაპიტანო!

— ზვალ დილით საწყობში გამომიგზავნე, ოღონდ კარგად დაუკვირდი, არამზადა არ შემხვდეს.

შელიაევი გარეთ გავიდა, სანამ დერეფანში მისი ფეხის ხმა მიწყდებოდა, ჩემთვის ვფიქრობდი: ცხადია, ის მეორე

მე ვარ, საწყობში რომ გამამწესეს, მაგრამ ჩემთან მუშაობა რად იქნებოდა აუტანელი, ვერ გამეგო.

სადილის შემდეგ ჟივოგლიადმა თავისთან მიხმო.

— შენ რომელი პოდრა ხარ?

— რივითი ივან პოდრა, ამხანაგო ზემდეგო!

— მაგას არ გეკითხები.

— რასაც მეკითხებით, მზად ვარ გიპასუხოთ, ამხანაგო ზემდეგო!

მივხვდი, ჟივოგლიადი იმას მეკითხებოდა: არამზადა ხარ თუ ის მეორე, მე რომ მჭირდებაო, მაგრამ ვერ მოეხერხებინა შეკითხვის სწორად დასმა.

— სხვადსხვა ფერად ვადაგლებოთ, თუ რა გიყოთ... — ჩაილაპარაკა გაორჭოფებულმა ჟივოგლიადმა.

ამ დროს ეზოში ჩემი ძმა დაინახა, რომელიც ორმოების საჭრელად ჰყავდა გაგზავნილი ზიგმუნდ მაღარაშთან ერთად. მუშაობის მაგიერ ბარებზე შემდგარიყო და ოჩაფეხებივით დააჩლახუნებდა.

— გასაგებია, ის ისაა, ეს-ეს, — თავისთვის გადაიანგარიშა ზემდეგმა. გამომყევით, მითხრა და საკუჭნაოში შემიყვანა, შავი ფერის კომბინეზონი მომცა, — ამიერიდან ეს კომბინეზონი გეცმევა, ზვალ დილით შელიაევის საწყობში მიხვალ, მასთან იმუშავებ მეკუჭნავედ. არ შემარცხვინო, თორემ ხომ იცი!

— ვეცდები, ამხანაგო ზემდეგო!

სალამოს ჩემს დანახვაზე ნიკალაიმ იმდენი იცინა, კინაღამ გაიგუდა.

— ახე ყვაევივით ვინ გამოგაწყო? — მკითხა.

ყველაფერს მოუწყევი, ზვალიდან საწყობში ვიქნები, კაპიტან შელიავთან-მეთქი.

— ასეა, ძამია, უმართლებს ხალხს, მე ორმოებს ვთხრი, ეს საწყობის გამგედ დანიშნეს, კაცს რომ ქუდბედი დაჰყევა, სწორედ ეგაა.

მეორე დილით, პირის დასაბანად რომ შევედი, ნიკალაი უკვე გამზადებული დამხვდა. შავი კომბინიზონი ჩაეცვა, საწყობში წავედიო, მითხრა.

გაოგნებული დავრჩი. სანამ კედელს მიეფარებოდა, მომი-

ბრუნდა, — ბარები ბიცურასთანააო, — მომამახა და გაუჩინარდა.

მთელი ორი დღე ვთხრიდი ორმოებს მადარაშთან ერთად. უკვირდა მადარაშს, რამ გადავრია, ხანდახან დაეისვენოთ კიდეც, გუშინ ძლივს მივდენე საქმეზე, დღეს ასე გულმოდგინედ მიძვრები მიწაშიო. ბოლმა მჭირს-მეთქი, რახან ბოლმა გჭირს. — კარგიო, თავი გამანება მადარაშმა. ამ ლაპარაკში ჟივოვლიადი წამოგვადგა, დახედა ნამუშევარს, გაუკვირდა. გამოიხედე აქითო — მომაჩერდა, მიყურა და მიყურა, შენ რომელი ხარო? — მკითხა ბოლოს.

— რიგითი ნიკოლოზ პოდრა! — ამოვძახე ორმოდან.

— მერე რა მოგეჩვენა? ხომ არაფერი გაწუხებს?

— არაფერი, გადავწყვიტე აწი მაინც ვიმუშაო კეთილსინდისიერად, ჩემი ძმა დააწინაურეთ, იქნებ მეც დამადგეს საშველი...

— კარგი, კარგი, რომელი ხარ? — ისევ მკითხა ჟივოვლიადმა. პასუხს არც დალოდებია, ისე თქვა, სულ ერთი არაა, რომელიც ხარ?.. ხვალ ორთავენი — შენც და მადარაშიც, დივიზიონიდან ჩამოსულ ჯარისკაცებთან ერთად სოფელ მანკოვკაში წახვალთ, კოლმეურნეებს ვაშლის კრეფაში დაეხმარებით.

მეორე დღეს კომბინეზონი ჩემს საწოლთან დამხედა, ნიკოლოზი მადარაშს არ სცილდებოდა. რაღას ვიზამდი, კომბინეზონი ჩავიცვი და საწყობისკენ წავედი: შელიაევმა საყვედურებით ამავსო, რატომ დაიგვიანეო.

ფეხის ხმა შემოგვესმა, პოდრამ ისევ ჩააქრო სივარეტი, ვითომ წასასვლელად მოემზადა.

დერეფანში ნაწილის მორიგე, კაპიტანი დარბინიანი გამოჩნდა.

— რაო, ჩვენებურო, ძილისკენ ხომ არ გეპარება თვალი?! — მკითხა ღიმილით.

— ა რა, ამხანაგო კაპიტანო!

— შენ აქ რა ვინდა? — ახლა პოდრას ჰკითხა კაპიტანმა.

— რა ვიცი, ამხანაგო კაპიტანო, ასე კია და! — მხრები აიჩეჩა ივანემ, — რაც უფრო ახლოვდება შინ წასვლის დრო, მით უფრო მიტყდება ძილი.

— ახლა დაწეკი და თავს მიეძალე, ჯარისკაცს ძილის დროს უნდა ეძინოს.

— გასაგებია, ამხანაგო კაპიტანო!

დარბინიანი საგუშაგოების შესამოწმებლად წავიდა. პოდრა დასაძინებლად წამოწვა უღლებო საწოლზე.

ჩემი მორიგეობის დრო იწურებოდა, ხუთი წუთით ადრე ლასიცკასი გავაღვიძე, ადეკი, დროა-მეთქი. ცოტა ხნის მერე მეზობელ კუბრიკიდან ნახევრად მძინარე ლასიცკასმა ჩექმები გამოაჩოჩიალა.

— გაიღვიძე, ბიჭო! — მხარზე ხელი დაკეარი ლასიცკასს.

— მღვიძავს, ვერ ხედავ? — შემომიტია მთვლემარე ლასიცკასმა.

ასეთი ცვლის დატოვება არ ივარგებდა. პირის დასაბანად შევიყვანე, ცივი წყალი რომ შეისხა, რაღას უცდიო, მკითხა.

კუბრიკში ფეხაკრეფით შევედი. გავიხადე ტანთ და დაეწეკი. ვიღაცამ ამოიხვნეშა.

— პოდრა, გღვიძავს? — ვიკითხე ხმადაბლა.

— მღვიძავს! — ერთხმად მიპასუხეს ძმებმა.

ერთმანეთის გვერდი-გვერდ იწვნენ ტყუპები, მათ შორის ხუთი წუთი ჩამდგარიყო. არც ისე ცოტა ყოფილა ხუთი წუთი. ვეღარც მე დავიძინე. ძმებზე ვფიქრობდი, თუ სხვა რამეზე, ვერ გავიგე, ვერ დავიძინე კი.

უფროსმა პოდრამ უმცროსი არც იქ მოასვენა, წამოაგდო საწოლიდან, გვერდით მიიწვინა, ერთმანეთის მკლავებზე დააყრდნეს ერთ ყალიბში გამოყვანილი თავები, თითქოს გამთლიანდნენ, ერთ სულად გადაიქცნენ და მშვიდი, მონოტონური ფშვინვა, ძილს რომ ახლავს, მალე დაეუფლა ორთავეს, და როცა ჩვენი საძინებელი ოთახის ფანჯრებიდან თავისი მქრქალი სათვალეებით დილამ შემოიხედა, ყველას დაგვანახა, რა ტკბილად, თბილად, გემრიელად ეძინათ პოდრებს.

აპრილის ბოლოს ჩვენს ნაწილს დიდი საწვრთნელი მანევრები უნდა ჩაეტარებია. ღონისძიება ფაშისტურ გერმანიაზე გამარჯვების მეოცე წლისთავს ეძღვნებოდა. ყველა პასუხის-
290

მგებლობით ემზადებოდა. განსაკუთრებულ ყურადღებას ახალ-ბედებს აქცევდნენ, ნათლობა რომ უნდა მიეღოთ საველე მეცადინეობაში. ამიტომაც მარტის მიწურულს დამატებითი მეცადინეობა ჩაგვიტარდა. ამჯერად პარაშუტებით გადმოხტომამ თვითმფრინავიდან მოგვიწია. ვერ გეტყვით, რომელი უფრო გამიძნელდა. ღირიჟაბლიდან მაინც სხვა იყო, გაჩერებული საგნიდან გვიწვედა ხტომა. თვითმფრინავი სხვაა... ორივე შემთხვევაში ასპარეზი ცა და მიწაა. ამ დროს უნდა გადახტე და მოსინჯო, რა ძალით გიზიდავს მიწა. ღირიჟაბლიდან უფრო დიდი მოჩანდა ყველაფერი. იმშურატოვის გარეგნობა არც ახლა მომეწონა, ისევ ლულულულებდა რაღაცას მამამისის მისამართით. თვალს არ აცილებდა მალახოვის ჩექმებს, რომელიც უფრო საიმედოდ ეცვა. ყოველი შემთხვევისათვის, თასმებიტაც შემოეკრა და გულისფანცქალით უცდიდა, როდის აინთებოდა სალონში მწვანე ნათურა.

პიიპ! პიიპ! პიიპ! – აციმციმდა ხმოვანი სიგნალი ჟივოგლიადის თავს ზემოთ.

ინსტიქტურად ყველა პარაშუტის რგოლს ჩააფრინდა, თითქოს გულზე ხელდადებული ბიჭები ერთმანეთს ეფიცებოდნენ რაღაცას.

პირველად ჟივოგლიადი გადახტა. მას ტულიში მიჰყვა და ამჩატდა თვითმფრინავი. ტულიშს იგაუნისი და ვარჟგალისი გამოედევნენ. კაპიტანი მიაკოტა გადახტომამდე ამოწმებდა, ყველაფერი წესრიგში ჰქონდათ თუ არა მებრძოლებს, მერე მხარზე ხელის მსუბუქი დრატყვით ნებართვას იძლეოდა.

სანამ პარაშუტი გაიხსნებოდა, შიშის პატარა ჩიტი მაინც ზის გულში. გაიშლება თალი და ჩიტიც გაფრინდება. ლამაზი სანახავია პარაშუტებით თეთრად გადაპენტილი ცა. თავდაპირველად თვითმფრინავიდან გადმოცვნილი პატარ-პატარა შავ-შავი წერტილები თანდათან იზრდებიან, იცვლიან ფერსაც და მიწაზე ფეხისდაკარებისთანავე ბრძოლისათვის ყოველმხრივ მომზადებულ, სრულყოფილ ჯარისკაცებად იქცევიან. ჩვენი ქვეგანაყოფის სადესანტო ჯგუფი ნაძვის ტყის ახლოს იკრიბებოდა. შეკრებას ჟივოგლიადი ხელმძღვანელობდა. ჯერ კიდევ პაერში შემომესმა ხმა. დროზე შევამჩნიე, თორემ ერთ-

ერთ ნაძვის ხეზე საახალწლო საჩუქარივით ჩამოვეკიდებოდი. პარაშუტის თოკები მოეწიე და ტყის ნაპირას ჩავჯექი. მოშორებით დგაფანი გაისმა, ამას იშმურატოვის უზბეკური ჯუჯღური მოჰყვა. თავი წამოვეყავი და გავხედე. ჩემგან ორმოციოდე ნაბიჯზე იშმურატოვი დავინახე, ორივე ფეხებით საფრთხობელასავით ჩასობილიყო ჭანჭრობში და ამოდ ეძიძგილაკებოდა. საშველად გავიქეცი. ტყის ნაპირზე დაგდებულ ნაძვის ჩამოტეხილი ტოტი გავუწვიდინე. ჩააფრინდა, კინალამ მეც ჩამითრია წუმპეში. უკან მივეძალე, რაც შემეძლო. წონასწორობა ვერ შეინარჩუნა, თავი ვერ შეიკავა და ტალახში ამოისვარა.

— ვამბობდი, ჭკვიანი კაცია იშმურატი-მეთქი, ჩექმა ორი ნომრით დიდი უნდა ჩაიცვაო, დამარიგა, არ დაუჯერე და წავიმტვრიე კიდევაც ცხვირი. მერე ჯოხს ხელი გაუშვა. ამოთხვრილი ხელებით თასმებს ჩააფრინდა, ვერაფერი მოუხერხა. დანა ინატრა, უზბეკეთში რომ დატოვა. ჯიბიდან მონადირის დანა ამოვიღე და ვესროლე. დაანაკუნა თასმები, ჩექმები ჩაფლული დატოვა, პირდაპირ ფეხსახვევებით გადმოტყაპუნდა წყალში. ცალი ჩექმა ადვილად ამოაძრო და სიმშრალეში ისროლა. მეორემ გაუჭივრა საქმე, რაღაც ნაწყენი ებუყბუყებოდა ჭანჭრობი. მოულოდნელად ჩექმა ამოძვრა და ახლა უკანალით ჩაჯდა ბაყაყებიან წყალში..

— ეს ადგილი მქონდა მშრალი, — ვფიქრობდი, ამას მაინც მივუტან ჟივოგლიადს წესრიგიანად-მეთქი და ესეც, — ხელი ჩაიქნია იშმურატოვმა. ამოზიზნილი ჯაყვა მესროლა და მშრალ ნაპირზე გამოტყაპუნდა. ბალახზე ხელები შეიწმინდა.

— რა დროს ეგაა, ჯერ პარაშუტი გამოგეტანა, — ვეუბნები დაბნეულ ბიჭს.

— ვისღა ახსოვდა! — ისევე შეტყაპუნდა ბაყაყებში იშმურატოვი.

სულ ბოლოს კაპიტანი მიაკოტა შეხო მიწას. ჟივოგლიადმა ქვეგანაყოფი დაწყობილი დაახვედრა. კაპიტანმა დაგვისახა საბრძოლო დავალება: ტყის ჩრდილოეთ ნაწილში უნდა აღმოგვეჩინა პირობითი მტრის დაჯგუფება და გაგვენადგურებინა.

ჟივოგლიადმა მე და ვოვერსს კვამლის ხელყუმბარებით საესე ყუთები მოგვცა და წინ წაგვიძღვა. მებრძოლების გასაყლელი გზა ჩვენ უნდა აგვებოლებინა. „აი, აქ“ — ხელით გვიჩვენებდა ზემდეგი ადგილს, სადაც მუშტისოდენა შეკუმშული კვამლი უნდა აგვეზრხოლებინა. სამივეს აირწინალები გვეკონდა გაკეთებული. თავდაპირველად იოლი მოგვეჩვენა, მერე და მერე დაგვეტყო დაღლა, ზემდეგი თითქმის სირბილით მიგვიძლოდა წინ. ჩვენ ტვირთით ვიყავით, არც უნდა. ჩამოვჩენილიყავით და საქმეც უნდა მოგვესწრო. გაგვიძნელდა აირწინალებში სუნთქვა. დაგვიძმძმდა ნაბიჯი. ჟივოგლიადი ჩვენზე მსუბუქად მივბოდა წინ. თითს ხან იქით გაიშვერდა, ხან აქეთ.

ნახევარ საათში ხუთკილომეტრიანი ტყის ნაკვეთი გავახიეთ კვამლში. მერე აზრხოლებულ ადგილს გავერიდეთ და ერთერთი ხის ქვეშ დასასვენებლად ჩამოვჯექით. აირწინალები მოვიხსენით და გამოჩნდა ოფლით გახეითქული სახეები. ჩვენზე ნაკლებად არც ჟივოგლიადს ჰქონდა მოქცეული პირისახე, აირწინალიდან ვერ ვამჩნევდით ვერაფერს თორემ...

— კამენკა! კამენკა! გესმის ჩემი? მე უმანკა ვარ!.. პრიომ!.. — ჩასძახა დისტანციური გადამცემის მიკროფონში ჟივოგლიადმა.

— კამენკა ვარ, კარგად მესმის!.. პრიომ!.. — გავიგონეთ კაპიტან მიაკოტას ხმა.

— ტყეში გაკვალულია ხუთკილომეტრიანი საბრძოლო ტრასა, შეგიძლიათ დაიწყოთ ლაშქრობა!.. პრიომ!..

— გასაგებია, ვიწყებთ ლაშქრობას!.. საიერიშო ზღუდეების სიღრმეში მოგვიმზადეთ სამიზნეები!.. პრიომ!..

— ამოცანა გასაგებია! სამიზნეები მზად დაგვუდებათ. თამბაქო გავაბოლეთ.

— დაიღალეთ? — გვეკითხება ზემდეგი.

— დავიღალეთ!

— დაიღლებოდით! — წამოდგა, მომყევითო თქვა და ისევ წინ გაგვიძღვა. ორასი-სამასი მეტრი გავიარეთ. ტყის შუაგულში გამოჩნდა მინდორი, თითქოს სახელდახელიდ დაეტოვებინათ ასე. ალაგ-ალაგ ჭაობიანი იყო ველი. შუა მინდორში კაცის სიმაღლე სანგარი გაეჭრათ ნახევარწრედ. ერთ

ადგილზე სანგრის ბალოში ბლინდაჟი იყო. ჟივოგლიადი იქით გაგვიძღვა. ჩაეხტით სანვარში, სანგრიდან ბლინდაჟში შევედით. ძელმწერი ფარფიცარზე დაწებებული მოძრავი სამიზნეებით იყო სავსე. სანგრის მთელ სიგრძეზე ჩავარიგეთ სამიზნეები. თავიდან ფეხებამდე დავსველდით. იშშურატოვზე ნაკლებად არც ჩვენ ვიყავით ამოთხერილი. საქმეს რომ მოვრჩით, ისევე სიგარეტები გაუბოლეთ, სანგარშივე ჩაუჯექით. თუთუნის კვამლით გაიჟლინთა მიწათხრილის ერთი კუთხე, სამივე უხმოდ ვეწეოდით. ვერ გეტყვით, რაზე ფიქრობდა ჟივოგლიადი ან ვოვერსი, მე კი თავი მართლა ბრძოლის ველზე წარმოვიდგინე, ოცდარი-ოცდასამი წლის წინ, მარიამის ერთადერთი იმედის, ბუჭუკას ადგილზე. ასე იდგა ალბათ ბუჭუკაც მტრის გააფთრებული იერიშის მოგერიების შემდეგ და ვიდრე მტერი ხელახლა მოიკრებდა ძალას, მახორკით იბრუებდა ისედაც გადაქანცულ გონებას. ალბათ მარიამსაც მიაწვდენდა ფიქრს. იქნებ წერილს წერდა დედას ოცდაოთხი წლის წინათ ბუჭუკა. იქნებ იმ ფანჯარაზეც ფიქრობდა, საიდანაც მთელ სოფელს ხელისგულივით გადაჰყურებდა. ვაი თუ სწორედ მაშინ, ოცდასამი წლის წინათ, შეტევაზე წამოსულმა გერმანულმა ტანკმა სიგარეტიც გადააგდებინა, დედაზე ფიქრიც გააწყვეტინა, ფანჯარაც დაავიწყა, რომელსაც მის ჩასვლამდე არავინ შეეხებოდა გასაღებად... ვაი თუ, სწორედ მაშინ, ოცდარი წლის წინათ... ამ სანგარში დარჩა დაუმთავრებელ წერილთან ერთად და მის გახელილ თვალებს დაისიცა და გარიჟრაჟიც ერთდროულად შეეყინა.

იმ ფიქრებში ვიყავი, რომ ტყის სიღრმიდან კაპიტან მიაკოტას მოკლე ბრძანებები და ავტომატის კაკანი შემოგვესმა.

ფიქრებიდან ვედარ გამოვედი, თითქოს ყველაფერი სინამდვილე იყო, ჟივოგლიადთან ერთად უთანასწორო ბრძოლა უნდა მიმეღო. ავტომატი მოვიმარჯვე. ჟივოგლიადმა აირწინადის წამოცმა გვიბრძანა. დარჩენილი კვამლის ყუმბარები თანასწორად გაგვიყო და სანგრის მთელ სიგრძეზე ისე გაენაწილდით, თავდაცვითი ხაზის თვალთვალი შეგვძლებოდა. მიაკოტამ ქვეგანაყოფი ისე ჩაასაფრა, სანგრის ნახევარკალზე განლაგებული, დროდადრო გამოჩენილი სამიზნეები

ყველას შეხვედროდა, ვუყურებდი, ჭილყვაეებივით რომ მო-
იწევდნენ ჩვენკენ ჭაობში ამოწუნული ბიჭები. სამი დამხე-
დური ვერ აუვიდოდა ამდენ მოძალადეს. ასე იყო ალბათ მა-
შინაც. ოცდასამი წლის წინათ, ასე საშინელი სახეებით მო-
დიოდნენ ფიურერის საჩვენებელი თითის მიმართულებით ათი-
ათასობით გერმანელი, მოდიოდნენ და თან მოჰქონდათ ცეცხ-
ლი, სიკვდილი, სახრჩობელა და შიმშილი. იმათი ბრალია
ის ბიჭები, ძმათა სასაფლაოზე ფიცი რომ მივეციტ ყველას
გასაგონად. კიდევ კარგი, დროზე შებრუნდა კეხი.

ჟივოგლიადმა კვამლის ხელყუმბარა ისროლა, ეს ნიშანი
ყო, მთელი ველი აგვებოლებია. ასეც მოხდა, რამდენიმე
წამში „ბრძოლის ველი“ კვამლში გაეახვიეთ, და როცა ბომ-
ბები შემოგვევლია, ავტომატები მოვიმარჯვეთ.

ეს ტაქტიკური, საველე მომზადება პირველი იყო ჩვენ-
თვის. ყველამ თვალნათლივ დავინახეთ, რაოდენ საშინელი
რამ იქნებოდა ბრძოლის ველი ოცდაოთხი წლის წინათ. მა-
შინ ავტომატის საეაზნეები ნამდვილი ტყვიებით იყო დატე-
ნილი და სასხლეტზე შეყინული მებრძოლთა თითები სიცო-
ცხლეზე გამოდევნებული სიკვდილის აკაკანება იქნებოდა,
დღევანდელივით ფუჭი ვაზნები კი არა, მთლად მშვიდობია-
ნად არც დღეს გადავრჩენილვართ. ერთ-ერთ მებრძოლს
აირწინალი ჰქონია სრულად, კვამლით გაბრუებული წაქცე-
ული უნახავს იმმურატოვს. მაშინვე ზურგზე მოუგდია, გაკ-
ვამლული ადგილიდან ტყის სუფთა მხარეს გაურიდებია, ხის
ძირში დაუწვენია, აირწინალი მოუხსნია და რიგითი ვარჯა-
ლისი შერჩენია ხელში. გულშეღონებული ყოფილა რაიმონდ
ვარჯგალისი. მათარა მოუხსნია და წყალი მიუძალებია თურმე
იმმურატოვს, ხელოვნური სუნთქვა ჩაუტარებია და გამო-
უყვანია გაჭირვებიდან.

იმმურატოვის სიხარულს საზღვარი არ ჰქონდა, ყველას
ეუბნებოდა: „ბეწვზე მივეუსწარი, პირდაპირ საიქიოდან
მოვაბრუნე ეს საწყალიო.“ რაიმონდს მართლაც არ ჰქონდა
კარგად საქმე. იმდენი კვამლი ჩაეყლაპა, კარგა ხანს აფურ-
თხებდა ნახშირს. ხმა ჩახლქროდა. თვალებს აქეთ-იქით აწრი-

ალებდა, გაფერმკრთალებულ პირისასეს ნელ-ნელა უბრუნდებოდა ადრინდელი იერი.

სალამოს კაპიტანმა მიაკოტამ შეაჯამა ტაქტიკური მეცადინეობის შედეგები. ჩვენს წინაშე დასმული ამოცანები შესრულებულად ჩათვალა. ზოგიერთებს შენიშვნები მისცა იმმურატოვს პარაშუტით დაჯდომა დაუწუნა, მაგრამ მწყობრის წინ მაღლობაც გამოუცხადა. ვარჯჯალისის დხმარებისათვის.

ნაწილში დაქანცულები დავებრუნდით. ფოთლებით მოჩითული შემნილებელი მწვანე კომბინეზონები გავიხადეთ. ზურგჩანთები და პარაშუტები საწყობს ჩაებაბრეთ. პირადი იარაღები, ავტომატი და აირწინალი გავწმინდეთ და თავის ადგილზე შევინახეთ. ხელ-პირი დავიბანეთ, რამდენადაც შეგვეძლო, მოვწესრგდით. ვახშმისთვის რომ მოგვეწყვეს, მაშინლა ვიგრძენით, მკვლელობით მშიერები ვიყავით.

27

ოცდამდე საათამდე ჯარისკაცს საკუთარ საწოლთან მიახლოების გარდა არაფერი შეუძლია. გასწორებულ საწოლზე ჩამოჯდომა ან წამოწოლა აკრძალულია. წესდების ამ ნაწილს ჟივოგლიადი ადევნებს თვალს. ვაი იმას, ვისაც საწოლზე ჩამომჯდარს შეისწრებს.

იმ დღეს, საველე მეცადინეობის შემდეგ, დაქანცულები ვიყავით. კუბრიკში შევიხედე, თითქოს თვითონ დამიძახა საწოლმა, აგერ ვარ, მოდი, პატარა წამოისვენეო! კარადიდან წიგნი გამოვიღე და საწოლზე გავიშოტე. შეება იგრძნო ძვალმა და რბილმა. ჩანიშნული ადგილი გადავშალე და კითხვა გავაგრძელე. კუბრიკში მალაზოვი შემოვიდა.

— იფ! — შეიცხადა ოლეგმა, — როგორც საკუთარ აპარტამენტში! სხვათა შორის, ჟივოგლიადი ჯერ არ წასულა.

არაფერი მიპასუხნია, ჩამთავრებული გვერდი გადავფურცლე და ისე გადავხედე, მალაზოვმა ზედმეტად ჩათვალარაიმე ეთქვა. ჟურნალ „ЮНОСТЬ“-ის ახალი ნომერი აიღო და

ჩემს მაგალითს მიჰბაძა. ცოტა ხნის მერე კუბრიკის ყველა ბინადარი ჩვენსავით წამოგორდა თავ-თავიანთ საწოლზე. ზოგი კითხულობდა. პოდრები ახლაც კინკლაობდნენ.

საწილს ვილაც მოუახლოვდა, წიგნი გვერდზე გადაწვიე, ჟივოგლიადი შემრჩა ხელში. არავის შეუნიშნავს, ისე წამოგვდგომოდა თავზე. წამოვიწვიე.

— დაისვენეთ, დაისვენეთ, დღეს შეგიძლიათ! — ყველას გასაგონად თქვა და ხელით შემაჩერა, — რას კითხულობ?

— ცვაიგის მოთხრობებს.

— ჩვენები მოილიე და უცხოელებზე გადადი, არა?

— რატომაც არა, რუსული კლასიკა წაკითხული მაქვს.

— ქართული გადაგუთხული გექნება.

ზემდეგის ხმაში და გამოხედვაში, თუმცა ირონია გამოვიჭირე, არ შემიმჩნევია და მშვიდად ვუპასუხე:

— რა თქმა უნდა, ზოგიერთი ზეპირადაც ვიცი.

— შეიძლება ზეპირადაც იცოდე, ბევრიც არ გეყოლებათ... კაცმა რომ თქვას...

— ვითომ რატომ? — ახლა მე გადაეხედე დამცინავად.

— თუნდაც იმიტომ, სამმილიონამდე ძლიესა ხართ, — პირდაპირ მითხრა, რასაც ფიქრობდა.

— ამხანაგო ზემდეგო, ქართველებს უძველესი კულტურა გააჩნიათ! — ამბობს მალახოვი. ვერ გავიგე ამით მე წამომეშველა თუ ჟივოგლიადს, მხოლოდ ესაა, ზემდეგს აღარაფერი უთქვამს. კამათი მე და მალახოვმა გავაგრძელეთ.

— სავარაუდო მონაცემებით, ჩემი მშობლიური ქალაქი სამი ათას ხუთასი წლის უნდა იყოს, — ვთქვი ხმადაბლა, მაგრამ ისეთი სიამაყით, თითქოს კაკასიონის მაღალი ქელიდან დამეგუგუნებინოს.

ყველამ თავი მიანება კითხვას, პოდრებმაც კი შეწყვიტეს კინკლავი და ჩვენსკენ შემობრუნდნენ.

— რით ამტკიცებ, რომ სამი ათას ხუთასს არაფერი დააკლდება?

— მაგის საბუთს სანოტარო კანტორა არ იძლევა, მაგრამ ვიმეორებ, სავარაუდო მონაცემები მრავლად მოიპოვება,

ერთ-ერთი აპოლონიოს როდოსელის მითოლოგიური პოემა გახლავთ, „არგონავტიკა“. აპოლონიოს როდოსელი მესამე საუკუნეში ცხოვრობდა ჩვენს ერამდე, მაგრამ ათი საუკუნის წინ მომხდარ ამბავს აღწერს. მის პოემაში მრავალგზისაა ნახსენები ქუთაისი და მდინარე ჭაზისი, რომელიც ორად კყოფს ქალაქს.

— საეჭვო მტკიცებაა, საბუთად ვერ გამოდგება, — თქვა მალახოვმა.

— რატომ, როცა იაზონი კოლხების ძლიერ სახელმწიფოში ოქროს ვერძის მოსაპოვებლად წამოვიდა „არგოთი“, მეფე აიეტის ქვეყანას ორი საუკუნის ისტორია მაინც ექნებოდა, მეტი. თუ არა.

— ლოგიკურია, მაგრამ საბუთი უნდა მაინც.

— ამ საკითხზე ჩვენი მეცნიერების გარდა უცხოელი სწავლულებიც მუშაობენ, ალბათ მალე აეხდება საიდუმლოს ფარდა, დრომ რომ ჩამოაფარა ჭეშმარიტებას.

— ეგ შეიძლება, მაგრამ მაინც ვერ იქნება ქართული ლიტერატურის ძველისძველი ტრადიციების მიმნიშნებელი.

— რა თქმა უნდა, არა, მაგაზე მხოლოდ ლიტერატურული ძეგლები დადადებენ, რომლის მიკვლევაც დღემდე მოხერხდა.

— რაო, რას დადადებს დღემდე მიკვლეული ძეგლები, „ვეფხისტყაოსანიო“, თუ არ ვცდები, არა?

ოთახში ყველა სმენად იქცა, ყივოგლიადი დათვზე ჩასაფრებულივით იჯდა.

— მაგასაც, რა თქმა უნდა, და იმასაც, რომ მეხუთე საუკუნის ძეგლი იაკობ ხუცესის „წამება წმინდისა შუშანიკისიც“ არ უნდა ყოფილიყო პირველი ხელნაწერი, რადგან ნაწარმოების გმირი, შუშანიკი თვითონ კითხულობს სხვადასხვა სასულიერო წიგნებს. იაკობ ხუცესის მოთხრობის გარდა გვაქვს იოანე საბანისძის „წამება ჰაბოისი“, გიორგი მერჩულის „შრომა და მოღვაწეობა გრიგოლისი, არქიმანდრიტისა, ხანძთისა და შატბერდისა, აღმშენებლისა“, და სხვა ჰაგიოგრაფიული ნაწარმოებები. საფიქრებელია, მდიდარმა ლიტერატურულმა მემკვიდრეობამ შეუწყო ხელი გამოჩენილი-

ყო შოთა რუსთაველი და ქართული ორიგინალური საერო პოეზია.

— რუსთაველი ქართველია თუ? — იკითხა იშმურატოვმა.

— ეჭვი გეპარება? — ვკითხე იშმურატის ნაბოლარა იმედს.

— რა ვიცი, ქართული გვარები აკი ძე-ზე და შვილ-ზე მთავრდებაო.

— სლავა მეტრეველი, შოთა რუსთაველი, — ხმამაღლა ჩამომარცვლა ივან პოდრამ:

— რა ეშველებოდა რუსთაველს, მეტრეველი რომ არ ყოფილიყო, — შევიცოდე ყველას გასაგონად.

— ქართველი ყოფილა, — დაიმორცხვა იშმურატოვმა.

— დაანებე თავი შოთა რუსთაველს და აქეთურზე მელაპარაკე, აქეთ, უფრო ჩვენკენ, — ისევ დააწყნარა ახმაურებული კუბრიკი მალახოვმა.

— აქეთურებზე შემძლია გელაპარაკოთ, ოღონდ მეეჭვება რითიმე დაგარწმუნოთ, თუ წაკითხული არა გაქვთ. გვყავს „მეფე პოეტებიც და პოეტი მეფეებიც“, რომანტიკოსებიც, კრიტიკული რეალიზმის ფუძემდებელი, სოციალისტური რეალიზმის მამამთავარიც. ალბათ იცით, რომ პუშკინი ქართველ რომანტიკოსებთან მეგობრობდა, ალექსანდრე გრიბოედოვი ჩვენი სიძე იყო, აკაკი წერეთელი — თქვენი, „მაკარ ჩულრა“ თბილისში დაიბეჭდა, რომ ესენინს საქართველო უყვარდა, რევოლუციის ტრიბუნი, მაიაკოვსკი, ბაღდათში დაიბადა ქუთაისის მახლობლად. ქუთაისის გიმნაზიაში ისწავლა წერა-კითხვა და ქართულად იგინებოდა.

— უყურე შენ! — ვერ დამალა აღტაცება ჟივოგლიადმა.

— ასეა, ამხანაგო ზემდეგო, ძალზე ცოტაა ნათარგმნი ჩვენი ლიტერატურა. თარგმანი თარგმანს გააჩნია, ორიგინალში წამკითხველი ყოველთვის მღვებულის. ბედნიერი ხალხია მხატვრები, რა ენაზეც არ უნდა ლაპარაკობდეს კარგი ტილოს ავტორი, სულ ერთია. ყველა მნახველისთვის მისი ნამუშევარი გასაგებია თარგმანისა და თარჯიმნის გარეშე, ამ მხრივ მწერლებს ბედი არ წყალობთ. მე თვითონ, კიდევ კარგი, ჩეხოვი, დოსტოევსკი, ტოლსტოი და სხვები ორიგინალში წავიკითხე, თქვენ კი, ამხანაგო ზემდეგო, ალბათ,

ვერასოდეს წაიკითხავთ ორიგინალში რუსთაველს, ბარათა-შვილს, ილიას, აკაკის, ვაჟას, გალაკტიონს...

— კაცმა რომ თქვას, მაგის გარეშეც ვცხოვრობთ აქამდე, ისე, საინტერესო კია, რას წერენ თქვენი ვაჟა და გალაკტიონი, — ჩაილაპარაკა ზემდეგმა.

— როგორ გითხრათ, დარწმუნებული კი ვარ, თუ მათი წიგნები ხელთ ჩაგივარდათ, თავს წაგაკითხვბთ.

— ეროვნულ მწერლობას როცა ასეთი თავგამოდებული დაცვა სჭირდება, ჩემთვის რატომღაც საეჭვო ხდება მისი დონე და ხვედრითი წილი დიდი ლიტერატურული შემკვიდრების ფონზე, — თქვა მალახოვმა, ისე რომ ჟურნალისთვის თვალი არ მოუცილებია, თითქოს ყველაფერი იქ ამოიკითხა და სხვა ვინმეს დასტური აღარაა საჭიროო.

— გენაცვალე, სასწავლო კორპუსის უკან კიდევ გაურღვე-ვიათ ღობე, ხვალ შეაკეთე, ისე, შენ რომ იცი, — მითხრა ზემდეგმა, წამოდგა და გავიდა, — ერთი შემასწრებინა ვინ არღვევს, იმას კი... — თავისთვის ჩაიღრუჩუნა და კარი მიიხურა.

— შევაკეთებ, როგორც მე ვიცი, — დავადევნე ზემდეგს.

28

მეორე დღეს კუროჩკამ ბეერი გაახარა. მალახოვმაც მიიღო წერილი, მისამართი წითელი მელნით ეწერა.

— ოთხი დღის წინ საკონტროლო წერა ჰქონიათ მოსკოვის № 205-ე სკოლაში მერვეკლასელებს, — გავაგონე სასადილოს-კენ მიმავალ მალახოვს.

ოლეგმა ჩაიღიმა, სახეზეც ეტყობოდა უზომო სიხარული.

სასადილოში ჩვენ-ჩვენი ადგილები დავიკავეთ. მალახოვმა კონვერტი გახსნა, კოვზი მოიმარჯვა და საქმეს შეუდგა. კერძს მიირთმევდა, თან წითელი მელნით აჭრელებულ ქაღალდს ჩასციებოდა.

თვალს ვადევნებდი. ასე გახარებული არასოდეს ყოფილა. როგორც ყოველთვის ახლაც გაუშემდა ხელი შუა გზაზე. ამ შემთხვევისთვის ყოველთვის მზად ვარ. კოვზს მარინი დაუმატე, ვიფიქრე, დღეს მაინც იყვირებს-მეთქი. მაგ-

რამ არა, ხელი კვლავ ჩვეულებრივად ამუშავდა, უცებ შეჩერდა, გიჟივით მომაჩერდა.

— იცი? — მკითხა.

— რა უნდა ვიცოდე?

გრაფინიდან წყალი დაისხა, სულმოუთქმელად დალია.

ძეორედაც შეივსო წყალი, ისიც ამოაშრო და მითხრა.

— ზაფხულის არდადეგებზე ჩამოდის, გესმის? ჩემს სანახავად ჩამოდის.

— ვიზიარებ თქვენს სიხარულს.

— აი, ჩამოვა, ახლა რომელი თვეა? ჰო, აპრილი, მაისი, ივნისი, — სამი თითი მოკეცა მალახოვმა, — ორთვენახევეარში ჩამოვა და გაგაცნობ კიდევ გუტიას. თუმცა, გიცნობს, მე შენზე რაღაცრაღაცებს ვწერ ხოლმე. იცის გუტიამ, ჩემი მეგობარი რომ ხარ, ერთმანეთის გვერდი-გვერდ რომ ვწევართ, ხშირად რომ ვკამათობთ და „წითელ მელანს“ რომ ეძახი. პარკში რომ სურათი გადავიღეთ, ისიც გავუგზავნე. გიცნობს ჩემი გუტია. აი, ჩამოვა სულ მალე და... კარგი გოგოა...

მალახოვს უნდოდა მარტო თვითონ ელაპარაკნა, გაჩერების. საშუალებას წერილის შინაარსი აღარ აძლევდა. ვინანე კიდევ, მარილი რომ დავუყარე კოვზზე. ამოდენა სიხარულს ასეთი. მლაშე საკმაში არ უნდოდა.

სადილის შემდეგ ჯარისკაცთა ერთ ნაწილს, რომლებიც საყარაულო სამსახურისთვის ემზადებიან, ორი საათით დასვენების უფლება აქვთ. ხუთ საათზე კი ახალი მორიგე ოფიცერი გუშაგების ახალ შემადგენლობას ღებულობს სადღეღამისო საყარაულო სამსახურისათვის. ამოწმებს მათ მზადყოფნას, მოიკითხავს თვითულის ჯანმრთელობას, ჩაუტარებს მოკლე ინსტრუქტაჟს და ამის შემდეგ ხდება საყარაულო ობიექტების მიღება-ჩაბარება. ძველი შემადგენლობა თავისუფლდება, მის ადგილს ახალი იკავებს.

იმ დღეს ჩვენი კუბრიკიდან ბიცურა ემზადებოდა საყარაულოდ. ბიცურა სექტემბერში სამხედრო სამსახურს ამთავრებდა. ცეცხლფარეშად ახალგაზრდა შემცვლელი მოუძებნეს და ბოლო ხანებში, ყოველი სამი-ოთხი დღის შემდეგ, საყარაულო სამსახურში იყენებდნენ. გაიხადა ტანსაცმელი,

შეწვა ლოგინში, კერაფრით ვერ დაიძინა. იწრიალა, ხან აქეთ
შებრუნდა, ხან — იქით, „უსინდისო“ — წამოიხლოკინა.

— ბიცურა, რა დაგემართა ბიჭო? — ვეკითხები ტოლიას.

— დამანებე თავი, თუ ძმა ხარ.

— მითხარი, იქნებ დაგეხმარო.

შენ კი არა, ამ საქმეს სადესანტო ჯარების სარდალიც
ველარ უშველის. 1

— რა მოხდა ასეთი?

— უგულო ყოფილა და უსინდისო... — ჩემკენ შემობრუნდა,
საბანი გადაიძრო. სველი თვალები ხელისგულით ამოიმშრა-
ლა. თავისი კარადის უჯრა გამოაღო, ქალაღებში რაღაცის
ძებნა დაიწყო. ცოტა ხნის მერე ფოტოსურათი გამომიწოდა.
იქიდან ჭორფლიანი, მაგრამ ეშხიანი გოგო იყურებოდა.

— გასაგებია!..

— თითქმის სამი წელია მწერდა, ერთი სული მაქვს, რო-
დის ჩამოხვალ, როდის ვიქორწინებთო, ბოლო ხანებში იმა-
საც მწერდა, ისე მენატრები, მეტი აღარ შემიძლია, ცეკვებზე
როცა დავდივარ, მეჩვენება, თითქოს შენთან ვცეკვავდეო.
დღეს წერილი მომივიდა. ერთი თვის წინათ გათხოვილა. ვი-
ვიღაც ვერკა გაუცვნია. სულ იმის ბრალიაო, იმან გამაცნო
გენკაო. ჩემ ქმარს ახლაც შენ მირჩევნიხარ, მაგრამ ასე კი
მოხდაო და... გუშინს აქეთ ამაზე ვფიქრობდი, თუ კარგი გო-
გოა და მიცდის, წერილს. რატომ შიგვიანებს-მეთქი. აი წერი-
ლიც, სამი თვე ველარ გაძლო და იმ გენკას გაჰყვა ჩემს მაგი-
ერ.

— არ იჯავრო, ჯავრის ღირსიც არ ყოფილა შენი... ის
გოგო. იქნებ სჯობდეს კიდევ, ასე რომ მოხდა... შენ ყველაფე-
რი წინ გაქვს. ახლა დაისვენე... ამოიგდე თავიდან... .

— იოლად ამბობ, ამოიგდე, ასეთი არ მიგიღია ჯერ და
იმიტომ, — წერილი დაჭმუჭნა, კედელს ესროლა, პირაღმა
გადაბრუნდა საწოლზე და საბანი თავზე წაიხურა.

სასწავლო კორპუსისკენ წავედი, ღობე მქონდა შესაკეთე-
ბელი. ადამიანთა ბედისწერა სხვადასხვანაირად დააბოტებს
ცხოვრების ლაბირინთებში. მაღაზოვმა და ბიცურამ ერთ
დღეს მიიღეს წერილები. ორივემ თავგზა დაკარგა წერილების

წაკითხვის მერე. მაღახოვს მასზე ბედნიერი არაეინ ჰკონია. ბიცურას — პირიქით. ბიცურას წერილი შავი მელნით იყო ნაწერი.

გამორღვეულ ღობეში გაეძვერი, გარედან შემოვუარე და ორი ფიცარი ფეხსაღაგის პირდაპირ ავაძვერე. სასწავლო კორპუსის უკან მივაჭედე. ჟივოგლიადის დავალება შესრულებულად ჩავთვალე და სპორტდარბაზისკენ წავედი, იქ ახალ სტენდებს ვაკეთებდით მე და მალენკინი. უფროსი ლეიტენანტი ლაბადა თავზე დაგვეტრიალებდა. ლენინის ოთახი უნდა გავეახლებინა, ფაშისტურ გერმანიაზე გამარჯვების ოცი წლისთავისადმი მიძღვნილი მასალებით გაგვემდიდრებინა. გასაკეთებელი ბევრი იყო, დრო — ცოტა. ხანდახან საყარაულო სამსახურსაც ვასრულებდით და საქმეები ფერხდებოდა. ბოლოს ლაბადამ მიაღწია ჩვენს განთავისუფლებას. სანამ სტენდებს არ დავამთავრებდით, სხვა საქმეზე აღარ შეგვაწუხებდნენ. ვიჯექი მაგიდის კიდეში და მოზრდილ ასოებს ვჭრიდი სტენდის სათაურისთვის „არაფერი და არაეინ არ არის დავიწყებული!“ ისევ თავგზააბნეული ბიცურა მედგა თვალწინ, ცხოვრების ბეწვის ხიდეზე ფიფქივით რომ დაფარფატებდა. სამხედრო სამსახურის დამთავრებისთანავე ქორწილს აპირებდა ბიჭი, ჭორფლიანი გოგო კი სხვის ბუდეში კაკანებდა თურმე.

დარბაზში მაღახოვი შემოვიდა. ოლეგს კარგი კალიგრაფია ჰქონდა და ტექსტები მას უნდა გადაეწერა. გვერდით მომიჯდა, ცმუკავდა, ადგილზე ვერ ჩერდებოდა. ხან რას ეცა და ხან — რას. ქალაღდის ყუთიდან პლასტმასის ასოები ამოყარა, ისე ნიაწყო ერთიმეორეზე — „გუტია“ გამოვიდა. მერე ახალი სტრიქონის შედგენა დაიწყო: „გუტია, მე შენ მიყვარხარ!“ — დაგვიწყო მაგიდაზე თავისი ურყევი აზრი და კიდევე ერთ მახილის ნიშანს დაუწყო ძებნა. მიაგნო, როგორც იქნა და ისე დასვა წინადადების ბოლოში, მივხვდით, ამ აზრს ვერაეინ შეაცვლევინებდა. ბეწვა ხერხი გვერდზე გადავაგდე. მაღახოვს გულჯიბე შეეუხსენი და ის წინადადება, რომლიც ოლეგამდე ვინ მოთვლის რამდენ შეყვარებულს უთქვამს, ასო-ასო ჩაეულაგე შიგ. მაღახოვმა გულჯიბე შეიკრა, მარჯვენა ხელი გარედან მიიღო, „თანახმა ვარო“, თქვა და თავი დაგეიკრა.

— შენ რა გიჭირს, ბიცურას რა ეშველება.

— ბიცურას რა მოუვიდა?

— გაუთხოვდა...

— გუტიასნაირი გოგო სადაა... ის...

— ორწელიწადნახევარი ბიცურაც მასე იძახდა...

— გუტია სხვაა! — შემომიბღვირა მალახოვმა.

— რა გაყვირებს, არავინ გართმევს, ისე, სიტყვაზე ვამბობ.

— ისე შეიძლება, — დაწყნარდა მალახოვი, — აი, ივნისში ჩამოვა და ნახავ. იცი, როგორ ვარცხნილობას იკეთებს? კაპიტან შელიაევის ცოლს რომ აქვს, ოღონდ ცოტა უკეთესად, თეთრი კოფთა ეცმება, მუქი ქვედაწელი და მაღალქუსლიანა თეთრი ფეხსაცმელები, როცა მაღალქუსლიანები აცვია, ცხვირამდე მწვდება, სხვა დროს — ნიკაპამდე.

ხელად წარმოვიდგინე შელიაევის ცოლის ვარცხნილობა, თეთრი კოფთა და მუქი ქვედაწელი. მალახოვის ნიკაპიდან მის აპრეხილ ცხვირამდე მანძილი გუტიას თეთრი ფეხსაცმნლის მაღალი ქუსლით გავზომე, ამსიმაღლე ქუსლებზე როგორ ახერხებს სიარულს-მეთქი, გამიკვირდა.

— პატარა ტანის ყოფილა შენი გუტია, — მხოლოდ ეს ვუთხარი ოლეგს.

— პატარაა, მაგრამ ოქროა.

„ახლა მთელი ქვეყანა ამისია!“ — გაეფიქრე გუნებაში. იმდენად დიდი იყო ოლეგის სიხარული, მთელ ასეულს გაუნაწილებდა და თვითონაც ეყოფოდა.

— ლევან, სად იხწავლე ეს ყველაფერი — ბეწვა ხერხი, ხეზე კვეთა, — მეკითხება მალენკინი.

— ბავშვობაში ავიასამოდელიო წრეში დავედიოდი. სკოლის დამთავრებამდე მოსწავლეთა რესპუბლიკურ შეჯიბრებებში ვლებულობდი მოანწილეობას, ჯარში გაწვევამდე სპორტის ოსტატობის კანდიდატიც გავხდი, საკავშიროზე წასვლა ველარ მოვასწარი.

— ვინმემ ავიყოლია, თუ თვითონ მიაგენი ამ საჩხიკინო საქმეს?

— იცით, ალბათ, ყველა მშობლის სურვილია: თუ მათი შვილი სკოლაში სიარულის გარდა კიდევ რაიმეს გაკეთებას შეძლებს, ეს რაიმე აუცილებლად მუსიკა, ცეკვა ან სიმღერა უნდა იყოს. დედაჩემის დაჟინებული თხოვნით მეც ცეკვის

შემსწავლელ წრეში უნდა ჩაეწერილიყავი პიონერთა სასახლეში. ცეკვის გაგონებაც არ მინდოდა. აუდექი და ორ თანაკლასელთან ერთად დოსააფის ავიასამოდელო წრეს მივაკითხე. ჭერზე ჩამოკიდებულ თვითმფრინავის მოდელებს დაუწყე თვალიერება. შიშიც გამიჩნდა გულში, ისეთი უზადო შესრულებული იყო მოდელები, ამათ გაკეთებას როგორ ახერხებენ-მეთქი, გავიფიქრე. ალბათ, აკეთებენ, თორემ ჭერზე თავისით არ გაჩნდებოდა, დაეიმშვიდე გული.

— გაინტერესებთ ავიამოდელებში თუ წამხედურობით მოდით?! — ღიმილით გვკითხა წრის ხელმძღვანელმა.

— გვაინტერესებს! — ვუპასუხეთ ერთხმად.

ისე შემიყვარდა თვითმფრინავების კეთება, მინდოდა სამშაბათის მერე ხუთშაბათი გათენებულყო, ზუთშაბათს ისევ სამშაბათი მოჰყოლოდა. ამ დღეებში გექონდა საწრეო მეცადინეობები.

ერთ დღეს სახლში ცოტა მოგვიანებით დაებრუნდი.

— სად იყავი? — ისეთი ხმით მკითხა დედამ, მივხვდი, გამოჭერილი ვიყავი.

— პიონერთა სასახლეში!

— რას აკეთებდი იქ? — გააგრძელა დაკითხვა მამამ.

— ცეკვას ვსწავლობდი.

— აბა, მიჩვენე; რას გასწავლიან?!

— მუსიკის გარეშე?

— დოლი და გარმონი ჩვენ არ გვაქვს, შენ რომ იცი, ის მომიტანე, — ქამარზე ანიშნა დედას, — უნდა ვნახოთ, როგორი ცეკვა ისწავლა! — დააბრიალა თვალები მამამ.

— ცეკვაზე არ დავდივარ მე! — ვთქვი ცრემლმორეულს ხმით.

— აბა?!

— ავიასპორტკლუბში მოდელიზმის წრეში ვარ ჩაწერილი.

— რაში?! — ახლა დედამ შეიკივლა.

— ავიასამოდელო წრეში, თვითმფრინავის მოდელებს ვაკეთებ, არ მინდა ცეკვა და...

— მე შენ მოგცემ თვითმფრინავს და ვერტალოტს რას ბედავ, თუ იცი... მივედი პიონერთა სასახლეში, მასეთი გვარი

სულ არ გკყავს სიაშიო, მითხრა ცეკვის წრის ხელმძღვანელმა. არ შეიძლება, ჩემი შეილი ტყუილს არ მეტყოდამეთქი. გამოდის, მე გეუბნები ტყუილსო, განაწყენდა მასწავლებელი. ბოდიში მოუხსადე, ძლივს მოვადწიე სახლამდე.

— კიდევ როდის გაქვს მეცადინეობა? — იკითხა მამამ.

— ხუთშაბათს.

— მე და შენ ერთად წავალთ.

— არ ამომწერო რაა!

— ვნახოთ.

— რას ჰქვია, ვნახოთ, რა უნდა დოსააფში! — ხმას აუწაა დედამ.

— ვნახოთ! — გაიმეორა მამამ და რაღაცნაირად გადახედა დედას.

ხუთშაბათს მართლა გამყვა დოსააფში. დამესწრო მეცადინეობაზე. მოეწონა ჩვენი საქმიანობა, მეორე დღესვე მიყიდა ხელსაწყო-იარაღები და მას შემდეგ აღარც სახლში ვაჩერებდი ხელს... რა ვიცოდი, თუ საპარამუტო ნაწილში მოვხვდებოდი. ბავშვობიდანვე ვადევნებდი თვალს პარამუტისტების ვარჯიშს. ავიამოდელისტა საეულე საწვრთნელ მეცადინეობებს აეროკლუბის ბაზებზე ვატარებდით. პარამუტისტებსა და მოდელისტებს ხშირად ერთდროულად გვიწევდა ვარჯიში. შემთხვევით საინტერესო გაცვლაც გამოგვივიდა. ერთი პარამუტისტი ისე გაიტაცა ჩვენმა საქმიანობამ, პარამუტი მიატოვა და საჰაერო ბრძოლის საკორდო მოდელებს დაუტრიალდა, ორ წელიწადში სპორტის ოსტატიც გახდა, ერთ-ერთმა ჩვენთაგანმა მიტოვებულ პარამუტს სტაცა ხელი და ხტომები დაიწყო. მე ავიამოდელიზმის ერთგული დავრჩი, ახლა კი ბედისწერამ პარამუტი მარგუნა მაინც. ბავშვობაში ვნატრობდი: ნეტა იმ სიმაღლეზე ასვლა შემეძლოს, სადაც ჩემს მიერ გაკეთებული მოდელი დაფრინავს-მეთქი. მოგვიანებით, მაგრამ მაინც ამისრულდა ბავშვობისდროინდელი ნატურა.

— სამხედრო სამსახურის შემდეგ თუ გააგრძელებ ავიამოდელიზმს? — იკითხა მალენკინმა.

— რა თქმა უნდა, რობერტ ბალათურიას და რევაზ ტაბიძის გაზრდილი მოდელისტი ვარ. ვალს გასტუმრება უნდა.

რამდენიმე მოდელისტს მეც გაეუზრდი ქვეყანას. მერე, ვინ იცის, საით გაექცევათ თვალი. მოდელიზმი ტრამპლინია უფრო რთული მეცნიერებისკენ...

— რა დრო გასულა ამის ლაპარაკში, ხელები დავიბანოთ, თორემ უვახშმოდ დავრჩებით, — შეგვახსენა მალახოვმა.

29

აპრილში დრდი საწვრთნელი მანევრები იყო დაგეგმილი. ამ ოპერაციაში სხვადასხვა სახის ჯარებს უნდა მიეღოთ მონაწილეობა. ამბობდნენ, მანევრებს სარდლობაც დაესწრებაო. ჩატარების დრო და ადგილი არავინ იცოდა, ყველაფერი მოულოდნელად მოხდებოდა.

ზემდეგი ჟივოგლიადი დიდ გაწამაწიაში იყო. როგორც ბაზის უფროსი, მთელი ნაწილის საველე ინვენტარს ის განაგებდა, ამიტომაც მოსვენება ჰქონდა დაკარგული. ყველანაირად ემზადებოდა, რომ საგანგაშო სივნალს თადარიგიანად შეხვედროდა. გავიდა ერთი კვირა, მეორე, არსაიდან არაფერი ბაიბური, ჩვენც გამოგვინელდა ყოველწამიერი მოლოდინი. თითქოს ყველაფერი თავის კალაპოტში ჩადგა. მიგვაეწიწა და კიდევ, „დიდი ბრძოლა“ რომ გვექონდა ჩასატარებელი. აპრილი იწურებოდა.

— გამარჯვების დღემდე ერთი მტკაველიდა დარჩა, — გადაზომა იმპერატოვმა, — აწი შეიძლება აღარც ჩაატარონ.

— თუ საჭიროა, ერთი თითის დაღებაც რომ დარჩეს, მაინც ჩაატარებენ, — თქვა ჟივოგლიადმა და ერთმწკრივად მოეწყვეთო, გვიბრძანა. სულ გვაფრთხილებდა, „ფორმის ტანსაცმელი ყველას წესრიგში გქონდეთო“ და ახლა გადაწყვიტა შემოწმება.

— რიგითი სლავენსკასი! — მოახსენა ლიტველმა, როცა მის წინ ზემდეგი აისვეტა. სლავენსკასის მამას ბონაპარტე ერქვა და ჩვენც სულ მამის სახელით მიემართავდით პრანასს.

— რას ჰგავხარ, როგორ მოკუზულხარ მხრებში?!

სლავენსკასი გასწორდა, ჟივოგლიადმა ქამარი მოუსინჯა.

— ეს კიდეც რა ოინებია, ბონაპარტევიჩი, ახლაცე მოიჭირე ქამარი! — ხმას აუწია ზემდეგმა.

მზიარულმა სიცილმა გადაურბინა მწყობრს. პირველად წამოცდა ყივოგლიადს სლავისკასის მამის სახელი, სხვა დროს აქეთ გვიწყრებოდა, მაიმუნობას თავი დაანებეთო.

სიცილი ისე მოულოდნელი იყო, შეცბა ზემდეგი, მწყობრს სახრესავით გადაუჭირა მზერა და პირდალბული სლავინსკასი რომ შერჩა ხელში, თვითონაც გაელიმა.

— ეგ არაფერი, მამაჩემის პირველი სახელი რომ იცოდეთ, უფრო კარგ ხასიათზე დადგებითო, — სიცილსა და სიცილს შუა მოასწრო სლავინსკასმა.

— როგორ, ახლანდელზე უკეთესია?

— მამაჩემი ათას ცხრაას ორმოცდასამ წლამდე აღოლფი ყოფილა, ბაბუამისის საპატიეცემულოდ დაურქმევიათ უფროსი შვილიშვილისთვის.

— ორმოცდასამში ვინ გადანათლა? — ეკითხება ზემდეგი.

— ორმოცდასამში ნაღმის ნატეხი მოხვედრია თავში, სანამ საველე ლაზარეთში მიიყვანდნენ, გრძნობაზეც მოსულა. აუტანელი ტკივილები ჰქონია. მის გადარჩენას ეჭვობდნენ თურმე. სახელი და გვარი რომ გაუგია, უყვირია ექიმს: „ყველა აღოლფი თავში დაჭრილი უნდა იყოსო!“ მამაჩემი შეხვეწნია, „ახლა მიშველე და თუ გადაერჩი, სიტყვას გაძლეკ, სახელს გადავირქმევო“. გადარჩა მამაჩემი, მაგრამ თავის ტკივილები დაუტოვა ჭრილობამ. როგორც კი ფეხზე დადგა, მაშინვე შეიცვალა სახელი და მეორე ბაბუას საპატიეცემულოდ ბონაპარტე დაირქვა.

— მერედა, რა გეპრანასებოდა ასეთი წინაპრების პატრონს, შენ, სულ მცირე, ნაპოლეონი მაინც უნდა გრქმეოდა, — კბილები გადმოყარა იშმურატოვმა.

— შეწყვიტეთ სიცილი, — ბრძანა ყივოგლიადმა და ახლა მალახოვის წინ შედგა.

— რიგითი მალახოვი! — ამბობს ოლეგი.

ყივოგლიადმა ქამრის ბალთა გაუსწორა და იშმურატოვის პირდაპირ გადაინაცვლა.

— რიგითი იშმურატოვი! — მოახსენა ხმამაღლა.

ზემდეგმა გულმოდგინედ აათვალ-ჩაათვალღერა. ამ დროს ქარმა დაუბერა და იშმურატოვს შინელის სამხრეები აქეთ-იქით გადაეშალა, ჯერ ერთ მხარზე შეისწორა, მერე მეორეზე დაირტყა ხელი, ერთზე რომ გაისწორებდა, მეორე გადმოეშლებოდა. სამხრეების დასამაგრებელი რკინის პატარა ღილება აწყვეტოდა.

— იშმურატოვ, ჩამოუშვი ხელები! — უბრძანა ჟივოგლიადმა.

დაუშვა ხელები თუ არა, იმ წუთშივე პატარა ფრთებივით გადმოეშალა სამხრეები.

— ცოცხალი ანგელოსია, საცაა გაფრინდება! ყველაფერი უმსგავსოება შენ უნდა დაგემართოს?.. არავითარი სუბორდინაცია, არავითარი! ახლავე გაიქცევი საყოფაცხოვრებო ოთახში, დაიკერებ ღილებს და სამ წუთში მწყობრში იქნები, გემის?! — საათს დახედა ჟივოგლიადმა.

იშმურატოვი ფარიხაფურთხით გაიქცა შენობისკენ. ხუთ წუთში უკანვე დაბრუნდა, სულს ძლიეს ითქვამდა. ჟივოგლიადს ბრძანების შესრულება უპატაკა და მწყობრში დადგომის ნებართვა სთხოვა.

— მოიცა, მოიცა, ეს კიდევ რა მოიგონე, — შინელის სამხრეებს მიაჩერდა ზემდეგი.

— არაფერი?! დროშიც ჩავეტიე და ორივე ღილიც დაუკერე, — ნაწყვეტ-ნაწყვეტად უპასუხა იშმურატოვმა.

— ამაზე გეუბნები, ამაზე! — გაუშეორა ჟივოგლიადმა და ცალ მხარეზე დაკერებული პერანგის ამხანაგის თეთრი ღილი, ორი ამოხსნეა ძაფით რომ ჰქონდა მიმაგრებული, ააწყვიტა და ცხვირწინ მიუტანა იშმურატის ნაბოლარას.

— სინქარეში სხვა ვერ ვნახე... დამაგრებით კი დაამაგრა და... — გალახულივით წაილულლულა იშმურატოვმა.

— მასხრად აგვიღო და კიდევ... არავითარი სუბორდინაცია... ორი რიგვარეშე მორიგეობა!

— არის, ორი მორიგეობა რიგვარეშე! — იშმურატოვს ისევე გადმოეფინა მარცხენა სამხრეული.

საერთო სიცილმა აავსო იქაურობა.

ყოვოგლიადმა მალენკინი გამოტოვა, მეც გამომტოვა და ჩემს გვერდით მდგომთან შეჩერდა.

— რიგითი ლასიკასი! — სხარტად უპასუხა ზორბა, ჩაფსკენილმა ლიტველმა.

— მაშის სახელი? — ეშმაკურად ჩაეკითხა ზემდევი.

— იურგენ!

— თვად რა გქვია?

— პობედას, ამხანაგო ზემდეგო!

— ესე იგი, გამარჯვება?

— სწორედ ასეა, ამხანაგო ზემდეგო! ორმოცდახუთი წლის ცხრა მაისს გამარჯვების სალუტი რომ მიუციათ, ზუსტად მაშინ დაებადებულვარ, იცი წლის წინათ, ამის მერე მთელა კაცობრიობა ყოველწლიურად ზეიმობს ამ თარიღს. მაშაჩემს თავი მოაქვს, ზუსტად გამოვითვალეო.

30

ოცდამეათე აპრილს განგაშის სიგნალმა ერთ წუთში ფეხზე დააყენა მთელი პირადი შექაღვენლობა. ყველაფერი ელვისებურად მოხდა. ქვევანაყოფებმა მიიღეს კონკრეტული დავალებები. საათის მექანიზმივით მუშაობდნენ ბიჭები. სულ მალე საბრძოლო აღჭურვილობით საესე მანქანები აეროდრომისკენ მიგვაქროლებდა. დიდი თვითმფრინავები ჩართულა ძრავებით გველოდნენ. თვითმფრინავში უკანა ლუკიდან მსუბუქ ტანკებს ტვირთავდნენ. სამ წუთში ჰაერში ვიყავით. დაახლოებით ნახევარი საათი ვიფრინეთ, საჰაერო ხომალდმა დიდი წრე მოხაზა და აინთო ნაცნობი ნიშანი. პარაშუტისტები ერთმანეთის მიმდევრობით ტოვებდნენ თვითმფრინავს და თეთრ-წითელი ფერებით გადააჭრელეს ცა. ჯერ კიდევ ბნელოდა. ბინდუნდში შერეული დაისის სუსხი ნელ-ნელა ცრიდა განთიადს. სანამ მიწაზე ფეხს დავაკარებდით, თითქოს გათენდა კიდევ, ყველაფერი კარგად გამოჩნდა ირგვლივ. ცოტა ხნის შემდეგ ჰაერიდან მსუბუქი ტანკები და არტილერიზ მოგვაწვდინეს.

ოპერაცია „ნაპერწყალი“ სამი სხვადასხვა ფერის მაშხა-

ლის გასროლის შემდეგ უნდა დაწყებულიყო. შეტევითი მანევრებისათვის გამზადებული ვიყავით და გულისფანტკალით ველოდით იმ ნიშანს, „ბრძოლის“ დაწყებას რომ გვაუწყებდა. ჩვენი ნაწილის ამოცანა იყო, ზურგიდან მივპაროდით პირობითი მტრის განლაგებას და მფულოდნელი დარტყმა მიგვეყენებინა.

ექვსს ხუთი წუთი აკლდა, ნიშანი რომ მისცეს, გრვენიეაქუხილმა შესძრა მიწა. ჩვენ ჯერჯერობით ვერაფერს ვხედავდით, მხოლოდ საარტილერიო მომზადების ხმა გვესმოდა. ძირითადი ნაწილები „ბრძოლაში“ ჩაებნენ. ჩვენი შენაერთი ნელა დაიძრა შემოვლითი გზით.

პოლკოვნიკ ლაზარევის ბრძანებით ლეიტენანტ კრილოვს დაევალა დაეზვერა რუკაზე ნაჩვენები სალაშქრო მარშრუტა. იყო თუ არა ეს მარშრუტი მსუბუქი ტანკებისა და არტილერიისთვის გზაგამტარი, თუ არ იყო, შესწორება შეეტანა და შეედგინა ახალი გზა-გეზი. კრილოვმა თვითონ დააკომპლექტა ათეული: ორი მენალმე, ორი ტოპოგრაფისტი, სერჟანტები — ჩაპლია და ანტიპოვი. დანარჩენ ოთხ მებრძოლს შორის მე და ბერაია მოვხვდით. დაეტოვეთ ძირითადი ნაწილი და რუკაზე ნაჩვენებ მარშრუტს გავეყვით. დასაწყისში ნაჩვენები გზა კარგი იყო. წინ მენალმეები მიდოდნენ, ნაღმმაძიებლებით, პირველ კილომეტრზე არაფერი შეგვხვედრია საეჭვო, შემდეგ კი ველი დანალმული აღმოჩნდა. ნაღმები პირდაპირ ჩვენს მარშრუტზე ჩაეწყით. სახიფათო ზონას ჭრელთოკი შემოვავლეთ, დანალმული ველის პირობითი ნიშანი დავასეთ. ამ ველის სამეთვალყურეოდ ლეიტენანტმა კრილოვმა რიგითი ვარყვალისი და სერჟანტი ჩაპლია დატოვა, შენაღბულ ადგილზე მტრის მზვერავებს რომ აღნიშვნა არ გადაეადგილებიათ და სამაგიერო გზის ძებნა დაეიწყეთ. გზის კარგადგილი დანალმული იყო, გვერდით ჭაობიანი ადგილი ტანკებისათვის იყო სახიფათო. შემოვლითი გზა უნდა გამოიკვეთებინა. შემოვლითმა რკალმა თითქმის ნახევარი კილომეტრით დააგრძელა გზა, სამაგიეროდ, უხიფათო იყო. სხვა მონაკვეთზე აღარაფერი შეგვხვედრია საეჭვო. ექვსკილომეტრიანი გზა-გეზი, მცირედი შესწორებით, ძალაში დარჩა და უკანვე გამოვბრუნდით.

დანადმულ კელთან, სადაც სერჟანტი ჩაპლია და ვარჟა-
ლისი გეყაუდა, კრილოვმა მე და ბერაია დაგვეტოვა დამატე-
ბით. თვალყური ფიზიკად გეჭიროთო, დაგვიბარა და წავიდა.

ჩაპლიამ დანადმული ველის მეორე ბოლოში ჩაგეასაფრა.
თვითონ ვარჟგალისთან დარჩა. ისე ვიყავით შენიღბული, ემ-
მაკიც ვერ შეგვამჩნევდა. ერთი წუთითაც არ შეწყვეტილა
სროლის ხმა. თითქოს ახლოდან ისმოდა, გეგონებოდა, აგერ,
ტყის ნაპირთან არიან და საცაა ველზე გამოცვივდებიანო,
მაგრამ ეს მხოლოდ გვეჩვენებოდა, ბრძოლის ველი საკმაოდ
მოცილებული იყო ჩვენგან.

კარანტინის შემდეგ პირველად შევხვდი ბერაიას. დანარ-
ჩენებს თვალი შევასწარი მხოლოდ, მერე აქეთ წამოვედით
და ხელის ჩამორთმევაც ვერ მოვახერხე.

— როგორ ხარ, იმარ! როგორ შეეჩვიე დივიზიონში
ცხოვრებას?

— რა მიშავს, ლევანს ვენაცვალე, ჰაერი კარგია, სადაც
ვართ დაბანაკებული, ფიჭვის ტყეა. დიდებული, მაგრამ მაინც
აქ მირჩენია, თქვენთან, ქალაქში, ხანდახან თვალს წყალს
მაინც დააღვეინებ. ისე, დრო აქაც და იქაც ერთნაირად გა-
დის, მაგრამ...

— სახლიდან რა ამბები ისმის, რას იწერება მამაშენი,
ხომ არაფერი გამოუგონებია შენს აქ ყოფნაში?

ბერაიამ შემომხედა, მართლა მეკითხება თუ დამცინისო.
მერე ბრძოლის ველს მიუგლო ყური, უცებ მომიხედა, კვლავ
გამომცდელად დამაცქერდა. დარწმუნდა, მართლა მეკითხებაო
და ბრძოლის ველზე რომ არ გაეგონათ, ჩურჩულით მითხრა:

— წყალდიდობას დაუუქცევივართ ორი კვირის წინ.

— აპრილი წვიმიანი ყოფილა ქუთაისშიც.

— ჩვენთან სულ სახლებში შესულა წყალი.

— თქვენს სახლშიც?

— აბა რა, ბიჭო, ქვედა სართულში კარიდან რომ შესულა,
ფანჯრებიდან გადადიოდა მეზობლისას.

— ადრე თუ ყოფილაო ამოდენა წყალდიდობა?!

— როგორ არა, იმ წელიწადს მახსოვს, ხიდი რომ მოიტა-
ცა და ძუკუს გოგო გადავიყვანე ნაპირზე.

— კი, მაგრამ, ვინ გაზომა?

— როგორ ვინ გაზომა, მაშინ წისქვილი თავის ადგილზე იყო, ახლა მამაჩემს ძველ ადგილზე რომ ვერ უნახავს, ჩაპ-ყოლია წყლის ნაპირს ქვემოთ და სამ კილომეტრზე ბოგირთან დახვედრია მიხერგილი.

— კიდეც კარგი!

— აბა, ბიჭო, იქვე, ბოგირთან აშენებს თურმე ახლა წისქვილს, ვალიკო იწერება, ამ ზაფხულზე სახლიც უნდა გადავდგა წისქვილთან, თუ არა, ამსიშორს რა მარონინებსო. პრაქტიკული კაცია მამაჩემი.

— მართლაც ყოჩალი კაცი ყოფილა მამაშენი, წყალწაღებულ წისქვილს თუ იქვე აშენებს, სადაც წამოეწევა. ღემობილიზაციის შემდეგ პირდაპირ შავი ზღვის სანაპიროზე ჩააკითხე, იქ დაგზვდება ვალიკო თავისი წისქვილით.

— შენ მასხრობ და მე გულზე ცეცხლი მიკიდია.

— შენ რომ გიკიდია, სხვა ცეცხლია მაგი, ძუკუს გოგოს ბრალი უფრო იქნება. არაფერი მოუწერია აქამდე?

— როგორ არა, ორი კვირის წინ მომწერა, აგერ მაქვს ჯიბეში.

— ჯერ არ წავიკითხავს, თუ?!

— ჯერ არა, მანევრების მერე მაქვს გადაწყვეტილი მაგის წაკითხვა.

— წარმოიდგინე, ვითომ მართლა გაგანია ომია და განთიადიდან მოგივიდა ძუკუს გოგოს წერილი. კონვერტს მართლა მისი ცრემლები აჩნია...

— კარგი, ბიჭო, გაჩერდი თუ არა, ვიტირებ.

— შენ სამკვედრო-სასიცოცხლო ბრძოლა გაქვს, არ იცა, გადარჩები თუ მოკვდები...

— გაჩერდი, გულით საყვარელს გაფიცებ, მეტი აღარ შემიძლია.

— პატარა ამოსუნთქვის საშუალება მოგეცა, არ წაიკიობხავდი წერილს? მაინცდამაინც მიწაში გინდა ჩაიტანო?

— შენ თუ შეუჩნდი, ეშმაკს გადააცდენ ნამდვილად, კარგი, წავიკითხავ, ოღონდ ერთ ანდერძს დაგიტოვებ, თუ ვინცობა: გული გამისკდეს.

— კი, ბატონო, დამიტოვე!

— ეგერ, დანაღმულ ველზე ლამაზი ხე რომ მოჩანს, აქ დამმარხე. ვალიკოს ჯერ ნურაფერს გააგებინებ. ერთი თვის მერე გააგზავნე ცნობა, წისქვილი დაღეძული ექნება უკვე. ძუკუს გოგოს დიდი მადლობა მისწერე. თვითონ მიხვდება ყველაფერს... მერე შეიძლება კი მოუბრუნდეს გული ჩემკენ, მაგრამ რალა დროს, იმ ხის ქვეშ ექნება... — ანდერძს ცრემლებიც მოაყოლა ბერაიამ.

გულჯიბიდან კონვერტი ამოიღო, ზურგი შემაქცია და მარტო დარჩა ძუკუს გოგოსთან. ცოტა ხნის მერე შემობრუნდა, წერილი გაკეცა, კონვერტში ჩადო. კარგა ხანს იყო ასე ჩაფიქრებული, ვერ მივხვდი, სიკვდილს აპირებდა თუ... მერე წერილი გულჯიბეში შენახა ისევ.

— რაო, ბიჭო, ენა ჩაგიჟარდა?

— არ ვიცი, რა ვიფიქრო, ეს წერილი ბირდაბირი ხერხივით ხან აქეთაა, ხან იქით, საით გაჩერდება, რომ არ იცი. იმისთანას იწერება, არც მოგკლავს და არც დაგარჩენს. „ყველას გვენატრებიო“... რად მინდა ყველა, თვითონ რას ფიქრობს ნეტავი, რა ვიცი, იქნებ ერიდება, მენატრებიო მომწეროს და იმიტომაა ყველას რომაა ამოფარებული... ეგეც იწერება, წყალდიდობა იყო. ახლაც წაიღო ის ხიდი, ჩვენ რომ ვიცითო. ხომ გახსოვს, ფეხი რომ დაგიცდა ქვაზე და წყალში ამოიწუწო... აქამდე კარგი საკითხავია, მერე ისევ იმას იწერება, მთელი პროგრამა გადაბულბულებული მაქვსო, ნაპირველმა... სებს თბილისში მივიღვარო, გეოგრაფიის მასწავლებელ გარდაიცვალაო, მის უმცროს ვაჟს, — ბაჯალლო პერტენავა, ზუსტად იმ საათს და იმ წუთს შეძენია ბიჭი. პატარას ბაბუას სახელი დაარქვესო, იწერება, გაუზარდოს დიდი ვაჟკაცი. ბაჯალლო პერტენავა ოქრო ბიჭია. მამა ხომ ჰყავდა და ჰყავდა, გეოგრაფიას მასწავლიდა. მთელი გლობუსი ზეპირად იცოდა. ერთხელ სკოლაში სტუმრები მოვიდნენ რაიონიდან... ლევან! თვალი მატყუებს თუ ის ჩვენი გაბმული ჭრელი თოკი მართლა მიდის თავისით? — შეწყვიტა თხრობა ბერაიამ, — ნახე, თანდათანობით შემოეხსნა ხეს, მტრის ხელი ურევია, არ უნდა ლაპარაკი...

— სწორედ მაგას ვუთვალთვალე, ცოტა ახლოს მივხობ-
დეთ, რაღაცას გეიწყობენ ვგონებ. სანამ სხვა მოგეიწყობს რა-
იმე თამაშას, წამით უნდა დაეასწროთ, იქით უნდა გავუკეთოთ
ცუცურმა.

მიუვახლოვდით დანაღმულ ველს და ვხედავთ: ხის იქი-
თა მხარეს, ჩვენსავით შესანიღბ ტანსაცმელში გამოწყობი-
ლი ერთი ჯეელი ჩაცუცქულა, ცერა თითზე და იდაყვზე იხვევს
მეორე ხეზე შეხსნილ თოკს, რომლის ბოლოსაც კიდევ ერთ-
დაუპატიჟებელი სტუმარი მოაცილებს ხიხვით. ახლა ძნე-
ლია გაარჩიო, რომელია აქ სტუმარი და რომელი მასპინძელი,
მაგრამ ამ წუთში ისინი იყვნენ მტრები და რაღაც არ უნდა
დაგვედომოდა, ჩვენს იმედად დარჩენილი ტერიტორია, ისე
დაგვეხვედრებინა, როგორც კრილოვმა დაგვატოვა, ჩაპლი-
და ვარჟალისიც. აქეთ წამოსულიყვნებ.

— რა ამბავია? — იკითხა ჩაპლიამ.

ვიფიქრე, მოკლედ მოვახსენებ საქმის ვითარებას-მეთქი
და ის იყო პირი დავადე, რომ ბერაიამ ამბის შორიდან მოყოლა
დაიწყო.

— სულ პირველად ბაწარი დავინახე ამ ხიდან იმ ხისკენ
რომ მისრიალებდა, ვიფიქრე, აქ რაღაცაშია საქმე-მეთქი...

— უფრო მოკლედ არ შეგიძლია?

— მოკლედ ისაა, რომ მტერია შემოპარული ზონაში და
ჩვენს რიგებში აურზაურის შემოტანის მიზნით, თოკის გა-
ტანას ფიქრობს დანაღმული ველიდან, მაგრამ აგერ ვართ
ჩვენ და თოკს კი არა, სნაკვს გავატანთ.

— რამდენი შეამჩნიეთ?

— ჯერჯერობით ორი ჩანს.

— ცოტა ხნით თვალი ვადევნოთ, იქნებ კიდევ ახლავთ.
თუ საეჭვოს ვერაფერს შევამჩნევთ, თოკს რომ ახვევს, იმას
მე და ვარჟალისი მოვუვლით, მეორე თქვენია. გახსოვდეთ,
ყველაფერი უხმოდ უნდა მოხდეს.

ორ-სამ წუთს ვუთვალთვალეთ, მეტი ვერაფერს შევნიშნეთ
და ჩაპლიას ნიშანზე ჩვენ-ჩვენი „მსხვერპლისაკენ“ დავიძა-
რით. ტანმორჩილი, მკვირცხლი ბიჭი ისე მოხერხებულად
აკეთებდა ყველაფერს, შეეხარბა ბერაიას. უკან არ გამოვდგო-
მივართ. შემდეგ ხესთან, რომელთანაც აწი უნდა მიხობჭუ-

ლიყო თოკის შესახსნელად, მოუჭერით გზა. მივასწარით დანიშნულ ადგილას, ხის ძირს ამოფარებულები მიწას დავაკვდით. მოწინააღმდეგე უფრო თავისუფლად მოდიოდა. აზრზე არ იყო, ხის ძირას რომ ვუცდიდით და სული კბილით გვეჭირა, მოხობდა ხესთან, წამოიჩოქა, შეხსნა ცალი ბოლო და თავისკენ გაქაჩა. აქედან მე მოვკიდე თოკს ხელი და არ დავანებე. რას გამოედო, ალბათ ამის გასაგებად გადმოსწია თავი, რომ დამინახა, მოულოდნელობისგან შეხტა, მაგრამ მალე მოეგო გონს, ისე შეემზადა, თითქოს მიწვევდა, „მოდი თუ ბიჭი ხარ და გვარკვიოთ, ვინ ვისო“.. ამასობაში ბერაია ზურგიდან მოახტა, თვალის დახამხამებაში ხელებგაკრული, პირში ხელთათმანგაჩრილი მოწინააღმდეგე, იარაღაყრილი გვიჯდა გვერდით, მეორეც გაკოჭილი იყო უკვე. ისევ შემოვსახზვრეთ დანაღმული ველი. ტყვეებთან დავბრუნდით. ბერაიას მიერ გაკოჭილი ბიჭი ღმუოდა, თვალებს საცოდავად ატრიალებდა, გვანიშნებდა, პირი გამითავისუფლეთო. ჩაპლიამ ნება დაგვართო. გამოვუღეთ ხელთათმანი, გადააფურთხა გაკოჭილმა.

— ლევანი არა ხარ, ბიჭო, შენ?! — ქართულად მეკითხება ტყვე.

— მე კი ვარ ლევანი, მაგრამ შენ თუ მატრასა ხარ, უნდა დაგაპუტოს კაცმა ეგ უღვაშები.

— რატომ?

— ბერაიას გააკოჭიე თავი და იმიტომ.

— მატარებლით რომ მოვდიოდით, მაშინ მივხვდი, კარგს არაფერს გამოიკეთებდა, ისეთი თვალებით მიყურებდა.

— დედას გაფიცებ, გაჩერდი თუ არა, ვიტირებ ახლა, — წამოისლოკინა ბერაიამ.

— ერთბაშად მარგალიტები არ გადმოგცვივდეს ცრემლების მაგიერ.

— რა ჩემი ბრალია, ომი რომ არ იყოს, რაში მაინტერესებდა შენი გაკოჭვა, — იმართლა თავი.

— ქართველია? — იკითხა ჩაპლიამ.

— არა, ჭიათურელი. — უპასუხა ბერაიამ.

— რა დავალებით გამოგზავნეს შტაბიდან? — დაკითხვაზე გადავიდა ჩაპლია.

- დავალებზე გამოგვგზავნეს, აბა არა?!
- შერედა გეკითხები, რა ამოცანა გქონდა დასახული!
- დამავიწყდა.
- თავს ნუ იგდებ, როგორ თუ დავავიწყდა?!
- დამავიწყდა და რა ვქნა?.. თუ ძაან გინდათ, გამიშვით შტაბში, ვიკითხავ, მოვბრუნდები და გეტყვით.
- ხმა ჩაიკმინდე! – იყვირა ჩაპლიამ.
- აბა, რომ ჩამაცივდი, სამშობლოს გამყიდველი ხომ არა ვარ. არაფერსაც არ გეტყვით.
- ჩაპლია ახლა მეორეს მიუბრუნდა იგივე კითხვებით, არც ესტონელმა რუტელმა გასცა საიდუმლო.
- წყალი დამალევენეთ! – გეთხოვა მატრასამ.
- ბერაიამ თავისი მათარიდან მოასმევენა.
- სხვა ხომ არაფერი გინდა? – ჰკითხა მზრუნველობით.
- რაუა არ მინდა, მარა სადაა, ახლა კაი საცივი და ცხელი ღომი მოგვცა. აჰ! რას იტყვით?
- ხელფეხშეკრულს რად გინდა საცივი, ნერვებს ავიშლის, მეტი არაფერი, – ვუთხარი მატრასას.
- რაუა, საცივი რომ მოგვცა, არ გამიხსნიდით ხეველს?!
- თვალებში შემოგვცინა მატრასამ.
- ხელებს კი არა, პირსაც აგიკრავდი, მტერი ხარ ჩვენი და იმიტომ.
- რა ჯანდაბამ გამოგცვალა!
- დედა მომიკვდეს, გეხუმრება, ბიჭო, არ დაუჯერო, მაგისთანა ოხერია. მართალი გეგონება ხანდახან, ისე გეტყვის, – არწმუნებდა ომარი.
- თქვენ რომ იყოთ გაკოჭილები, მასე მოგექცეოდით მეუე?!
- აბა, როგორ მოგექცეოდი?
- მაგ არ ვიცი მარა, მასე არ. მოგექცეოდით. ჯერ იყო და ჭუჭყიანი ხელთათმანით ამომიჩურთეთ სალაპარაკო, მერე...
- მტერი ხარ ჩვენი და იმიტომ.
- რა გვაქვს, ბიჭო, სამტრო მე და შენ. აქეთობას რომ მოვდიოდით, ერთად არ ვმღეროდით?

— კი ვმღეროდით, მაგრამ სხვადასხვა ბანაკი ვართ ახლა.
— ბიჭო, ეს ვარჯიშია, თამაში, ომობანას ვთამაშობთ.
— მაგაშია საქმე, თამაში რომაა, თუ არა, ნამდვილი რაიმე იყოს, იმ არყის ხეზე კაიხნის ჩამოკონწიალებული იქნებოდი თავდაღმა.

— გეხუმრება, დედა მომიკედეს!
— აბა არა? მეხუმრება. ჯერ საცივი არ მაჭამა, მერე ხეზე ჩამომკიდა, კიდევე მეხუმრება, ნება რომ ჰქონდეს, გამატყავებლა კიდეც.

მატრასას მართლა მოუვიდა გული, ისევე საჩვენოსკენ რომ მოგვებრუნებინა, ბერაიას ვუთხარი:

— ომარ, ხიდან ჩამოხსენი, ხელები გაუთავისუფლე და ჩემი ნაწილი საცივიც მაგას ჩააცეცხლე, თუ არა, გულზე დამადგება.

მატრასას მტყუანივით გაეციწა, ბერაიამაც ამოისუნთქა.

სროლის ხმა ხან ახლოდან გვეჩვენებოდა, ხანაც შორიდან, ტანკების სუსტმა ხმამაც მოაღწია. ალბათ, ჩვენები მოდიან. მართლაც, მოძლიერდა ტანკების ძრავების გუგუნო. ჩვენს ნაწილს წინ ჯაეშნოსანი მოუძლოდა, რომელზეც კრალოვი იჯდა თავისი ათეულით და გზა-გეზის სიხუსტეს იცავდა. დანადგულ ველთან შეაჩერეს ჯაეშნოსანი. ჩაპლიამ კრილოვს მოახსენა მომხდარის შესახებ, კრილოვი გადმოხტა მანქანიდან და სირბილით წავიდა ნაწილის უფროსის ვილისისკენ. უფროსმა მანქანის კარი გააღო, კრილოვის პატაკი მოისმინა. კრილოვი გამობრუნდა. ჩაპლიას რაღაც უბრძანა, თვითონ ჯაეშნოსანზე დაჯდა. კოლონამ გზა გააგრძელა, ჩვენი ტყვეები კოლონის უკანა საბარგო მანქანაზე დასვეს და მეთვალყურედ ვარუგალისი მიუჩინეს.

ერთ საათში მტერს ზურგიდან მივადექით. გავიშალეთ მთელი ფრონტით და სამი სხვადასხვაფერი მაშხალის გასროლისაიანავე შეტევაზე გადავედით. ეს იყო ნამდვილი ბრძოლის ველი. აგრუხუნებული, აბოლებული, ათხრილ-დათხრილი, სანგრებით დახაზული, ტანკებითა და ქვემეხებით მოფენილი, აირწინალიანი ჯარისკაცებით სავსე. ნამდვილი ბრძოლის ველი იყო, მხოლოდ ესაა, ავტომატებიდან და ქვემეხებიდან

ფუჭ ვაზნებს ვისროდით. არაუინ არ კედებოდა, არ ისმოდა დაჭრილების კენესა, მომაკვდავების გმინვა, ისმოდა ვაშა და შეტევაზე გადასული მებრძოლების შეძახილები. უზარმაზარი ველი, თვალს რომ ვერ გაუწვდენდი, კვამლით იყო გაბურბუსალეული, თითქოს ბარბაცებდა აქამდე ბალახბულახით მშვიდად წამოწოლილი უკიდევანო ტრამალი. ფოლადისფერ ღრუბელს გაეტიხრა ცა და მიწა, ზეცამ ერთხანს ითმინა, ბოლოს ბუნებასაც შეეშინდა, მთლად არ დაიწვას ცეცხლმოკიდებული მიწაო, დაუშვა კოკისპირული. სანგრები წყლით ივსებოდა. ერთიანად გავილუმპეთ, ცა და მიწაც გამოცდას გვიწყობდა. გაუუძელით ყველაფერს. შესვენების სიგნალმა გახახა სივრცე. ტყიდან შეშა მოვიტანეთ, დიდი კოცონებით აბრიალდა ველი. მალე ტანსაცმელებიც გავაშრეთ და საველე სამზარეულოდანაც მოაღწია მადისალმძკრელმა სუნმა. ბორბლებთან ქვაბებთან გრძელი რიგები გაჩნდა. ასე გემრიელად სასადილოში არ გვისადილნია.

სადილობისას ერთიმანეთი მოვიძიეთ, ჩვენებურები ერთად ჩავმწკრივდით მიწაყრილზე, კოვზისა და თეფშის ხმა ისმოდა კარგა ხანს.

— ტყვეებისთვის ხომ არაფერი მიგვეტანა, ისინიც მოშვიკებულები იქნებიან, — ვეუბნები ბერაიას.

— შენი ჭირიმე, ლევან, რომ გაიხსენე! მართლა, ბიჭებო, თქვენ არ იცით და მატრასა გვყავს დატყვევებული.

— გაფიცებთ ყველაფერს? — დაგვეკითხა მახარაძე.

— რად უნდა ფიცი, ჩვენს ზონაში აღმოვაჩინეთ და ავიყვანეთ.

— ადვილად დაიმორჩილეთ?

— მისთვის არ გვიკითხავს, თვალის ხამხამში. გავეკოჭეთ. მერე ბევრი იმახა პიტლერ კაპუტო, ხელები მაინც არ შეეუხსენით. ასე არ არის, ლევან?

— ასეა, ასე და დროზე მივეუტანოთ საჭმელი, თუ არა...

— აბა, ბიჭო, მე სულ დამავეიწყდა!..

სადილის შემდეგ მთელი ნაწილი მოეწყო. ჩატარდა შემოწმება. პოდრების გარდა ყველანი ადგილზე იყვნენ. ტყუ-

პების ასაველ-დასაველი არავენ იცოდა. შემდეგ ნაწილის უფროსმა, პოლკოვნიკმა ლაზარემა შეაჯამა დღის პირველი ნახევრის შედეგები. აღნიშნა ცალკეულ უბნებზე დაშვებულა შეცდომები, არც ისინი დაეიწყნია, ვინც თავი ისახელა, შეისვენეთო, ბრძანა ნაწილის უფროსმა და მწყობრიც დაიშალა. საველე ფოსტა მოვიდა. მეც მივიღე წერილი, მამაჩემი იწერებოდა. ბრძოლის ველზე მიღებული წერილი სადილზე გემრიელი იყო. ახლა უფრო შემეძლო გამეგო იმ ბიჭებისთვის, სამკუთხა ბარათებს რომ ღებულობდნენ ოცი-ოცდაოთხა წლის წინათ, პასუხსაც სანგარშივე წერდნენ და შინაურებთან ჭასაუბრებით ფრთებშესხმულები სიკვდილს მრავალგზა ამარცხებდნენ. იმ ბიჭებივით ვიდექი სანგარში და ვკითხულობდი მამაჩემის წერილს:

„გამარჯობა ჯარისკაცო!

ამ წერილს ჯარისკაცის მამა გწერს. აქაურებზე არ იღარდო, ყველაფერი რიგზეა. შენი ბობკოვი მომეწონა, კარგი კაცია, ისიც კარგია, მამა-შვილის შეხვედრაში წვლილი რომ მიგიძღვის. ამას სიკეთის გაკეთება ჰქვია, უნდა დაეხმარო ყველას. თუ ვინმეს რამეზე ხელს წაუკრავ, არ დაამადლო, არც გაახსენო, თორემ ჰეწი ეკარგება. მამას არ ჩამორჩე, თორემ მოყვარესაც ეწყინება და მამულსაც. აბა, შენ იცო, იყავი კარგად. წერილებს აგვიანებ, აწი მაინც აღარ მათქმევინო საყვედური“.

ჯარისკაცის მამა

24/04-65 წ.

სამი დღე-ღამე გრძელდებოდა საბრძოლო მანევრები. სამი დღის მერე ნამდვილი მეომრები ვიყავით. ჯარისკაცებმა კარგად შეასრულეს დასახული ამოცანა. მეთაურებმაც გამოამჟღავნეს სამხედრო სტრატეგიისა და ტაქტიკის კარგი ცოდნა, მზადყოფნა ყოველგვანარი მოულოდნელობისათვის.

მეორე დღესვე შევიტყვეთ პოდრების ამბავი. ტყვედ ჩაუგდიათ მოწინააღმდეგეებს. მანევრების დამთავრებისთანავე მატრასა და რუტელი გადავცვალეთ პოდრებში.

მოახლოვდა ფაშიზმზე გამარჯვების ოცი წლისთავი. მა-
მა-შვილი ბობკოვების შეხვედრის გამო წინასწარ ელელავდი.
ისინი რომ ერთმანეთს გადაეხვევიან, სიხარულით გული არ
გამისკდეს-მეთქი, ვშიშობდი.

ორ მაისს მალახოვთან ერთად დიდიდან საღამომდე თავი-
სუფალი დრო მოგვეცეს. მუსიკალური სასწავლებლის საეროო
საცხოვრებელს უკანა მხრიდან მოეუარეთ. მარცხნიდან მარჯ-
ვნივ გადავთვალეთ ფანჯრები და ჩვენი აზრით მეხუთე ფან-
ჯარა შევარჩიეთ. ჯიბიდან წინასწარ შეგროვილი კენჭები
ამოვიღეთ. საფანტივით შეეყვარე მინას და იმის მოლოდინში,
ლუსია და ლიდა სულ მალე ალბათ ფანჯრიდან გადმოღვრინ-
დებიან-თქო, ორთავე სმენაზე დაედექით ფანჯრის წინ, თავე-
ბი მდაბლად დავხარეთ. სიცილ-კისკისი შემოგვესმა. ავიხე-
დეთ ჩვენს ზემოთ, ფანჯარაში, მინაზე მიჭექვილი უცნობი
ვოგონების ცხვირები ჩანდა. იცინოდნენ, ხელს მეორე ფანჯ-
რისკენ იშვერდნენ, შეგეშალათო, გვანიშნებდნენ.

ეგ არაფერი-მეთქი, მეც ვანიშნე, დაბალ ღობეზე გადახ-
ტი, მათი ფანჯრის ქვეშ წერილი კენჭები ავკრიბე და ახლა
მეორე ფანჯარას ვაუწყე ჩვენი მოსვლა. აქაც გამოიჭედა ფან-
ჯრის ჩარჩო თავებით, მათაც გვერდითი ფანჯრისკენ გვანიშ-
ნეს. სხვა ფანჯარაზე გადავინაცვლეთ ჩვენი კენჭებით. უკვე
ოთხი ფანჯარა გვექონდა აკისკისებულ-აფერადებული, მეხუ-
თედან რომ ხანში შესულმა ქალმა გამოიხედა.

— ვოგონები ერთ საათში დაბრუნდებიან, თქვენზე დაიბა-
რეს, თუ მოვიდნენ, დაგველოდონო.

— დიდი მადლობა! — თავაზიანად ეუბნება მალახოვი.

თითქმის ერთდროულად გაიღო ფანჯრები. ყველანი თავი-
ანთი ოთახისკენ გვეპატიჟებოდნენ, — ჩვენთან დაელოდეთ
ვოგონებსო.

მალახოვზე ვანიშნე, ეს არ მომეყვება, მარტო მეშინია
თქვენთან შემოსვლა-მეთქი.

ლუსიას და ლიდას შეაგვიანდათ და როცა ფანჯარაში მა-
თი თავები გამოჩნდა, ძლივს ვიცანით. ისეთი ვარცხნილობა

ქონდათ, მიკოლა ჩევერნოჟენკოც განცვიფრებაში მოვიდოდა.

სოფიევიკის პარკში გავისეირნეთ. ბევრი საინტერესო რამ ვნახეთ. ვიცოდით: სამი საუკუნის წინ, გრაფ პოტოცკის მიერ გაშენებული ეს დენდროლოგიური ტყე-პარკი წარმტაცი ადგილი რომ იყო.

თუ გაინტერესებთ, „სოფიევიკის“ შესახებ ცოტა რამეს მოგიყვებით, — შემოიკვთავაზა ლუსიამ. იქვე ხის მერხზე ჩამოვსხედით.

— აი, — ხელი გაიშვირა ქალაქის გარეუბნისკენ ლუსიამ, — იქ, სადაც ერთმანეთს უერთდება პატარა მდინარეები უმანკა და კამენკა, მენვიდმეტე საუკუნის დასაწყისში გაშენებულა ქალაქი უმანნი. უმანი ყოფილა ძლიერი ციხე-სიმაგრე, მაქსიმე ზალიზნაიკისა და ივანე გნოტას შლიახტობის დროს ქალაქი გაზრდილა და საღმრთაველი გამხდარა. მოგვიანებით უმანის მფლობელმა, გეტმან პოტოცკიმ განაგრძო წინაპრების საქმე. პოტოცკი დიდი პატრიოტი ყოფილა თავისი ქვეყნის და როცა უფროსმა პოტოცკიმ მის წინ მუხლმოყრილ მემკვიდრეს წინაპართა ვადაშეცვეთილი, საგვარეულო მახვილი გადაელოცა, ახალგაზრდა გრაფს ფიცი უთქვამს: ღირსეულად მოუველიო ჩემს მამულს. უელიდა კიდევ. მის დროს გაფურჩქნილა და გალამაზებულა ქალაქი. ახალგაზრდობაშივე დაუწყია პარკის მშენებლობა. ათასობით გლეხი აშენებდა პარკს. ჩვენამდე მებაღე ზარემბას სახელმა მოაღწია მხოლოდ. ზარემბა ხელმძღვანელობდა თურმე ყველაფერს, მისი ფანტაზიის ნაყოფი ყოფილა: ორსართულიანი ტბა, მრავალი გამოქვაბული, ლამაზი ჩანჩქერები და პარკში მოწყობილი სხვა საოცრებანი, ადრე ამ ადგილას არც ტბები ყოფილა, არც გამოქვაბულები, არც ჩანჩქერები, რასაც უყურებთ, ყველაფერი კაცის ხელმა გააკეთა.

სოფიევიკაში მდინარე კამენკა შემოდის და ზედა ტბას ავსებს. ზედა ტბიდან წყალი გაედინება პატარა არხით, კიბისებურ საფეხურებად გადმომჩქეფარ წყალვარდნილებით და ბოლოს იქცევა დიდ ჩანჩქერად. ჩანჩქერის ხმა ზოგჯერ ქალაქის გარეუბანშიც ისმის. წყალვარდნილთან მობანავე ვენერას

სტატუა დგას. წვიმების შემდეგ კამენკა წყალუხვი ხდება და ჩანჩქერის ნაწილი თეთრ მარმარილოში გამოკვეთილ ქანდაკებასაც უწევს. წყალი თითქოს აცოცხლებს ვენერას, იფიქრებთ, მართლა ტანს იბანსო. ჩანჩქერი ქვედა ტბას უერთდება. ქვედა ტბიდან აქამდე თავ-პირის მტვრევით მომდინარე წყალი საგანგებო არხით მშვიდად მთარშიყობს ერთ ხანს, მერე თითქოს შედედდაო, ადგილზე ჩერდება და გზაზე გაჩხერილი, უზარმაზარი ლოდის, მთელი მდინარე რომ გადაუკავებია, ჩაყლაპვას ლამობს. წყალი ლოდის ზედაპირამდეა სავსე და თუ ჯერ თავზე ვერ გადმოვლებია, იმ ორი ვიწრო ღარის ბრალია, კაცის ხელით ამოკვეთილი რომაა ლოდზე და სამად ჰყოფს მას.

ქვედა ტბის ახლოს პატარა გორაკი მოჩანს, აი, იქ! — გვეუბნება ლუსია და ხელით გვიჩვენა, საით უნდა გაგვებედა, — იმ გორაკს „მუზების სამეფო“ ჰქვია. დიდი ჩანჩქერიდან თუ გამოვხედავთ, ტბისკენ გადახრილი გორაკის ნაწილი მოზაზულობით ადამიანის პირისახეს წააგავს, ამბობენ, პოტოცკის პროფილიაო.

გორაკს ზემოთ „კავკასიის ხეობა“ იწყება, შემოსასულელთან სიღსე რომ გადმოვედით, ვენეციურ ბილს ექახიან, კავკასიის ხეობის იქით „მცირე შვეიცარია“ ვენევის ტბით და ავალწარმტაცი სანაპიროთი. შემდეგ „ელისეს მინდვრები“, პარკის ცალკეულ კუთხეებს თვით პოტოცკი არქმევდა სახელებს. სოფიოს გული ჯერ კიდევ არ ჰქონდა მონადირებულს, „სოფიევკა“ რომ დაურქმევია პარკისთვის. სოფიო არც მანამ ყოფილა პოტოცკისადმი გულგრილად, მაგრამ ღეთისმოსიში და მშობლების მოყვარული ქალი ვერ წყვეტდა გადასულიყო მამის ნება-სურვილს. ოდესღაც პოტოცკისა და ზალიზნიაკების წინაპრები სამკედრო-სასიცოცხლოდ შერკინებიან ერთმანეთს... მას მერე პოტოცკებს სისხლი მართებთ ზალიზნიაკების, ამიტომაც იდგა უარზე მამა.

გრაფმა საიდუმლო გვირაბი გააჭრევინა ზარემბას. გვირაბი ზალიზნიაკების მამულში, მაგნოლიის ხეივანში ადიოდა თურმე. მამის ჩუმად ხვდებოდნენ ერთმანეთს, სანამ პოტოცკის მსახურს, შეყვარებულების წერილები რომ მიჰქონდ-მოჰ-

ქონდა, ყური არ მოაქვამა ზალიზნიაკების ძაღლმა. მამას ამის თაობაზე არაფერი გაუმხელია ქალიშვილისთვის და ღამით მ.გნოლიების ხეივნიდან რომ წასულა სოფიო, ქურდულად გაჰყოლია უკან. ტბის ნაპირთან ჩახვეული შეყვარებულები დაუნახავს...

გამთენიისას შინისკენ გამობრუნებულ სოფიოს მაგნოლიების ძირას უნახავს სულთმობრძავი მამა...

მამის სიკვდილის მერე სოფიომ უარი უთხრა ქორწინებაზე პოტოცკის. ლოცვაში ათენებდა და აღამებდა თვალცრემლიანი, დრო ყველაფრის მკურნალია. სამი წლის მერე მგლოვარე ქალი მაინც დაიყოლია გრაფმა თურმე. ეს იყო დიდი ხნის წინათ, ახლა კი იმ ხიდზე უნდა გადავიდეთ.

ლუსია წამოდგა და წინ გაგვიძღვა.

უფრო ყურადღებით დაუაკვირდი ყველაფერს. მართლაც წარმტაცი იყო იქაურობა. ხიდი გადავიარეთ და პატარა კუნძულზე აღმოვიჩნდით. კუნძული მარადმწვანე უცხო მცენარეებით იყო სავსე. წყლის ნაპირებზე მტირალა ტირიფები ჩაემწვრივებინათ. ტირიფების ჩამოხრილი ტოტები ტბის ზედაპირს ახლად აფეთქებული კვირტებით ელამუნებოდნენ. კუნძულის სიღრმეში, ღამაში, ექვსკუთხა კოშკურა აღემართათ, იქვე ხისგან გაკეთებული გრძელი სკამი მიედგათ, მოშორებით კარდების ბუჩქნარი ნაირფერი კოკრებით აპირებდნენ გაზაფხულის გაღამაზებას. ნაპირთან ორი თეთრი გედი დაცურავდა. ერთი თავს ევლებოდა მეორეს, მეორე თითქოს გაურბოდა.

— ამ კუნძულზე ჩვენსავით ჯგუფურად როდი დადიან, აქ მხოლოდ წყვილები დასეირნობენ, — გააგრძელა ლუსიამ, — თავიდან პოტოცკი და სოფიო აღამებდნენ და ათენებდნენ თურმე. მაშინ „სიყვარულის კუნძული“ დაურქმევია ამ ადგილისთვის გრაფს და დღესაც ასე ეძახიან. ეს ჩახუტებული ხეებიც მაშინდელიაო, ამბობენ, ჩინეთიდან ჩამოატანინა გრაფმა ზარემბასო.

— გოგონებო! ეშმაკობას თავი დაანებეთ! — საჩვენებელი თითით დავემუქრე ორთავეს.

— რა მოხდა?! — გაიკვირვა ლუსიამ.

— რატომ შემოგვიტყუილეთ ასეთ ადგილზე?
— როგორ ადგილზე?
— ვითომ ვერ ხვდებით?!
— ვფიცავარ, არაფერი მესმის.
— იქნებ სოფიოსაც არაფერი ესმოდა!
— აი, თურმე, სად უკაკუნებ.
— რაზე საუბრობთ? — ჩაგვერია ფიქრებიდან გამობრუნებული მაღახოვი.

— სიყვარულის კუნძული გვინდა ჩვენ? რა შეგვატყვის ასეთი ოლეგ?

— ჩვენს სიყვარულს საზღვარი რად უნდა, ჩვენი ასპარეზი მღელვარე ზღვა უნდა იყოს, აფოფრილი ჟრუანტელი, — ძილ-ღვიძილში ნაოცნებარი, ფერადი ზღაპარი.

— ცხადში ახდენილი სიზმარი! — მიეხმარა ოლეგს ლუსია.

— ნამეტანი არ მოგივიდეთ! — დროზე გაგვანერა ლიდამ.

— თავი დაანებე, იქნებ ამ სამხრეებიანმა ახალგაზრდებმა, არც იციან, სიყვარულის კუნძულზე თუ რამე დაკარგეს, მას სხვაგან ვერსად იპოვიან, — ჩუმად ჩაილაპარაკა ლუსიამ და სევედაჩასახლებული თვალები შემომატოვა. ის თვალები გულის რომელიღაც კუნჭულში შეიყუჟნენ, შევატყვე, მის პატრონსაც ეპოვა რაღაც სიყვარულის კუნძულზე. თვითონ უფრო ეშინოდა, ეს ნაპოვნი არ დაჰკარგოდა, სხვასაც აფრთხილებდა, ფხიზლად იყავიო.

— სოფიომ ამ კუნძულზე დაჰკარგა თურმე... — ეშმაკური ღიმილით გააგრძელა ლუსიამ.

— გრაფი პოტოცკი იპოვიდა, რაც სოფიომ დაჰკარგა!

— არა, პოტოცკის არ უპოვია, პოტოცკიმ მოიპარა.

— სოფიო ვერაფერს მიხვდა?

— როგორ არა, ხვდებოდა, მაგრამ თავს იკატუნებდა, ვითომ ვერ ამჩნევდა.

მე და ლუსია იმ სკამზე ვიჯექით, კომპურასთან რომ იდგა. ხელი მხარზე დავადე, თავი მკერდთან მივიზიდე, მის ჩამოსმლილ კულულებში ნელ-ნელა შევაპარე ხელი და გავიტრუნეთ. ტირიფები ტბის ნაპირას ჭყუმპალაობდნენ ისევ. წყლის ზედაპირზე სიცხიანივით ფათურებდნენ ანაკვერცხლები.

ბული კვირტები. ეს კვირტები მანამ იგიჟმაჟებენ, სანამ მწვანედ არ შეიფოთლებიან, მერე კი, ალბათ, სიყვარულის კუნძულზე შემოიხიზნულ წყვილებს ჩურჩულით მრუყებებიან პოტოტკისა და ხოფიოს სიყვარულის ამბავს.

ლიდამ მაღახოვს კუნძულის ყველა კუთხე-კუნჭული შემოატარა, საუბრობდნენ ყველაფერზე, რაც საინტერესოდ მიაჩნდათ ამოდენა ცის ქვეშ. ოლეგმა ისიც გაანდო, მოსკოვში შეყვარებული რომ ჰყავდა, კარგი გოგო რომ იყო — გუტია, წერილებს რომ წითელი მელნით წერდა.

— ამ საფხულზე ჩამოკალო, შემატყობინა! — მიახარა ლიდას.

— ბედნიერი კაცი ხარ, ოლეგ, — ამოიხვნეშა ლიდამ. — ჩემი ანდრუშა მატყუარა გამოდგა. ერთად დავამთავრეთ საშუალო ბელოცერკოვში. ატესტატის აღებისთანავე კომკავშირულ მშენებლობაზე წავიდა ციმბირში, ორწლიანი ხელშეკრულებით. ჩამოვალ და ვიქორწინებთო, შემპირდა. უსაშველოდ გაგრძელდა ორი წელი. შარშან შემოდგომაზე დაბრუნდა. ციმბირიდან ანდრუშას მოლდაველი გოგო ჩამოჰყვა. ისიც ქვეყნის ასაშენებლად ჩასულიყო შორეულში... მე კი დამაქცია და...

— არ იდარდო, ლიდა!..

— ასე კი მოხდა, მომიტყევეო, მითხრა იმ დღეს, შეილი რომ შეეძინათ. ასეა, პირველმა სიყვარულმა ჩაილულის წყალი დალია... ბელოცერკოვში ველარ გავჩერდი, მეორე კურსიდან აქეთ გადმოვედი სასწავლებლად.

— არაფერია, ლიდა! შენ ყველაფერი წინ გაქვს, ისეთი ბიჭი ჩაიხუტებს, აი ნახავ, ქორწილი არ გამომაპარო, ლევანმა სადღეგრძელოები მასწავლა, თამადად გამოვდგები.

ლიდამ ნაღვლიანად ჩაიციხა.

კოშკურასთან რომ დაბრუნდნენ, მე და ლუსია ჩახვეულები დავხვედრივართ. გვითვალთვალებდნენ თურმე ჩუმად, ხელის შეშლა ვერ გაეხდათ კარგა ხანს.

— ამათ აწი რაღა გამოხსნით! — შემოგვესმა მაღახოვის ხმა.

ძილში უკმაჯურა რომ დაგეცემა, ასე იყო. ორთავე მალე გამოიხრუნდით ტკბილ ზმანებიდან. მალაზოვს თვალებით ვუსაყვედურე.

— რა ვქნათ, კარგა ხანს გადროვეთ! — თავი იმართლა ოლეგმა.

— თვით გრაფი პოტოცკიც ვერ აძლევდა ალბათ თავს ამოდენა სიამოვნების უფლებას! — შენიშნა ლიდამაც.

— ეგოისტები! — ჩაილაპარაკა გაბუტულმა ლუსიამ და რაღაც უკრაინული სიმღერა წამოიწყო ხმადაბლა. ასე მღეროიან, როცა გულს ვერ იტევენ საგულეში. ასე მღეროდა, ალბათ, ბერაია „განთიადის“ გუნდში. მეც მომინდა სიმღერა რატომღაც. ჩემდა უნებურად დავიწყე „ჩემო ციციანათელა“. ლუსიამ თავისი სიმღერა შეწყვიტა და მე წამომეშველა, ლიდამაც მოგვახმარა მეორე ხმა, მალაზოვი გვისმენდა, ხიდზე რომ გადმოვდიოდით, შევატყვე, ოლეგი არც ჩვენთან იყო და არც გროდნოში — დედამისთან. იგი ახლა მოსკოვში იყო ალბათ და ჩვენს ამბავს უყვებოდა დიდი ხნის უნახავ გუტიას.

გასასვლელისკენ გავემართეთ. იმ ღოდთან, ქვედა ტბიდან გამდინარე წყალს რომ აგუბებდა, ტურისტები შეჯგუფულიყვნენ.

— ეს უზარმაზარი ქვა პოტოცკის ბრძანებით მოუტანიათ ქალაქის გარეუბნიდან, სამი წელი მიატოვდებოდნენ გლეხებით, — გავიგონე ექსკურსიამძღოლის ხმა.

ჯგუფს შევეუერთდი და ყური მივეუგდე.

— ქვის ზედაპირის მიზაზულობა მენვიდმეტე საუკუნის პოლონეთის გეოგრაფიულ რუკას წააგავს. ღოდზე გადმომდინარე ორი ნაკადული სიმბოლურად პოტოცკის ცრემლებია, სამად გაყოფილ პოლონეთს რომ დასტირის.

წინ წასულ თანამგზავრებს დავეწვი, მათაც მოუყევი, რაც მოვისმინე.

— ცოტაც მოგეცადა, უარესს შეიტყობდი, — ამბობს ლუსია.

— რას?!

— იმას, რომ პოტოცკიმ ვერაფერი დააკლო თურქების ფაშას, ვერ შეუსრულა მამას, რომ შეჰფიცა: „ჩემს ქვეყანას არაფერს გაუჭირვებო“.

თურქს იქაურობა მოსწონებია და ჩასახლებულა პოტოცკის მამულში. დარღზე ღვინოს მისძალებია გრაფი, მთლად დაუკარგავს თავსა. საღამოობით შეიკეტებოდა სატრაპეზოში თურმე და ოქრო-ვერცხლზე ეთამაშებოდა ფაშას.

გრაფის სიმდიდრე თანდათანობით ავსებდა თურქის ქისას, ბოლოს აღარაფერი დარჩენია და სოფიევკის პარკს ჩასულა ფულის მაგიერ. სოფიევკაც რომ თურქის გამხდარა, მთლად დაუკარგავს გონება, იმავე საღამოს ღვინით გაღვნილ პოტოცკის სოფიოც წაუგია.

ფაშამ სულთნის გულის მოსაგებად სტამბოლში გააგზავნა სოფიო.

ერთი გამოფხიზლება მაშინ გამოფხიზლებულა პოტოცკი, სულით ხორცამდე გაცლილს აუღია საგვარეულო მახვილი, შესულა პარკში, ჩამდგარა მდინარეში და სამად გაყოფილ ქვამდე წყალ-წყალ უვლია. კარგა ხანს უყურა ორ ნაკადად მომდინარე „პოტოცკის ცრემლებს“, მერე არაადამიანურად იღრიალა თურმე და მოქნეული მახვილი ცრემლსა და ცრემლს შუა გადაამსხვრია ქვაზე. ზემოდან გადამხობია ლოდს, ჩაუყვია წყალში თავი და ჩაუტოვებია შიგ.

სოფიევკის პარკი დავტოვეთ, ფეხით გაუყვევით მთავარ ქუჩას. წიგნების მაღაზიაში შევედით. თაროზე ალექსანდრე ყაზბეგის რუსულ ენაზე ახლად გამოცემული ორტომეული შევნიშნე, მხოლოდ ერთი კომპლექტი დარჩენილიყო. გული დამწყდა. იქვე ნოდარ ღუმბაძის „მე, ბებია, ილიკო და ილარიონი“-ს რამდენიმე წიგნი ეწყო, ოთხი ცალი ის ვიყიდე. ილევმა გუტიასთვის გასაგზავნი ღია ბარათი ვერ შეარჩია, მაისში დაბადების დღე ჰქონია. ლიდა შეჰპირდა, ლამაზ ბარათს მოგცემო.

ნოდარ ღუმბაძის წიგნი უკრაინულ ენაზე იყო, სამივეს ჩამოვურიგე. ყაზბეგის ტომები ჩემთვის დავიტოვე. კინოში, ქართული ფილმი, „ჯარისკაცის მამა“ გადიოდა. ექვსსაათიან სეანსს დავესწარი, ფილმი ყველას მოგვეწონა.

— მამაჩემსაც გიორგი ჰქვია და წერილს როცა მწერს, სახელისა და გვარის მაგიერ ჯარისკაცის მამას აწერს ქვემოთმეთქი! — ვუთხარი გოგონებს. მერე ბობკოვების ამბავიც მოვუთხრე.

— თუ შეიძლება, ჩვენც დავესწრებით საზეიმო საღამოს, — შეგვეხვეწა ლუსია.

სიამოვნებით დავეთანხმე. ლილამ ოლეგს ლამაზი ღია ბარათი გამოუტანა გუტიასთვის. თან დაარიგა — ასე და ასე მისწერეო. ისევ გაიჭედა საერთო საცხოვრებლის ფანჯრები ცნობისმოყვარე გოგონებით. ჩვენ ყველას სამხედრო საღამო მიეცით და ნაწილში დავბრუნდით. გზად ოლეგი ლილას ამბავს მომიყვა, კარგი გოგოაო, თქვა, თან გუტიასთან გასაგზავნად ღია ბარათს ატრიალებდა ხელში.

კუბრიკში შესვლისთანავე ყაზბეგის წიგნები ჩემს კარადაზე დაეაწყვე, სანამ ტანსაცმელს გამოვიცვლიდი, ერთი მაღენკინს აელო, მეორეს ვეღარ მივაკვლიე. ორი კვირის მერე ჩავიგდე ხელში წიგნები, ძლივს ვიცანი. ყდები შეცრეცოდა, მეორე ტომი დაშლის პირას იყო. სხვა კუბრიკებიდანაც მოდიოდნენ და რიგს იკავენდნენ, ვის როდის უნდა წაეკითხა. ნიკოლოზ პოდრა ძმას ეჩხუბებოდა, წაიკითხე და მომიყვიეო.

ერთი თვის შემდეგ წიგნები თვალითაც აღარ მინახავს. ლასიცკასმა მითხრა: მეორე დივიზიონში პეტაკოვს დაუენახე, ფურცლები აკლდა, მაგრამ მაინც კითხულობდაო. არც ერთი უკრაინელი არ დარჩენილა „მე, ბებია, ილიკო და ილარიონი“ არ წაეკითხოს. ქალაქში წამსვლელებს ფულს ატანდნენ, ღუმბაძის წიგნი გვიყიდეთო, მაგრამ მაღაზიაში უკვე გათავებულ იყო. ერთი წლის მერე ნოდარ ღუმბაძემ კომკავშირის პრემია მიიღო. ბიჭები მეკითხებოდნენ, ეს ხომ იმ წიგნის ავტორია, ჩვენ რომ წაეკითხეთო. მე რა ვიცი, მაღაზივს კითხეთ-მეთქი, — ვპასუხობდი შანის მოგებით.

რვა მაისი გათენდა, თორმეტ საათზე ავტოვაგზალში უკრაინის ბობკოვს უნდა დაეხვედროდი. კრივოეოზეროს ავტობუსს ჩამოჰყვებაო, მითხრა პოლკოვნიკმა კულიკოვმა. საპარადო მუნდირში გამოვეწყვე და ათ საათზე ქალაქისკენ გავეყეო ლასიცკასის ვილისს, რომელიც ნაწილის უფროსთან მიდიოდა.

– სად შევიჩერო, ამხანაგო ლევან?! – მეკითხება ლასიკ-კასი.

– მუსიკალური სასწავლებლის საერთო საცხოვრებელ-თან.

– მიტოვებული ბარტყების ბუდეს მიაგენი, ძმაკაც?!

– შენი საქმე არაა, რიგითო ლასიკკას!

– მაპატიეთ, ამხანაგო ლევან, – ღიმილით ანბობს ლასიკ-კასი და საერთო საცხოვრებელთან მანქანას ამუხრუჭებს. ს.ხლიდან გამოპრანჭული გოგონები გამოვიდნენ, ჩემს დანახვაზე სიცილ-კისკისი და ჩურჩული აურიეს ერთმანეთში.

– რა უგავთ ამათ მიტოვებულ ბარტყებს? – კკითხე ლასიკკასს.

– შევცდი, გოგიაშვილო, ეს გოგონები გადასაფრენად არიან მზად!

საათს დავხედე, გოგონების გასაგონად ლასიკკასს ხმამაღლა ვუთხარი: – ერთ საათში მომაკითხავ! არ დაიგვიანო, იცოდე!

– მესმის, ამხანაგო უფროსო!

ლასიკკასი წავიდა. კენჭები ფანჯარას შევაყარე. გოგონები ჩაცმულები დამხვდნენ. ოცი წუთის შემდეგ ავტოვაგ-ხალში ვიცდიდით.

კრივოეოზეროს ავტობუსმა დაიგვიანა. ადგილს ვეღარ ვპოულობდი. ორმოში მოხვედრილი მგელივით ვაწყდებოდი აქეთ-იქით. ჩემს დანახვაზე ლიდა და ლუსია სიცილით იგუდებოდნენ. როგორც იქნა, ჩამოვდგა ავტობუსი. მგზავრებით გადატვირთული მანქანა ნელ-ნელა იცლებოდა. გოგონებს შევებვეწე, უკანა კართან დადექით, სამხედრო ფორმაში გამოწყობილი „კრამაროვი“ დაატყვევეთ, თუ ვინიცობაა, უკნიდან ჩამოვიდეს-მეთქი. მივჩერებოდი გაღებულ კარს, რომლიდანაც ორმოცამდე მგზავრმა გადმოაბიჯა, ორი-სამი სამხედრო ფორმაში იყო, მაგრამ... რა ჭქნა, თუ არ ჩამოვიდა? რა წყალში ჩავვარდე? – ვფიქრობდი იმედგადაწურული. უკანა კარისკენ მივიხედე, ვეღარც ლიდა და ლუსია დავინახე. ვაგზლის შესასვლელში შევასწარი თვალი. ფორმიან კაცს წინ გადადგომოდნენ და ხელების დახმარებით რაღაცას უხსნიდ-

ნენ. მათთან გაჟნდი. ბობკოვს სამხედრო სალაში მივეცი. უფროსმა ლეიტენანტმა გულში ჩამიკრა და გადამოცნა.

— რა მეგონა, თუ კიდევე შეეხვებოდით. — მეუბნება ბობკოვი.

— მე ამ ქალაქში ვმსახურობ.

— ალბათ, წერილიც მომწერე.

— მოგწერე...

— უკან დაგიბრუნდებოდა.

— ჰო, რა. თქმა უნდა!..

— თქვენ რომ თბილისში დაგტოვეთ, ერთ კვირაში ახალი დანიშნულებით სხვა ქალაქში გადავედი. შენი მისამართი მე არ ვიცოდი...

— აქ რისთვის ჩამოსვედით, თუ საიღუმლო არაა? — ვკითხე ბობკოვს ყასიდად.

— არ ვიცი, იქნებ საიღუმლიცაა. მითხრეს, ორდღიანი მივლინებით აქ ჩამოვსულიყავი, ავტოვაგზალში დაგხვდებიან და ყველაფერს შეიტყობო. შემთხვევით გავგონებმა შემაჩერეს.

— ჰო, მართლა, ერიმანეთს ჯერ არ იცნობთ, ჩემი მეგობრები: ლუსია კუპრი და ლილია გავრილოვა, — წარუდგინე ბობკოვს.

— უფროსი ლეიტენანტი ვლადიმერ ბობკოვი! — ხელი კავთან მიიტანა.

— რაღას ვდგევართ, ისინი, ვინც თქვენ უნდა დაგხვედროდათ, ჩვენ გახლავართ. ხუთ სათამდე დიდი დრო გვაქვს, სადმე წავისაუზმოთ და შემდეგ „სოფიეკას“ დაგათვალიერებინებთ.

— რა ხდება, გამაგებინეთ! შეიძლება კაცმა იაროს ასე დარისთვის დადის, არ იცოდეს? — მხრები აიჩეჩა ბობკოვმა.

— ყველაფერს ვერც ჩვენ აგისხნით, ძირითადად მოგვიანებით შეიტყობთ. — ქალაქის ცენტრისკენ წავედით. კაფე-ბარში შევიპატიჟე სტუმარ-მასპინძელი. კუთხის მაგიდა ავირჩიეო საუზმე შეუუკვეთე, სანამ მოგვიტანდა, ოფიციალტს რაღაც წაჭურჩულე. ოფიციალტმა გაიცინა და თავი დამიქნია.

— ვლადიმერ პარამონის ძე, ახლა იმას მომიყევი, როგორ დაგაპატიმრეს გოგონებმა.

სამივეს სიცილი წასკდა, გოგონებმა არ იცოდნენ, რად იცინოდა ბობკოვი. ბობკოვმა ის არ იცოდა, რა აცინებდათ გოგონებს. ყოველ შემთხვევაში, სიცილის მიზეზი სამთავეს ჰქონდა.

— ავტობუსიდან ჩამოსვლისთანავე ვაგზლის შენობისკენ გავემართე, — დაიწყო ბობკოვმა, — უხედავ, ორი გოგონა არაჩვეულებრივი ინტერესით მომჩერებია. მეც, რა თქმა უნდა, მივაჩერდი. ორთავე დაიბნა. რალაცაზე ერთმანეთს დაუწყეს კამათი. მე გზა გავაგრძელე. ის იყო, კარი უნდა გამომეღო, წინ გადამიდგნენ — „ნამდვილად ის ხართ, ვისაც ეწოდებოდით“, მითხრა ლუსიამ, „მართალია, თქვენ არ გვიცნობთ, მაგრამ ჩვენ, როგორც კი დაგინახეთ, მაშინვე მივხვდით, ვლადიმერ პარამონის ქე ხართ“—ო. ახლა მინდა გკითხოთ, — ლიდას და ლუსიას მიუბრუნდა ბობკოვი, — რატომ იყავით ასე დაჯერებულნი?

— თქვენი წარმოსახვითი პორტრეტი ლევანმა ისე კარგად დაგვიხატა, შეცდომა გამორიცხული იყო.

ბობკოვს ხელახლა აუტყდა სიცილი, — ვიცი, ვიცი, „კრამაროვი“... „კრამაროვი“!..

უფროსმა ლეიტენანტმა გოგონების გასაგონადაც გაიმეორა „კრამაროვის“ მეხანძრეობის ამბავი, არც ის გამორჩენია, თვითონაც რომ შეეძლო მეხანძრის როლის შესრულება აირწინაღის გარეშე.

ოფიცინანტმა სავსე სინი მოიტანა. გოგონებისთვის პატარა სასმისები ჩამოდგა. ბობკოვს უფრო მოზრდილი ჭიქა შეხვდა. ჩემთვის კი ჩაი მოეტანა, როგორც ვუთხარი.

— სწორი ხარ, ლევან, სასმელი არ შეიძლება, კაცმა რომ თქვას, არც ჩემთვისაა აუცილებელი, მაგრამ როცა ორი თანაქალაქელი ერთმანეთს ხელება, უნდა აღვნიშნოთ, ასე ვიცით კუტაისელებმა და რა ვკნა, — ქართულად დაამატა ბობკოვმა, სასმისი ასწია, ჭიქებს მიუჭახუნა, — ჩვენს სამშობლოს გაუმარჯოს და ჩვენს ძარღვებში რომ სისხლი ჩქეფს, იმ სისხლს გაუმარჯოს, სამშობლოს საკეთილდღეოდ იტრიალოს სისხლმა და თუ საჭირო იქნა, ისევ სამშობლოსათვის დავღვაროთ, როგორც ამას ჩვენი წინაპრები აკეთებდნენ, —

ბუმერანგით დამიბრუნა ხუთი თვის წინათ „გასესხებული“ სადღეგრძელო, თვალი ჩამიკრა და ჭიქა გამოსცალა. გოგონებმაც ცოტ-ცოტა მოსვეს. ჭიქაში კოვზს უურევდი, ვითომდა შაქრის გასადნობად.

— ახლა ერთ სადღეგრძელოს მე გეტყვით, მერე რა, ჩაას რომ ვსვამ, „წყალში გაგიმარჯოთო“, ჩვენთან იციან.

— თქვი, ლევან, მაგასაც ზეპირად ვისწავლი, — გაელიზა ბობკოვს.

მე ჩემი ჭიქიდან ბობკოვის სასმისი შევავსე, გოგონებსაც დაუმატე.

— იმ დიდი სიხარულის სადღეგრძელო იყოს, რომელიც ჯერ კიდევ გზაშია, — ვთქვი და გადავკარი.

— გამარჯვების დღეს ვადღეგრძელებ! — თავმოწონედ ჩაილაპარაკა ბობკოვმა, აქაოდა, კარგად მივხვდი ნათქვამის დედააზრსო, მერე ჭიქიდან მოსვა, დადგმას აპირებდა, ხელში გაუშეშდა სასმისი, ისეთი სახე ჰქონდა, თითქოს საწამლავი დააღვინეს მოტყუებით და აწი მაინც არაფერი ეშველებათ. — შენც?.. — ძლივს მოახერხა ერთი სიტყვა.

ლიდა და ლუსია გაკვირვებულები ადევნებდნენ თვალს და ვერ მიმხვდარიყვნენ, რა მოხდა.

— როცა ორი ქუთაისელი ერთმანეთს ხვდება, სხვაგვარად არ შეიძლება, ვლადიმერ-პარამონის ძევ.

— დიახ, დიახ! — დაბნეულ სახეზე ნათელი მოეფინა ბობკოვს და ჭიქაში დარჩენილი „ჩაი“ ბოლომდე გამოსცალა.

33

„სოფიეკაში“ ბობკოვის მეგზური მე ვიყავი. რაც წინა კვირას ამიხსნეს, იგივე გავიმეორე ბობკოვის გასაგონად.

— კი მაგრამ, მივლინებით იმიტომ გამომგზავნეს, პარკი დამეთვალაიერებინა? — უკვირდა ბობკოვს.

— ყველაფერს თავისი დრო აქვს. მოთმინება გმართებს, ვლადიმერ პარამონის ძევ.

— ვითმენ, აბა რა ვქნა, იმაზე უარესი რაღა იქნება, რაც თავს გადამხდა.

ბობკოვი მალე გაუშინაურდა გოგონებს, ხუთ საათამდე პარკში დავსეირნობდით, ქვედა ტბასთან სურათიც გადავიღეთ და ნაწილისკენ გავუყევით ფეხით. დრო იმდენი დაგვრჩენოდა, სადღესასწაულო საღამოს დაწყებამდე მივიდოდით. შესასვლელში ლაბადა გველიდა. ერთ ადგილზე ვერც ის ჩერდებოდა. ჩვენი დანახვის შემდეგ უფრო მოუმატა ბოლთის ცემას. უფროსი ლეიტენანტები ერთმანეთს წარუდგინებლადამ გოგონები იცნო და ბობკოვთან ერთად მიიპატიჟა.

კლები სადღესასწაულოდ იყო მორთული. შესასვლელში სასულე ორკესტრის წევრები ირეოდნენ. მეხუთე რიგის მარჯვენა მხარეს ჩვენი ადგილები დაეიკავეთ. ბობკოვი შეშინებულივით აცეცებდა თვალებს, ბოლოს ბედს შეურიგდა, ისიც დაჯდა.

— რას მიწყობთ, არ ვიცი, მაგრამ ყველა შემთხვევისთვის მომზადებული წამოვედი. — მის თვალებს ვერ გავუძელი და სცენას გავხედე, სადაც სადღესასწაულო კრების პრეზიდენტი მისთვის სკამები გაემზადებინათ, მარცხნივ ტრიბუნა იდგა. უკან, სცენის სიღრმეში, ცისფერ ფარდაზე დიდი თეთრი ციფრები იყო მიმაგრებული: 1945-1965. მე და მალახოვმა ფირფიცრიდან გამოვჭერით გუშინ. სცენაც გუშინ გააწყვეთ, ლაბადა შუალამისას წავიდა სახლში.

წინა რიგები შევათვალიერე, იქნებ პარამონ ნიკიტას მე შევნიშნო-მეთქი, მაგრამ არსად ჩანდა.

ზუსტად თერამეტ სათზე სცენაზე შემოვიდნენ და პრეზიდენტში ადგილები დაიკავეს. ნაწილის უფროსი — პოლკოვნიკი ლაზარევი საიუბილეო საღამოს გახსნილად აცხადებს. სიტყვა მოხსენებისთვის პოლიტნაწილის უფროსს, პოლკოვნიკ კულიკოვს მისცა. კულიკოვი ტრიბუნისკენ გაემართა. სანამ მიკროფონში რაიმეს იტყოდა, თითქმის ერთ წუთს, სმენაზე იდგა. ისეთი სიჩუმე ჩამოვარდა, ბუზის ხმას გაიგონებდით. ალბათ ახლა ყველა აქ მყოფი თავისთვის ფიქრობდა, იმისიც ეშინოდათ, ხელი არ შეეშალათ ერთმანეთისთვის.

— დიახ, ჩვენ გავიმარჯვეთ! — მკვეთრი ხმით დაიწყო კულიკოვმა, — ამ გამარჯვების მნიშვნელობა, რაც დრო გადის,

მით უფრო იზრდება! — და მომუშტული მარჯვენა ისე დაქრა ტრიბუნას, თითქოს ვიღაც კიდეც დარჩა გასასრესი და აი ისიცო.

პრეზიდენტში ჩვენი ნაწილის ომგადახდილი ოფიცრები ისხდნენ, მათ შორის თადარიგის ოფიცრებიც. აქა-იქ სამოქალაქო ტანსაცმელში გამოწყობილი, ჯილდოებით მკერდმოჭედილი, კუშტი სახეებიც მოსჩანდა.

დარბაზში ვიჯექი, თითქოს არც ვიჯექი. თავი სიზმარში მეგონა. ბობკოვებზე ვფიქრობდი: რა მოხდებოდა, როგორ შეხვდებოდნენ ერთმანეთს, ეს მიტრიალებდა თავში. კულაკოვის მხოლოდ ხმა მესმოდა. უაზროდ მივჩერებოდი სცენას და შინაარსი ვერ გამოიმეტანა, რას ლაპარაკობდა პოლიტნაწილის უფროსი.

— ასეთებია! — თქვა კულიკოვმა და პრეზიდენტისკენ. ჭელი გაიშვირა:

ყური მივუგდე.

— მაიორი ფირსოვი, ზემდეგი ჩევერნოჟენკო, კაპიტანი ბუბნევიჩი, მაიორი ტორგონი. სახელოვანი პარტიზანები, — ახლა პრეზიდენტში მსხდომნი, სამოქალაქო ტანსაცმელში გამოწყობილი ჭადაროსნები წარმოგვიდგინა კულიკოვმა; ბოგდან ხამუტოვსკი, მიკოლა დიმჩუკი, პროხორ პოსუელო, ანატოლი პანჩურა და სხვანი, — ახლა შევნიშნე, კაპიტნის ფორმაში გამოწყობილი, შუახანს გადაცილებული კაცი წამოდგა უკან რიგიდან.

ამ კაცის დანახვისთანავე გული საგულედან კინალამ ამოხტა. „და სხვანი“ პარამონ ნიკიტას ძე გამოდგა, რომელიც მანამდე დარბაზში მსხდომთათვის ძნელი დასანახი იყო. ჩემს გარდა თითქმის ყველას გაუკვირდა, რატომ გვარი და სახელი არ გაამხილეს ყავარჯნიანი კაპიტნისა.

— ამ კაცს და სხვა ჰქვია? — იკითხა ბობკოვმა.

— მე პირადად ვიცნობ, მაგრამ სულ მალე ყველა გაიგებს მაგის სახელს, — წაფრურჩულე ბობკოვს.

— ჩემთვის დღეს გამარჯვების დღე კი არა, რაღაც გამოცანა გათენდა, — ჩაილაპარაკა ნაწყენმა ბობკოვმა.

— სულ მალე გაიგებ, რაც გათენდა...

„და სხვანი“ ისევ ბოლო რიგებში ჩაიკარგა. კულიკოვმა ყველას მოგვილოცა გამარჯვების ოცი წლისთავი. გვისურვა ფეხიხელი სამსახური, მშვიდობიანი შრომა და ცხოვრება.

ლაზარემა სიტყვა მაიორ ფირსოვს მისცა — სტალინგრადის ბრძოლების მონაწილეს, საბრძოლო დიდების სამივე ორდენის კავალერს, თავის თავზე საუბრით არ გადაუღლია მსმენელი მაიორს. მის თანამებრძოლებზე ჰყვებოდა. ერთი ეპიზოდი გაიხსენა, თითქოს გუშინდელ ამბავს გვიყვებო, ყველაფერი ცოცხალი სურათივით წარმომიდგა თვალწინ. სიტყვა შუაზე გაუწყდა, თავის ადვილს ისე დაუბრუნდა, სათქმელი არ დაუმთავრებია.

— ბრძოლის ველზე მარტო დამარცხებულები როდი რჩებიან, — კისერში ხელწაჭერილი კაცივით ძლივს აღმოთქვა ადგილზე მისულმა და დაჯდა.

ფირსოვს შემდეგ პარტიზანული შენაერთის ყოფილ უფროსს ბოგდან ხამუტოვსკის მისცეს სიტყვა.

— ჩვენი რეგულარული ჯარების ამბავს მტრისა და მოყვრის გასაგონად რადიო აცხადებდა ყოველდღიურად, — დიმილისმაგვარი რაღაც აუთამაშდა სახვზე ხამუტოვსკის, — პარტიზანების ამბავს და სამყოფელს არც რადიო აცხადებდა და ვერც მტერი გებულობდა თვითონ. აი, სწორედ აქ უჭირდათ გერმანელებს და როცა გაიგებდნენ ამა და ამ ადგილზე არიანო, ჩვენი საქმე მოთავებული გვექონდა. იმ ციფრების მოტანაც არაა საჭირო, თუ რა ზარალი მიაყენა მარტო ჩვენმა შენაერთმა მტერს. ზოგმა ხელი შესწირა ამ საქმეს, ზოგმა ჯანმრთელობა. ანატოლ ბონდარმა, კირილ პალკომ, მიკოლა ჩიბურენკომ, ოლექსეი ჩერვიაკმა და სხვებმა — სიცოცხლე, მაგრამ მთავარი გაკეთდა.

პროტეზი, რომელზეც ტყავის შავი ხელთათმანი ჰქონდა წამოცმული, ისე დაჰკრა ტრიბუნას, ყველას შეაჟრჟოლა ალბათ, ჩემსავით. — ძვირი დაგვიჯდა ეს გამარჯვება... გაუფრთხილდით მშვიდობას! — მის ხმაში თხოვნაც ისმოდა და ბრძანებაც.

— ახლა კი წარმოგიდგენთ რიგით გოგიაშვილს, რომელიც ერთ საინტერესო ამბავს მოგითხრობთ, — გამოაცხადა ლაზარემა.

სცენისკენ მიმავალს ფეხები უკან მრჩებოდა. ვლელავდი, ტრიბუნის გვერდით დავდექი. ერთხანს უხერხული სიჩუმე ჩამოვარდა.

— ამხანაგებო! ომის მატთანე ალბათ ასეთი ამბებითაა საე-სე. იქნებ ამის მსგავსი რამ თქვენც გაიგონეთ, მაგრამ ვის თავკადასავალსაც ახლა მოგიტხრობთ, ჩვენს დარბაზში სხე-დან. ეს ამბავი კურსკში მოხდა... და მოვეყვი უმცროსი ბობ-კოვის მონათხრობი. როგორ გააცილა დედა-შვილმა ქმარი და მამა ფრონტზე, როგორ მოხედნენ ბომბარდირების ქვეშ, როგორ გაზარდეს ვლადიმერ ბობკოვი გარდაცვლილი შვილის სახელზე კეთილმა ადამიანებმა. როგორ ეძებდა მამის ასავალ-დასავალს, მაგრამ უშედეგოდ. — ეს პიროვნება გახლავთ უფ-როსი ლეიტენანტი ვლადიმერ პარამონის ძე ბობკოვი, — ხელი მეხუთე რიგისკენ გავიშვირე, სადაც გაოგნებული ვლადიმერი იჯდა. თვალები ახლაც ცალ-ცალკე გაქცეოდა — თითქოს ერ-თით თავის ბავშვობაში გადავარდნილიყო, მეორეთი დღევან-დელობას შესციცინებსო.

— ვლადიმერ პარამონის ძე, გთხოვთ, ამობრძანდეთ სცე-ნაზე!

ბობკოვი ძლივს ამოვიდა კიბეზე, ჩემს გვერდით დადგა, ხელები სად წაეღო, აღარ იცოდა. ტაშის გამო არ ისმოდა, მაღლობას რომ უხდოდა ყველას. როცა დარბაზში სიჩუმე ჩა-მოვარდა, ხმამაღლა ვთქვი:

— ძვირფასო ვლადიმერ პარამონის ძე, დიდ მწუხარება-საც და დიდ სიხარულსაც ვაუკაცურად უნდა დახვდეს კა-ცი. ორი თვეა ამ მოულოდნელ ამბავს გიმზადებთ, — ხელი შევებრუნე სცენის სიღრმისკენ. ხელჯოხიანი თაღარიგის კაპი-ტანი ჩვენსკენ მოაბიჯებდა.

— ვლადიმერ პარამონის ძე, შეხვდი ამ კაცს, ეგ პარამონ ნიკიტას ძე ბობკოვია, შენი მამა!..

ცრემლებმა კინალამ დამაზრჩო, გაღურსული დარბაზი ჩემს გვერდით გაშეშებულ ვლადიმერსა და ჩვენკენ წამოსულ პა-რამონს მისჩერებოდა. პარამონ ბობკოვმა ჯოხი მოისროლა. თითქმის სიბრძნით მიიჭრა გაოგნებულ ვაჟთან, რომელიც ოდნავ უფრო მაღალი იყო და მის მხრებს ჩამოეყრდნო. შვილმა

მამამის კისერი მოძებნა და ისე ჩაეკრა, თითქოს ახლა ინაზ-
ლაურებდა, რაც ამ ხნის მანძილზე ერთმანეთს ალერსი დააკ-
ლეს, ჩახვეული მამა-შვილი კარგა ხანს კანკალებდა ამ შეხ-
ვედრის მოწმეთა თვალწინ.

იქუხა ტაშმა. დარბაზის ჭერი კინალამ ჩამოიქცა. ყველას
თვალეებზე სიხარულის ცრემლები კიაფობდა. ეს სიხარული
მარტო მამა-შვილმა კი არა, ყველამ თავისად მიიღო.

სცენაზე სამი სკამი გამოიტანეს და ბობკოვების გვერდით
მეც დამსვეს. როცა ყველაფერი მიწყნარდა, შტაბის უფროსი,
პოლკოვნიკი ფომინცევი გაჩნდა ტრიბუნაზე.

— ამხანაგებო! უმაღლესი საბჭოს პრეზიდიუმის ბრძანე-
ბულებით, ფაშიზმზე გამარჯვების ოცი წლისთავთან დაკავში-
რებით დაწესებულია საიუბილეო მედალი, რომლითაც ჯილ-
ღოვდება ყველა, ვისაც სამამულო ომში მონაწილეობა მიუ-
ღია, გარდა ამისა, ისინი, ვინც ამჟამად სავალდებულო სამ-
ხედრო სამსახურს გადიან საბჭოთა არმიის რიგებში. კომკავ-
შირის კომიტეტის თხოვნით მინდა მედალი პირველად გადავ-
ცე პობელას იურგენის ძე ლასიცკასს...

ლასიცკასი მაშინვე სცენაზე გაჩნდა.

შტაბის უფროსმა მედალი მკერდზე მიაბნია და ყველას
გასაგონად დასძინა:

— ამხანაგებო, ლასიცკასს ხვალ უსრულდება ოცი წელი,
ცხრა მაისს ყოფილა დაბადებული, ამიტომაც დაურქმევიათ
მისთვის „გამარჯვება!“...

მეორე დღეს გამარჯვების დღისადმი მიძღვნილ სამხედრო
პარადზე ყველანი მედლით მკერდდამშვენებულები გავედით.

— რამდენიმე წუთის შემდეგ გაიმართება სადღესაწაულო
კონცერტი! — გამოაცხადა მიკროფონში ნაწილის თვითმოქმე-
დი კოლექტივის სამხატვრო ხელმძღვანელმა ანატოლი პო-
პოვმა.

ფარდა დაუშვეს. ვლადიმერ ბობკოვი თანდათან მოდიოდა
გონს, ჯერ კიდევ ბურუსში იყო, გვერდითი კარიდან ეზოში
გავედით. ნატალია ვასილიევენას, ირასა და ვადიმის ტყვეობა-
ში მოვხვდით მაშინვე. მაღახოვს ღიდა და ლუსია მოეძებნა
და ისინიც ჩვენკენ მოდიოდნენ. მათაც მიულოცეს მამა-შვილს

დღევანდელი დღე. მალე ჩვენს ირგვლივ დიდი წრე შეიკრა. ყველას აინტერესებდა მამა-შვილის ახლოდან დანახვა, თავს ბედნიერად ვგრძნობდი. მარტო ამისთვის ღირდა სიცოცხლე. სულ იმას ვფიქრობდი, ოც ნოემბერს რომ წამოვსულიყავი ათი რიცხვის ნაცვლად, ბობკოვების შეხვედრა მოხდებოდა თუ არა. ყველაფერი როგორ თავისით ლაგდება. თვალდახუჭულმაც რომ იარო, ბედი მაინც იქ მიგიყვანს, სადაც ჯერ არს. ოც ნოემბერს წასული ყოფილა ვლადიმერ პარამონის ძე კომისარიატიდან, რომ შემთხვევა არა, მამა-შვილი ალბათ საერთოდ ვერ ნახავდა ერთმანეთს.

მეორე დღეს, სიხარული გულში რომ ვერ დავიტიე, ქუთაისში შინაურებს მიეწერე. დიდ სიხარულს თუ ვინმეს უნაწილებ, უფრო მოსვენებულად გრძნობ თავს. ერთი კვირის შემდეგ ახალი ამბით გავიხარე, როცა უფროსმა ლეიტენანტმა ვლადიმერ ბობკოვმა, ჩვენი ნაწილის უფროსს, პოლკოვნიკ ლაზარევს უპატაკა:

— ამხანაგო პოლკოვნიკო, უფროსი ლეიტენანტი ბობკოვი გამოცხადდა შემდგომი სამსახურის გასაგრძელებლად.

მოგვიანებით გავიგე, პოლიტნაწილის უფროსს, კულიკოვს, ორი თვის წინ, როცა ეს ამბავი შეუტყვია, შუამდგომლობა გაუგზავნია არმიის შტაბში. კულიკოვის თხოვნა დააკმაყოფილეს და უმცროსი ბობკოვი ჩვენს ნაწილში გამოგზავნეს.

მაისის ბოლოს დემობილიზაციამ „ჩემოდნები ჩამოარიგა“. კუროჩკა როსტოვს დაუბრუნდა, ბიცურა — დნეპროპეტროვსკს, პოდრები — ხმელნიცკს, ლვოველი დვორნიკი პირდაპირ ნაწილიდან გაემგზავრა ციმბირში, კომკავშირულ მშენებლობაზე. მანამდე მშობლებს წერილი მისწერა, არ იდარდოთო აიღო ჩემოდანი, გადაიკიდა გარმონი და გაუტია ამურის ნაპირებისკენ.

კუროჩკამ ფოსტალიონობა და თავისი ჩანთა მე გადმომაბარა. იმ დღიდან ჩემს წასვლა-მოსვლასაც ისე დაუწყეს თვალთვალი, როგორც კუროჩკას ნაბიჯებს ითვლიდნენ.

ინისის დამღევს (დეპეშა მიუტანე მალახოვს.

„ოცდახუთში უმანში ვიქნები. გუტია“.

— აქ იქნება, გესმის?! — კისერზე ჩამომეკიდა მალახოვი.

— რამ აგაცერცეტა ასე, — ვაწყნარებდი ოლეგს.

ზაფხულის პირველი თვე წვიმებით მოვიდა.

— მზე ალბათ შვეებულებაშია! — ამბობდა იშმურატოვი.

თვის ბოლოს ისე გამოაცხუნა, მართლა ახალ დასვენებულს ჰგავდა.

— როგორ ფიქრობ, ოლეგ, გუტია მატარებლით მოდის თუ?.. — ვკითხე მალახოვს.

— თვითმფრინავით! ოცდახუთში ათ საათზე გამოფრინდება, თორმეტ საათზე ბორისპოლის აეროპორტში იქნება, კიევიდან ორფრთიანი თვითმფრინავით ორმოცდახუთ წუთში უმანში ჩაფრინდება.

— მატარებლით რომ ჩამოვიდეს?

— ის „მოფრინდება“ ჩემთან, გესმის!

— რამდენ ხანს დარჩება?

— ალბათ ორი-სამი დღე.

— ორი-სამი დღე ცოტაა.

— რა თქმა უნდა. ხანდახან ვფიქრობდი, ერთი თვალი შემავლებინა, მეტი არაფერი მინდა-თქო. ახლა ვიცი, განშორება უფრო გაგვიჭირდება.

ორი დღის შემდეგ მალახოვი ნაწილში ოცდაორ საათზე დაბრუნდა. დაწვექით დასაძინებლად. მალახოვს არ ეძინებოდა, არც მე მომცა ძილის საშუალება.

— სამ საათზე ჩამოვიდა, — ჩურჩულით დაიწყო, — ძლიევ ვიცანი, მე რომ ველოდი, არც ის ვარცხნილობა აქვს, აღარც ის ჩაცმულობა. ორფრთიან, პატარა თვითმფრინავს რვა მგზავრი ჩამოჰყვა. თეთრთმიან, ტუჩებგაპწუკულ გოგოს ველი ჩემი ანგარიშით. სადაა მერე. ბიჭურად თმაშეკრეჭილი, ლურჯთვალეა, შარვლიანი ქალიშვილ ამესვეტა, მყურებს უტეხად და მიცინის. გავბრაზდი კიდეც, თვალსა და ხელსმუა დაკვარგე გუტია და ეს კიდეც ვინ ოხერია-მეთქი, ვიფიქრა, კისერი წავიგრძელე და თვითმფრინავის ცარიელ ფუხელაჟს მივაშტერდი.

— ვინმეს ხომ არ ელოდებით, ახალგაზრდა?! — მეკითხება ის შარვლიანი თავხედი გუტიას ხმით და სანამ რაიმეს თქმას მოვახერხებდი, კისერზე ჩამომეკიდა. ჩემოდნიანი მაღალი ბიჭი დაგედგომოდა შუბლშეჭმუხნილი და ჩვენს ხვეენა-კოცნას უთვალთვალებდა.

— აი თურმე როგორი ყოფილხარ, — უკვე მერამდენედ გვიმეორე ამოჩემებული ფრაზა.

— ასეთი, როგორიცა ვარ, — კისკისებდა გუტია.

ცოტა ხნის შემდეგ, ის, კითხვის ნიშანივით მოხრილი, წაინტელიგენტო ჩემოდნიანი გამოიკვეთა, თვალსაც არ ახამხამებდა, ისე მოგვშტერებოდა. იმ ბიჭის ჯინაზე გუტია ისევ ჩამეკონა. გვერდზე რომ მოვიხედეთ, აეროპორტის სალაროებისკენ მიდიოდა, ჩემოდანი ჩვენს ფეხებთან დაეტოვებია და...

— შენია? — ვანიშნე ჩემოდანზე.

— ჩემია!

— ის ვინღაა?

— არ ვიცი! — მხრები აიჩჩა გუტიამ და გადაიკისკისა.

— როგორ, შენი ჩემოდნით მოგაცილებდა და არ იცნობ?

— ბორისპოლის აეროპორტში ამეტორღიალა. ბილეთი რომ შევიძინე, მეც უმანში მოვდივარო, მითხრა. მის პერეე ჩემოდანი ხელიდან არ გაუშვია. თვითმფრინავში მთელი ერთი „გაკვეთილი“ თავის თავზე მელაპარაკებოდა. ჰედავო-გიურ ინსტიტუტში ქიმია-ბიოლოგიური დავამთავრეო. მინიმუმშიც ჩავაბარე და რომელღაც პროფესორთან ერთად ქათმის ახალი ჯიშის გამოყვანაზე ვმუშაობო. ორი წლის შემდეგ ჩვენი ქათმები დღე-ღამეში ორ-ორ კვერცხს დადებენ და გოგლი-მოგლი ბევრი გვექნებო. ამ ბოლოს კიდევ ერთ თემაზე გაუმახვილებია ყურადღება, ბავშვობიდან არ ასვენებდა თურმე ეს საკითხი: „რატომ არ შარდავენ ქათმები და სხვა დანარჩენი ფრინველები“... აქ შეწყდა ჩვენი საუბარი, შენ შეგვიშალე ხელი, თორემ სახეზე ეტყობოდა, სკინტლის საკითხშიც საკმაოდ გათვითცნობიერებული იყო ჩემი საპაერო კავალერი.

ჩემოდანს ხელი დავავლე, სახელური ახლაც ცხელი იყო, შენობის წინ რომ ჩავიარე, ის ბიოლოგი შესასვლელში იჯდა სკამზე და ისე უყურებდა თვითმფრინავს, თითქოს ქათამსა და

თვითმფრინავს შორისაც ბევრი საერთო აღმოაჩინა, მხოლოდ ესაა, თვითმფრინავი კვერცხს არ დებს და რაც არ უნდა ახალი სახეობა გამოიგონონ, მაინც ეერ დადებს. „მეცნიერებაში პრობლემებს რა გამოლევს“, — ეწერა ასპირანტის ნაოჭიან შუბლს.

სასტუმროში დავაბინავე. კაპიტანი პადლიპინსკი თანახმაა, ხვალაც მიშვებს და ზეგაც დილიდან სადამომდე.

— ხვალ მეც ვიქნები ქალაქში.

— პარკში შევხვდებით ერთმანეთს. გოგონები წამოიყვანე, გუტიას გაეაცნოთ.

— ახლა დაიძინე, საცაა გათენდება!

— ნეტა თუ მოეწონებათ ჩემი გუტია?

მეორე დილით მე და მალახოვი ნაწილიდან ერთად წავედით. ოლევი ქალაქის ცენტრში, სასტუმროში დარჩა. მე საერთო საცხოვრებლისკენ გავაგრძელე გზა. იქ კომენდანტის გარდა არავინ დამხვდა. მუსიკალური სასწავლებლის სტუდენტები საბავშვო ბალებს გააყოლეს კურორტებზეო.

კუროჩკას მიერ დატოვებულ ჩანთაში ფოტოაპარატი მედო. შუადღეზე გაზეთები და წერილები უნდა წამელო ნაწილში. დილით სულ სხვანაირი მომჩვენა სოფიეკა, ჩიტებს ჭიკჭიკი, ხეების შრიალი, ჩანჩქერების ხმაური და ტბის ლივლივი, ქვედა ტბის შუაგულში თექესმეტ მეტრზე ასხამდა შადრევანი, მზის სხივები სხვადასხვა ფერად ბრჭყვიალებდნენ მაღლა ატყორცნილ წყლის ფონზე და დედის უკითხავად გამოპარული ბავშვებივით ჭყუმპალაობდნენ შადრევნის ციკ. გამჭვირვალე წყალში. მთელი პარკი შემოვიარე, აქა-იქ სურათებიც გადავიღე. დიდი ჩანჩქერი, სადაც მობანავე ვენერა ძლივს მოჩანდა, რამდენიმე კუთხიდან აღებეჭდე ფირზე. პოტოცკის გამოქვაბულთან მალახოვი შევნიშნე, მაგრამ გუტიას კი არ მოჰყვებოდა, სხვა გოგონას მოაცილებდა. თანამგზავრს თეთრი თმა ჰქონდა, მაღალი ვარცხნილობა. ორი სურათი ქურდულად გადავუღე. „გუტია იქნება, აბა სად გადაცვლიდა ასე მალე. თმის ფერი და ვარცხნილობა ჩვენს საუკუნეში ქალებს აღარ უჭირთ“, — დავასკვენი ბოლოს.

— შენ აქ ჩამოჯექი, მე ახლავე... — გავიგონე ძალახოვის ხმა:

ოლეგი გასასვლელისკენ გაემართა, ქალიშვილი სკამზე ჩამოჯდა. მე ნელ-ნელა მივუახლოვდი და იმავე მერხზე ჩამოვჯექი, რომელზეც გუტია იჯდა.

— ლამაზია აქაურობა, არა? — კკითხე გუტიას და უფრო ახლოს მივიწვიე.

— ძალიან ლამაზი, — თქვა გუტიამ და ისე შემომხედა, მაგრძობინა, მეტი აღარ მოიწიო თუ არა, ავდგები და წავალ.

— აი, ამოდენა ლოდებში, ერთი დიდი ქვა აგდია კაცის ხელით გამოთლილი, კვერცხის ფორმა აქვს თუ დაუკვირდები. ბუნებისა და ხელოვნების კონტრასტის საჩვენებლად. ეს რომ ნამდვილი კვერცხი იყოს, ის აჯობებდა.

გუტიამ გაიცინა.

— მე აქ ერთი მეგობარი მყავს, პროფესიით ბიოლოგია, მინიმუმიც აქვს ჩაბარებული და ქათმისა და კვერცხის პრობლემებზე მუშაობს. მარწმუნებს, ჩვენი გამოყვანილი ქათამი დღე-ღამეში ოთხ კვერცხს დადებს, სადღესასწაულო დღეებში შეიძლება ექვსიც დავადებინოთო.

— პროგრესია! — სიცილით თქვა გუტიამ.

— რა ბრძანეთ? — დავეკითხე ვითომდა გაკვირებული.

— არაფერი, მგონი, ვიცნობ თქვენს მეგობარს, გუშინ ორი კვერცხის გარანტიას იძლეოდა, დღეს...

— სხვებთან ნაკლებს ლაპარაკობს, თავმდაბალია. გუშინ ვიღაც შარვლიანი გოგონა გაუცვნია, ერთად ჩამოვფრინდითო, მითხრა. გადაუწყვეტია, ცოლად უნდა შევიერთოო, რამდენი სულელი ჰყავს ამ ქვეყანას, გუშინ უნახავს პირველად და უკვე უყვარს. „ამ საქმეს რომ მოვაგვარებ, მერე უფრო მუყაითად მივხედავ კვერცხებსო“.

გუტია სიცილით კინალამ გაიგუდა.

დრო შევარჩიე, „სურათს გადაგიღებ-მეთქი“, ვთქვი და ლოდებს შუა ადგილის ძებნა დავიწყე.

ძალახოვი სოფიევკის ბუკლეტით დაბრუნდა უკან. სანამ სურათებს ვიღებდი, გუტია რაღაცეებს უყვებოდა ოლეგს. ოლეგიც აჰყვა სიცილში,

ორთავემ ირგელივ მიმოიხედა, ქვის კვერცხზე ჩამომჯ-
დარი რომ დამინახეს, კინალამ თავის სკამიანად გადაბრუნ-
დნენ. კიდევ ერთი სურათი გადავუღე და მიუუახლოვდი.

— გაიცანით, ჩემი მეგობარი ოლეგ მალახოვი, ეს კი
ახალგაზრდა მასწავლებელია მოსკოვიდან, გუტიას ეძახიან,
ზედმეტად „წითელი მელანი“. ადექით ახლა და წავიდეთ
„სიყვარულის კუნძულზე“, თქვენი აქ გაჩერება საცოდაოაა.

— ლევან გოგიაშვილი ქუთაისიდან, — წარმადგინა გუტიამ
მალახოვთან.

სამივე კუნძულისკენ წავედით.

— თქვენს შესახებ ოლევი მწერდა, ქართველი მეგობარი
მყავსო, მაგრამ მაინც სულ სხვანაირად მყავდით წარმოდგე-
ნლი.

— დიახ, ჩვენ დიდი მეგობრობა გვაქვს, ორი ფუთი მარი-
ლი უკვე შემოგვეჭამა და მესამეზე ვართ გადასული.

— არც ნამეტანი ვარგა, — გაიცინა გუტიამ.

სიყვარულის კუნძულზე უფრო ლამაზი დილა დაგვხვ-
და. ტბის ირგელივ ჩარიგებულ ტირიფებს ნიავეი ეღლაბუ-
ცებოდა და ხის ჩამოხრილი ტოტები მოლურჯო ტალღებში
თითქოს რალაციის დაწერას თუ დახატვას ლამობდნენ.

ოლეგი და გუტია „შეყვარებულ“ ხეებქვეშ ხის სკამზე
დავსვი და სურათი ისე გადავუღე, რომ ჩახვეულ ქალ-ვაჟს
უკან ერთმანეთზე გადაგრეხილი ხეები მოსჩანდა.

— ამ სურათს, თუ რამე გამოვიდა, მხატვრული ფოტოს
კონკურსზე გავაგზავნი, ისე კარგად ხართ აწყობილი, თუმცა,
ის შავი გედია მოწადინებული გააფუჭოს ყველაფერი. —
ოლეგმა და გუტიამ უკან მოიხედეს. მიშორებით წყალში
თეთრი გედები, ალფა და ბეტას მაგვარი მოხრილი, გრძე-
ლი კისრებით სიყვარულის ფორმულის გამოყვანას ცდილობ-
დნენ, მათკენ შავი გედი მიცურავდა, მესამე, მესამე ყოველთ-
ვის ზედმეტია. ბუნებას თავისი მსტოვრები ჰყავს. ალფას და
ბეტას ქორწილში მიიჩქაროდა ომეგა. იქვე ჯოხის ნატეხი
ავიღე და შავ გედს ვესროლე. ფოტოაპარატი პორტფელში
შევიანაზე, გამოვემშვიდობე „სიყვარულის კუნძულს“ თავის
ხიზნებთან ერთად და უკან გამოვბრუნდი. ასეა ეს ცხოვრება.

პოტოცკის გაშენებულ კუნძულზე ახლა მალახოვი ჩახვეოდა თავის გულისსწორს. მეც მესამე ვიყავი, და კიდევ კარგი, დროზე რომ მივხვდი და წამოვედი, არც ფოტოაპარატიანა „ომეგა“ ადვილი ასატანი.

იმ საღამოს არ მომცა ძილის საშუალება ოლევმა.

— გუტიას მოეწონე, — მითხრა ჩურჩულით, — უღვაშებით და ქილებიანი გიმნასტურით ჰყავდი თურმე წარმოდგენილი. ფოტოაპარატით რომ დაგინახა ქვის კვერცხზე, კინაღამ გაიგუდა. ასეთი კაცის გვერდით თუ გძინავს, არ მოიწყენო. მართალია, გოგოლი რომ ამბობდაო: „მხოლოდ ძალზედ კეთილსულს შეუძლია, ნათელი, კეთილი სიცილი“.

— ლიტერატორები კომპლიმენტებსაც ციტატებით ამბობენ, — გამეღიმა.

— შენ თუ მოგეწონა ჩემი გუტია?

— კარგი გოგოა, სიცოცხლით საესე, მხიარული, ლაპარაკზე ეტყობა, საქმიანიც იქნება და...

— სწორი ხარ...

— თქმაც მიჭირს და უთქმელობაც...

— თქვი, თქვი, — წამაქეზა მალახოვმა.

— სწორედ მასეთებმა იციან, ჩემო ოლეგ, ჯერ დაგიყვავებენ, მერე თეთრეულსა და ჭურჭლეულობას-შენს იმედზე დატოვებენ. თუ სიმართლე გინდა, არც ის მომეწონა, ორი თავით რომ ჩამოვიდა შენთან. ხან შელიაევის ცოლს ჰგავს და ხან ლაზარევის ქალიშვილს. ერთ დღეს იქნება, ვიღაცაში შეგეცვლება და სხვის ცოლს წაეპოტინები.

— შენსას კაცი ვერ გაიგებს, როდის ხუმრობ და როდის... — ნაძალადევად ჩაიციანა მალახოვმა, — ისე, დღეს კარი რომ გამიღო, სასტუმროს თანამშრომელი მეგონა უცებ.

— აი, ხომ ხედავ, ვერც დღეს გიცვნია.

— თავი დაანებე ქირქილს.

შევატყვე, იმ მარილზე უფრო, წერილის კითხვისას რომ ვაპირებდი, ჩემი ახლანდელი სიტყვები ემწუთხა.

— გეხუმრები, ბიჭო! გუტია დიდებული გოგოა.

— პირველი ხელფასით თოთო ბავშვის თეთრეული უყი-
დია, ნელ-ნელა ვემზადებო, მითხრა.

— თადარიგიანი ქალი დიდ რამეს ნიშნავს ოჯახში, — გა-
ვიძვროე ბაბუაჩემისგან განაგონი სიტყვები და ოცნების ტა-
ძარში შესახლებულ მაღაზიოს ძილის ლაბირინთებში გავე-
პარე.

35

ჭიშკართან მორიგეობა იშვიათად მიწევდა, მაგრამ როცა
მიწევდა, ვიცოდი, ჩვენს ნაწილში ვინ მოდიოდა, ვინ მიდიო-
და. ვიჯექი პატარა ოთახში, სადაც ტელეფონისა და საწერი
მაგიდის გარდა არაფერი იყო, თუ ვინმე გარეშე მოვიდოდა,
ნაწილის მორიგეს შევატყობინებდი ელექტროზარის საშუა-
ლებით. ადვილი სამსახურია, მაგრამ ყურადღებას მოითხოვ-
და მაინც.

კარგი ამინდი იდგა და სკამი გარეთ გავიტანე. წიგნს ვკი-
თხულობდი.

ორი ავტობუსი მოადგა ჩვენს ჭიშკარს, თავხოტორა ბი-
ჭვებით იყო სავსე, მაიორი ფირსოვი მოჰყვა ახალგაზრდებს.

— შიგ არ შეუშვალ — გამაფრთხილა და მორიგეს ორი ავ-
ტობუსი გამოთხოვა, რადგან ის ორი მანქანა, რომლითაც
მოვიდნენ, უკანვე გაბრუნდა.

სანამ მანქანები მოვიდოდა, ბიჭებს გავესაუბრე. ახლა მე
ვიყავი მასპინძლის როლში. სადაურობა ვიკითხე, — საიდან
არ ჩამოსულიყვნენ. ურალიდან, ბარნაულიდან, კალინინგრა-
დიდან, მთიანი ალტაის მხრიდან...

— როგორაა სამსახურის საქმე? — მკითხა შავგვრემანმა
ბიჭმა.

— კარგად, ვხტუნავთ ხანდახან, — ცაში ავიხედე.

— არაფერია, ჩვენც ვიხტუნავებთ.

ღილაკს თითი დავაჭირე, ავტობუსებს ჭიშკარი გავუღე.
ბიჭები აბანოში წაიყვანეს, ვიდექი სამორიგეო ოთახში და
გავყურებდი ჩვენი ნაწილისკენ მომავალ გზას, ქვეყნის ყვე-
ლა კუთხიდან ჩამოსულები, ერთად შეგროვილან და ამ გზით

შემოვლენ ჩვენს ნაწილში, იმსახურებენ და ისევ გაელიან ამ ჭიშკრიდან ჩემოდნებით. ამ გზით წავლენ. სასწაულია, მაგრამ ამ პატარა გზის მონაკვეთმა ყველას სახლი იცის, როგორ იცის? როგორ — რა ვიცი, ასე კია. ამდენი რომ იცის, მიტომ ჰქვია ალბათ გზა. გზა რომ არ იყოს, გაგვიჭირდებოდა ადამიანებს. გუტია ვერ ჩამოაკითხავდა ოლეგს, მამა-შვილა ბობკოვები ვერ შეხვდებოდნენ ერთმანეთს, კუროჩკა ვერ დაბრუნდებოდა სახლში. ცუდი გზა და კარგი გზა არ არსებობს, თუ კი გსურს მოხვედე მთის სოფელში, ოღროჩოღრო ხვეულებსაც კარგი გზა ჰქვია, რადგან თავის დანიშნულებას ამართლებს და სწორედ იქ მიგიყვანს; სადაც მიდიოდი. გზა ცოცხალი კაცივითაა, გზამ ყველას სახლი იცის, გზას ბოლომდე უნდა მიჰყვე, გზით ცხოვრებას გაიკვლევე, გზად ყველგან კარგი უნდა ჰქმნა. გზავ, საწყისიც ხარ და დასასრულიც! გზავ, შენი მეკვლე ვარ და ვიქნები. გზების ნაწილი ერთმანეთის გვერდით არიან, ერთმანეთთან კი არაერთად კავშირი არა აქვთ, ერთმანეთის არაფერი ესმით. ისინი არასოდეს გადაკვეთენ ერთმანეთს. ხიდები გვაკლია ამ გზების შესარიგებლად, რომ მთელი დედამიწის ცოცხალი არტერიები დავაკავშიროთ.

საახალწლოდ კლუბის წინ დიდი ნაძვის ხე გავაწყვეთ. თოვლის ბაბუა დაედგით, დიდი ხურჯინითა და პარაშუტიი, დიძრუკს რადიოკვანძის ოთახამდე შენიღბული ხაზით ხმამაღლა მოლაპარაკე ჩაერთო და ჩახურჯინებულ-ჩაპარაშუტებული თოვლის ბაბუა მოდურ სიმღერებს მღეროდა.

დილით ფოსტა მოვიტანე. „წითელი მელანი“ რაღაც სქელ კონვერტს უგზავნიდა მაღახოვს. ოლეგი საგუშაგოზე იყო და გუნება ჰქონდა გაფუჭებული, როცა ჩვენთან საახალწლო კარნავალი დაიწყებოდა, ავტომატმომარჯვებული მაღახოვი დალუქული საწყობების წინ უნდა მდგარიყო. საყარაულო ოთახში გუტიას ბარათი რომ მივუტანე, გაფრინდა სიხარულით. წერილთან ერთად სურათებიც გამოეგზავნა გუტიას.

ნატამას დაბადების დღეზე ვიყავითო, იწერებოდა. მალახოვს ორი კოეზი მარილით შეეუკმაზე ეს სიხარული, წარბიც არ შეუხრია, „შენ სურათები დაათვალიერეო“ — გამომიწოდა. ოთხი გოგონა და სამი ვაჟი იყო ყველა სურათზე. დაწყვილებული გოგო-ბიჭების გვერდით გუტია ცალად იდგა. ნეტა ვინ იღებდა ამ სურათებს? თუ დედა იღებდა ნატამასი, არაფერი უჭირს, მაგრამ ვაი თუ?.. მალახოვს ყურადღებაც არ მიუქცევია. მე ვფიქრობდი მის მაგიერ. კიდევ კარგი, არაფერი წამომცდენია. ბოლო ხანებში გვიან-გვიან უგზავნიდა წერილებს და მოლუშული მალახოვის დანახვას ვერ ვიტანდი. ხშირად ვამხნევებდი:

— წელს უფროსკლასელებს ასწავლის, საკონტრილო წერებიც იშვიათადაა...

მიიღებდა წერილს და ხელად გამოიცვლებოდა. საპასუხო წერილში საყვედურის თქმაც ავიწყლებოდა.

დილით მუსიკალური სასწავლებლის გოგონები გვესტუმრნენ. ღიდა და ლუსია ფიფქიებივით, თეთრი კაბებით გამომეცხადნენ, ჩურჩხელები ჩამოუურიგე გოგონებს.

— შო ცე ტაკი? — უკრაინულად მეკითხება ლუსია.

— ჩურჩხელებია!

— რა არის ჩურჩხელა?

— ჩურჩხელა ჩურჩხელაა.

— კი მაგრამ, ეს ჯოხები იჭმება თუ სხვა რამისთვის გამოდგება?

— იჭმება.

— ხეზე იზრდება თუ ბოსტანში?

— ხეზე, შეგიძლიათ მიირთვათ.

ღიდამ ჩურჩხელა გატეხა. — ჩემი ძაფიანიაო, — თქვა და გაკვირებული მომაჩერდა.

— ხდება ხოლმე, ზოგი ძაფიანი გამოდის, ლუსია, შენი როგორია?

— ჩემიც ძაფიანია.

— ხანდახან ძაფიანსაც ვჭამთ, — გამოეპარეთ ჩურჩხელები და ვაჩვენე როგორ იჭმება, ცოტა ხანს მადროვეს, რომ არაფერი მომსვლია, ხეწნა დამიწყეს, ჩვენც გავგასინჯეო.

სულ მალე ჩურჩხელებისხელა ძაფები შერჩათ ხელში.

— ძაფი არცერთს არ გყვარებით.

— ძაფი არა, ეს დიდებული ყოფილა, ამის ხის ნერგი თუ ივარგებს ნეტა ჩვენთან? — კითხულობს ლიდა.

— ყინვას ვერ უძლებს, თუ არა...

რიტმული მუსიკა აჰყვა ფერადი ნათურების ციმციმს. მუსიკას ჩვენც აყვავით ცეკვით და დატრიალდა დარბაზი. მე და ლუსია ვცეკვავდით. ლიდა ერთ ხანს უხერხულად იდგა, მერე ლეიტენანტმა კაპლუნმა გაიწვია საცეკვაოდ. ამის მერე კაპლუნი ლიდას აღარ მოსცილებია. ლეიტენანტი ჩვენს ნაწილში სასწავლებლიდან მოვიდა, სამი წლით იყო ჩვენზე უფროსი და მოსვლისთანავე დაუუახლოვდით ერთმანეთს. მათთან მივედი, ჯიბიდან კენჭები ამოვიღე და ლეიტენანტს გავუნაწილე, უნებურად გამომიშვირა ხელი. შეინახე-მეთქი. გოგონებმა გადაიკისკისეს. კაპლუნი დაბნეული მომჩერებოდა და არ იცოდა სად წაეღო კენჭები. ყურში წავჩურჩულე: — ეს გოგონები ერთად ცხოვრობენ, საერთო საცხოვრებელში, მეორე სართულზე ამათი ფანჯარა, პარკის მხრიდან შესამეაწინიდან კომენდანტი არ გვიშვებს და ამათი გამოძახება მორზეს ანბანით მიწევს.

— გასაგებია, — თქვა კაპლუნმა და კენჭები ჯიბეში ჩაიყარა.

ერთი კვირის შემდეგ კაპლუნს შეყვარებულმა ჩამოაკბოთხა ტომსკიდან, უკან გასაბრუნებლად ვეღარ გაიმეტა და ერთ-ოთახიანი მარტოხელა კაცის საცხოვრებელი სამოთხედ გადააკეთა.

მეორე დღეს მე მომიწია საგუშაგოზე დგომა. მალახოვი მუსიკალურ სასწავლებელში წავიდა მიწვევაზე. ყველაფერს მომიყვა; კარგი დრო გავატარეთ, მე და ლიდა მთელი საღამო გუტიასზე ვსაუბრობდით. ლიდას მსგავსები ცოტანი. თუ იქნებიან ამ ქვეყნადო.

შინ წერილი აღარ გამიგზავნია. ისე მინდოდა მივდგომოდი შინაურებს, გაუფრთხილებლად. რაც უფრო მეტია სიხარული, მით უფრო მსუბუქად მიგაქვს თურმე. ბორისპოლიში მომწვია ცდამ, თუ არა, საათნახევარში კოპიტნარის აეროპორტში ვიყავი.

— ლევანი ლევანი! — მეძახის ვიღაც მანქანიდან. —

მანქანისკენ წავედი, ძლივს ვიცანი ჩემი ტოლა ბიჭი, ადრე ფეხბურთს ვვარჯიშობდით ერთად.

— დაჯექი, წაგიყვან, მამაჩემს ველოდები, ამ თვითმფრინავს უნდა ჩამოჰყვეს.

— დაველოდოთ, რამაზ! — გავიხსენე სახელიც.

— მსახურობ, ესე იგი.

— ვმსახურობ!

— სულ ჩამოდი თუ შევებულებით, ამხანაგო ჯარისკაცო?

— შევებულებით, — ცივად უპასუხე, რადგან შევატყვე, დამცინავად გადმომხედა.

— ძნელია ხომ?!

— შენ რატომ არ გაგიწვიეს? — უპასუხოდ დავტოვე მისი კითხვა.

— მამაჩემმა გააჩალიჩა საბუთები, რაღაც ისეთი ჩაუწერიათ სამხედრო ბილეთში, აღარც სამსახურში მიმიღეს, აღარც მართვის უფლებას მაძლევენ, არა და, სამი წელი რა გაძლებდა ჯარში, სამი წელი ტყუილად უნდა დაკარგულიყო.

— ესე იგი დანელია, მახარაძე, ბერაია, მურმან გეწაძე... ტყუილად წასულანი?!

— რა თქმა უნდა, რაში გარგიათ, თუ რამეს გიკეთებთ კი, მაგრამ...

— ჩვენ გვარგია კი არა, ქვეყანას ვარგევართ...

— დამიწყე შენც, სადაც მასეთებს წერენ, გაზეთს არ ვშლი იმ ადგილზე.

— ჰოო?

— ტყუილია და მიტომ. შარშან ბიჭვინთაში ვისვენებდი, წელს გაგრაში, გაისად ყირიმში წავალ, კაი სმა-ჭამა და კაი ნაშები, ჯარში დაგიხატავენ.

— აწი მაინც რას აპირებ?

— ჯერ პრავა მინდა ავილო, მერე...

— არ გაძლევენ?

— ხომ გითხარი, მაყუთითაც ვერ გაეაკეთეთ. „იმ ბილეთს თუ შეეცვლით, გაგიკეთებთ, თუ არა და რა გიყოთო“. შეცვლილი და ჯარში გიკრავენ თავს. დავიცდი ცოტას, ან კანონი შეიცვლება ან კაცი. დღეს კაცი თუ გყავს, კანონსაც მოეცლება.

— ჯარში არ მიჰყავთ: უხელო, უფეხო, ბრმა, ყრუ და ქვეშეფსია, თუ ასეთი არაფერი გაწუხებს, ჩემი აზრით, სირცხვილიცაა, სახლში იჯდე... — ვუთხარი ეს, მანქანიდან გადმოვედი და კარი მივუჯახუნე.

ლევანი ჩამოსულაო და მთელმა მეზობლებმა მიმაცილეს სახლამდე. იმ დღეს ჩვენს ჭერქვეშ სიხარული იჯდა თამადად, ქალაქი შეცვლილი მეჩვენა, გაზრდილიც, გალამაზებულაც, ყველაფერს ისე ვათვალიერებდი, თითქოს პირველად ვხედავდი. ბაღის კიდეზე ძველებურად დასეირნობდნენ.

ათლიანი შვებულება ისე მალე შემომადნა, არაფერი გამიგია. ახლობლების მიკითხვ-მოკითხვა დამთავრებული არ მქონდა, დამშვიდობება რომ დავიწყე. იმდენი გამცილებელი მყავდა, ასეულს შეადგენდა კაცი. კიევამდე მატარებლით გავემგზავრე. ვიჯექი ფანჯარასთან და თვალს ვადევნებდი თვალუწვდენელ სივრცეებს. ვაგონში სითბო იყო. გარეთ ცივი ქარი აწვალებდა ხის ტოტებს. მატარებლის ბორბლები თავქუდმოგლეჯილი მისდევდნენ ელმავალს და თანდათან მაახლოებდნენ იმ პატარა გზის მონაკვეთს, ჩემი ნაწილის ჭიმკრამდე რომ მიდის.

თებერვალში ნაწილის სპორტის ინსტრუქტორმა, კაპიტანმა, ლებედევმა ათკილომეტრიანი გადარბენა მოაწყო თხილამურებით. რა დასამალია და, თხილამურები პირველად მოვირგე.

— ამხანაგო კაპიტანო! — მივმართე ლებედევს, — დროში თუ ვერ ჩავეტიე, რა მეშველება?

— მაშინ ათკილომეტრიანი კროსით შეგიცვლი, მშთ-ს ნორმატივი ხომ უნდა ჩააბარო?!

— კიდევ კარგი, გამოსავალი მაინც ყოფილა, ისე, თხილამურებიც მინდა ვცაღო.

კაპიტანმა რაღაც საცხი მომცა: თხილამურებს გაუსვია, მანამ სტარტზე გახვალო.

ბერაია მოსრიალდა სტარტის ხაზთან.

— ლევან, რა არი, რომ უსობ?!

— რაღაც საცხი მომცა კაპიტანმა.

— საცხი რად ვარგა, ბიჭო, თხის ქონია კარგი, მამჩქემა სულ თხის ქონს ხმარობს.

— თქვენთან იცის თხილამურების თოვლი თუ?

— აბა არა? თეთრი თოვლი იცის ისეთი, რა არის ესო, იფიქრებ. თოვლიანში უყვარდა მამჩქემს კურდღელზე ნადირობა. მთელი დღე უსვამდა თხილამურებს თხის ქონს. ასეთი კი არ არის ის თხილამურები, ცოტა ფართოა და მოკლე, იმისთანა თხილამურებს მთელი განთიადი რომ დაიარო, ვერ ნახავ. მოამზადებდა თხილამურებს, იტყოდა, ხვალ უთენია მივდივარო. ავდგებოდი მეორე დღეს, თხილამურები წინკარში მხვდებოდა აყუდებული, თოფ-იარაღი — თავის ადგილზე, ძაღლი — მეზობლებისას, თანატოლებში, ვალიკო — წისქვილში. რატომ არ წასულხარ-მეთქი? — ვკითხავდი, „რასაა, რომ მეკითხები, — შემომიყვირებდა, — ვერ ხედავ? თოვლინ გამდნარა და მიწაზე კურდღლის კვალს შენ გაიგებო“; ასე მუქთად წმენდდა თხილამურებს სულ. ერთხელაც არ გამოუყენებია. კურდღელზე ნადირობა ძალიან უყვარს ვალიკოს.

— ბერაია სტარტზე, — გაისმა ლებედევის ხმა.

— ამხანაგო კაპიტანო, თუ შეიძლება გოგიაშვილთან ერთად გამიშვი, ამხელა გზაზე რალაცას დავილაპარაკებთ.

— არ შეიძლება!

— ლევან, ორ-სამ კილომეტრში დაგელოდები, მოხერხებულ ადგილზე, — ქართულად დამიბარა და თხილამურების ნაკვალევს გაჰყვა. თორმეტიოდე წუთის მერე მეც დავადექი სათხილამურო ტრასას. ხუთ კილომეტრზე უკან უნდა მოვბრუნებულიყავით და ფინიში იქვე გაგვეკეთებინა, სადაც სტარტი ავიღეთ. თავიდან ოსტატურად წავხედე ჩემზე გამოცდილებს, არც დაიჯერებდა კაცი, თხილამურებზე პირველად რომ ვიდექი. მერე და მერე აღმართი დაიწყო და მშრალზე დარჩენილი თევზივით დავიწყე სუნთქვა. ჯერ ერთმა გადამასწრო, მერე — მეორემ, მესამემ და მთლად ბოლოში მოვექეცი. ხან დავისვენე, ხან გავაგრძელე გზა. ჯერ კილომეტრიც არ მქონდა გავლილი. მოძრაობას ვეღარ ვახერხებდი, უკან დაბრუნებისაც მრცხვენოდა, არადა, ყველა თვალს მიეფარა, ვიდექი შუა გზაზე ვენახში დასობილ საფრთხობელასავით. ეჭვნების წკრიალი შემომესმა უკნიდან. მოვიხედე. ჭრელი ცხენი მოდიოდა ჩორთით. მარხილში მოხუცი იჯდა, კაზაკივით გადაფურჩქვნილი უღვაშები ჰქონდა. სადავე მოზიდა, მომაჩერდა. ეტყობოდა გადაეხუზა.

— რაო, ჩვენებურო, ყველამ გადაგისწრო? — მეკითხება მხიარული ხმით, — დაჯექი, წაგაიყვან! — შემომთავაზა მოხუცმა.

წავიძვრე თხილამურები და მარხილში მოვკალათდი.

— რამდენი ხანია მსახურობ?

— ნოემბრის მერე, მეორე წელი დაიწყო.

— რა ნაწილში ხარ?

— ასეთ რალაცეებზე წესდება მიკრძალავს ლაპარაკს.

— თხილამურების ნაცვლად მარხილით რომ მისრივალე, ამაზე რას ამბობს წესდება?

— თხილამურებზე და მარხილზე არაფერი წერია.

— ის ხომ წერია, ჯარისკაცი მართალი უნდა იყოს, კეთილსინდისიერად შეასრულოს...

— რა ვქნა, ჩვენთან არ იცის თხილამურების თოვლი.

— იმ თავში გამსვლელს არ გავხარ შენ. აგერ ვცხოვრობ ახლოში, წამოდი, ჩემს ხატას გაჩვენებ, სანამ შენები ამობრუნდებიან, წავისადილოთ კიდეც. შენოდენა ბიჭი მეც მყავს ჯარში გავზავნილი, ანატოლი ჰქვია.

— თქვენი შვილი?!

— არა, შვილიშვილი. შვილსაც ტოლია ერქვა...

ცხენმა თავისით გადაუხვია მთავარი გზიდან. რამდენიმე სახლს ჩაუარა და ერთ ჭიშკართან გაჩერდა. პატრონს გადმოხედა, — ჭიშკარი გამიღო. ცხენი თავის კანტურით გაემართა სადგომისკენ. სანამ მარხილიდან გამოსხნიდა, გავაზე მოუთათუნა ხელი.

— ეს ცხენი ჩემი მეგობარია, უსიტყვოდ ვუგებთ ერთმანეთს. „ბურია“ ჰქვია.

— თქვენ რა გქვიათ?

— მაქსიმე. სოფლელები ექვსთითა მაქსიმეს მეძახიან, მარჯვენა ფეხზე ექვსი თითი დამყვა დაბლებიდან. შემოდი, შემოდი! — კარი შეაღო და შემიძღვა.

— პრასკოვია, მიიღე სტუმარი და გაუმასპინძლდი!

ქალმა ქაფქირი ქვაბის თავზე ჩამოღო, სველი ხელები წინსაფარზე შეიმშრალა და ღიმილით შემოგვეგება.

— ჰო, იმას გეუბნებოდი, მარჯვენა ფეხზე ექვსი თითი მაქვს. ჩემს ახალგაზრდობაში გაუნათლებელი იყო ხალხი. რევოლუციის შემდეგ ჩვენთანაც გამოჩნდა ერთი — სერაფიმ აქსელროდი. წერა-კითხვას და ანგარიშს გვასწავლიდა. ერთ დღეს მკითხა. რამდენი იქნება ცამეტს რომ შვიდი მიუგმატოთო. ჯერ თვრამეტი ვუთხარი, მერე — ცხრამეტი, ორივე დამიწუნა და ოცდაერთი შევთავაზე. — „კარგად დაუფიქრდი რამდენი თითი გაქვს ფეხებზე და ხელებზე ერთადო“ — ოცდაერთი რომ გავიმეორე, თვალები დაკაკლა აქსელროდმა. სიმ გითხარი, დაუფიქრდი-მეთქი, მეხვეწებოდა, თანაც ის გაუკვირდა, როგორ არ იცის, რამდენი თითი აქვსო, — რად უნდა ფიქრი, თუ გაინტერესებს, გაჩვენებ-მეთქი. — ფეხსაცმელი გავიხადე და სკამზე ჩამოვდე ფეხი. ახლა მე შემეცოდა ჩვენი მასწავლებელი, ისე დაბნეული უყურებდა ბუნებრივ წუნს და ექვსი თითიდან ვერაფრით ვერ გაერჩია, რომელი იყო ზედმეტი.

იმ დღის მერე ექვსთითა მაქსიმეს მეძახის მთელი სოფელი. ეს ზედმეტსახელი იწყინა ღმერთმა და ორმოცდასამში, მარცხენა ხელზე, ორი თითი დამაკლდა, შუათითი ნახევრად, არათითი სულ არ შემრჩენია, სამთითა ხელი გაშალა მოხუცმა.

— როგორ მოხდა?!

— შენი სახელი? — მკითხა მაქსიმემ.

— ლევანი!

— ჯერ ვისადილოთ, ლევან, დედაკაცო, მოგვხედე აქეთ! — გასძახა პრასკოვიას. მაგიდა ხელად გაიღესო: წვნიანიც იყო აქ, სახლში დამზადებული უკრაინული ძეხვიც, შაშხი და თბილარძე. ნაწილის სასადილოში გემრიელ კერძებს გვიკეთებდნენ, მაგრამ უკრაინული, სოფლური პურმარილი სულ სხვა იყო.

— ისიც მოიტანე! — თვალით განჯინისკენ ანიშნა მოხუცმა.

პრასკოვიამ განახევრებული შტოფი ჩამოღდა.

— მე არ ვსვამ.

— ყოჩაღ! მე მაინც დავლევ ერთ-ორ ჭიქას, — მითხრა და სამთითა ხელი ყელში წაავლო შტოფს, მეორეც შეაშველა და ღვინის ჭიქა შეაღებო მღვრიე ფერის შინნახადი არაყით. შენი სადღეგრძელო იყოს და ჩემი ბიჭის — ტოლიასი. — ერთ ყლუპზე გადაკრა, დაიჭყანა, მარჯვენა ხელის მაჯას დაყნოსა და მოვიდა ხასიათზე. მარჯვენასაც ისე უხერხულად ხმარობდა, შევატყვე, არც ის ჰქონდა საღი, — რა გიკვირს, მარჯვენა ხელს სამთითა მარცხენა მირჩენია, აი ნახე! — და მოხუცმა მარცხენა ხელის ცერსა და წაჭრილ შუათითს მარჯვენა ხელა მიაზომა, მარჯვენას მტკაველი გაცილებით პატარა იყო. — კიდევ გიკვირს?..

...თვარამეტი წლის ბიჭი ვიყავი, თეთრგვარდიელებმა ან ტიპი გაკოჭეს, — მამაჩემი. ორი მისი მეგობარი კუზმა და აკიმი უკვე ჩამოეხრჩოთ. მამაჩემის რიგი იყო. ხელებშეკრულს ცხენდაცხენ მიუახლოვდა თეთრგვარდიელთა შტაბს კაპიტანი ტარნოვსკი.

— გინდა, შენც ჩამოგკიდოთ, თუ ჩვენს ქუდს დაიხურავ? — ჩაეკითხა მამას და თეთრხელთათმნიანი ხელი ნიკაპს ქვეშ ამოსდო. მამამ თვალი თვალში გაუყარა, მეზიზღებითო, უსიტყვოდ აგრძნობინა.

— აზრი თუ დაკარგე, თავსაც მიაყოლებ, — იყვირა ტარნოვსკიმ. ანტიპმა არც აცია, არც აციელა და გაწკეპილი უღვაშებით გაწყობილ სახეზე შეაფურთხა. ტარნოვსკიმ ხმაღზე იტაცა ხელი. იქვე ვიდექი... ტარნოვსკი რომ ხმაღს წაეტანა, მაშინ კი მიბიძგა რაღაცამ, ერთი ნახტომით ოფიცრის წინ გაენდო, შიშველი ხელით ხმაღს ჩავაფრინდი, ისე რომ ხმაღს ჩაველებული მარჯვენა ხელი ქარქაშის გაგრძელებასავით დარჩა. ტარნოვსკი არ მორიდებია ჩემს ხელს... დასერილი მარჯვენა სიმწრით ავიქნიე, ახლა თქრიალით წამოსული სისხლი შეემატა ტარნოვსკის მიფურთხებულ სიფათს. თვალბშიც შესხმოდა სისხლი და ბრმად მოქნეულმა ხმაღმა თავისივე ცხენს წაათალა ყური, დაფრთხა ცხენა, გაჭენდა. ტარნოვსკიმ თავი ველარ შეიკაეა უნაგირზე, ცალი ფეხი უზანგუში დარჩა. გადარეულმა ცხენმა კაიხელაზე ათრია შტაბს-კაპიტანი. მე სისხლისგან ვიცლებოდი. მამაჩემსაც ვერაფერი ვუშეველე, მაინც ჩამოახრჩვეს. რაღაცნაირად გამომაპარეს. ხელი შემიხვიეს, სისხლიც გაჩერდა, შემიხორცდა კიდეც, მაგრამ ამაზე მეტს ველარ ვშლი ხელისგულს, — მოხუცმა ხელახლა გაივსო ჭიქა, დალია და ისევ მაჯას დაყნოსა. — უღედმამოდ გავიზარდე, — გააგრძელა თხრობა, — ყველაფერი თითქმის გამოსწორდა, წელში გავიმართე და რომ მეგონა, აწი აღარაფერი გვიჭირს-მეთქი, გერმანული ჭირი მოედო ქვეყანას. ხელის გამო არ გამიწვიეს ომში. არადა, სახლშიც ვერ-გაეჩერდი. სოფელში ჩემი ხენის კაცის ჭაჭანება აღარ იყო. კოლმეურნეობის თავმჯდომარედ ამირჩიეს, ერთ თვეში გერმანელებიც შემოვიდნენ და როცა მანკოვკის ტყეებში პარტიზანები გაჩნდნენ, მეც შევუერთდი. ჩემი ვაჟი, ანატოლი, თექვსმეტი წლისა იყო. მოხალისედ არც ის ჩარიცხეს და ტოლიაც. ჩვენთან მოვიდა. ტყვიასავით სწრაფი იყო, მოხერხებული და აზრიანი. ეს სურათი სიკვდილის წინ გადაუღო კოლია ვინოგრადოვმა, მზვერავი იყო ჩვენთან. — სურათზე დაბამბულ კურტკაში გამოწყობილი თმაქოჩორა ბიჭი იღიმებოდა. — აგერ მაგისა ვაჟკაცი, ამასწინებზე წერილი გამომიგზავნა სურათთან ერთად, — მაგიდის საფარი გადასწია და კონვერტი გამოძი-

წოდა, ტანკისტის ფორმაში გამოწყობილი ბიჭი გაჭრილი
ვაშლივით ჰგავდა მამას, სურათებში მამა-შვილი ტოლები
არიან. ახლა შვილიშვილი უფროსია შეილზე. იმ დაწყევ-
ლილ დღეს ანატოლი მოკაეშირედ გვყავდა გაგზავნილი,
იატაკქვეშელებთან, რკინიგზის სადგურზე. გერმანელებს ეჭ-
ვი მიუტანიათ მასზე. გადმოუღია კონდახმოსხნილი გერმა-
ნული ავტომატი, კურტკას ქვეშ რომ ჰქონდა შენიღბული
და სამივე პატრული მიუწვენია, ცხენს მოხტომია და გამოქ-
ცეულა თურმე. მოტოციკლებით გამოდევნებიან, ხრისტი-
ნოვკის შესასვლელში წამოწვებია მღევარი. ცხენი დაუჭრეს,
ფეხი წაქცეულ ცხენქვეშ მოჰყოლია და ფეხმოტეხილს ორი
მოტოციკლი მაინც ამოუტრიალებია ხელყუმბარებით...

ტოლიას რომ შეაგვიანდა, ჩვენს მეთაურს ბოგდან ხა-
მუტოვსკის ეთხოვე — არაფერი უჭირდეს, შევეგებები-მეთქი.
უარი არ უთქვამს, ორი კაციც გამატანა... ტყვიამფრქვევებით
იყო დაცხრილული. იქვე ორი მოტოციკლი ბოლადა ნახევ-
რად დამწვარი. ცხენი და კაცი გვერდი-გვერდ დავასაფლავეთ.
ერთი კვირის მერე გაჩნდა პატარა ბიჭი, მამის სახელი და-
ვარქვეი. დედამისი — ვერა მზარეულად იყო ჩვენთან. ხუთი
თვის მერე ჩვენი ბანაკი დაბომბეს, სამი პარტიზანი გამოგვაკ-
ლდა მაშინ, ერთი ჩემი ვეროჩკა იყო. — მაქსიმემ ცრემლებს
არაყიცი მიაყოლა და ისევ დაყნოსა მაჯას. — ...ორმოცდაოთხის
გაზაფხულზე რკინიგზის ხიდი უნდა აგვეფეთქებინა. ჩემთან
ერთად ხუთი კაცი იყო კიდევ, შორიდან დაეხვერეთ. ყოველ
ნაბიჯზე ჩაემწკრივებინათ ჯარისკაცები, ხიდთან მიახლოვე-
ბას ვერც ვიფიქრებდით. იქვე მივიღეთ გადაწყვეტილება,
ხცდამდე უნდა აგვეფეთქებინა რკინიგზა. ტყე-ტყე გავიარეთ
ერთ კილომეტრამდე, ყველა მონაკვეთზე გაძლიერებული მეთ-
ვალყურეობა იყო. გადავწყვიტეთ, მტრის ყურადღება რომე-
ლიმე უბანზე გადაგვეტანა, ორ კაცს კი რკინიგზა დაენაღმა.
გუშაგები უხმოდ მოვხსენით. მაინც შეგვნიშნეს და სროლით
დავიხიეთ უკან. უცებ მუხლში ელექტრონივით გამიარა...
თანდათან სასიამოვნო ბურანმა წამართვა თავი. მერე აღარა-
ფერი მახსოვს. თვალში რომ გავახილე, მივხვდი, სადაც ვიყა-
ვი... ღრმა ხურგში თავდაცვით ხაზებს გვაშენებინებდნენ.

სამჯერ გავიპარე, სამივეჯერ დამიჭირეს და უკანვე მიმათრი-
ეს. გაპარვაზე ფიქრი მაინც არ შემინწყვეტია, სანამ ფეხებს
შეეძლო სხეულის ზიდვა. ერთ საღამოს, მძიმე მუშაობით
გათრეული წელი ძლივს მივიტანე საწოლამდე. ერთი მოლდა-
ველი ბიჭი ტატუროვკას იკეთებდა ხელზე. ნემსი გამოივართ-
ვი და მუხლს ზემოთ ორივე ფეხზე დიდი ასობით დავიწერე. —
ამის თქმა და მაქსიმემ ხვანჯარი შეიხსნა, შარვალი ჩაიწაა
და მიჩვენა, ОНН УСТА.ИИ, — ეწერა მარცხენა მუხლსზემთ,—
ИЮ ВСЕ-ТАКИ ИДУТ, — მარჯვენაზე გადაეტანა. ოთახში პრას-
კოვია შემოვიდა, ხორციანი ღვეზელები შემოიტანა, შარ-
ვალჩამძვრალი მაქსიმეს დანახვაზე გაიცინა.

— ხელწერას ვერ დაუწუნებ, რაც მართალი მართალია,
არ შეგეშინდეს, შეილო, პალსტუხი აკლია მხოლოდ, როცა
ხელები აღარ ჰყოფნის საბუთად, ფეხებსაც იშველიებს, —
თქვა პრასკოვიამ.

რა შემაშინებდა, იმასლა ვფიქრობდი, უბედური გაჩენი-
ლა ამ ქვეყნად მაქსიმ ანტიპის ძე-მეთქი. წამოვდექი, ქული
და კურტაკი ავიღე.

— რა გეჩქარება, მიირთვი რამე, ევრე როგორ იქნება,
ხელი არაფრისთვის გიხლია.

— არ შემიძლია, ის კი მაინტერესებს, ბოლო-ბოლო გაე-
ქეცით გერმანელებს თუ...

— მეოთხე ცდაზე გამიმართლა. სამუშაოდან გავიპარე.
ნაჭრილობევი ფეხი მახსენებდა თავს, მაშინაც ვერ გაუუს-
ხლტებოდი ხელიდან, მაგრამ იღბლად პარტიზანების მზვერა-
ვებს წავაწყდი ტყეში, ჩემი მათთან შეხვედრა ზედგამოჭრი-
ლი შეიქნა, ტყვეთა განთავისუფლება ჰქონიათ გადაწყვეტი-
ლი. საჭირო ცნობები ჩამომართვეს, ნახაზებიც გამაკეთები-
ნეს. ორი დღის შემდეგ, გამთენიისას, ათიოდე გერმანელს
გარდა არცერთ ესესელს არ გაუგია, როგორმა დილამ შემო-
იხედა ნაბანაკარში. იმ დღეს პარტიზანებმა ხუთასამდე ტყვე
გაათავისუფლეს.

მასპინძლებს ყველაფრისთვის მადლობა გადაუხადე და
გამოვემშვიდობე. პრასკოვიამ ქაღალდში შეხვეული ცხელი
ღვეზელები დამაწია, არ დაიშალა, ძალით გამატანა, თხილა...

მურები ამოვიღლიავე. ყინვაშეპარული თოვლი ახრაშუნდა ფეხქვეშ. მთავარ გზაზე მოთხილამურეთა ერთი ნაწილი უკვე ამთავრებდა ტრასას. ლებედვი, მურავიოვი და ლაბადა სიცილით კინაღამ გაიგუდნენ, ერთი საათის წინ ფეხებზე წამოცმული თხილამურებით რომ გამისტუმრეს და ახლა ხელით მიეუბრუნე უკან.

— ლევან, სად ხარ, ბიჭო; რომ გადამრიე, — შემომხვდა ბერაია, — ცალი თხილამური ფეხზე ეცვა, მეორე — ხელში ეჭირა. სამაგრმომძვრალი.

— აგერ ვიყავი, ახლოში!

— ახლოში კი არა გიცდი ერთი საუკუნეა. ეგი ქე გცივდა, რაღად ვარგა აწო, — ღვეზელი გამომიწოდა.

— სად იყო?

— ლუბა დეიღამ გამომიცხო, აგერ ცხოვრობს, სულ ახლოს, — ხელით მაჩვენა ბერაიამ, — ხომ წავედი ტრასაზე, გადამისწრეს და გადამისწრეს. ლევანი წამომეწევა და ერთად ვივლით, ის რაღა გადამისწრებს-მეთქი, ვფიქრობდი, კისკისი რომ შემომესმა, მოვიხედე, გოგო ჩამოყრდნობია ჭიშკარს, მიყურებს და იცინის. სულ არ ჰგავს ძუკუს გოვოს, მაგრამ მაინც ლამაზია. ახლა მე ვუყურე, ვერც რამე ვუთხარა და ვერც გზა გავაგრძელე, კარგა ხანს ვიყავი ასე.

— ცუდად ხომ არ ხარ? — მკითხა ბოლოს.

— წყა-ლი... — ეთქვი, სხვა რიომ ვერაფერი მოეახერხე.

გოგონამ სახლში შეირბინა. მალე გამობრუნდა გრაფინით, შუახნის ქალი მოჰყვებოდა ჭიქით, დაელიე, მოვითქვი სული. შენი ფერი არ მომწონსო, მითხრა ლუბა დეიღამ და სახლში შემიწვია, შენთვის უნდა დამეცადა მაინც და შევეყვი სახლში. თბილი რძე და ტკბილი ღვეზელი მომიტანეს, მოგიხდებარო. ის გოგო მიყურებდა უტეხად. ნახევარი საათი გაუძელი მის ღიმილს და შაბიამნისფერ თვალებს, რომ დავემშვიდობე, ლუბა დეიღამ მითხრა, შემოიარე ხანდახანო. კიდევ კარგი, ჩემს მაგივრად მახარაძე რომ არ იყო, თუ არა, შეუყვარდებოდა ლუბას გოგო და ვეღარ მოიცილებდნენ, მარტო ღვეზელს არ დაჯერდებოდა ჩემსავით.

— ეს შენ, პრასკოვია ბებიაშ გამოვიგზავნა, ჯერ კიდევ თბილისა, — გავუწოდე შეხვეული.

— კარგი ხალხია, დედას გეფიცები!

39

მარტის პირველ რიცხვებში ებრაელთა საფლავი გავწმინდეთ. რვა მარტს, დილით, ყვავილების მოსაკრეფად წავედით. ტყეში თოვლი თითქმის აღარ იყო. ჩიტების სტვენა ისმოდა. გაზაფხულის დილა და მუსიკა მრგვყვებოდა ყვავილებზე. ყვავების ყრანტალი შემოგვესმა. ზევით ავიხედეთ, ხის კენწეროებს დასტრიალებდნენ, სხვა დროს არასოდეს შეგვინიშნავს აქ ყვავები. ახლა საიდან გაჩნდნენ, ერთი კი არ იყო. მივუახლოვდით საფლავს. საფლავის ბორცვზე ფურმანი იწვა გულაღმა, ცალი ფეხი შეკეცილი დარჩენოდა. მარცხენა ხელი გულზე დაედო, მასში სამი მიხაკი ჩაებლუჯა, მარჯვენა გადმოემალა და საფლავის მიწა მოეპოტნა. თვალები ფართოდ გაედო, თითქოს ხეებს ზემოთ მოტრიალე ყვავებს უყურებდა. მის თვალეში ახლაც შიში იყო ჩაყინული. იმ ადგილზე იწვა, სადაც მიხაკებს დებდა ხოლმე, საიდანაც ოცდაორი წლის წინათ ამოიღეს ცოცხლად დამარხული. ოცდაორი წელი იარა ცოცხალმა თუ მკვდარმა. განა იმიტომ, ოცდაორი წლის ტანჯვის შემდეგ, ზუსტად იმ ადგილზე დაეხუჭა თვალეები? ახლა მას დაუმარხავი მკვდარი ერქვა. ალბათ ამისი ეშინოდა ფურმანს დღენიადაგ.

40

ბოლო ხანებში მაღახოვი სულ გამოიცვალა. ივნისის პირველ რიცხვებში დემობილიზაცია უწევდა. ახლა ოლეგს დასჩემდა უძილობა. მთელი თვე გავიდა, წერილი არ მიედო. სარვაშარტო ბარათი ისევ ლიდამ მისცა, გუტყას გაუგზავნეო, თანაც ასწავლიდა, ასე და ასე მისწერე, გაუხარდებო. აპრილი დაიწყო, არც პასუხი იყო და არც... ერთხელ

დავამშვიდე, არაფერი იდარღო-მეთქი, საქორწილოდ ემზადება, ათასი საქმე ექნება მოსაგვარებელი-მეთქი. ეწყინა, შენ სამშობლოს დასაცავად ხარ გამოგზავნილი, გუტიას დაცვას არავინ გეხვეწებაო. ამის მერე ვერც ვერაფერს ვეუბნებოდა. დადიოდა შიშველი დარდი და ფიქრი ჩემს გვერდით და სიგარეტის კვამლში ახვევდა თავის ხვაშიადს.

ერთ დღეს წერილების დახარისხებისას გუტიას ხელი ვიცანი კონვერტზე, ოღონდ იმან შემაშფოთა, შავი მელნით იყო დაწერილი.

— არის რამე?! — მეკითხება ფოსტიდან დაბრუნებულს.

— არის!

— იმისგან?

— იმისგან!

კონვერტები გამომტაცა და თვითონ მოძებნა. მელნის ფერი არც მას მოეწონა. წერილის კითხვისას ოლეგსაც შეეცვალა ფერი. ვიჯავრე, ნეტა მარილი არ დამეყარა-მეთქი კოვზზე, გვიანდა იყო. მოხდა სასწაული, პირველად ემწუთბა წვნიანი. ისეთი თვალეზით მომაშტერდა, გამათავა კაცი, სამი ფუთი მარილი გვექონდა ნაჭამი, მაგრამ ამ თვალეზის პატრონს ახლა შეეძლო მთელი მათლაფა ცხელი ბორში შემოეხსხა სახეში და სანამ ამას მართლა მოისახრებდა, სასადილოდან გავიქეცი. მივრბივარ და მომდევს ოლეგი. ეზოში ორფრთიანი ძველი თვითმფრინავი ეგდო, იქით გავიქეცი. მივირბინე თვითმფრინავთან და გავჩერდი. „რაც არ უნდა მიქნას, ხელს არ გავანძრევ“, — ვფიქრობდი ჩემთვის. შემოვბრუნდი, ოლეგი აღარ მომსდევდა, ნელ-ნელა მოდიოდა ჩემკენ, თავჩაქინდრული, ასანთს აწვალეზდა ხელში.

— სიგარეტი!.. — მითხრა ხმადაბლა.

ვერაფრით ვერ მოუკიდა. ცეცხლიც მივაწოდე. ერთ ნაფაზზე გაანახევრა სიგარეტი, არც შემოუხედავს, ისე შებრუნდა. ნელ-ნელა გამცილდა. მეორე დღეს ერთად უნდა წავსულიყავით ქალაქში სასეირნოდ. დილით მითხრა, უჩემოდ წადიო. აღარც მე მივდიოდი, მაგრამ თვითონ დამაძალა.

ლუსიამ, თვის ბოლოს სასწაელებელს ვამთავრებო, თუ მოხერხდა, განაწილებით ლიდასთან ერთად მინდა მოვხვდეო.

გადაფრენის დრო მოახლოებულყო, სულ მალე ჩემი ჩიტიც გაფრინდებოდა, ჩიტები დიდხანს ვერ ძლებენ კენტად.

ნაწილში დაებრუნდი. ოლეგი არ დამხვედრია. ქალაქში წავიდაო, მითხრეს. ოცდაორ სათამდე ჰქონდა თავისუფლება. ჭიშკართან ვუცადე. დაიგვიანა. ერთი საათი რომ გადააცილა, ნაწილის მორიგეც შეშფოთდა. პოლკოვნიკ ლაზარევს დაურეკა და მოახსენა. ცოტა ხნის მერე კომენდატურიდანაც დარეკეს: ეფრეიტორი მალახოვი ჩვენთანაა და წაიყვანეთო. ოლეგი მთვრალი იყო. ნაწილის მორიგემ მეორედ დაურეკა ლაზარევს.

— ამხანაგო პოლკოვნიკო, ეფრეიტორი მალახოვი ქალაქის კომენდატურიდან მოვიყვანეთ!

— ?!

— კომენდატურიდან, ამხანაგო პოლკოვნიკო!

— ?!

— არაფხიზელ მდგომარეობაში, ამხანაგო პოლკოვნიკო

— !!!

— არის, ამხანაგო პოლკოვნიკო!

მეორე დღით მალახოვი ჰაუპტვასტში ჩასვეს. ათი დღის შემდეგ გახარებული დაბრუნდა ნაწილში.

— თავს როგორ გრძნობ პატიმრობის შემდეგ? — ეკითხე ოლეგს.

— რა ვიცი, ეს ათი დღე ძალზე საჭირო იყო ჩემთვის. ათი დღე სახეებით საკმარისია სალად ასწონ-დასწონო ყველაფერი.

— რას ამბობ, გამაგებინე, თუ ძმა ხარ!

— სულ მალე ყველაფერს გაიგებ.

იმ დამით მალახოვი სადღაც გაიპარა, გამთენიისას დაბრუნდა.

— გადაწყდა, ლევან, გადაწყდა! — მომახარა და მომიყვა მთელი დამის ოდისეა...

ერთი თვის მერე დემობილიზებული ოლეგ მალახოვი თავისი მეუღლით მოსკოვს გაემგზავრა. ქორწინების მოწმობაში ოლეგ მალახოვის გვერდით ღიდა გავერილოვა ეწერა.

ლუსია განაწილებით ყაზახეთში მოხვდა, ქალაქ პავლოდარში.

ოლეგისა და ლიდას ქორწინების მეორე დღეს გავაცილე მატარებელზე, დამთავრდა ყველაფერიო, მითხრა თვალცრემლიანმა. იქნებ ახლა იწყება, — გავიფიქრე ჩემთვის. ჯიბიდან კინჭები ამოვიღე და ნახევარი ლუსიას ჩაუყარე ხელებში. მისი აცრემლებული თვალებიდან ღიმილმა გამოიანათა. ასეთ ღიმილს არაფერში არ გაცვლის კაცი.

41

ერთ საღამოს მეორე დივიზიონის ავტობუსს ბერაია ჩამოჰყვა. საპარადო მუნდირში იყო გამოწყობილი. ხელში ჩემოდანი ეჭირა.

— საით გაგიწევია?

— არ ვიცი, ლევან, ზემდეგმა მითხრა, შტაბიდან დარეკეს, მთელი ჩემი ავლა-დიდებით აქეთ წამოესულიყავი. სადმე ხომ არ მგზავნიან, ნეტავ.

— სოფლიდან რას გწერენ?

— აუშენებია წისქვილი ვალიკოს, სახლი ვეღარ გადაუდგამს წელს. ბარემ ჩამოხვალ და მომეხმარებიო, თუ არა, დავძაბუნდი, აღარც თავი მუშაობს ძველებურად და აღარც ხელიო. ის ვიკლუჩატელი მაშინ დაჰკარგვია, წყალდიდობის დროს, მეორე ვერაფრით ვერ გადააკეთა თურმე, სინათლეს აღარ ანთებს და რად მინდა ასეთი ვიკლუჩატელიო. მასეთი ცოლიც არ მინდა, სანთელს თუ ვერ დაანთებს და ცეცხლსო. გენიოსია ვალიკო, არაფერი არ ეშლება, ხუთი თითივით იცის ცხოვრება.

— თუ არაფერი ეშლება, დადგას ის გამომრთველი გადაუკეთებლად და გაანათებს.

— რავა გეკადრება, ლევან, ხომ გითხარი, მამაჩემი უბრალო კაცია და ვერაფერს იტანს ზედმეტს. მე და შენ რას ვასწავლით იმას, რომელი უკეთესია. მაგი ახარებს, ვიკლუჩატელი რომ ჰქვია და სულ განათებული აქვს.

— ძუკუს გოგო რას იწერება?

— მაგაში კი გამიძარტლა. გამოცდები ჩაუბარებია, მაგრამ კონკურსში ვერ მოვხვდი, სტაჟიანებმა გადამისწრესო

და მობრუნებული სოფელში სტაჟის მისამატებლად. ორ წელს ერთი წუთი არ უნდა დააკლდეს თურმე. არის ახლა ფერმაში და წველის ძროხებს, ძუკუს მაგის სამსახურის შონა გაუჭირდებოდა? ქვეყანა იცნობს რაიონში!..

ბოლო წერილში რას მწერს, არ ვიცი, იქით კვირას მივიღე და აგერ მაქვს, ხელი გულზე დაიღო ბერაიამ.

— ჯერ არ წაიკითხო, რა გეჩქარება.

— ძუკუს გოგოს წერილს ოთხ ვარიანტად ვაღვენ გუნებაში, მაინტერესებს, რომელს დაემთხვევა, — ღიმილით მეუბნება ომარი.

მეორე დღით ბერაია შტაბის უფროსთან გამოიძახეს. ძე გარეთ ვუცდიდი, მალე გამოვიდა. დაბნეული მომჩერდა.

— რა მოგივიდა, ამოიღე ხმა! — შეევანჯღრე.

— რა ვიცი, ბიჭო, ასე მითხრა, შუადღემდე საბუთებს და ბილეთს მოგცემენ და თავისუფალი ხარო. მერე რაღაცეები მითხრა კიდევ, მაგრამ აღარაფერი მახსოვს. ერთი წელი მიკლია და თავისუფალი როგორ ვიქნები, შვებულებაა იქნებ.

კანცელარიაში შევედი.

— ტოლია, ბერაიასთვის რა საბუთებს ამზადებთ? — ვკითხე მალენკინს.

— დემობილიზაცია!

— როგორ?!

— როგორ და კომისარიატიდან მოსული ცნობების საფუძველზე.

გამოვედი გარეთ და ვეუბნები:

— წაიღე ეგ წერილი, წაუკითხავი რომ გიღვეს ჯიბეში და ძუკუს გოგოს წაუკითხე ფერმაში.

— რა გაიგე, მითხარი, თუ ძმა ხარ?!

— განთავისუფლებული ხარ, საბუთები გამოუგზავნია კომისარიატს.

— ესე იგი დამთავრდა ჩემი ჯარისკაცობა?

— ასე გამოდის, რას გაიხარებს, ბიჭო, მამაშენი?!

ბერაიამ თავი დახარა, ფეხით გზაკვალას კიდე დაუწყო წვალება.

— სად მყავს, ბიჭო, მამა, თვალით არ მინახავს ვალიკო,

განთიადში დედა მელოდება მარტო, — ორი მუგუზალი გად-
მოქარა თვალთაგან, — ორმოცდასამში დაბრუნებულა ვალ-
კო ცალი ფეხით. ერთი წელი უცოცხლია. მოჭრილი ფეხი
გამიზეზებია, განგრენა დართნია და ჩემს გაჩენამდე... პერ-
ტენავა მეუბნებოდა — გეოგრაფიის მასწავლებელი, მოქმედი
კანონმდებლობით ჯარში სამსახური შენ არ გეკუთვნისო.
მარტოხელა დედა გყავს და შენისთანები არ გაპყავთო, მაგ-
რამ მაინც...

გულში რაღაც ჩამწყდა.

იმ საღამოს გავაცილე ბერაია. წერილები მომწერე-მეთ-
ქი, ვუთხარი.

— შეიდას ორმოცდასამეჯერ უნდა ვაკოცო დედაჩემს,
ზუსტად ამდენი დღე ვიმსახურე აქ, მაპატიე, შენზე აღრე
რომ მივდივარ! — მითხრა დამნაშავესავით თავდახრილმა და
გაგონში ავიდა.

42

პირველი წელი საუკუნედ მომეჩვენა. მეორე თვალსა და
ხელშუა გაიპარა, მესამე წლის უკანასკნელი სამი თვე ისე
გაჭიანურდა, მეგონა, დრო გაჩერდა. ბოლოს, როგორც იქნა,
„გამოჩნდა“ ჩემი დემობილიზაციაც.

...ხელში კუროჩკას ნაჩუქარი ჩაქური მიჭირავს და ეშმაკ-
მა იცის, მერამდენედ მივდივარ ღობის შესაკეთებლად, მივ-
დივარ და ვფიქრობ: რამდენიმე დღეც და სამშობლოს წინა-
შე ვალმოხდილი მოქალაქე გავხდები. გავაგრძელებ სწავლას,
დაერგე ხეს, გავახარებ კაცს...

ღობეს ორი ფიცარი რომ ავაძვრე და გვერდზე გადაეწიე,
იქიდან მაღალ-მაღალი კაცის ჩრდილი გამოძვრა. თავის აუ-
წველად ვიცანი, ჟივოგლიადის ჩრდილი იყო, კარგა ხანს ვუ-
ყურეთ ერთმანეთს. ზემდეგს ღიმილი შეეპარა უღვაშებში,
მოსათიბად გამზადებულ ბალახში ჩაჯდა. დაჯექიო, მანიშნა,
მეც ჩავიმუხლე.

— სხვა დროსაც ასე აკეთებდი?

— სხვა დროსაც.

— პირველივე შემთხვევიდან?

— პირველივედან, ძნელად მოიძებნება ფიცარი, არ გადა-
მეადგილებინოს, ამხანაგო ზემდეგო. ჯარისკაცს პატარა გა-
სახელი ყოველთვის უნდა, საიდანაც სხვანაირი ცხოვრება
ჩანს, იქით უწევს გული, იქიდან მოვედით და იქით უნდა
წავიდეთ. თვალი მაინც იქით გვრჩება. ჯარისკაცისთვის პა-
ტარა გასახელი აუცილებელია, ამხანაგო ზემდეგო.

— სამი წლის მანძილზე საბრძოლო და პოლიტიკური მომ-
ზადების წარჩინებული იყავი, კედლის გაზეთს რედაქცი-
რობდი, სპორტშიც წარმატებები გქონდა და ამასთანავე ყალ-
თაბანდიც ყოფილხარ თურმე. არა! ბიჭები ისინი იყვნენ:
დარსაძე, გურული, მურმან გეწაძე... შენ კი არ გგავდნენ... არა-
ვითარი სუბორდინაცია... — წამოდგა, გიმნასტურაზე შეხსნილი
ღილი შემიბნია და წავიდა.

ვაგონის ფანჯრიდან ვიყურები. არყის ზეები თავპირის-
მტვრევით გარბიან. ჩრდილოეთისკენ. მატარებლის ბორბლე-
ბი ხმამაღლა ეტრაბახებიან ერთმანეთს. პორიზონტის რკალ-
თან ცა მიწას შერევია. მინდა, იქ ვიყო, მიწაზე, თან ცას
მივაწვდინო ხელი, ყველამ დამინახოს, სახლში ვბრუნდები
ნასალდათარი ბიჭი. ჯიბეში მისამართებით სავსე უბის წიგ-
ნაკი მიღევს; კუროჩკას მისამართია პირველი, — სამი წლის
წინათ თავისი ხელით ჩამიწერა. ბოლო მისამართი ჟივოგ-
ლიადს გავუცვალე გუშინ. სადგურზე გამოგვაცილა ბიჭები,
გზა დაგვილოცა. გაგვიჭირდა ერთმანეთთან განშორება. სიყ-
ვარული და მზრუნველობა, აქამდე თავდაჭერილად რომ
გვიზოგავდა, ერთად გვისაგზლა გამომშვიდობებისას.

ორი თვის ჩამოსული ვიყავი, ნაწილიდან წერილი რომ მივიღე. ყაზანელი კუზმინი მწერდა:

„ლევან, ძვირფასო, გამარჯობა!

ძალიან მოგვენატრე, შენი წასვლის დღიდანვე ვიგრძენით, თითქოს დაცარიელდა აქაურობა, თითქოს ყველაფერს: საქმეს, სიმღერას, ხუმრობას ძველებური გერგილი დააკლდა. შენს მერე ორი ქართველი მოვიდა ჩვენთან, სიჩინავა და აპულავა. უმაღლესი ხარისხის ქართველები ვართო. ჟივოგლიადმა დაუცაცხანა: თქვენი დახარისხება არ მეშლება მეო. უმაღლესი ხარისხის გოგიაშვილი მყავდა თქენამდე, ხარისხიც ის იყო და ეტალონიცო.

ლეიტენანტ პოპოვს სამხედრო წოდება მოუმატეს. შტაბის უფროსი პენსიაზე გავიდა, ნინკა — ჩვენი მეკაეშირე, ლეიტენანტ კრილოვს გაჰყვა ცოლად. კრილოვმა თავი დაანება სიდელრზე ანეკდოტების მოყოლას და ბაზარში ყვავილების მაგიერ ბოსტნეულზე დადის. ჟივოგლიადს შერჩა შენი შერქმეული სახელი, ახლა ყველა „სუბორდინაციას“ ეძახის. სიახლე მეტი არაფერია. მომწერე შენს შესახებ. მოგიკითხა ყველამ. პო, მართლა, კინალამ დამავიწყდა, ძალიან გთხოვ: გამომიგზავნო „ჩემო ციკინათელას“ ქართული ტექსტი. რა თქმა უნდა, რუსული ასოებით დაწერ. მელოდია მახსოვს, ერთად არ ვმღეროდით? ნახვამდის! ველი პასუხს“.

გიტალი · კუზმინი

24. 07. 66 წ.

ავვისტოა. ნახევრად შიშველი დააბოტებს სიცხით გათანგული ხალხი. ახლაც მისაღებ გამოცდებს ვაბარებთ მე და რეზო. ჯარიდან თითქმის ერთდროულად დავბრუნდით. ვერ შეეუსრულეთ მშობლებს სურვილი, ინჟინრები არ გამოვიდა ჩვენგან. ისტორიულზე შევიტანეთ საბუთები. პირ-

კული გამოცდა ქართულ წერაში გვაქვს. ადრიანად გავემართეთ ინსტიტუტისაკენ, ნოე ხაჭაპურიძის ფურნესთან კატამ გადაგვიჭრა გზა. რეზომ ქვას სტაცა ხელი და მეორე მხარეზე გადასწრებულ კატას, ტროტუარზე რომ ჩამომჯდარიყო და ისე მოგვჩერებოდა, თითქოს ჯავრობდა თავის საქციელს, მოუღირა. არ ესროლო-მეთქი, შევაჩერე. ამ გზაზე ტროლეიბუსის ახალი მარშრუტის გაყვანას აპირებდნენ. მახსოვს, ჯარში წასვლამდე, რკინის ბოძები ჩააბეტონეს, ის ბოძები სამი წლის მერეც ისე დაგვხვდა, სადენებგაუბმელი. ნაცრისფრად შეეღებათ კაცის სიმალლეზე, ბოძები თითქოს სულდგმულივით უცდიდნენ, როდის შეღებავდნენ ბოლომდე, როდის შეასრულებინებდნენ იმ საქმეს, რისთვისაც დააყენეს ფეხზე.

— კატას თავი დაანებე და მაგ ქვას თუ იქ მოახვედრე, ინსტიტუტში მოეწყობი, — ვუთხარი რეზოს და გზის მოპირდაპირე მხარეს ნახევრად შეღებილი რკინის ბოძი დავანახე.

გაეცინა, მაგრამ ქვა მაინც ესროლა სიმიზნეს. ისეთი ხმა გაისმა, თითქოს დედო ზარს შემოჰკრესო.

— ჩათვალე, მოწყობილი ხარ, მე რა მეშველება?

— შენ? ახლავე, — მეორე ქვას დასწვდა რეზო.

ქვამახარობელმა ახლაც ათქმევინა ლითონს დედოზარისებური იმედი.

ხანშიშესული ქალი მოდიოდა გზაზე, გვიყურა და გვიყურა, ჩქარი ნაბიჯით ჩაგვიარა, კაიხელაზე რომ ჩაგვეცილდა, ერთი კიდევ მოგვიხედა, მერე თავი გადააქნია და ნაბიჯი ააჩქარა. ვეცოდით, ქვის მოხვედრება არაფერს ნიშნავდა, მაგრამ გზა მაინც მხიარულად გავაგრძელეთ. აუდიტორიაში ადგილები დაეიკავეთ. რეზო ჩემს წინ დაჯდა. — ცხრა საათზე გაიხსნა დალუქული კონვერტი. დაფაზე სამი სათაური გაჩნდა: „თემისა და პიროვნების საკითხი ვაჟას შემოქმედებაში“, „ნიკოლოზ ბარათაშვილის „ბედი ქართლისა“ და თავისუფალი თემა: „წერილი ჩემს მეგობარს“.

ცოტა ხანს ვეთათბირე საკუთარ თავს. ბოლოს თავისუფალი თემა ვარჩიე, მაგრამ ვის მივწერო, ვინ გავახარო წე-

რილით, რომელშიც საგამოცდო კომისიამ ნიშანი უნდა დამისვას? — ვფიქრობდი ჩემთვის. რეზო აქვეა, რად უნდა წერილი... მაღახოვს თუ კუროჩკას? იქნებ ჟიუგლიადს? ბოლოს გადავწყვიტე, წერილი ვიტალი კუზმინისთვის გამეგზავნა. ვიტალის გაეხარებოდა ყველაზე უფრო.

თავზე ერთ-ერთი გამომცდელი წამომადგა, ჩემს წინ ცარიელი ფურცელი რომ დაინახა, შევეცოდე. თანაგრძნობით ვადმომხედა, დაიხარა და ჩურჩულით მითხრა: „ბედი ქართლისა დაიწყე“.

ახალგაზრდა გამომცდელს ავხედე, იმაზე ჭკვიანური გამოხედვა ჰქონდა, ვიდრე შეეფერებოდა. როგორ არ უხდებოდა მის ფართო სახეს ვიწრო ქალსტუხი. არადა, ფართო ქალსტუხებია მოდაში, — რა უნდა, რას გადამეკიდა, — ვფიქრობ ჩემთვის.

— ქართულ სიტყვაკაზმულ მწერლობაში ნიკოლოზ ბარათაშვილს... ქართულ მწერლობაში... — გაიმეორა ისევ ქალსტუხიანმა, შევატყვე ნერვიულობდა.

საწერ-კალამი მოვიმარჯვე და ფურცლის ქუშაში სათაური დავწერე:

გამარჯობა, ვიტალი!

— მე ტარიელი მქვია, — წამჩურჩულა გამომცდელმა.

— გეტყობათ! — ვუთხარი შუბლშეკრულმა.

იმოდენა ნერწყვი გადაყლაპა, ტარიელს რომ შეეფერებოდა, ცივად გამცილდა. ჩემს რიგში აღარ გამოუვლია. წერა გავაგრძელე:

ამ წერილს ინსტიტუტში, მისაღებ გამოცდებზე ვწერ. ახლა გამორჩნდება, როგორი მეგობარი ხარ. უნდა გვერდით დამიდგე ახლაც. აღარ მახსოვს, შენთვის მითქვამს თუ არა, როგორ გავაწბილე ჩემი ბავშვობისდროინდელი ოცნებები. პატარაობისას ვფიქრობდი, მფრინავ-გამომცდელი ან ავიაკონსტრუქტორი გამოვსულიყავი. მინდოდა პატარა წვლილი შემეტანა ჰაერნაოსნობაში. წლებმა თანდათან დააცხრო ჩემი მისწრაფებები, ავიამოდელისტი გავხდი, ნაწილობრივ ამით დავიკმაყოფილე აკვიატებული სურვილები.

ხუთი-ექვსი წლის თუ ვიქნებოდი. ფეხის ცერებზე ვდგებოდი, აიენიდან რომ გადამეხედა. ერთი და იგივე, ლამაზი სურათი იშლებოდა. მიკვირდა, რამდენ რამეს იტევს-მეთქი თვალსაწიერი. იქიდან დანახული ქვეყანაც უსაშველოდ დიდი ჩანდა. იმის იქით თუ რამე არსებობდა, აღარ მეგონა. წლები თავისას შვება, რაღაც რაღაცები გავიგე. თითქოს ამოვედი ჭურიდან. ერთ მშვენიერ დღეს, ჩემი აზრით, უფრო კარგად დავინახე უცნაურობით სავსე ცისქვეშეთი. ახლაც ვიფიქრე: შეუცნობელი არაფერი დამრჩა-მეთქი... მაგრამ დრო, რომელიც არავის და არაფერს ყურს არ უგდებს და მიდის უკანმოუხედავად, მრავალ ჩემისთანა ახალგაზრდას სცემს პასუხს შეცდომით გაკეთებულ ნაადრევ დასკვნებზე, ჩააფიქრებს, დააჯერებს, რომ ცხოვრება ვეებერთელა წიგნია და ჯერ მისი შესავალი ნაწილიც არ დაგვიმთავრებია.

შინ დაბრუნებისთანავე მუშაობა დავიწყე პიონერთა და მოსწავლეთა სასახლეში. ვხელმძღვანელობ ავიასამოდელო წრეს. ჩემი მასწავლებელი სხვა სამუშაოზე გადაიყვანეს. მიხარია, რომ მის საქმეს ვაგრძელებ. ნელ-ნელა ვერვები პედაგოგობას, ბავშვებთან მუშაობა მაინტერესებს. პედაგოგიურ ინსტიტუტშიც ამიტომ გადავწყვიტე შესვლა.

რეზო ჯავახაძე ხომ გახსოვს, ჩემი მეგობარი, პოლკის მედროშეთა ათეულის უფროსი იყო ბოლო წელს, სანიტარული ნაწილის მედდას რომ დაჰყვებოდა, ნატამას, აგერ ზის, ისიც ჩემს დღეშია.

ერთი კვირის წინათ სასწაული მოხდა. ქალაქში ბალტიის-პირელ ბიჭებს შევხვდი, ავტოქარხნის მისამართი მკითხეს. დავუწყე ახსნა-განმარტება და ხელების შლა. ვინ მაცალა. წვერმოშვებული, ზორბა ბიჭი მომეარდა, გადამეხვია.

„აი, შეხვედრა... რას ვიფიქრებდი... ლევან... გენაცვალე... კაცო!..“ — ყვიროდა წვერგაბურძენული გოლიათი. მისი მარწუხებიდან ცოტა რომ შევთავისუფლდი, ძლივს ვიცანი ჩვენი ბონოპარტოვიჩი, ლაზარეც რომ ატარებდა. ვილნიუსში მუშაობს, თურმე, მძლოლად. კოლხიდების წასაყვანად გამოეგზავნათ დიდი ჯგუფი ლიტვიდან. ჩემთან ერთი დღის მეტი ვერ დარჩა, საერთო კოლინას უნდა გავყვეო. რა არ გავიხსე-

ნეთ, თურმე რამდენი რამ გუქონია მოსაგონარო. მეტი რა მოგ-
წერო, მომიკითხე ბიჭები, ჟივოვლიადი, ნინკას მიულოცე
ჩემს შაგივრად. გიგზაენი სიმღერის ტექსტს:

Чемо цицинатела,
Дапринав нела-нела,
Шенма шорис натебам,
Дамцва да даманела...

4. 08. 66 წ.

ს ა რ ა ნ ე ვ ი

მოდერნიზმი

ასირე დუსპრიალე	9
გზა	27
ქედია თუ ბოხობია	34
ხატვის მასწავლებელი	45
ბუკა, შე ძველო!	51
სოფლო, ჩემო სოფლო...	
ესტატე	63
მეველე	68
ოლინკა	74
ცისკენ გაკვალული ბილიკი	84
სოფლის ექიმი	93
დი შტრასე	102
პაროლი	109
გაუპარჯოს პავლესა	115
ბუზუნა	127
მეფთხე დილი	139
დაღუპული სასიძო	147
რომანი	
ცხოვრება მიდის ურეპეტიციოდ	159

მხატვრული რედაქტორი ბაილა შველიაშვილი
ტექნიკური რედაქტორი ლადო საღუნაშვილი
კორექტორები: გიორგი ჭეიშვილი
დავით ჭეიშვილი
კონტროლიორ კორექტორი ლიკა ბასოვა
ცინკოგრაფები: რომან პაიჭაძე
ლადო შეფარიშვილი
ლინოტიპისტები: მერი თევდორაძე
გულნარა თვალაძე
ციური დოგრაშვილი
ნანა გვანცელაძე
დამკაბადონებელი მანანა ბოჭორიშვილი
მბეჭდავეები: ჭემალ ხუხუნაშვილი
დავით მალაქელიძე
გამომშვები იამჭე ჭეიშვილი

გადაეცა წარმოებას 2.08.94.
ხელმოწერილია დასაბეჭდად 22.08.94.
ქალაქის ზომა 84×108^{1/32}.
პირობითი ნაბეჭდი თაბახი 23,5.
სააღრიცხვო-საგამომცემლო თაბახი 19.
ტირაჟი 2000 შკკვ. № 1341.
შპსი სანქლუშეკრულეგო

გამომცემლობა „მოწამეთა“
ქუთაისი, გრიშაშვილის 6.

სააქციო საზოგადოება
ქუთაისის გალაკტიონ ტაბიძის სახელობის № 5 სტამბა
ქუთაისი, ილია ჭავჭავაძის გამზირი, 33.